

Жаҳон АДАБИЕТИ

Адабий-бадиий, ижтимоий-публицистик журнал



Жамоатчилик кенгаши:

Абдулла ОРИПОВ
 Омонулла ЮНУСОВ
 Муҳаммад АЛИ
 Абдухалил МАВРУЛОВ
 Қаҳрамон ҚУРОНБОЕВ
 Иброҳим ФАФУРОВ
 Низом КОМИЛОВ
 Шуҳрат СИРОЖИДДИНОВ
 Муҳаммаджон ҲОЛБЕКОВ
 Ҳуршид ДЎСТМУҲАММАД

МУАССИСЛАР:

РЕСПУБЛИКА МАҲНАВИЯТ
 ВА МАҶРИФАТ КЕНГАШИ
 ЎЗБЕКИСТОН МАТБУОТ
 ВА АХБОРОТ АГЕНТЛИГИ
 ЎЗБЕКИСТОН ЁЗУВЧИЛАР
 УЮШМАСИ

Бош мұхаррір:
Шуҳрат РИЗАЕВ

Тахрир ҳайъати:

Амир ФАЙЗУЛЛА
 Назира ЖҮРАЕВА
 Отабек САФАРОВ
 Дилядорхон АЛИЕВА
 Алимурод ТОЖИЕВ
 Алишер ОТАБОЕВ
 Даврон РАЖАБОВ
 Севара АЛИЖОНОВА
 Шаҳноза НАЗАРОВА

МУНДАРИЖА

НАВОЙИ САБОҚЛАРИ

Алишер НАВОЙЙ. Эй дўстлар. (*Рус ва инглиз тилларига А.Старостин, А.Обид тарж.*).3

НАСР

И.КАЛАШНИКОВ. Қаттол аср. Тарихий роман. (*Рус тилидан М.Йўлдошев тарж.*).7

ЭПОС – ТАФАККУР ДУРДОНАСИ

А.ПУМПУР. Лачплесис – латиш халқ қаҳрамони. Эпос. (*Рус тилидан М.Қўшимоқов, К.Жўраев тарж.*).38

НОБЕЛЬ СОВРИНДОРЛАРИ

Т.МОРРИСОН. Ўз уйим... Роман. (*Рус тилидан Д.Алиева тарж.*).50

ШЕЪРИЯТ МИНТАҚАЛАРИ

Ўрмонлар дуоси. Қозон татар шоирлари ижодидан. (*Татар тилидан Т.Қаҳҳор тарж.*).89

ГЛОБУС КОРЕЯ РЕСПУБЛИКАСИ

Корея Республикаси адабиёти ва санъати манзаралари.146
 Корейс шеърияти.163
 Корейс насли.172

УСТОЗ ТАРЖИМОНЛАР БИСОТИДАН

Ўткир ҲОШИМОВ.138

АДАБИЙ САЁХАТ

М.ОТЕРО СИЛЬВА. Йиғлагим келса ҳам йиғламайман. Роман. (*Рус тилидан О.Отахон тарж.*).103

Унуглилмас сиймолар199
 Муковамиизда201
 Тарихда бу кун202
 Тақвим204
 Журналнинг русча ва инглизча мухтасар мазмуни.206

Алишер НАВОИЙ

(1441–1501)



ЭЙ ДЎСТЛАР

*Ёрдин ҳижрон чекар ушишоқи зор, эй дўстлар,
Неча тортай ҳажр, чун йўқ менда ёр, эй дўстлар.*

*Ёр ишқин асрагил пинҳон, дебон саъӣ этмангиз,
Ваҳ, не навъ этгум йўқ ишини оишкор, эй дўстлар.*

*Ишқ бирла гар бирор лофи вафову аҳд урап,
Ишвагарлар аҳдига йўқ эътибор, эй дўстлар.*

*Айламанг бекаслигимни таън, бир кун бор эди
Менда ҳам бир нозанин чобуксувор, эй дўстлар.*

*Ёрсиз вайронда қон йиғлармен охир, сиз қилинг
Ёр бирла гашти боғу лолазор, эй дўстлар.*

*Ёрсиз ифромт ила гар йиғласам, айб этмангиз
Ким, эрур бу иш манга беихтиёр, эй дўстлар.*

*Дўстлуқ айлаб тутунг гаҳ-гаҳ лаболаб жомким,
Қасди жон қилмииш манга дарди хумор, эй дўстлар.*

*Май ичингким, даҳр эли ичра қўп истаб топмадуқ
Аҳду паймонида бўлғон устувор, эй дўстлар.*

*Ёрингиз васлин ганимат англабон шукр айлангиз
Ким, Навоий ўлди бекасликда зор, эй дўстлар.*

“Бадоеъ ул-васат”, 140-газал

ЛУГАТ:

Ушшоқ – ошиқлар
 Ҳажр – айрилик, фироқ
 Саъй этмоқ – ҳаракат қилмок, уринмоқ
 Не навъ – қандай қилиб
 Бекас – ёлғиз, кимсасиз
 Ишвагар – нозу карашма қилувчи
 Таън – таъна, маломат
 Чобуксувор – чавандоз; бу ўринда: ёр
 Ифрот – ҳаддан ошиш, кўпайиш, тўлиб-тошиш
 Лаболаб – тўла, лиммо-лим
 Даҳр эли – дунё ахли

Ғазалнинг насрий баёни

Дилнавоз ЮСУПОВА шарҳи

1. Эй дўстлар, ошиқ ахли ёрнинг фироқида изтироб чекади, менда эса бундай изтироб йўқ, чунки менинг ёrim йўқ.
2. Эй дўстлар, “ёр ишқини овоза қилма, сир сақлагин” деб панд-насиҳат қилишга уринманг, ахир, қандай қилиб йўқ нарсани ошкор қилишим мумкин?
3. Эй дўстлар, агар бирор кимса ишқ йўлида аҳду вафо ҳақида лоф урса, ётибор берманг, чунки ишвагарлар аҳду вафосига жиддий қараб бўлмайди.
4. Эй дўстлар, менинг ёлғиз эканлигимни таъна қилманг, менда ҳам бир вақтлар бир нозанин ёр бор эди.
5. Эй дўстлар, мен вайронада ёрсиз қон йиғлаб, изтироб чекаман, сиз эса ёрингиз билан боғу лолазорни сайр қилинг.
6. Эй дўстлар, ёрсизликда ҳаддан ортиқ кўп йиғласам, мени айб қилманг, чунки бу ҳол менинг ихтиёримдан ташқарида рўй беряпти.
7. Эй дўстлар, дўстлик кўрсатиб, менга ҳар дам май тўла жомдан беринг, чунки хумор дарди жонимга қасд қилипти.
8. Эй дўстлар, сиз ҳам май ичинг, чунки бу дунё кишилари орасида аҳду паймонида устувор бўлган кимсани учратмадик.
9. Эй дўстлар, ёрингиз висолидан баҳраманд эканлигингизни ғанимат билиб, шукур қилинг, чунки Навоий ёлғизу кимсасизликда (ёрга) зор бўлди.

Ғазалнинг умумий мазмун-маъноси

Мазкур ғазал лирик қаҳрамоннинг руҳий ҳолати ва изтироблари-ни ифодаловчи “шарҳи ҳол” йўсинида ёзилган бўлиб, шоирнинг ўрта ёш лирикасига мансубдир. Ғазалда “эй дўстлар” радифи орқали замон аҳлига мурожаат қилинади ва бу мурожаат шеърда бошдан-оёқ нидо санъатининг етакчилик қилишини таъминлайди. Шеърда шоир ўзининг бекас, кимсасизлиги ҳақида сўз юритар экан, ўтмишидаги яширин бир нуқтага ҳам ишора қилиб кетади, яъни “менинг ёлғиз эканлигимни таъна қилманг, менда ҳам бир вақтлар бир нозанин ёр бор эди”. Бу байт

навоийшуносликдаги “Алишер Навоий ёшлиқда бир гўзалга кўнгил қўйган” тарзидаги қарашларнинг асосли эканлигини кўрсатади. Шунингдек, шоир умрининг охирларида ёзилган “Лисон ут-тайр”даги

*Бир неча кун умрдин топсам амон,
Шарҳи ишиқим назм этай бир достон.*

*Анда билгай кимгаким инсофдор
Ким, сўзум чинмудурур ё лофдор, –*

каби мисралар ҳам юқоридаги фикрларни тасдиқлади.

Кўринганидек, ғазалнинг дастлабки тўрт байтида ёр тимсоли орқали гўзал маъшуқа тушунилса, бешинчи байтдан бошлаб ёр тимсолининг ифода қатлами кенгая боради, энди бу тимсол орқали дўст, пири комилни тушуниш мумкин бўлади ва унга муҳаббат орқали илоҳий қудрат кашф этилади.

Кейинги байтлар “навоиёна услугуб”нинг яна бир жилвасини ўзида на-моён қиласиди: шарҳи ҳол йўналишидаги ғазал таркибиға орифона маъною кланади:

*Ёрсиз вайронда қон йиглармен охир, сиз қилинг
Ёр бирла гашти боғу лолазор, эй дўстлар.*

Бир қарашда ушбу байтда ошиқнинг вайронада ёрсиз қолиб, кон йиглаётгани тасвири келтирилаётгандек. Аслида байтдаги “вайрон”дан мақсад бу дунё, “ёр бирла гашти боғу лолазор” қилиш эса пири комил васлидан баҳраманд бўлишдир. Кейинги байтларда Навоий “ёрсиз”лик азоби тасвирини кучайтирас экан, бу азобнинг чораси сифатида май ичмоқликни тараннум этади, зеро, май бу ўринда илоҳий файз рамзи. Шоирнинг фикрича, бу дунёга кўнгил қўйганлар орасида вафо ахлини топиш қийин, факат илоҳий файз туфайлигина абадий саодатга эришиш мумкин.

Умуман олганда, ҳазрат Навоийнинг ушбу ғазали орифона мазмунни мажозий тасвир ва нозик ишоралар орқали баён этиши билан мумтоз шеъриятимизнинг ноёб дурдоналари сирасига киради.

Ғазалнинг русча таржимаси

Таржимон – Анатолий СТАРОСТИН

*С любимой в разлуке, невольно рыдает влюбленный, друзья!
Ах, сколько страдать еще буду я с ней разлученный, друзья!*

*Зачем вы велите мне в тайне любовь к моей милой хранить?
Ужель может скрыть свою тайну любовью спаленный, друзья!*

*Когда заверенья и клятвы услышите в вечной любви –
Не верьте вы слову коварных, чья хитрость бездонна, друзья!*

*Меня упрекать не спешите за то, что я стал нелюдим –
Когда-то ко мне дорогая была благосклонна, друзья!*

*Без милой я плачу в руинах – спешите помочь мне, чтоб я,
С любимой вдыхал ароматы весны благовонной, друзья!*

*Коль плачу безмерно без милой, вы в том не вините меня;
Не в воле моей эти вздохи и горькие стоны, друзья!*

*Прошу вас, содвиньте фиалы с вином, пожалейте меня,
Я полон безмерною жаждой – и неутоленной – друзья!*

*Прильните к бокалам. Искал я средь мира, но нет, не нашел,
Таких, кто бы твердым был в клятвах, с душой непреклонной, друзья!*

*Любимых к груди прижимая, подумайте о Навои,
Что плачать сейчас одиноко, тоской удрученный, друзья!*

Ғазалнинг инглизча таржимаси

Таржимон – Аъзам ОБИД

Hey, Friends

*Distressed lovers suffer from the beloved's separation, hey friends,
I do not have my truelove, so I'm not in laceration, hey friends.*

*Would you advise that I need to keep the sweetheart's love a secret,
I'd nothing to do with it, can't make a revelation, hey friends.*

*If someone exaggerates with love about his dedication
To the promise of the finicky, do not pay attention, hey friends.*

*Do not always reprehend my choice saying that I'm forlorn,
Since in the past I too had a beautiful creation, hey friends.*

*You enjoy with your love-mate in the gardens and tulip fields,
Without love, I'll cry bitterly in site of devastation, hey friends.*

*Do not blame me if I shed too much of tears without sweetie,
Cause often it happens to me with no advance intention, hey friends.*

*Be my friend and from time to time put a glass into my mouth,
Craving tries to assassinate myself sans satisfaction, hey friends.*

*Drink wine, since many times seeking among people in the whole world,
We didn't find anyone steady in promise and devotion, hey friends.*

*Be grateful for having a tryst with your own dearest lover,
Since in loneliness, loveless Navoi's in needy situation, hey friends.*



NASR

Jahon
ADABIYOTI

Исай КАЛАШНИКОВ

(1931–1980)

ҚАТТОЛ АСР

Тарихий роман¹

*Рус тилидан
Муслімбек ЙҰЛДОШЕВ таржымасы*

Устахонага келгандарыда Жарчиўдай қанғанинг темир зулфинини күздан кечирди. Омбур билан зулфиннинг тилчасини суғуриб олди. Зулфин чийиллаб очилдию, қанға ерга тушди. Темучин бўйини ишқалаб бир зум турган бўлди, аммо елкасидаги оғир юкка ўрганиб қолганидан, посангисини йўқотиб, гандираклаб кетди. Юраги қаттиқ, бесаранжом гупилларди. Наҳотки озод бўлса?

Жарчиўдай энгашиб қанғани олди-да, Темучинга узатди.

– Ҳозир яна тақиб ол. Эрталаб байрамга борасан. Ҳамма навкарлар ғирт маст бўлади. Қочиш учун бундан қулай пайт топилмайди. Керак бўлганида тилчасини ўзинг суғуриб олиб ташлайсан. Сўргон-Шира йўлга от билан егулик тайёрлаб кўяди.

– Жарчиўдай, яхшилигингни ҳеч қачон унутмайман!

– Олдин қочиб олгин...

– Мен отимни учириб саҳрого чиқиб олсам бўлгани! – Темучин озодликка чиқиш ҳақидаги хаёлининг ўзидан маст бўлиб кетди. Кўзларини юмиб, бошини бир силтаб олди.

У тун бўйи ухломади ҳисоб. Хаёллари худди тошдан-тошга урилиб оқаётган жилға сингари бекарорлигидан фикрини бир жойга тўплай олмасди. Гоҳ ўзини бу ерлардан олисда, онаси ва укалари бағрида ҳис қилиб кўрар, гоҳида эса, қочишни удда қилолмасаю, тутиб олишса-чи, дея ваҳима босарди. Калтаклашар? Ёки умуман ўлдириб юборишса-чи? Мўридан ғира-шира ёруғлик кириши билан у ўрнидан турди, қанғасини кўздан кечириб чиқди. Тилча суғуриб олинган жойда кўчган изни сезиб қолишмасин учун уни кул ва лой аралаштириб суркаб ташлади. Жалма хам уйқудан турди. Ўтовдан чиқиб олиб, у имо-ишора билан Темучинни чақириб олди.

– Сен бугун қочиб кетасан. Мен биламан.

– Яна гап пойладингми?

¹ Давоми. Бошланиши ўтган сонларда.

– Ҳм... – Жалма унга тифи кенг кичкинагина пичноқ узатди. – Ма, ол, керак бўлиб қолади.

Темучинни олиб кетгани Тойчи-Қури келди ва улар байрам ўтказилиши керак бўлган жойга қараб кетдилар. Ялтироқ тасмадай бўлиб оқаётган Ўнон узра қуёш балқиди. Турли кушларнинг сайроқлари эшитилаётган қирғоқ бўйидаги бутазорлардан енгилгина буғ кўтарила бошлади. Байрам ўтказиладиган жойда кўчма ўтовлар тикилган аравалар зич турар, сафар чодирлари тортилган, қозонлар тагига қаланган ўтдан тутун кўтарилмокдайди. Хизматкорлар овқат тайёрлаш билан овора. Нўёнлар бўлса, наматлар устида хотин, бола-чақалари қуршовида, офтобдан кўзларини қисиб олганча эринчоқлик билан эснаб, керишиб ўтиришарди.

Овчи-баҳодир келиб, Торғутой-Қирилдуқнинг ўтови қуриладиган ерни кўрсатди. Темучин ҳам бошқа хизматкорлар қаторида ишга уннаб кетди. Кейин нўённинг баковули у билан Тойчи-Қурига ўтин тайёрлаш, қозонларни ювиш, дарёдан сув келтиришни буюрди. У асло тинчлик бермасди. Мусобақалар бошланганида улар на курашчиларни, на камондан ўқ узиш биринчилигини ва на пойгани томоша қилолдилар. Довулларнинг тинимсиз гумбурлаши, оломоннинг бақир-чақирларидан Темучиннинг қулоғи қоматга келди. Қуёш тиккага келиб, борган сари қиздирап, тердан хўл бўлиб кетган бўйиндаги қанғаси сирпанавериб жонига текканди. Истаган пайтда қанғасини улоқтириб ташлаши мумкинлигини билиб тургани учун ҳам, Темучинга бу қанға баттар ёмон қўриниб кетди. Шунинг учун ҳам байрамнинг шодон ола-ғовури унинг жаҳлинин чикаради.

Мусобақалар тугагач, Торғутой-Қирилдуқнинг ўтовига номдор меҳмонлар тўпланишиб, зиёфат бошлашди. Улар орасида Темучиннинг қариндошлари: Дўритой-ўтчигин, Хучар, Сача-беки, Ўлтон, Бўри-Бухалар ҳам бўлиб, уларнинг ҳаммаси Темучиннинг катта бобоси, мўғулларнинг биринчи хони, шавкатли Хабул-баҳодирнинг зурриётлари эди. Қариндошларнинг олдиларида шароб қуйилган косалар ва гўшт тўла ёғоч товоқлар турар, Темучин эса, исқирт ва йиртиқ-ямоқ кийимда, терчиган, бўйнида шармандали ва оғир қанғаси билан, худди ўзга юртлардан тутиб келинган қора кул каби, Торғутой-Қирилдуқнинг судралган баковулига хизмат қилиб юрарди. Унга ҳам, қариндошлари ва бошқа ҳамма меҳмонларга ҳам бу қўринишнинг маъноси аён эди. Хучар кўзларини олиб қочар, Дўритой-ўтчигин бўлса, худди юмшоққина намат эмас, наъматакнинг тиканли шохлари устида ўтиргандай безовталанар эди. Елкадор ва бақувват Сача-бекининг қовоғи солиқ, кўркамгина Ўлтон лабларини тишлаган, уришқоқ ва полвон келбатли Бўри-Буха эса норозилигидан пишиллаб ўтиради. Фақатгина ҳар доим тунд юрадиган Торғутой-Қирилдуқ бугун жуда ҳам очиқ ва меҳмоннавоз эди. Темучин унинг учун ракибларига отилган бир ўқ эди. Кўриниб турибди, ўқ нишонга тегди.

Майли, хурсанд бўлиб тур-чи, Торғутой-Қирилдуқ! Сизлар ҳам, хурматли қариндошларим, кўриб қўйинглар, сизлардан биттангизни қандай хўрлашаётганини. Кўриб қўйинглар ва ёдингизда тутинг.

Баковул уни яна ўтинга юборди. У чизимчани олиб, атрофга қараб кўйди. Зиёфатдагилар анча ширақайф бўлиб қолишган, у билан энди бирорвнинг иши йўқ эди. У энди бу ерга қайтмасликка қарор қилди. Бўлди. Нима бўлса бўлар.

Тойчи-Қури ҳам у билан бирга юрди.

– Сен борма, – деди Темучин унга.

– Овчи-баҳодир сендан бир қадам ҳам ортда қолмасликни буюрди.

Сенинг ҳар бир қадамингни унга етказишими айтди.

– Шундай бўлса ҳам сен қол.

Тойчи-Қури пешонасидағи терини артди, қуёшга қаради.

– Кун ботишига ҳали анча бор.

– Сен нима деяпсан? – хавотирланди Темучин.

– Шунчаки, ўзим. – Тойчи-Қури очик чехра билан кулиб қўйди.

Аммо Темучин унга ишонмади. Қайтанга, баттар қўркувга тушди.

Агар Тойчи-Қури унинг мақсадини англаб қолган бўлса, бошқалар ҳам билиши мумкин. Бир дақиқани ҳам бекор ўтказмай қочиш керак.

Буталар орасига кириб, у қанға зулфинининг тилчасини сугуриб олди-да, майса устига улоқтириди.

– Темучин, керакмас, ҳали эрта! – безовталанди Тойчи-Қури. – Ҳали эрта.

– Сенинг ишинг бўлмасин! Сенинг ишинг индамаслик.

– Бўпти, – дея кўнди Тойчи-Қури. – Фақат сен менинг қўл-оёғимни боғла, бошимга қанға билан яхшилаб тушир.

Темучин арқон билан Тойчи-Қурининг қўлларини орқасига қилиб чирмаб ташлади, оёқларини ҳам маҳкам боғлади. Тойчи-Қури тиззалаб олди-да, бошини эгди.

– Ур!

Темучин унинг дағал соchlарига, бошидаги иккита ўрамасига қараб туриб, юзини ўғирди. Уни уришга қўли бормади.

– Сол, Темучин! Яхшилаб сол. Бўлмаса мени ўлдиришади.

Темучин ўзидан нафратланиб, қанғани тепага кўтарди-да, зарб билан уни Тойчи-Қурининг бошига туширди. У бир ингради-да, майсага кулади. Яна бошини кўтарди. Юзига қон оқиб тушди, гезарип кетган пешонасида эса тер томчилари кўринди. У кулишга уринди.

– Яхшигина ғурра бўлади. Эсадалик учун. Қоч! Мададкор руҳлар сени асрасин.

Темучин дарё бўйлаб пастга, овлу томонга югуриб кетди. Ўнон дарёсида тиззасигача сувга ботган отлар бошларини эгиб, думларини айлантириб турарди. Буталар соясида икки навқар ўтиради. Темучин толлар орқасидан юриб, қоровулларни айланиб ўтмоқчи бўлди. Аммо улар Темучинни кўриб қолиб, ёнларига чакиришди. Темучин уларга чап бериб қочди. Аскарлар унинг кетидан қувламоқчи бўлдилар-у, тезда ниятларидан қайтдилар. Аммо Темучин бундан тинчланмади. Чунки улар Тойчи-Қурини кўриб қолишса, ким қочгани маълум бўлади. Унда ахволи оғирлашади.

Тахмини тўғрига ўхшайди. Тез орада орқадан от туёқлари дупури эшитилди. Туёқлар овозига қараганда қувлаётганлар кўпчилик эди. Ҳам унинг ортидан изма-из, ҳам чўл тарафдан айланиб ўтиш мақсадида қувлашмоқда эди. У тўхтаб ўтиради, қулоқ солмай чопаверди. Юзини шоҳ-шаббалар тилар, кийимлари шириллаб йиртиларди. Бирдан бутазор тугаб қолди. Олдинда офтобда сарғайган пастак ўтлар ва у ер-бу ердаги дерисунлардан иборат очик майдон турарди. На беркиниб бўлади, на қочиб кета олади. Чап тарафда дарё ўйноқлаб оқарди. Темучин нариги қирғоққа ўтиб олиш умидида ўзини сувга отди-ю, аммо нариги

қирғоққа чиқа олмаслигига күзи етди. Отлиқлар ҳозироқ етиб келишлари, уни ўқ-ёйлар билан тилкалаб ташлашлари ёки унинг ортидан сувга тушиб, худди лаққадек ушлаб олишлари аниқ эди. У қирғоққа қайтди. Сув остида түнкани сезиб қолган Темучин оёқларини унинг тагига тиқиб олди-да, ўтириди. Қирғоқдаги бутанинг шохини шошиб ушлаб юзини яшириди. Сув юзасида ҳеч ким кўринмаса, таъқибчилар нари ўтиб кетишлари мумкин эди.

Худди шамолдек отлиқлар тез етиб келишди. Қирғоқда тўхтаган отларнинг бетартиб туёқ дупури эшитилди.

— Шу орада бўлиши керак. Қидирларинг. Тополмасаларинг, ҳаммангни чавақлаб ташлайман!

Темучин Овчи-баҳодирнинг овозини таниди.

Навкарлар шошилганча буталар орасини титкилай бошлишди. Уларнинг бири худди Темучин яширинган бутанинг олдига келди. Унинг оёқлари остидан тупроқ шувиллаб сувга тўкилди, бир калтак учиб тушиб, сувда оқиб кетди.

— Нариги қирғоққа сузиб ўтган. Бу ердан қидириш бефойда, – деди навкар кимгадир.

— Овчи-баҳодир нариги қирғоққа ҳам одам жўнатди. Ҳеч қаерга кетолмайди. Байрамни дабдала қилди,mallla бўривачча.

— Қўлга тушсами, тўкиб ташлаймиз!..

Овозлар борган сари узоқлашди. Сукунат чўқди. Сал нарироқдаги ўрамадан балиқча сакраб қолди. У шўнгиган жойдан айланалар ҳосил бўлиб, атрофга тарқади. Дарё ўртасидаги тўлқинларда қуёш жилвалинар, уларнинг ярқироқ нури кўзни қамаштиради. Нариги тарафда, пастак қўмлоқ қирғоқда отлиқлар кўринди. Улар тўхтаб, қумга синчковлик билан тикилиб Темучиннинг изларини қидиришарди. Ўзи турган қирғоқда навкарлар овози эшитилмай қолган бўлса ҳам, у сувдан чиқишига жазм қилмади. Кун ботиши билан у оқим бўйлаб қирғоқ ёқалаб сузиб кетди. Овул рўпарасига келганида сувдан чиқди-да, бир жойда эмаклаб, бир жойда қорни билан судралиб, Сўрғон-Ширанинг ўтовига етиб олди. Ўтовда ўчоқ липиллаб турар, унинг эгаси бўлса, тамом қўрқув ичиди эди.

— Отни олгин-да, тез жўна. Сени деб, бизни ўлдиришади. Тойчи-Кури ҳам тирик қолмаса керак. Уни шунақангни уришдики!

Сўрғон-Ширанинг ўғиллари Чимбой ва Чиловунлар ҳам шу ерда ўтиришар эди. Улар бир-бирларига қараб олишди.

— Бугун кетса бўлмайди, ота. Ҳаммаёқда навкарлар. Овул атрофига эса қоровуллар қўйилган, – деди катта ўғли Чимбой.

— Бу ерда тутиб олишса-чи, унда нима бўлади?

— Шундай қилиш керакки, тутиб олишмасин, – деди Чимбой.

Сўрғон-Шира ўғиллари билан баҳслашиб турганда, унинг қизи Хадан Темучинга қайнатилган гўшт бўлаги ва бир коса қатиқ келтириб берди. Аммо у овқатга қарамай, ота-болаларнинг гапига қулоқ солиб, қўллари билан эгнидаги кийимининг сувини сиқиб тушириш билан овора эди. У ҳозироқ бу ердан кетишга тайёр эди. Лекин у овулдан сездирмай чиқиб кетишнинг иложи ўйқлигини ҳам тушуниб турарди. Қирғоқдан Сўрғон-Шираникига етиб келгунича, у овул худди душман хужум қилган пайтлардагидек жунбишга келганини пайқаган эди.

Хадан акаларининг гапини маъқуллади:

– Биз уни жун ортилган арава ичига яшириб қўямиз. Ҳеч ким топа олмайди.

– Майли, – дея Сўрғон-Шира қўнишга мажбур бўлди.

Ота-болалар жун ортилган аравани ағдаришди. Темучин арава тагига ётиб олгач, унинг устидан яна жунни ортиб, арқон билан боғлаб қўйишиди.

Эртаси куни қуёш яна қиздирди. Темучин иссиқдан, жун сассифидан бўғилиб кетди. Оқибати нима билан тугаши номаълумлигидан кўркувга тушди. Пешин пайти кимдир арава тагини тақиллатди.

– Бу мен, Чимбойман. Улар сени ўтовма-ўтов қидириб чиқишаёт. Жим ёт.

Темучин қўйнидан Жалма ҳадя қилган пичоқни чиқарди. Топиб олишадиган бўлса ҳам қўлга тушмайди. Аммо бу фикри ўзини тинчлантирмади. У ўзини худди атрофида тулки исқаб юрган ожиз қушчадай хис қилди. Отилиб чиқиб, ортига қарамасдан, боши оққан томонга қочгиси келиб кетди, ишқилиб, кутиб ётмаса бўлди...

Ўтов олдида овозлар эшитилиб қолди. Кимдир шундоққина арава олдидан ўтиб кетди.

– Темучинни қидиряпсизларми? – Бу Сўрғон-Ширанинг овози эди. Унинг гапи итоаткорона ва мулоийм эшитилди. – У ярамасни яхшилаб қидиринглар. Мана бу ерни қаранглар. Ҳўй авави жойни ҳам. Ким билади, унинг миясига қаерга беркиниш келганийкин. Айтишларича, болакай жуда ҳам муғомбир экан.

Овозлар аравага яқин келди.

– Жун кимники?

– Меники. Ўзим бўлсан, мухтарам Торғутой-Кирилдуқнинг содик хизматкорлариданман. Демак, жун ҳам унга тегишли.

– Арқонни бўшат.

– Яхши. Мен ҳозир. Тугун тушиб қолибди... Ўҳ, иссиқни қаранглар-а! Шунақа жазирамада жуннинг ичидা одам турга оладими? Бу иссиқда салқингина ўтов ичидা қимиз ичиб ётиш керак.

– Қимизинг борми?

– Қимиз ҳам, архи ҳам топилади. Лаънати тугун. Кесиб ташлашга увол.

– Йиғиштир. Бунақа иссиқда ростдан ҳам жуннинг ичидা ўтириб бўлмайди. Юр, ўтовга бошла.

Темучин бу сафар ҳам мангу мовий осмон ўзига марҳамат кўрсатганини тушунди.

Тун чоғи у овулдан чиқиб олди. Тонг отганида овулдан анча узоклаб кетганди. Тагида яхши от, тўрваларида озуқа, саноч тўла қимиз ва қўлида таранг ёйи бор эди. Энди уни ҳеч ким тута олмайди. Йўлга учтўрт кун кетса, у уйида бўлади.

Майин шабада майсаларни сийпаларди. Шарқ тарафдан қип-қизил қондек бўлиб қуёш кўрина бошлади. Сахрого одатда момақалдироқ ва ёғингарчиликлар арафасида бўладигандай, сукунат чўккан эди.

УЧИНЧИ ҚИСМ

II

Бир камон ўқи учиб борарлик масофаларда Темучин, Хасар ва Билгутойлар дерисун буталари орасига яшириниб, ер бағирлаб ётиб олишганди. Уларнинг олдиларида чўл күёши куйдириб ташлаган сап-сариқ яланглик ястаниб ётар, у ер-бу ерда қуруқшаган буталарнинг чўп бўлиб қолган ўзаклари тарвақайлаб турарди. Узоқда икки чавандознинг қораси кўринди. Улар Темучиннинг кичик укалари Хачиун билан Тамуға-ўтчигин эди. Улар гоҳ бир тарафга, гоҳида бошқа тарафга кетиб қолишар ва шу кўйи аста-секин яқинлашиб келишарди. Темучин кўзи живирлаб кетгунича чўлга тикилар, аммо ердан кўтарилаётган ҳовур кўз олдидағи манзарани чалкаштириб, чавандозларнинг олдиларида бирон-бир нарсани пайқай олмасди. Лекин у қаердадир, яқингинада, ортларидан таъқиб қилаётган отлиқларга хавотирили қараб-қараб, тувалоқ кушлар юриб келаётганини аниқ биларди. Агар Хачиун билан Тамуға-ўтчигин уларни кўркитиб юбормасдан, ақл билан иш кўрсалар, кушлар уларнинг рўпарасига келиб қўнишади. Бу жой жуда қулай. Чапда ҳам, ўнгда ҳам тик қоялар. Эҳтиёткор тувалоқлар қоялардан нарироқда юришади.

Темучин тирсагига тирадибошини кўтариб қаради-да, яна дарҳол ерга ёпишиб олди: кушлар кўринди. Энди жудаям ҳушёр бўлмоқ лозим. Темучин камонига ўқ қадаб, укаларига маъноли қараб қўйди. Хасар қимир этмай ётар, чопони ҳам қуруқшоқ ўтлар рангига аралашиб кетганидан кўзга ташланмасди. Билгутой ҳам қушларни кўрганлигини билдириб, имо-ишоралар қилди. Темучин унга муштини ўқталиб қўйган эди, Билгутой тош қотди.

Овчиларга қараб олтита қуш келарди. Улар кўркув ичида бошларини сарак-сарак қилиб, орқаларидан келаётган отлиқларга қараб қўйишар, ўзлари эса секингина илгарилаб боришарди. Тўсатдан уларнинг бири таққа тўхтаб, Билгутой ётган тарафга тикилиб қолди-да, кўркувдан қийқириб юборди. Ҳамма кушлар Темучин томонга чопиб қолишли. Улар шовқин солиб учишар, қанотлари ҳаддан ташқари улкан ва оғирлигидан ҳеч қачон ердан кўтарила олмайдигандек кўринарди. Аммо улар Темучиндан икки ўқ масофасида оёқларини ичга тортиб олиб, секинлик билан кўтарила бошлашди. Темучин улар ўзига яқинроқ келишларини кутиб, сакраб ўрнидан турди. Тарапг тортилган камон бир жаранглаб кетди, қуёш тифида ўқнинг найзаси қисқа муддат яраклади-ю, тувалоқ тўп этиб ерга тушди. Ўқнинг қарсиллаб сингани, қуш қанотларининг қуриган ўтларга шитирлаб урилгани эшитилди. Қуш бир сакраб тушиб, оёғи осмондан бўлиб ётиб қолди. Тўшидаги оппоқ патлари орасида оч қизил қон кўринди.

Учиб кетаётган қушни биринчи бор уриб туширган Темучин шодлигидан чинкириб юборди.

Хасар билан Билгутойлар югуриб келишли. Билгутой синган ўқнинг қолганини намойишкорона суғуриб оларкан, қушнинг оғирлигини салмоқлаб кўриб:

- Семизгина! Хасар, қара! – деди.
- Мен сенга кўрсатиб қўяман! – деди Хасар унга мушт ўқталиб. – Кушларни чўчитиб юбординг-ку! Бир соламан!..

– Хасар, бас қил! – деди Темучин. У ака-укалар уришиб кетиб, ўзининг хурсандлигини чиппакка чиқаришларини хоҳламасди.

Хачиун билан Тамуға-ўтчигинлар отларни етаклаб келишди. Темучин ўлжасини эгарга осди-да, күёшга қаради. Кун тиккага келиб қолганди. Иссик чидаб бўлмас даражада қиздиради. Билгутойнинг тупроқдан кир бўлиб кетган дум-думалоқ юзидан тер оқиб тушарди. Пешонасидаги терни кафти билан артар экан, ҳалигача муштини туғиб турган қотма Хасарга хавотирда қараб турарди.

– Уйга кетдик, – деди Темучин.

– Йўқ! – жаҳл билан бошини чайқади Хасар. – Яна ов қиласиз.

Чамаси унинг қуруқ кўл билан қайтгиси йўқ эди. У акасига очик ҳасад қилиб турарди. Хасар ҳаммадан, ҳатто акаси Темучиндан ҳам мерганроқ эканини ҳамма биларди. Аммо ов пайтида ҳар доим Темучиннинг қўли баланд келаверарди. У овдан жуда кам ҳолларда қуруқ қайтарди.

Темучин укасига ҳеч нима демасдан отига минди-да, гўё саҳро устидаги ҳаволаб қолгандай жимиirlаб турган нурсиз тепаликларга қараб юрди. Ўша тарафда, кичкинагина бир ирмоқ ёнида уларнинг ўтовлари тикилган эди. Кўм-кўк майсалари жуда мўл бўлмаса-да, бу жой тинч, кимсасиз эди. Улар икки ойдан бери шу ерда, бегоналарга рўпара бўлмасдан яшашарди. Шунгача улар яшаш жойларини жуда кўп ма-ротаба ўзгартиришди. Ҳаттоки бир тасодифий йўловчи ўтиб қолса ҳам, Темучин хавотирда ўтовини кўтариб кўчиб кетарди. У Торғутой-Қирилдуқни асло унутмасди.

Хасар унга етиб олиб, қовоғини уйганча сўради:

– Темучин, Билгутой билан мени саҳрода қолдириб кетаверасанми? У қушларни чўчитиб юбордими, энди мен ҳам бир ўлжали бўлмагунимча ёнимда бўлади.

Укасининг ўжарлиги Темучинга ёқмади. Шунинг учун:

– Уйга кетамиз, – деб кўйди.

– Сен Билгутойнинг ёнини оляяпсан! Бу адолатдан эмас.

– Жим бўл! – Темучин ҳам қизишиб кетди. – Адолат эмиш... адолат нималигини биласанми, ўзи?

Хасар ўпкаланиб отини секинлатди, атай орқароқда қолди. Отлар аста йўргалаб борарди. Саҳрого сукунат тушган, бор тирик мавжудот иссиқдан ин-инига кириб кетган, ҳаттоки тинчимас чирилдоқларнинг ҳам чакаклари ўчган эди. Қуёш ҳарорати ва ачимсик шувоқ ҳидидан кишининг боши айланарди. Хасарнинг хархашасидан кўнглида пайдо бўлган ғашлик ҳамон Темучинни тарқ этмаган эди. Уни қаранглар, нима адолатдану нима адолатдан эмаслигини ўйлаб қолибди. Ожиз одамлар адолат ҳақидаги мулоҳазалари билан ўзларини паналайдилар. Худди қалқон каби. Аммо Торғутой-Қирилдуқ буни ўйлаб ўтирамайди, нима хоҳласа, ўшани қилаверади. Унинг ҳаётини сершовқин овуллардан олисларда дайдиб юрган саҳро бўрисининг ҳаётига айлантириб ташлаган Торғутой-Қирилдуқ бунинг адолатдан эмаслигини бирон марта ҳам ўйлаб кўргани йўқ-ку. Лекин нўёнлару оддий одамларнинг қилмишларини ўлчайдиган мезон адолат бўлиши керак. Падарингга минг лаънат, Торғутой-Қирилдуқ! У фақатгина оилани пароканда қилгани йўқ. У солган кўркув худди ярага сепилган туз янглиғ қалбини

ўртаб, ҳаловатидан ҳам маҳрум қилиб қўйди. Шунинг оқибатида у кизикқон ва бетгачопар бўлиб қолмадими? Онаси ҳатто бир неча марта уни койиганди: “Одамнинг жаҳли чиққанида тўғри ҳам қийшиқ, силлиқ ҳам ғадир-будур бўлиб кетади”. Онаси, албатта, ҳақ эди. Ўзини қўлга ола билиши керак, яқин кишиларни бехуда хафа қилмасликни ўрганиши керак. Ҳозир ҳам Хасарга бекор бақирди. У ҳам ножўя иш қилгани йўқ. Қадим тамойилларга амал қилинадиган бўлса, Билгутой, албатта, жазоланиши керак эди. Бунағангى ов пайтида йўл қўйилган хатолар учун калтакланар, атай қилган бўлса, киши ҳатто ўлдириларди. Ўзининг кайфиятини ўйлаб, ўзи ҳам адолатсизлик қилди.

Отини тўхтатиб, Темучин Хасарнинг яқин келишини кутиб турди. Кейин қамчисининг учи билан укасининг елкасига астагина уриб қўйди.

– Ҳафа бўлма, ука. Ҳали биз кўп ов қиласиз. Тувалоқларни ҳам, чопқир жайронларни ҳам, шохлари бурама тоғ эчкиларини ҳам ўлжа оламиз. Билгутой бўлса, ўзининг эҳтиётсизлиги учун эртага кун бўйи тезак теради. Билгутой, шундайми?

Соддадил Билгутой бўлса, ўзини оқлай кетди:

– Менда айб йўқ. Мен худди ўлиқдай ётган эдим. Ҳаттоки киприклиримни ҳам қоққаним йўқ. Ўзинг кўрдинг-ку, Хасар... Лекин тувалоқлар шундай яқин келишганида, иштонимнинг ичига кириб олган чумоли энг нозик жойимни тишлаб олса бўладими. Бошқа одам бўлганида ўрнидан туриб бақириб қоларди. Мен бор-йўғи ихрадиму, чумоли тишлаган жойни қашлаб қўйдим, холос.

Кичик укалари кулиб юборишиди.

– Билгутойда айб йўқ, чумоли айбдор, – деди Хачиун.

Ўтовга яқинлашишганида кун пешиндан оққан эди. Уларни онаси билан Хоахчин кутиб олишди. Ўғилларини кўрган онанинг юзига табасум югорди. У Темучиндан кўп хавотир бўлар, аммо бу хавотирини ҳеч қачон юзига чиқармас, ҳар сафар улар овга отланишганида унинг ортидан ҳадик аралаш тикилиб қолишини ўғли ҳам биларди. Қайтишганида она ўғиллари нима ўлжа олиб келишгани билан унча иши бўлмас, фақат аввал болаларини бошдан-оёқ кузатиб чиқар, соғ-омон кўрса, худди ҳозиргидай юзига табассум югуради. Шундан кейингина овқатга уннаш учун ўтовга кириб кетарди. Хоахчин бўлса бутунлай бошқача. Озгина ўлжа туфайли ҳам у овчилардан кўра кўпроқ хурсанд бўлиб кетарди. Тувалоқни эгардан ешиб олар экан, у кувончидан шодон кулар, мулойим кўзлари баҳтдан ёнарди.

– Во-ей, Темучин, азамат-эй! Ҳар куни гўшт еймиз-а! Семиз паррандаларни еявериб, ўзим ҳам семириб кетдим.

Ўтов ёпинчигининг таги бироз кўтариб қўйилгани сабабли шабада аста эсаётгани учун ташқарига қараганда бу ер салқинроқ эди. Онаси ўғилларининг олдига сузма қўйди, косаларга қимиз тўлдириди. Ҳаммалари эркакларга хос оғирлик билан ўрин тепасига илинган ўнгонларга¹ озгинадан қимиз томизишиди, олов рухи шарафи учун сузмадан ҳам қиттайгина қурбонлик қилишди. Укалари биринчи бўлиб Темучиннинг қимиз хўплашини кутиб туришди. У бир-икки қултум ичгандан кейингина чанқоғини зўрға босиб турган укалар ҳам косаларга ташланишиди.

¹ Ўнгон – чарм қўғирчоқ, маъжусийлар сифинган санамлардан бири.

– Болаларим катта бўлиб қолиши, – деди она хўрсиниб, – беш ўғлим кўлманинг беш бармоғи...

Темучин ўзининг кўлига қаради. Бармоқларини бир-бир қимирлатдида, ҳаммасини букиб, мушт қилди. Мушти ёмонмас, қаттиқина. Бироннинг чаккасига туширса, оёқда қолиши гумон.

– Темучин, сен Дой-Чечаннинг хузурига боришинг керак. Оила қуриш вақтинг келди. Дой-Чечанга куёв бўлсанг, балки, бизни ўз химоясига олишига қўнғиротларни кўндира оларсан.

– Аммо ўзинг айтардинг-ку, одамлар кучсизларга эмас, кучлиларга ёрдам беришади, деб. Нима, биз кучлимизми? Қўнғиротлар хузурига бориш учун ёнимга оладиган навкарим ҳам йўқ-ку. Дой-Чечан, балки, мен билан гаплашишни истамас?

– Темучин, нимадандир бошлаш керак-ку, ахир. Катта дарёлар ҳам ирмоқлардан бошланади. Бир умр Торғутой-Қирилдуқдан қочиб юравермасмиз.

– Торғутой-Қирилдуқнинг овулига бориб қўяқолсак-чи? – сўради Хасар. – Шартта сўйиб ташлаймиз-кўямиз, бирордан ёрдам сўраб ўтиришга ҳам ҳожат қолмайди.

Онаси кулимсиради.

– Шошқин дарёлар денгизгача етиб бормайди, Хасар. Қумга сингиб кетади. Биз шошмасдан, ўйлаб иш қилишимиз керак. Аввал қўнғиротларни ўзимизга яқинлаштириб оламиз, кейин отангизнинг андаси Тўфорилни. Вақт ўтиб, бирордан ёрдамига ҳам муҳтож бўлмай қоласизлар.

Темучин индамади. Унинг тушларига ой каби думалоқ юзли, қисиқ кўзли қайлиғи Бўрта бир неча бор кириб чиқкан эди. Лекин у Дой-Чечаннинг хузурига боришдан чўчирди. Мабодо Дой-Чечан аввалги унаштирувни менсимай, уни куёв қилишдан воз кечган бўлса, яна бир хўрланишни ҳазм қилиши ва яна бир умидидан маҳрум бўлиши тайин эди.

– Борамиз, Темучин! Биз, Билгутой иккимиз сенинг навкарларинг бўламиз. Агар Дой-Чечан биз билан гаплашишни истамаса, Бўртани индамай олиб кетаверамиз.

Онаси синик кулимсиради.

– Эҳ, Хасар, Хасар, жуда ботир йигитсан-да! Аммо ақл бўлмаса, ботирлик или тортилмаган ёйдай гап. Бемаъни маслаҳатлар билан Темучиннинг бошини қотирма. Кўй, унинг ўзи ҳал қилсин.

У күш патини юлишга қарашиб учун Хоахчиннинг ёнига кетди. Қизишиб кетган Хасар бўлса, асоссиз йўл-йўриқлари билан Темучиннинг жонига тега бошлади. Темучин индамай ўтовдан чиқди-да, соялаб ёнбошлади. Жазирама иссиқнинг ҳам тоби кета бошлади, ирмоқ атро-фидаги пода сахро томон кўзғалди. Унча кўп бўлмаса ҳам, подасига қараганда Темучиннинг кўзи қувнаб кетарди. Ўзиники! Ўзлари ёлғиз чўлда қолиб кетишган йилнинг совуқ қиши унинг ёдидан чиқмасди. Ўшанда ер юзида умуман одам қолмагандай – яхшиси ҳам, ёмони ҳам. Бу фикр унинг миясига шу қадар чукур ўрнашиб колган эдикি, ақлдан ҳам озадигандай эди. Энди Темучин бунақангич ўйларга бормас, унга қолса, уларнинг ўтовидан бир ойлик масофада инсон зоти қолмаса ҳам рози эди. Тинчроқ яшашармиди. Аммо отасининг дўстларидан ғамхўр Мунлик ва унинг катта ўғли шомон Теб-тангри, Тойчи-Қури

билан унинг онаси, темирчи Жарчиўдай, Торғутой-Қирилдуқка қимиз етказиб турувчи Сўрғон-Шираларнинг ўтовлари ёнма-ён турса, қандай яхши бўларди... Улар Темучинга ёрдам берганларида ҳеч қандай манфаатни кўзлашгани йўқ. Қизиги шундаки, уларнинг биронтаси ҳам қариндош эмас, ҳаммалари бегона уруғлардан. Буни қарангки, одамларни қариндошлиқдан ҳам кучлироқ ришталар боғлар экан. Бу нима экан-а?

Қачон у бир ўзи ёлғиз қолар экан, доимо мана шундай ўйлар миясини чулғаб оларди. Нимага? Балки бу хаёлларнинг асл сабаби унинг ички безовталигидан, ўз ҳаёти учун мудом қўрқиб яшаётганлигидандир? Дой-Чечан хузурига борса, Бўртага уйланиб, кўнғиротлар билан бирга яшаса, балки қалби ором топармиди? У подасини боқиб, ов овлаб, тинчгина кун кечирарди. Одамга кўп нарса керак эмас, тинчлик ва егулик бўлса, бас. Сахро кенг ва бепоён, одамлар бир-бирларига халал бермасдан яшай олишлари мумкин. Яшай оладилар. Лекин нима учун одамлар тинч, муроса қилиб яшамайди?

Қўёш уфққа томон яқинлашиб, сахро пешиндагидан бутунлай бошқача бўлиб қолди. Дўнгликларда узун соялар пайдо бўлиб, қумлар узра ястанди ва кундузи теп-текисдай кўринган сахро ғадир-будур дўнгликлардан иборатга ўхшаб қолди. Кучсизгина шабада майсаларни базўр тебратарди. Инларидан чиқиб олган юмонқозиқлар худди қуш сайроғи сингари овоз чиқара бошлади. Сичқонларнинг аста чи-йиллаши, қўлмақдаги бақаларнинг қуриллаши эшитилди. Тўқ кулранг сирчумчуқ ўтовдан сал нарирокқа келиб қўнди, кулгили ҳаракатлари билан бир-икки ўтириб турди-да, бир нимадан куруқ қолгандай ўзини буталар орасига урди. Темучин чўлга кўз югуртириб қарадио, ҳаприқиб кетди. Тепаликдан икки чавандоз шошилмай тушиб келишарди.

– Она!

Онаси атрофга қарадио, шаҳд ўрнидан туриб, ўтовга кириб кетди.

– Тез бу ёқقا келинг!

Ўтов ичиди ака-укалар ўринларни ёйиб ташлаган, кувнаб ўйнашарди. Билгутой қорни билан узала тушиб ётар, Хасар билан Хачиун уни қўл-оёқларидан ушлаб туришар, Ўтчигин бўлса унинг яланғоч елкаларига шапалоқлаб урарди.

– Одамлар келишяпти! – деди она пицирлаб.

Болалар тез ўринларидан туриб, ўтовдан югуриб чиқишиди. Ўйлун на-матни кўтариб, Темучинга унинг тагига ётишни буюрди. Кейин унинг устига кийимларни уйиб кўйди.

У ташқаридан майса устида енгил дупурлаган от түёқлари ва чавандозларнинг оҳиста салом-алигини эшитди. Онаси Хасар билан Билгутойга отларни эгардан бўшатишни буюрди.

– Отларингиз чарчагандир, узокдан келяпсиз, шекилли? – сўради Ўйлун. Унинг овозида қўркув ҳам, ҳадиксираш ҳам сезилмас, лекин бу, у асло қўрққани йўқ, дегани эмасди. Ўйлун ўзини тутишни яхши биларди.

Темучин меҳмонларнинг жавобларини кутди.

– Тўғри топдинг, узоклардан келаяпмиз. Қариндошлиқаримизни кида мөхмона борувдик. Қаерда тунасак экан, деб бошимиз қотиб келаётувдик, сизнинг ўтовингизга кўзимиз тушиб қолди.

– Бу ёққа ўтинглар.

– Биз шу ерда бироз дам олволамиз.

Нуқул меҳмонларнинг биттаси гапиради. Иккинчисининг овозига қараганда ёшроқ, шекилли, ёши каттарофининг гапини тасдиқлагандай “ха-ха”лаб қўшилишиб турарди:

– Ха, ха. Шу ерда.

– Мен ҳозир шолча тўшаб бераман.

Онаси ўтовга кириб, Темучин ётган жойга энгашди.

– Жим ёт, турма, – деб пичирлади.

Демак, онаси бир кўнгилсизликни сезган. Темучин устидаги кийимларни бироз суриб, сухбатни диққат билан эшлишига чоғланди.

– Э-э, мазали қайнатманинг ҳиди келаяпти-ку!

Хоахчиннинг хавотирли овози эшитилди:

– Бировларнинг қозонига кўз олайтириб нима қиласан? Меҳмон шунаقا киладими, а?

Хоахчин ҳақ эди. Яхши ниятли меҳмонлар сира бунаقا иш тутмайди.

– Жим, Хоахчин! – Онасининг овози ҳалиям хотиржам эди. – Булар йўлда чарчашган, очиқишган. Қозонга қарашгани билан овқат камайиб колгани йўқ.

– Тўғри айтдинг. Кун бўйи туз тотганимиз йўқ. Томоқларимиз қақраб кетди.

– Ха, ха. Чанқаб кетдик.

– Ўтовга киринглар. Қўлимиз калтароғ-у, аммо қимиз ва архи топилади. Қуролларингизни шу ерда қолдиринг. Тинч ўтовга ўқ-ёю қилич билан кирилмайди.

– Эр хотинини ёнидан қўймаганидек, жангчи ҳам қуролини қўлидан қўймайди. Бировлар қўлига тушиб қолиши мумкин, – дея меҳмон кулиб қўйди.

Қадамлар эшитилиши билан Темучин шошилинч бошини яшириб олди.

– Она, анави останани босди!¹ – Бу жаҳли чиқиб кетган Хасарнинг овози эди.

– Қичқирма, йигитча, қичқирма! Бехосдан босиб олдим, шунгаям шунчами?

– Йўқ, сен атайлаб босдинг! – қичқирди Хасар. – Мен кўрдим!

– Сени бақириб-чакириб қаршилаган ўтовда меҳмон бўлиш мумкинми? Кетдик.

Улар ташқарига чиқиб, гулхан олдига келишди. Ўйлун ўтовда қолиб, мешдан қимиз қуиди. Темучин яна бошини кўтарди. Онаси бўлса бармоғини лабига босиб, чиқиб кетди.

– Аввал ўзинг ичиб кўр. Биз бу ерда мангу уйқуга кетмоқчи эмасмиз.

– Нима учун мен ҳақимда бунақа ёмон ўйга борасиз?

– Чунки биз сени биламиз...

– Ха, ха, Ўйлун, биламиз, – дея шошинқиради иккинчиси.

– Катта ўғлинг қаерда, Ўйлун?

– У йўқ. Овга кетган.

– Биз уни кутамиз.

– Уни нима қиласизлар?

¹ Мўғул-туркийлар одатicha, останани босмай, ҳатлаб ўтиш зарур.

– Бизга унинг кераги йўқ. Торғутой-Қирилдуқ уни кўрмоқчи. Темучинни олиб борсак, мукофот оламиз. Бизнинг ишимиз юришиб қолди. Ростдан ҳам қариндошларницидан қайтаётган эдик. Карасак, ўтов турибди. Нимага у бир ўзи, овлулардан узокда турибди? Үфиллари билан Ўйлун эмасмикин бу ерда беркиниб яшаётган, дедим. Келсак, ростдан ҳам сен экансан.

– Темучин бу ерларга қайтмайди. Сизлар ҳам мукофотсиз қоладиган бўлдинглар!

– Оламиз. У келмаса, мана бу бақироқни олиб кетаверамиз. Бу ҳам бўлмаса, бошқасини. Нўён ҳам шундай деганди. Ҳаммаси қочиб кетса, ўзингни олиб кетамиз.

– Сизлар ҳам, нўёнларингиз ҳам ёввойи ҳайвонсизлар, ўзингизга ўхшаган одамларни ҳам еяверасизлар! Кўкрагингиздаги одам юраги эмас, илонники, заҳар томиб туради.

– Қара-я, у бизни уришяпти.

– Ҳа, ҳа, уришяпти.

– Ўпкалашга ўрин йўқ. Нўён сизларнинг биттангиз бўлса ҳам унинг ёнида, қўли етадиган жойда яшашингизни хоҳляяпти, холос. Шунда у тинчийди. Зотингиздан ёки қариндошларингиздан бирор чиқиб бир ёмонликни бошлаб қолса, гаровдаги одам бошини кўлтиғига олиб, боларни тарафга равона бўлиши учун. Бор гап шу!

Темучин лабини қонатгудай тишлади. У қаҳру ғазабдан бўғила бошлади. Наҳотки шу буюк сахрова бу қонхўр Торғутой-Қирилдуқдан яширинадиган бир бўлак жой бўлмаса? У ўзининг оёқ-қўлини боғлаб отга ўнгариб, қайнаган сахрова олиб кетишаётганини, Овчи-баҳодир билан Ўлдайлар масҳаралашаётганини кўз олдига келтиридию, баданида муздек сув югургандай бўлди. Наҳотки у ўзининг бўйнига яна қанға илишларига йўл қўйиб берса?

Онаси бу чақирилмаган меҳмонлардан:

– Ўрин тўшаб берайми? – деб сўради.

– Ў, сен яхши хотин экансан-у. Аммо биз сахрова ухлаймиз. Сизлар қочиб қолмасликларинг учун эса ҳамма отларни ўзимиз билан олиб кетамиз. Шунаقا, қани, бека, қимиздан яна қўй-чи.

Онаси ўтовга кирди. Мешга шундай эгилдики, эшикни орқаси билан тўсиб қўйди. Темучин ўтириб олиб, имо-ишора билан пичоқ беришини сўради. Она бошини кескин силтаб, эшитилар-эшитилмас қилиб гапирди:

– Мумкин эмас. Ўз уйи остонасида қон тўккан одамдан осмонлар ҳам юз ўгиради.

– Агар бу одамлар...

– Жим! – Кейин овозини баландлатиб: – Хасар, кел, менга қарashiб юбор! – деди.

– Нима дейсиз? – Лабларини қимтиб олганича жаҳли чиққан Хасар кирди.

– Уларни боғлаб ташланглар! – қаттиқ оҳангда гапирди она. – Мен ҳозир косани тушириб юборишим билан ташланинглар. Темучин, сен ўнгда ўтирганига, сизлар эса укаларинг билан бошқасига, хўпми?

– Нимага ичкарида қолиб кетдинг, бекам?

– Шу ердамиз.

Темучин ўтов остонасигача эмаклаб келиб, бир мўралаб олди. Нав-

карлар кўлларида шокосалари билан ўтовга орқа ўгириб ўтиришарди. Анави, калта соchlари оқарган, ўнгда буқчайиб ўтиргани Овчи-баҳодирнинг буйруқларини сўзсиз адо этадиган, шафқатсиз ва қайтмас, содик навкари эди. Чопонининг ёғ босган ёқаси қип-қизил бўйинларига қапишиб кетган иккинчисини Темучин танимади.

Хасар укалари билан гулхандан сал берироқда туришар, у укаларига бир нималарни шипшиганди эди, улар ҳаяжон аралаш бир-бирларига қараб олишиди. Ёши катта навкар буни дарҳол сезди.

– Нималарни пичирлашяпсанлар?
– Баландроқ гапириб сизга халал бермайлик деяпмиз-да, – дея тик гап қайтарди Хасар.

Қуёш деярли ботиб бўлган, атрофни қоронғилик босганди, фақат у ер-бу ердаги чаловларнинг устигина оловланиб турарди.

Катта навкар косани қўйди. Онаси уни кўлига олди.

– Қуяйми?
– Йўқ. – У ўрнидан турди, қорнини силади. – Яхшигина тўйдим. Сен ўзимиз билан олиб кетишга қимиз бер. Гўштдан ҳам олволамиз. Сен, бақироқ, биз билан борасан.

Онаси чинқиргандай бўлиб, косани тушириб юборди.

Темучин икки ҳатлаб навкарнинг устига ўзини отди. Қўллари билан бўйнидан сиқиб олди, тиззасини орқасига тираб туриб, ўзига бир тортди. Иккови ҳам ерга куллади. Навкар хириллаганича қўлини пичоги дастасига чўзди. Аммо Ўйлуннинг нозик қўли ундан чаққонроқ ҳаракат қилиб, уни тортиб олди-да, четга улоқтириди ва шу ондаёқ ақл бовар қилмас тезлик билан хом теридан қилинган чилвир билан навкарнинг ўнг қўлини боғлаб ташлади. Хоахчин чопиб келиб, жангчининг чап қўлини боғлашга ёрдамлашди. Темучин бармоқларини бўшатиб, ўрнидан туриб олди. Иккинчи навкар қорни билан ерга ағнатилган, тўртала ака-ука эса баравар уни миниб олишган эди. Унинг ҳам қўлларига банд тушди. Ҳеч ким бир оғиз ҳам сўз айтмас, фақат хирилдоқ овоз эшитиларди, холос. Темучин “ўзининг” навкари биқинига бир тепди.

– Тур!

Навкар пишиллаб ўрнидан турди. Унинг қўзлари ҳайратли боқарди. Оғир қиличи тортиб турганидан белбоғи қорнидан пастга тушиб кетган эди. Темучин ердан пичоқни олиб, унинг боғичини кесиб ташлади. Қилич ерга тушди. Навкарнинг фижимланган қалпоғини тортиб олиб, қиличининг устига ташлади. Хасар ҳам акасидек, ўз асирини каттасининг олдига итарди. Қалпоқсиз, ёқавайрон ҳолда улар асло жангчига ўхшамай қолишган эди. Темучин лабларига масхараомуз кулги инди.

– Яна қимиз ичасизларми? – деди-да, унинг юзига қасоскорона ва аламли мушт туширди. Навкарнинг бурнидан қон оқиб кетди. Бу қон Темучиннинг кейинги муштлари зарбидан атрофга сачрар, қўллари ҳам қора қонга беланганди эди. Она ўғлининг нафратини кўриб, уни нарига олиб кетди, елкаларига осилиб олди.

– Ўзингни бос! Ўзингни бос, ўғлим!

Навкар энгашиб олди, хириллаганча оғзи тўла қонини тупурад экан:

– Сен, малла иблис, узоққа борасан. Нўён сени кутурган итдек боғлаб қўйишини хоҳлаётгани ҳам бежиз эмас экан.

– Боғлаб қўёлмайди! – кичқирди Темучин.

— Ҳа, энди буни кўриб турибман. Боглаб қўёлмайди-ёв. Сени ўлдирмай бекор қилган экан-да. Бизни сўйиб ташлайсанми?

— Ичак-човофингни қўлимда суғуриб оламан!

— Жим бўл! – онаси куйинчаклик билан бақирди. – Кетинглар, – деди навкарларга қараб.

Каттаси тупуришдан тўхтади.

– Энг яқин овулгача отлиқ тўрт кунлик йўл. Егулик ва ичгуликсиз биз етиб боролмаймиз.

– Ҳа, ҳа. Егулик, ичгуликсиз, – дея йиғламсираб тақрорлади иккинчиси.

Хасар уни бир тепди.

– Жўна, тирраки бузоқ!

Катта навкар Ўйлунга ялинди:

– Қўлларимизни ечиб юбор.

Темучин онасидан аввал деди:

– Тишларинг бор, чайнаб ечасан.

Навкарлар зулмат қоплаган сахро қўйнига кириб кетишар экан, ака-укалар уларни ҳай-хўйлаб, хуштак чалиб кузатиб қолишиди. Онаси ғамга ботганча бошини чайқаб қўйди.

Темучин тунда ухламади. Ўтов ташқарисидан эшитилаётган товушларга кулоқ солиб ётди. Унинг назарида навкарлар қайтиб келишадиу, уларни қўлга олишади ёки отларини олиб қочишадигандай эди. Тонг-отарда туриб кийинди. Навкардан қолган белбоғни боғлади. Унинг камони ва садофини ҳам елкасига илди. Хасар ҳам уйғониб, уйқули қўзларини бир-икки очиб юмди-ю, ўрнидан даст туриб, ҳеч нарса демай кийиниб, белига қиличи ва пичофини илди.

– Қаёққа кетаяпсизлар? – она бошини кўтариб сўради.

– Бугун кўчамиз. Тарбағонларга тузоқ қўйган эдик. Ўшаларни ечиб қайтамиз.

– Тузоқларинг узоқдами? – сўради она ўғлига тикилиб қарапкан.

Темучин қўзини олиб қочишдан ўзини базўр тийиб қолди.

– Она, биз тез қайтамиз.

Бу орада Билгутой ҳам уйғонди. У ҳам акаларига эргашди. Отларнинг ўzlари минадиганларини эгарлаб, қолганларини ўтлашга қўйиб боришиди.

– Мен биламан, қаерга кетаётганимизни, – деди Хасар. – Мен тез топаман.

– Эй, сен, жим бўл! – қовоғини уйди Темучин.

Улар ирмоқ ёқалаб от солишиди. Навкарлар қирғоқдан нари кетишол-маслиги аниқ: сувсиз сахрога йўл олиш ўлим билан баробар. Темучин улар жуда узоқлаб кетишмаган бўлса керак, деб ўйлаганди. Бироқ кечки салқинда навкарлар илдамроқ ҳаракат қилишган чамаси. Уларга анча кеч етиб олишиди. Ҳеч пиёда йўлга чиқмаган навкарлар оёқларини базўр судраб боришарди. Таъқибчиларни кўриб тўхташди. Умрларининг сўнгги дақиқаларини маънисиз қочиш билан тугатишни истамадилар, ҷоғи.

Бир ўқ масофага келишгач, ака-укалар камонларини ўқладилар. Кеча жон аччиғида Темучин навкарларни уриб, тепиб, бўғиб ташлаши мумкин эди. Аммо бугун у жаҳлидан тушганди. Шунинг учун ҳам ёй

тортаётган қўллари енгилгина титраб, пешонасига совуқ тер чиқди. Хасар билан Билгутой ҳам ундан қолишмасдилар, чамаси. Учта ўқдан биронтаси ҳам мўлжалга тегмади. Навкарларнинг каттаси ерга тупурди, мишиқилар, дея сўқди. Темучин ўзини қўлга олди. Қўллари қотди. Ёйлар тортилаётган пайтда ёш навкар чидолмай қочишига тушди. Шу ондаёқ Хасар отган ўқ унинг икки кураги ўртасига кириб улгурди. Темучин ўқни катта навкарнинг кўкрагига мўлжаллади. Навкар бир силкинди. Билгутойнинг ўқи унинг қорнига қадалди. Навкар шилқ этиб тиз чўқди, гўё ердан бир нарса олмоқчидай қўлларини салгина кўтардию, юзи билан ерга қулади.

– Бўлди, – деди Темучин ўз овозини танимай.

Улар тарафга юрмоқчи бўлганини сезиб, Хасарни тўхтатди.

– Борма...

– Ўқларимиз-чи?

– Кейин. Кетдик...

Темучин вужудида қандайдир оғир ҳорғинлик сезди. Эгарга ҳам аранг ўтириб олди.

Тузоқларни ечгач, ўқларни олишга қайтишди. Жароҳатлардан оқиб тушган қон ерда қорайиб туар, устида пашшалар ғужғон ўйнарди. Осмонда катта доиралар ясад, қузғунлар қанот қоқарди. Темучин жиловни бир силтадиу, отига қамчи уриб, елиб кетди. Бўғзига алланима тикилиб, кўнгли айниди. Нимагадир йиғлагиси келди.

Онаси уни кўрдию ҳаммасини тушунди. Ўғлининг кўзларида ғазаб чақнарди.

IV

Темучинлар янги жойга жуда кеч етиб келганлари учун ўтов тикиб ўтирмаи, шундоққина очиқ осмон остида уйқуга кетишиди. Саҳарлаб ҳамма ишга уннаб кетди. Билгутой бўлса, тарбағонларни излаш пайига тушди.

Ўтовни тикиб бўлиб, ўчоқни ёкишиди, ўнғонларга курбонлик келтиришиди. Бармоқларидан оқиб тушаётган сут томчиларини ўнғонларга томизиб туар экан, Темучин тиниқ, мовий осмонга, унга тегай-тегай деб турган қояларга термилиб қолди. Нигоҳи тоғу тошлардан секингина яшил ўрмонга қадалар, ундан ўтиб пастроқда кум дўнгалаклари ва тепаликлардан иборат кулранг-қўнғир тусли сахрога туташиб кетарди. Қирликни қиялаб Сингур дарёси оқар, унинг ҳар икки қирғоғида гўё сувни сахро хас-чўпларидан химоя қилгандай, майда тол буталари ўсиб турарди. Сал нарироқда ястанган яшил қамишзорлар орасида бир чизик бўлиб кўл сатҳи живирлаб турарди. Қамишзор узра ёввойи ўрдаклар галаси учиб юради.

Қаердадир, шу атрофда, уларнинг қўналғалари бўлган эди. Торғутой-Кирилдуқнинг навкарлари уни ўша ердан тутиб олиб кетишиганди... Темучин бу ҳақда эслагиси келмади. Юган тизгинининг узилиб кетган жойини улаш учун ўтовга кириб кетди. Рўпарасига Хасар келиб ўтириди. Қинидан қиличини чиқариб олди-да, бир бўлак кигиз билан ишқалаб тозалади. Ярақлаб турган тиғга худди ойнага қарагандай боқди, бурни остида сабза урган мўйлови устини бармоғи билан силади. Хасарнинг

энг хуш кўрган машғулоти шу – қиличини ярақлатиш ва унинг аксида ўз юзига тикилиш. Катта бўлишга шошилаяпти...

– Бу ёқقا бер-чи, қилични...

Темучин Хасарнинг қўлидан қиличини олиб юзига яқинлаштириди. Ярақлаган энсизгина темир парчасида у тўзғиб ётган узун соchlарини кўрди. Бир нима қилиб сочини тарашлаб, чаккаларидаги кокилларини ўриб олиши керак. Афти-ангари исқирт корачаларникига ўхшаб кетибди. Шундай аҳволда Дой-Чечан хузурига борсами, Бўртани бериб бўпти. Сочлари сал тўқ ранг олиб, маллалари билинар-билинмас бўлиб қолибди. Отасининг бўлса боши қип-қизил эди. Худди мис қозоннинг ўзи. Унизи ҳам мис рангига яқин-у, аммо ўтда қорайгандай эди.

Қилични сал энгаштирган эди, энди унинг аксида кенг пешонали, қовоқлари уюлган, оч-сариқ кўзли, қаншаридан анча четда ўсган калта, тўғри қошли кимсани кўрди. Бурни ости ва иякларидаги туклари дағал ва малла эди. Бу энди, худди отасиники каби малла эди. Лекин, барибир, Хасар ундан анча чиройли. Пешонаси сал орқага ястанган, қовоқлари бўртиб чиқкан, чаккалари тарафга қараб ўсган узун, бароқ қошларига қараган одам, унинг кескир, шиддаткор табиатини уқиб олиши мумкин. Билгутой бошқача феълли бола. У Хасарга қараганда юмшоқтабиат, дўлвор йигит. Кулча юзли, қувноқ...

– Фужин! Фужин! – Хоахчиннинг қўркув тўла овози эшитилди. – Одамлар келишшаяпти. Темучин, қоч!

Темучин билан Хасар ўтвдан отилиб чиқишиди. Дарё боши тарафдан олти отлиқ улар томон яқинлашиб келарди. Темучин атрофга тез қараб олди. Қочадиган жой йўқ! Ўтовга қайтиб кириб, ўқ-ёйини олиб чиқди. Хасар ҳам худди шундай қилди. Она эса, гўё бу номаълум кишилардан уларни пана қилгандай, болаларини ўзи билан тўсиб олди. Темучин олдинга ўтиб, чавандозлар томонга пешвоз чиқди.

Отлиқлар бўлса дарҳол тўхташди, тўп бўлиб олиб, бир нималарни маслаҳатлашди-да, дарҳол ўтов қолиб, бошқа томонга бурилишди.

– Нима бўлди? Улар қаерга кетишаётганди? – сўради Хасар.

Аммо Темучиннинг ўзи ҳам бу отлиқлар нима қилишаётганини билолмай гаранг эди. Отлиқлар кетган тарафда, тепалик ёнбағирларида қўй подаси ва от уюри ўтлаб юрарди. Бирданига қўйлар думбаларини ўйнатиб чопиб қолди.

– Ўғрилар! – қичқириб юборди онаси. – Темучин!

Темучин уларнинг йўлини тўсиб чиқмоққа шошилди. Бироқ отлиқ қайда-ю, пиёда қайда! Улар сахрога қараб отларини сурдилар. Туёқлар остидан кўтарилиган чанг майса устини қоплади. Темучин билан Хасар камондан бир-икки ўқ отиб кўриши-ю, аммо бу ўқлар ярим йўлдаёқ ерга санчилди. Чавандозларнинг бири тўхтаб, бир нималар деб қичкирди ва мазах қилиб кулди-да, яна ўртоқлари томон отини чоптириб кетди. Ака-укалар то ўғрилар кўздан ғойиб бўлгунча уларнинг кетидан тикилиб қолишиди. Кейин ўтовга қайтишиди. Онаси арава устида иягини кафтига тираб, сахрога қараб ўтирап, кўзларидан эса милтираб ёш оқарди. Хоахчин ҳам йифлар, орасида:

– Вой-ей, энди қандай кун кўрамиз! – деб нола қилиб қўярди.

Темучин чакакларida оғриқ тургунча тишини-тишига босди. Нима учун осмон уларни бунчалик кийнайди? Битта ғамни даф қилиб ултур-

масдан, иккинчиси эшик қоқиб турибди. Шунча одамга биттагина от қолди, бу қандай ғам! На кўчиб бўлади, на қочиб. Мана сенга уйланиш...

Билгутой қайтиб келиб, отининг эгарини ечишга шайланган эди, Темучин уни тўхтатди:

– Эгарга тегма. – У садоғини ўқ билан тўлдириб, белига қиличини осди. – Она, мен кетдим.

Онаси умидсизлик билан қўлини силкиб қўя қолди. Хасар отининг жиловини ушлади.

– Темучин, мен бора қолай, рухсат бер!

– Нари тур!

– Нима бўлди, а, нима бўлди? – Билгутой қўркув аралаш сўради.

– Нима, қўраяпсанми? – Жаҳл билан бақирди Темучин. – Отларимиз қани?

Сакраб отга минди-да, зарб билан қамчи урди. От пишқирганча, қулоқларини чимириб, сахро томон елдек учиб кетди. Аввалига ўғрилар кетган тарафга истамайгина от суриб юрди-ю, кейин бирдан шошиб қолди: бунакада уларни кўздан қочириш мумкин. Чавандозларнинг изидан тушди. Иши ўнгидан келиб, худди кордай оқариб ётган бир шўрхок устида от изларини кўрди. Қаттиқ ерларда отларнинг изи тамоман йўқолиб қолар, шунинг учун ҳам изма-из юриш мушкул эди. Ҳадеганда отини тўхтатиб, ерга дикқат билан қараш, туёқлар изини топиб олиш керак бўларди.

Сахрого тун чўқди. Темучин отини тушовлаб, ерга узала тушиб ётди. Бошини эгарга қўйди. Қорни очқаб кетди. Аксига у ўзи билан егулик олмаган эди...

Шундоқ бошгинасида катта-катта юлдузлар чараклаб турарди. Борлиққа сукунат чўқкан, фақатгина майса чимдиётган отининг “кирт-кирт”и эшитиларди. Темучин юлдузларга термилар экан, кучсизларга бу ҳаётда яшаш жуда оғир экани ҳақида хаёл сурарди. Унинг навкарлари бўлганида анави абллаҳ ўғрилар бунчалик сурлик билан куппа-кундузи, ҳамманинг кўз ўнгига отларини олиб қоча олармидилар? Қайтага, улар унинг ўтовидан нарироқдан ўтиб кетишган бўларди. Бир нима қилиш керак. Бундай яшаб бўлмайди. Эртами-кечми ёмон ниятли одамлар уларни барибир хонавайрон қилишади.

Темучин саҳарлаб яна йўлга тушди. Пешинга яқин чоғроққина, суви шўртатим бир кўл олдидан чиқиб қолди. Босқинчилар шу ерда тунавишибди. Ўчиб қолган гулхан атрофидаги майсалар топталган, ерда то-залаб чайналган сүяклар, бир бўлак кигиз, от ёлидан қилинган чизимча парчалари ётарди. Темучин жаҳл билан сүякни тепиб юборди – қорни чидаб бўлмас даражада очиб кетганди. Отини ҳам суғорди, ўзи ҳам чанқоғини қондирди.

Иккинчи тунни ҳам сахрода ўтказишга тўғри келди. Уйқуга чоғланар экан, орқага қайтсаммикан, деган ўйга борди. Аммо онаси, укаларининг юзига қандай боқишини ўйлаб, бу фикрни нари сурди. Отларсиз қайтмайди. Дунёнинг охиригача борса ҳам, ўн киши, бутун овл билан яккама-якка уришишга тўғри келса ҳам, отларини қайтиб олади.

Очлик ҳам эсидан чиқди. Факат вужудидаги ҳолсизлик, унинг анчадан бери туз totmagанини эслатиб турарди. Оти ҳам эзилиб кетди. Жоноворнинг биқини ва елкалари терлаб кетганди. Бироз тўхтаб, ёввойи

пиёзми, судун илдизиданми еб олиши, отига ҳам дам бериши керак эди. Аммо қочоқларнинг изини йўқотиб қўйишдан қўрқиб, йўлда бетўхтов давом этди. Чунки изни йўқотиб қўйса, шунча ҳаракат бекор кетади.

Кутилмаганда рўпарасидан бир анҳор чиқиб қолди. Қирғоқда кичикроқ бир уюр ўтлаб юрар, устига тери ёпилган чайла ёнида олов ёниб турарди. У отини тўхтатиб, уюрни диққат билан кузатди. Бу ерда унинг отлари кўринмасди. Чайлага яқинроқ келди. Ундан ёш бир йигит эмаклаб чиқди. Унинг эгнида яхшигина матодан тикилган калта камзул, бурама белбоғида суяқ дастали пичноқ осиғлиқ эди. Йигит хеч қўрқувсиз, қизиқсиниб Темучинга қараб турарди. Темучин бўлса, отидан тушмай, чайла ичига хавотирли назар ташлади. У ерда бошқа ҳеч ким йўқ эди. Кўнгли жойига тушди.

– Сен кимсан? – сўради у йигитдан.

– Мен Бовурчиман, Ноху-Баённинг ўғли.

– Бу ердан одамлар ўтганини кўрмадингми?

– Кўрдим. Эрталаб ўтиб кетишиди.

– Улар – ўғрилар.

– Ўғрилар? Улар мени ҳам, уюrimни ҳам пайқамай қолишгани жуда зўр бўпти-да унда! Сен уларга етиб олиб, отларингни қайтариб олмоқчимисан? Бир ўзинг-а?

– Ҳа, бир ўзим.

– Ботир экансан. Лекин бир ўзинг нима ҳам қила олардинг? – Бовурчи тирноғи билан гарданини қашиб қўйди. – Мен сен билан бораман.

– Аввал менинг қорнимни тўйғаз. Егулик бирон ниманг борми?

– Менда ҳамма нарса етарли! Мен бу ерда бияларни соғиб ётибманку. Сут ичасанми? Қимизми? Қурут берайми?

– Ҳаммасидан олиб келавер! – Темучиннинг юзида кулги пайдо бўлди: зўр йигит эканми.

У овқатланаётган вақтида, Бовурчи уюридан иккита отни тутиб келди. Темучиннинг саманини эгардан бўшатди.

– Дамини олсин. Ҳозир бу отингда уларга на етиб бўлади, на қочиб. Менинг отларимда кетамиз.

– Үоринг-чи? Шундоқ, қаровсиз ташлаб кетаверасанми?

– Кечга яқин отам сут олиб кетгани келади. Қараб турар. Асли булар ҳаммаси жонга теккан. Бир ўзим яшайман, ҳеч кимни кўрмайман. – Бовурчи отларни эгарлади, йўл халтасига мешчаларда қимиз, қурут солди.

– Бизга яна нима керак?

– Агар ўқ-ёйинг бўлса олвол.

– Йўқ. Ўқ ҳам, камон ҳам бор эди. Отам олиб қўйган. Битта-яримта билан жанжаллашиб қолишмидан чўчийди. “Сени ўлдириб кетишигандан кўра, бияларни олиб кета қолишин”, дейди.

Улар йўлга тушиди. Бовурчи тўхтамай гапиради. Кўп вақт ўтмай, Темучин у ҳақда деярли ҳамма нарсани билиб олди. У Ноху-Баённинг ёлғиз ўғли экан. Отаси ўзига тўқ бўлиб, чорваси ҳам етарли. Овулга қўшилмасдан, ўз-ўзича кўчманчилик қиларкан.

– Сизлар кимнинг улусидансиз? – сўради Темучин.

– Тойчиютлардан.

Темучин унга ялт этиб қаради.

– Нега ҳайронсан? – сўради Бовурчи.

– Йўқ. Гапиравер...

Лекин Темучин унинг гапларини бошқа эшитмади. Бовурчининг ёрдам беришга тайёрлигидан хавфсиради. Бу боланинг ўғрилар билан тили бир бўлса-чи? Ё пистирмага бошлаб боради ёки орқасидан пичоқ солади... Нима қилиш керак? Балки ҳозир пайтидир, бир ёқлик қилиб ташласинмикан? У отини тўхтатиб, ундан сакраб тушди. Бовурчи ҳам тўхтади.

– Нима бўлди?

– Қайишларим бўшашиб қолибди. Сен боравер, изларни йўқотма.

Бовурчи йўлда давом этди. Темучин садоғидан ўқ суғуриб олди. Агар бу вайсақи бола бир ёмон ниятни режалаштирган бўлса, шундоққина елкасини тутиб бермайди. У ҳозир тўхтаб, Темучинга қайрилади ёки сири фош бўлганини билиб, қочишига тушади. Ҳар икки вазиятда ҳам уни отиш керак. Бироқ Бовурчи бамайлихотир йўлида давом этар, ўқтин-ўқтин секинлашиб, ердаги изларга тикилиб қоларди.

Темучин ўқини садоғига қайтиб солди-да, отига минди. Аста-секин етиб олди. Бовурчи эгар кошига қорни билан ётиб, ерга синчилаб тикилди.

– Шамол ғириллаб қолди. Ўт тебраниб, изларни англаб бўлмаяпти, – деди у.

Темучин унинг юзига билинтиrmайгина қараб қўйди. Четларига ипак тасма тикилган ёзги намат қалпоғи остидан қуёшда куйиб кетган, калта кесилиб, ҳар тарафга тарвақайлаб ётган соchlари чиқиб турарди. Тим кора, зийрак кўзлари хотиржам, на ҳадик ва на ёмонлик аломатлари бор. Шунчалик устамикан?

Бовурчи қаддини ростлаб, жиловни тортиб, отини тўхтатди.

– Изларга қараб юраверамизми? Отамдан эшитгандим, шу тарафда бир овул бор. Яқин атрофда бошқа овул йўқ. Отларни ўша ёққа ҳайдаб кетишган. Изларга тупуриб, ўша овулга қараб от суриш керак. Тез юрсак, кечга яқин етиб оламиз.

Шамол унча кучли эмасди-ю, аммо изларни тўзғитиб юборишига шунинг ўзи ҳам кифоя эди. Агар Бовурчи тўғри гапираётган бўлса, изқуварлик қилиб ўтиришга ростдан ҳам ҳожат йўқ. Агар гапи ёлғон бўлса-чи?

– Сен у овулнинг қаердалигини биласанми?

– Гарга дарасида. Ўтган йили биз ёзни ўша ерда ўтказганмиз. Бу гал ҳам ўша ерга кўчмоқчи эдик. Лекин у ерга овул кўчган бўлса...

Отларни йўрттириб кетишди. Майда жарликлар кетидан силлик тепаликларга дуч келишар, пастга тушиб, кейин яна тепага кўтарилиш керак бўларди. Шамол майсаларни тебратар экан, ҳудудсиз сахро узра тўлқинлар пайдо бўлиб, олис мовийликлар қўйнига сингиб кетарди. Нигоҳингни жалб қиладиган бирон нарса йўқ, ҳаммаёқда тўлқинлару мовий осмон. Адашиб қолиш ҳеч гап эмасди. Аммо Бовурчи шимоли-шарқ тарафга қараб, ишонч билан от суради. Темучин ундан сал оркароқда қолиб, ҳамроҳининг елкаси кўриниб турадиган масофада бопарди.

Кечга яқин тепаликлар янайм кўпайиб, энди дўнгликлар кунгай тарафлари қуруқшаган ўтлар билан қопланган тепаликларга айланди.

– Анча яқин қолди, – деди Бовурчи.

У тик тепаликнинг ярмигача чиқиб, отидан тушди-да, у ёғига пиёда юриб кўтарилди ва ерга ётиб олди. Темучинни имлаб ўз ёнига чақирди.

Тепалик ортида ўртасидан дарё кесиб ўтган кенг яланглик ястаниб ётарди. Дарёнинг бурилиш ясаган жойида унча катта бўлмаган овул кўзга ташланди. Ўтовлар атрофида кирқталар чамаси от ўтлаб юрибди. Сал нарироқда эса каттагина узор ва қўйлар подаси кўринди.

– Сенинг отларинг шу ерда бўлиши керак, – деди Бовурчи шивирлаб.

– Ха, шу ерда. Лекин уларни сездирмай олиб кетиб бўлмайди-да.

Бовурчи ботаётган қуёшга қараб олди.

– Яна бироз кутамиз.

Фира-ширада тепаликдан тушиб бориб, овлуга яқинлашдилар. Темучин қиличини қиндан суғуриб олди-да, кўллари оғригунча дастасини маҳкам қисиб олди. Овулдагилар, уларни чўпон бўлса керак, деб ўйлашди, шекилли, ҳеч ким тўхтатмади ҳам, чақирмади ҳам.

Темучиннинг отлари алоҳида тўпланиб турар, барчаси олд оёқларидан боғланган эди.

– Шуларми? – сўради Бовурчи.

Темучин, ҳа, дегандай ишора қиларкан, Бовурчидан кўзини узмасди. Агар Бовурчи душман бўлса, ҳозир роса шовқин соладиган пайт. Кутимаганда Бовурчи арқонларни кесиб ташладио битта отга миниб олди.

– Ҳайда. Секин.

– Ҳой, ҳой, нима қиласяпсанлар? – бақирди кимдир.

Темучин отнинг биқинига бир тепди-да, тушовлардан бўшаган отлар устига энгашди. Бовурчи ёнгинасидан от чоптириб ўтди. Унинг қамчиси Темучин боши узра визиллади. Отлар тепаликлар оралаб пайдар-пай чопиб қолишиди. Темучин орқасига қаради. Овул тарафдан бир чавандоз оқ от устида уни қувиб келарди. У учига сиртмоқ боғланган узун таёғини силкиб, қичқириб келарди.

Коронғилик жуда қуюқлашиб борар, тез орада қўлидаги сиртмоғи ҳам, унинг ўзи ҳам кўринмай қолди. Фақат оқ отнинг кўланкаси шаклсиз булатуга ўхшаб, таъқиб қилар экан, борган сари уларга яқинлашиб келарди...

– Бу бизни тинч қўймайди-ёв, – қичқириди Бовурчи Темучинга қараб.

– Камонни менга бер!

– Мен ўзим. Ҳайда!

Темучин ортига ўгирилдио, мўлжалга олмасданоқ бир ўқни чавандоз тарафга визиллатиб қолди.

– Орқангга қайт! Ўлдирман!

Отлиқ секинлашди. Юлдузларга тикилди-да, қай тарафга йўл солиши ни аниқлаб олди. Бовурчи бошидан қалпоғини ечиб олиб, қўйнига тиқди.

– Уф-ф, қизиб кетдим! – овозини баландлатиб кулди у. – Бопладик, а?

Отларини секинлатишди. Темучин кўлини чўзиб, Бовурчининг елкасига қоқиб қўйди.

– Сен яхши йигит экансан.

У шубҳалари сабабли Бовурчининг олдида ўзини айбордрай ҳис қилиб турарди. Яхшиямки, осмон уни тўғри йўлга солди. Бўлмаса, Бовурчи ҳозир саҳрова ортига ўқ қадалиб ётган бўлармиди. Уни ким, нима учун ўлдирганини ҳеч ким билмай қолаверарди.

– Бовурчи, сени химоя қилиб турган руҳларинг тетик руҳлар экан. Уларга тез-тез қурбонлик қилиб тургин.

– Балки, ростдан ҳам яхши рухлардир, – кўнган бўлди Бовурчи. – Сенинг рухларинг ёмонми? Менинг рухларим сенинг рухларингга ёрдам беришгани учун ҳам иш шундай осон кўчди. Лекин бу жойлардан тезорқ кетсак яхши бўларди.

Улар тун бўйи тинмай от чоптиришди. Сахар пайтида мешдаги қимизни бўшатиб, отларини алмаштириб олишди-да, яна йўлда давом этишди. Кун ярмида отларни Бовурчининг отаси ўтовига ҳайдаб келишди. Бу ерда Темучин кутилмаганда шомон Теб-тангрини учратиб қолди. Темучин худди туғишган акасини учратгандай хурсанд бўлиб кетди.

– Сен бу ерга қандай келиб қолдинг?

– Отим қаерда тўхтаса, ўша жой менинг уйим. Нима, билмасмидинг?

– Теб-тангри, сен мени кутқазсансан. Тирик эканман, буни доим эсада тутаман.

Теб-тангри бир кулдию, гўё “ҳа, эсингдан чиқарма...” дегандай бош чайқаб қўйди. Кейин Темучиннинг кўзига тикилиб туриб деди:

– Яқинда мен тулкининг оғзидан бир қушчани тортиб олувдим. Тап тортмас қирғий бўлиб чиқади, деб ўйловдим...

– Бўлдими? – сўради Темучин тетикланиб.

– Ўсяпти. Балки қирғий бўлар, балки хуркак ўрдак бўлар... Ҳозирча номаълум. – Шомоннинг кулчадек юзи бужмайди.

Темучин аламини ичига ютди.

– Отанг қаерда?

– Торғутой-Қирилдуқ уни ўз овулида яшашга мажбур қилди.

– Айтишларича, Овчи-баҳодир сенинг тилингни суғуриб олишга аҳд қилганмиш.

– Осмон хизматида бўлган одамга қўл кўтаришга ким ҳам жазм қиласди? Бунақаси бўлмаган ва бўлмайди ҳам.

Бовурчи улар ёнига келиб қўшилди, кулаги аралаш Темучинга деди:

– Сал қолса отам мени калтакламоқчи бўлди. Онам иккови туни билан кўз юмишмапти. Юр, ул-бул еб олиб, дам оламиз. Кейин отам бизга бир кўзичноқни сўйиб беради.

Темучин ҳеч нима емади. Чарчоқдан бутун танаси зирқираб оғрирди. Ўринга ёнбошладио, шу заҳоти уйқуга кетди.

Кун окканда уни Бовурчи уйғотди. Ўтов олдида гулхан ёнар, каттагина оқ намат устида Теб-тангри ва Наху-Баён ўтиришарди. Бовурчининг отаси юзи қўёш ва шамолда қорайган, томирлари бўртиб чиқсан, чайир қўлли, ўрта ёшлардаги одам экан. У Темучинни ёнига ўтқазди-да, ё ҳайратланиб ёки тергаб деди:

– Бунақа мушкул ишга бир ўзинг қандай журъат қилдинг, полвон?

– Ўрдаклар ожизликлари сабабли гала бўлиб учади, бургутлар эса ҳар доим ёлғиз парвоз қиласди.

У Теб-тангрига кўз қирини ташлади – тушуниб етганмикин? Шомон тушунди. Тим қора, сезгир кўзларида шодон ўт чақнади.

Ноҳу-Баён унинг сўзларини эшитгач, ўйланиб турди-да, маъқул келгандай кулиб қўйди.

– Довюрак экансан... Шунақа бўлиш керак. Бўлмаса, бизнинг замонда яшаб бўлмайди. Замон ёмон бўлиб кетди, жудаям ёмон. Оддий одамларни на ўғри босқинчидан, на ташқи душмандан ҳеч кимнинг ҳимоя қилгиси келмайди. Бу ҳам етмагандай ўз уруғдошларини талаб ётишиб-

ди. Қариндошлар ўз уруғларини қулликка зўрляяптилар. Айт-чи, Теб-тандри, бошқа ёкларда ҳам хаёт шундайми?

– Шунақаси ҳам бор, бундан баттари ҳам...

– Ажаб замонлар бўлди-да... – деди хўрсиниб Ноху-Баён. – Агар тепа-мизда битта, ягона хон бўлганида эди, одамлар бегоналар босқинидан, ўғрилар талон-торожидан бунчалик азият чекмаган бўлардилар. Аммо нўёнлар ҳечам ўзаро келишолмайдилар. Ақлдан озиб қолишган.

Темучин нўёнларга кўз тикиб қолган Жарчиўдайни эслади. Бу нўёнларнинг ҳаммаси ҳам темирчининг назарида бадбаҳт Торғутой-Қирилдуқдан қолишмасди. Кўринишдан Ноху-Баён ҳам нўёнлардан унча хурсанд эмасди...

Лекин у ёмон яшамасди: эгни бут, қорни тўқ, эгарлоғлиқ отлари, соғин биялари, қўйлари бор...

Бовурчининг онаси намат устига ёғоч товоқда меҳмонлар учун кўйнинг пиширилган тўшини келтириб қўйди. Тўш катта-катта бўлакларга бўлинган, буғи чиқиб турарди. Кетма-кет товоқчаларда шулон шўрвадан ҳам сузиб келтирилди.

Қоронғилик ичидан бошларини силкитиб, думларини елпиб, майда чивинлардан қочган отлар чиқди. Қаердандир овоз чиқармай бойўғли учиб келди-да, олов яқинига келгунча пастлаб учди, сўнг чўчиб, қанотларини силкитганча шовқин солиб ўтди.

– Аҳмок қуш, – деди Бовурчи.

– Бу қуш эмас, – унинг гапига қўшилмади шомон. – Бу – қуш кўринишидаги ёвузлик руҳи. Баъзан кўзга ташланиб, баъзан ташланмай, у доим одамлар орасида юради. Қўрқиб кетганини сездингларми? Бу ерда осмон билан тиллашадиган, само сирларидан боҳабар одам борлиги учун қўрқиб кетган.

– Теб-тандри, агар ёвуз одамлар ҳам сендан шунчалик қўрқсанларида эди! – деди Темучин.

– Улар мендан қўрқадиган бўлишади! – ваъда қилди шомон.

Темучин кўзи гўштини пок-покиза туширди. Тўйиб кетганидан эринчоқлик билан сели оқиб турган гўшт бўлакларига қаради. Ортиқ егиси келмаётган бўлса ҳам, ўзини тийиб туролмай, яна бир бўлак қовурғани қўлига олди.

– Ноху-Баён, сен нўёнлар ҳақида гап очдинг. Ҳамма уларни айблаяпти. Аммо нўён сахийми ёки баҳил, яхшими ё ёмон – улус уларсиз яшай олмайди. Нўён бўлмаса, улус тарқаб кетади...

– Мен, Темучин, бошқа нарса тўғрисида, хонлар пайтида яшаш осон бўлгани ҳақида гапирдим.

– Лекин хон ҳам худди Торғутой-Қирилдуққа ўҳшаган бўлиши мумкин-ку!

– Тўғри, тўғри, – унинг гапини маъқуллади Ноху-Баён. – Аммо хон адолатсиз бўлса, битта ўзи адолатсизлик қиласди. Нўёнлар адолатсиз бўлса, уларнинг сони қанчаю, қанчалар адолатсизлик қилишларини ўлчаб ҳам билиб бўлмайди.

Шомон аллақачон қўлини овқатдан тортиб, намат устида чўзилиб, тишини ковлаб ётарди.

– Хон қанақа бўлмасин, – деди у, – унинг ҳукми остида бир қанча улуслар бирлашади. Ўзаро душманлик барҳам топади. Ташки душман-

лар ҳам юрак ютиб босқинчилик қилолмайдилар. Беҳуда қон тўкилиши тўхтайди. Найманлар буни аллақачон тушуниб етишган, коройитлар ҳам шу фикрда. Фақат биз оқсаяпмиз.

– Ақлимизгинамикин? – кўшилмади Ноху-Баён. – Мана бунинг отаси, Есугей-баҳодирнинг ақли бутун эди. Лекин бошқа нўёнлар уни хон килиб кўтаришни исташмади.

Ҳамма жим бўлиб қолди. Кейин бошқа мавзуга ўтишди. Аммо Темучин бошқа гапларни эшитгиси келмай, Ноху-Баёндан сўради:

– Бир ўзинг ёлғиз яшашдан кўркмайсанми?

– Кўрқаман, – деди Ноху-Баён. – Ёмон одамлар истаган пайтда худди сенга ўхшаб мени ҳам талаб кетишлари мумкин. Ўтовимни ҳам, аравами ни ҳам олиб қўйишлари турган гап. Нимасини айтай, ўлдириб кетишлари ҳам мумкин. Лекин овул билан кўчманчилик қилишга рози эмасман. Бутун чорва шундокқина овул атрофида ўтлайди. Ҳаммаёқни топтаб, куритиб бўлишгач, териси устухонига ёпишиб ётаверади. Ваҳоланки, овулдан бир неча кунлик масофага бориб кўрсанг, майсалари баҳмал бўлиб ётган жойлар кўп. Уч-тўрт ўтвдан иборат кичик-кичик овул бўлиб яшаш вақти келди. Аммо уруғлар, қабилалар бир-бирини талар экан, бундай овулчалар абллаҳларга ўлжа бўлиб қолаверади.

Авваллари Темучин ўзича фикр қилиб, шубҳаланиб юрган нарсаларига энди аниқ-тиник ишонарди. Аммо бу кўнгилга ҳеч таскин бермас, аксинча, ичида аллақандай англаб бўлмас хавотир кучайиб борар, бошидан ўтганларини бир бошдан таҳлил қиласиди. Илгарила-ри пешонасининг шўрлигидан ёзгириб юаради. Энди қараса, нотин-чилклар, эртанги кунидан хавотир, тинч ва осойишта ҳаёт соғинчи жуда кўпларнинг дарди бўлиб қолган экан-у, бунга ёлғиз Торғутой-Кирилдуқ айбдор эмас экан. Агар кўрган азиятлари ва аламларини бир муддат унутиб, холисона разм солса, Торғутой-Кирилдуқнинг бу қилмишлариниам тушунса бўлади. Буни тан олиш Темучин учун анча оғир. Бироқ у Темучинларни шунчаки ёмон кўргани ёки, эҳтимол, отаси унга етказган аламлари учун эмас, балки, улус устидан бирдек тартиб ўрнатмоқчи бўлганидан, мўғуллар хони бўлмоқ мақсадидан бу ишларга қўл урган бўлиши мумкин-ку. Чиндан мақсади шундай бўлганида, у табиийки хонликка даъвогар, гарчи бу мақсадга эришолмаган бўлса-да, аммо хонлардай мавқеда бўлган Есугейнинг оиласини хонавайрон қилган бўларди. Чунки келгусида унинг йўлига тўғаноқ бўлиши мумкин-да. Натижада яна қон тўкилиши, қабилалар парокандаликка юз тутиши мумкин. Темучин Торғутой-Кирилдуқ ҳаммасини жуда пухта ўйлаб иш тутаётгани, бу ҳаракатларининг замирида фақат ўзининг эмас, балки улуснинг тинчлиги ва фаровонлиги турганини тан олди. Лекин Торғутой-Кирилдуқ нўёнлар орасидаги ички келишмовчиликлару ўзбошимчаликларни бартараф қилолмагани боис Темучин оиласи каби яна қўплаб одамларга ситаму аламлар ва хўрликлар олиб келганини айтмагандা, унинг ҳаракатлари ҳеч қандай натижа бермади. Нега шундай бўлдийкин? Торғутой-Кирилдуққа нима халал берди экан-а? Отаси нўёнлар ичида энг кучлиси бўлган-у, нима учун бу ишларни уdda қилолмади экан?

– Темучин, отларингни қайси улус одамлари ҳайдаб кетишди? – дея сўради Теб-тангри.

– Нима? Э-э, билмадим... биз суришириб ўтирмадик. Вақт ҳам йўқ эди, – деди Темучин паришонхотирлик билан ва яна ўз хаёллари оғушига чўмди.

Лекин уни ўйлашга қўйишмади. Ноху-Баён тагин Темучиннинг ботирлигини мақтаб кетди ва ўз ўғлига кўз қирини ташлаб, сўради:

– Менинг ўғлим кўрканидан бирон нарса қилиб қўймадими?

– Бовурчи – жасур одам!

– Ҳо! – Ноху-Баён ўзини ишонмагандек қилиб қўрсатмоқчи бўлса ҳам, ўғлидан фахрлангани шундоққина юзидан билиниб турарди.

Темучин ҳам унинг кайфияти яхшилигидан фойдаланиб қолмоқчи бўлди.

– Ноху-Баён, мен қўнғиротлар юртига бориб келишим керак. Дой-Чечаннинг қизи қайлиғим бўлади. Менинг ҳам ўз ўтовимни тикадиган пайтим келди.

– Дой-Чечанни биламан. Бадавлат одам.

– Ноху-Баён, мен ўзимга сенинг ўғлинг Бовурчидан ҳам яхшироқ ўртоқ топа олармидим?

Ноху-Баён жавоб беришга шошилмади. Суякни чақиб, ичидаги илигини сўриб олди. Қўлини чўзиб, бир чимдим ўт юлди-да, унга ёғлиқ кўли ва лабларини артди. Бовурчи “Сўрайвер, яхшилаб сўра!” дегандай, бошқаларга сездирмай Темучинни туртиб қўйди.

– Ноху-Баён, биз Бовурчи билан бирга бўлсак, ҳеч кимдан кўркмаймиз...

– Ҳа, кўркмайсан... Сен ўта довюраксан, Темучин. Кам калтак егансанда. Лекин анойига ҳам ўхшамайсан, қараб турсам. Майли, ўғлим сен билан бирга борақолсин. Дўстлигингизга тўсқинлик қилмайман. Менинг қуёшим ботишга келиб қолди, сизларники – кўтарилиш олдида. Шундай пайтларда бир-бирингизни қўллаб-кувватласангиз, ҳеч қандай қуюқ булувлар сизни ёруғликдан тўса олмайди.

Иш хамирдан қил суғургандек осон кечди. Кейинги пайтларда ҳаммаси ҳатто маромидан ҳам аъло бўляяпти. Отларини қайтариб олди, ўзига навкар топди... Ишлари жуда силлиқ битаётганидан, “Олдинда бирор қўнгилсизлик кутиб турмаяптимикан?” деб чўчиб қўйди. Хўш, Дой-Чечан қизи Бўртани бермаса-чи? Унда нима қиласди? Хасар айтганидай, олиб қочадими? Ё бошқа оувуллардан қиз қидирсинми? Ҳеч бири тўғри келмайди. Балки, Дой-Чечаннинг олдига бориб келишга Ноху-Баённи қўндирамиси кан? Яна ўзини тўхтатди: ким кўп сўраса, камидан ҳам қуруқ қолиши мумкин. Балки Теб-тангри бирон ёрдам бера олар?

Шомон билан икковлари ёлғиз қолишларини пойлаб турди ва сўради:

– Теб-тангри, менга яна бир марта ёрдам берганингда эди. Дой-Чечан хузурига бориб кел. Қаерга боришнинг сенга фарқи йўқ-ку.

– Лекин кимга ёрдам беришнинг фарқи бор. Сени қутқариш учун қўлимдан келган ҳамма ишни қилдим. Дой-Чечаннинг олдига нега мен боришим керак?

– Сенинг отанг менинг отамнинг дўсти...

– Ҳа, шундай. Лекин отангнинг бошқа яқинлари ҳам бор эди-ку, қариндошларинг бор... Ким сенга ёрдам қилди, а?

Гарчи шомон бироз табассум билан айтган бўлса-да, бундан унинг гаплари юмшаб қолгани йўқ. Бу аламли сўzlари билан у шу топда Тे-

мучиннинг ярасини янгилаб қўйди. Қариндошлари ё ўта қўрқоқ ёки бемеҳр бўлиб чиқишиди. Уларнинг муносабатларидан одам уялади. Туғишган амакилари ва амакиваччаларидан кўра етти ёт бегона Мунлик минг марта яхши. Аммо шомон нима учун бу аламларни эсга солаяпти? Ахир, бу яра шундоғам ҳеч қачон битадиган эмас-ку?

– Қариндошларим узокда, сен эса шу ерда, ёнимдасан.

– Бўйнингдаги қанғадан теринг қонталаш бўлиб ётган кунлари қариндошларинг ёнгинангда эди. – Шомон бўш келмасди. У балки Темучиннинг ўз қариндошларини ошкора лаънатлашини кутаётгандир? Лекин у бундай қилолмасди: улар қандай бўлмасин, қони бир, жон-жигари.

– Мен сўрадим. Агар хоҳламасанг, айт-қўй.

– Бўпти, айтганим бўлсин: бориб келаман! Бўрта сеники бўлади – бу менинг шомон сўзим. Лекин сен бир нарсани тушун. Оталаримизнинг йўллари бир эди, бизларники бошқа-бошқа. Мен ҳамма нўёнларнинг ўғилларини кузатиб юрибман. Сен уларнинг барчасига қараганда қўллашга арзигуликсан. Мен отам ва ака-укаларимга ўхшаб ўз умидларимни сенга тикканман. Сен буни доимо ёдингда тутишинг керак. Унутсанг, мен ўзимга бошқа паноҳ топаман.

– Яна қанақа паноҳ изляяпсан?

– Шомоннинг паноҳи – нўён. Бунақанги паноҳи бўлмаган шомон бир коса шўрва дардида суюкларда фол очиб юрадиган дайдининг ўзи.

– Теб-тангри, мен нўён эмасман. Мен сенинг ўзингдан ҳам ночорман.

– Сен нўён бўласан. Мен сенинг отанг эга бўлган ҳамма нарсангни қайтиб олишингга ёрдам бераман.

Темучин ишонқирамай кулиб қўйди.

– Сен айтган гапингда турасанми? Айтганларингнинг уддасидан чиқасанми?

– Ҳаммасини бўлмаса-да, кўпини амалга ошира оламан! Менинг гапларимни энг ботир паҳлавон ҳам ўткир қиличи билан бажара олмайди. Минглаб одамларни сен тарафга оғдиришим мумкин...

– Мен уларни нима қиласман? Мен ҳеч ким билан, ҳатто Торғутой-Қирилдуқ билан ҳам уришмоқчи эмасман. У мени ўз ҳолимга қўйса бўлгани.

– У сени ўз ҳолингга қўйсаям, бошқалари қўймайди. Ҳозир замон шунақаки, ё сен бошқаларни бўйсундирасан, ёки ўзинг бош эгасан. Қай бирини танлайсан? Ҳал қиласиган вакт етди – ҳал қил.

Шомоннинг гаплари Темучинни борган сари ўнғайсизлантириб қўяётганди. У гўёки Темучиннинг томоғидан аста-секин, маҳкамроқ сиқиб бораётгандай эди. Бу ҳолатдан Темучин бошини жаҳл билан бир силкиди-да, деди:

– Сен мени ўзим истамаган ишга зўрлама! Мени мақсадларинг ўйлида восита қилма!

– Темучин, кўпчиликнинг манфаати бир жойда жам бўлади. Сен хоҳлайсанми-йўқми, кўпчилик билан ёнма-ён боришинг керак. Кўрдим, эшиздим, кўриб юрибман. Одамларнинг ўй-фикрларидан хабардорман. Ҳалқнинг истакларини англаб етсанг, уларнинг умиди сенинг қудратингга айланади. Англаб етмасанг, ўша қудрат сени янчади.

Энди шомон анча жиддий тусда гапиради. Унинг тим қора қўзлари ёниб, кирра бурунли кичик юзида қаҳр акс этарди. Темучин шомон-

ни шу чоққача сира бу ахволда кўрмаган ва унинг олдида итоаткорона ўтиради. Бунақанги одам душманлари орасида бўлишидан у ҳадиксиради...

VII

Ўтов олдида иккита катта гулхан ёниб турибди. Эшик олдида ўтовга орқа ўгириб, букчайганича Темучин турарди. Аланга шуъласида қинғир-қийшиқ кўринаётган юзида хомушлик ва ҷарчоқ сезилар, нимадандир норози бўлганидан лабларини қаттиқ қимтиб олганди. Гулханнинг нариги тарафида, унга рўпара бўлиб Ўйлун, ундан сал нарироқда қариндошлар, келинлар сиқилишиб саф тортган, ундан ҳам нарироқда, усти ёпиқ арава яқинида маросимга тап-тайёр Теб-тангри шомон турарди. Темучин сабрсизлик билан оғирлигини бир оёғидан иккинчисига олар, булар бари қачон тугаркин, деб ўйларди ўзича.

Бўрта ҳам худди унинг жигига тегиши учун қилаётгандай, оғирлигини бир оёғидан бошқа оёғига солиб турарди. Унинг эгнида оиласи хотинларники сингари кийимлар: кенггина ялтироқ, ипак намрог, кумуш кегайли, аллақандай қушнинг патлари билан безалган бўхтак¹. Онаси Сўтан ҳам шундай кийинган эди. Тўладан келган, юзлари силлиқ бу аёл Ўйлуннинг ёнида, дам-бадам унинг қулоғига бир нималарни кулиб шивирлаб турарди. Ўйлун эса ранги унниқан, бир неча жойига ямоқ тушган чопони, пастаккина бевалар қалпоқчасида, меҳнатдан дағаллашиб кетган қўллари ва кичкинагина жуссаси билан Сўтанинг олдида худди Хоахчин сингари бир хизматкордай кўринарди. Бу кўринишдан Темучиннинг ич-ичида алам туғён урар, томоғига бир нима тикилиб, нафасини сиқар эди.

Бу алам ўша ёқда, қўнғиротлар овулидаёқ пайдо бўлган эди. Бўртанинг қариндош-уруғлари очиқкўнгил ва меҳмондўст кўринган бўлса ҳам, отаси Дой-Чечаннинг олдида ўзини гадо ҳолидаги бир одамдек хис қилди. Агар Теб-тангри ёнига кирмаганида, кўркаламуш осмонни кўролмаганидай, у ҳам Бўртани кўролмаган, унга етишолмаган бўларди. Нафаси кучли шомон, сўзамол Теб-тангри Дой-Чечанни шундай авради, у қизини бермай иложи қолмади. Акс ҳолда бир сўзлилиги билан танилган Дой-Чечанг қасамхўрлик қилишга тўғри келарди. Бироқ Дой-Чечан қизини узата туриб, бу Темучин учун жуда катта мурувват эканини сездирмайгина шама қилаверди. Қиммат баҳо совғалар, ясатилган ўтов, келиннинг ажабтовор либослари, унинг устига Дой-Чечан қизини кузатишга чиқмагани – буларнинг бари Темучиннинг ўзини камбағал, бу тўёналарга муносиб жавоб беролмайдиган ночор ахволда эканини англаб олиши учун атайн қилинган ишоралар эканини энди тушуниб етди. Базмда эса хурчиларнинг у қилмаган қаҳрамонликлар, у хукмдори бўлмаган улусни мақтаб қўшиқ айтганлари-чи... Ўлганинг устига тепган бўлди. Улар Темучиннинг ожизлигидан мириқиб кулишибди. Лекин у қўнғиротлар элида бунинг фаҳмига бормаяпти. У ерда Темучиннинг фикри-зикри бир нарса билан банд эди – Бўртани олиб кетиш.

Мана, олиб келди ҳам. Онасини, жулдурвоқи укаларини кўрди, ўзининг йиртиқ-ямоқ ўтови ёнига келиннинг яп-янги ўтовини тикдию,

¹ Бўхтак – бош кийим.

аммо кўнглида заррача шодлик йўқ, фақат алам ва сиқилиш. Тезроқ тугай қолса эди, ҳаммаси...

У кўзини оловдан олиб қочди. Нарироқда қирғоқларидан тошгудай бўлиб Керулен оқиб турибди. Дарёning нариги бетидаги сув ювишидан пайдо бўлган тик қирғоқни илма-тешик қилиб, узунқанотлар ўзларига уя ясадб олган. Улар шитоб билан дарё узра парвоз қилар, салқинлаб қолган оқшом уларнинг чуғур-чуғурлари билан тўлган эди. Эҳ, кани эди у ҳозир ҳаммани ташлаб ўша қирғоққа ўтиб олса, жарликнинг четига ўтириб, бир ўзи узунқанотларнинг парвозини, дарёning кескин гирдобли оқимларини томоша қиласа... Йўқ! Мумкин эмас. Нима мумкин ўзи? Нима учун одам ўзи хоҳламаган ишни қилишга мажбур?

Теб-тангри индамайгина келиб, уни четроққа сурди-да, ўтов эшиги олдига кигиз тўшади, пичирлаб дуо ўқиганча унинг устига ўнгўнларни қўйди ва уларга архидан сачратди. Шомоннинг ҳаракатлари салмоқли ва жуда вазмин эди. Кенг қилиб тикилган чопоннинг ҳар ерига турли жони-ворларнинг металдан ясалган шакллари, бошида япасқи темир ҳалқачали қалпок, қалпоғининг ҳалқачалари туташган қоқ учиди эса, худди ёш жайроннинг шохи каби нурни тасвирловчи иккита мис сим бор эди. Пешонаси ва чаккалари устига учбуручак шокилалар, орқасидаги узун занжирга эса бир қанча шакилдоқлар осилган эди. Шомон ҳар қадам ташлаганида мана шу шокилалар, шакилдоқлар ёқимли жингирларди.

Бу вақтга келиб, коронфилик анча қуюқлашганди. Энди алланга ёрқинроқ ёнар, унинг щуълалари дарё сувида ҳам жилваланаарди. Теб-тангри гулханлар ўртасига туриб олиб, чилдирмасини боши узра қўтарди-да, қўллари билан қаттиқ-қаттиқ ура бошлади. Бу бўғиқ овоз дарё устидан учиб ўтиб, тик қирғоққа урилиб, ундан яна ортга қайтар эди. Шомон бу акс садонинг тинишини кутиб турди-да, мусиқий оҳангда ирод қила кетди:

*Ушибу макон соҳиблари,
Бу ерларга раҳнамолар,
Тоғлар садосига берингиз жавоб,
Шамол эпкинидан роҳатлар олиб,
Зурриётларини мўл-мўл қилингиз,
Молу чорвасига барака беринг!*

Кейин доирасини яна бир неча марта уриб қўйди. Овозлар ва уларнинг акс садоси дарё узра бир-бирига қўшилиб кетди. Сукунат чўкишини кутиб ўтирмай, шомон сийрак соқолличувак юзини баланд қўтариб, руҳлар билан гаплаша бошлади:

*Ушибу макон соҳиблари,
Бу ерларга раҳнамолар,
Доим орқамиздан қўриқлагувчи
Ва даврни олга етакловчилар,
Илтижсоларимизни қабул айлангиз!*

Чилдирма зарблари, акс садолар ва шомоннинг овози дарёдан ошиб ўтиб, сахро томонга ёйилиб кетмоқда эди. Бирдан шомон дуоларини

кескин тўхтатиб, намат устида турган ўнгўнларни кўрсатиб, Бўртага ишора қилди. Қиз аввал ўнгўнларга, кейин Ўйлунга уч бора таъзим қилди. Гулхан олдига келиб, аввалги жойида, Темучиннинг рўпарасида тўхтади. Қизнинг алангдан қизарган ёнокларида йигит на уялинкираш ва на тортиноқчиликни кўрди – қара, қанақа экан!

Темучин унга қамчисининг учини узатди. Иримга кўра, у қамчининг учидан тутган қизни ўзига тортиши керак эди. У тортиш ўрнига қамчисини қаттиқ силтади. Буни кутмаган Бўрта мункиб кетиб, ийқилишига оз қолди. Бўхтагининг кегайи Темучиннинг кўкрагига келиб тақалар экан, унинг бурнига қаттиқ урилди. Қиз бошини даст кўтарган эди, Темучин шундок рўпарасида қизнинг ғазабли кўзларини кўрди. Қарсиллаб келиб тушган шапалоқ каби қизнинг:

– Бух!¹ – дегани эшитилди.

Кутилмаганда повуллаган товушдан юраги тўхтаб қолгандай бўлди, тирноқлари кафтига чуқур ботди.

Бовурчи шошиб унинг ёнига келди.

– Бир-бирларингга жуда узоқ тикилиб қолдиларинг! Кейин....

Темучин бир айланиб шомоннинг кетидан ўтовга йўл олар экан, елкаси билан Бўртани енгилгина тутиб ўтди. Теб-тангри ўчоқка олов ёқди-да, кўлларини кўтарди:

– Ўчоқ соҳибаси Она Галахан! Бу аланга сенинг ироданг билан ёнган. Шундай қилгинки, бу олов манзил-маконларни ёвуз руҳлардан химояловчи, одамлар макрини қайтарувчи бўлсин, яхшиликка тафт бе-рувчи, ёмонликнинг илдизини қуритувчи бўлсин. Минг йиллар ўчмасин бу олов! Ўчоини ўзинг паноҳингга ол, Она Галахан!

Ўйлун Бўртага уч бўлак қўйруқ ёғи узатди. Қиз уларни бирин-кетин оловга ташлади. Кейин онаси келинига уч пиёла ёғ узатди. Бўрта ёғни ҳам оловга қуиди. Аланга ҷарсиллаб то мўригача кўтариларкан, ҳамма беихтиёр орқага тисарилди. Бўрта ўчоқ яқинига ўтириб бир кўли билан юзини пана қилди-да, қалтак билан ўчоқдаги таппиларни тартибга келтирди.

Шомон бошидаги темир қалпоғини ечиб, кафти билан пешонасини артди.

– Бўлди. Бугундан эътиборан, Бўрта, сен Темучиннинг хотинисан, шу ўчоқнинг бекасисан. Сен бўлсанг, Темучин, унинг эри ва шу ўтовнинг хўжайинисан.

Темучин янгигина панжарали ўтов деворларига, ўтов кунгурасини ушлаб турувчи синч таёқчалар ва ҳали қорайиб улгурмаган, кўзни олувчи оппок наматларга қараб қўйди. Бўртанинг ўтови. Қалин жун тўшак, кўзи терисидан қилинган юмшоқ кўрпалар ва ўтириш учун мўлжалланган, бир текис тахланган олбоғлар – ҳаммаси келинники. Бу ерда факат ўчоқнинг кулранг тошларигина Темучинга тегишли. Хўжайин эмиш!

Ўйлун ҳаммани ўз ўтовига таклиф қилди. Қадрдон ўтови Темучиннинг кўзига ҳеч қачон ҳозиргидай хароб қўринмаганди. Девор панжаралари ва синчлари остидан қачонлардир оқ бўлган, аммо эндиликда мумдай қорайиб кетган кигиз бўлаклари кўриниб турарди.

Хоахчин меҳмонларга эҳтиром билан таъзим қилиб, сутдан тай-ёрланган шароб ва қайнатилган гўшт тарқатиб чиқди. Сут-шаробни

¹ Бух – буқа.

онасининг ўзи тайёрлаган, Бовурчи битта каттакон қўй олиб келган, укалари ҳам бир нечта семизгина тўрбағонларни тутиб келтиришган эди. Яхшиямки, ҳеч бўлмаса шу жойда янги қариндошларнинг марҳаматисиз, ўзлари эплаштиришди! Соддадил бақалоқ Сўтан бунақангидек мөхмондорчиликни кутмагани учун ҳайронлигини яширасдан, Ўйлуннинг тежамкорлиги ва уддабуронлигини айтиб, тинмисиз мақтар эди.

Шароб ва яхши мақтову тилаклардан ҳамма хурсанд бўлиб кетди. Шу чоққача ҳечам архи ичмаган кичик укаси Тамуға-ўтчигин тезда кайфи ошиб, ёнбошига ағдарилди. Хасар билан Хачиунлар уни қайта ўтқазиб қўйишидди. Аммо унинг гавдаси худди сув тўла мешга ўхшаб ҳали у, ҳали бу тарафга қийшайиб кетар, бойқуш сингари кўзларини атрофдагиларга маъносиз очиб-юмиб қўярди. Бўрта уни кўриб, кулиб юборди. Унинг кулгиси Темучиннинг ғашини келтирди.

– Хасар! Болани ўрнига ётқизиб қўй! – деди Темучин бақириб.

Нафратдан чақнаган кўзларини яшириб, ёғоч товоқдаги гўшт устига энгашди. Ҳозир у Бўртага етишиш учун қанча изтироб чеккани, бугуни гунни интиқиб кутганини тушунолмасди. Шу тобда унинг Бўртани кўярга кўзи йўқ эди.

Ака-укалар бирин-кетин архининг таъсиридан оғир тортиб ухлаб қолишганида, тун ярмидан оққан эди. Тўй ҳаракатлари билан Темучиндан баттар чарчаган Бовурчи ҳам ака-укалар ёнига чўзилиб, енгил хуррак ота бошлади. Темучин онаси билан бирга хотини ва Сўтанни янги ўтовга кузатиб қайтишидди. Хоахчин дастурхонни йиғиширилар, Тебтангри ўтирган жойида мудрарди.

Онаси йигитларнинг ўринлари четига ҳорғин чўқди, Темучинни ёнига чақириди.

– Сенга нима бўлди, ўғлим?

Онасининг юзи хавотирли, қарашларида ҳадиксираш бор эди. Темучин бошини эгди. У ичидан ўтаётган аламлари ва жаҳлини билдиримадим, деб ўйлаганди. Овқат пайтида Ўйлун мөхмонларнинг кўнглини олди. Сўтанга бошидан ўтган машаққат ва тушкунликларни ҳеч нолищсиз сўзлади, унинг бу ҳикояси жуда қизиқарли чиқди. Сўтан унинг гапларини кулгидан ўзини тиёлмай тинглар экан, бўрсилдоқ юзлари титрар, қисиқ кўзларида ёш йилтириарди. Онасининг ўғли билан умуман иши бўлмагандай эди. Лекин ҳаммасини сезибди...

– У ёқда бирор кўнгилсизлик бўлдими? – яна сўради она.

– Йўқ, ҳеч нима бўлмади... Лекин Бўрта... Онасиям... Улар бу ерда хўжайнлардай, биз бўлсак... Сезмаяпсанми?

– Йўқ, ўғлим, сен айтганлардан ҳеч бирини сезганим йўқ. Сен ноҳақсан. Кўнғиротлар элида бўлган воқеаларни гапириб бер-чи.

Темучин сўзлашга оғиз жуфтлаган эди ҳамки, тўхтаб қолди, кейин қўлларини икки томонга кўтариб қўйди. Айтадиган ҳеч гап йўқ эди, ҳаммаси силлиқ ва жой-жойида...

Онаси бироз кутиб турди-да, ранжиганини яширмай:

– Унақада нимага ҳозир сел қуйиб юборадиган қора булутга ўхшаб хўмрайиб юрибсан? – деди.

Теб-тангри узоқ эснади ва тараддулланди.

– Ўйлун она, Темучинни қаттиқ койима. – Теб-тангри қаттиқ аксирди. – Унинг бошини силаш, эркалаш керак. Жазирамада куйган қарагай ўзидан мум чиқарди, хафа бўлганида одамнинг жигари сафро ҳайдайди.

– Темучинни ким хафа қилди?

Теб-тангри яна ҳам қаттиқроқ аксириб олди.

– Ёвуз руҳлар бурнимни қитиқлашяпти, бу нимага ишора экан-а? Темучинни ким хафа қилди дейсанми? Йигитча ўзини баҳодирлардай, катта улуснинг хукмдоридай кутиб олишади, деб ўйлаган-да...

– Теб-тангри, мен ундей ҳаёлга борганим йўқ!

– Лекин барибир ҳурмат-эҳтиром қўрсатишларини кутган эдинг-ку. Ё йўқми? Кутган эдинг, Темучин! Сен ўзинг шунга лойиқмисан?

– Болаларимнинг олий насаблилиги ҳурматга лойик, – деди қатъий қилиб Ўйлун. – Сен, Есугейнинг энг яқин дўстининг ўғли, буни қўнғиротларга эслатиб қўйсанг бўларди. Қари қузғунлар бургут боласини чўкишини бир четда томоша қилиб туравердингми?

– Лекин ҳеч ким уни чўкигани йўқ. Сал-пал патини эзғилаб қўйишиди, холос. Аммо, Ўйлун она, бу бир тарафдан яхши-ку. Ақллироқ, ботирроқ, мулоҳазалироқ бўлади!

Теб-тангри Темучинга хайриҳоҳ қулиб турарди.

Мана шу мулоҳим табассум ва унинг акси бўлган тиканли сўзлари Темучиннинг фифонини чиқарип юборди.

– Жим бўл! Сен Кирилдуқ қўлидан қочишимга ёрдам бердинг, раҳмат! Сен уйланишимга ёрдам бердинг, бунга ҳам раҳмат! Сен қўнғиротлар мени ўзларига тенгдек қабул қилишларини ҳам эплашибиришинг мумкин эди. Аммо сен буни хоҳламадинг. Майли, бу ёғи сенинг ишинг. Аммо-лекин, менга нима яхшию нима ёмон экани билан ишинг бўлмасин!

– Нима учун, Темучин? – Шомон энди айбдорларча кулимсираётган бўлса ҳам, кўзларида учкун ялтиради. – Нимага энди сен нимани хоҳласанг гапираверишинг мумкин-у, мен сенга ўйлаб гапиришим керак? Асални яхши кўрсанг, заҳрига чида. Тўғри, мен сени қўнғиротликларнинг пичингу кесатиқларидан ҳимоя қилишим мумкин эди. Ҳа, мен бундай қилмадим. Хўш, нима учун? Сизлар онанг билан қўнғиротлар элида ўзингизга ҳомий ва ҳимоячи топишни мўлжаллаган эдингиз. Бўлмагур умидлар! Мен буни бир қараашдаёқ тушундим. Сен ҳам буни мендай тушуниб етишингни истадим. Бу ёғи ўзингга аён: қўнғиротлар сени асилзода нўён қатори эмас, подаларини боқадиган чўпон қаторида қабул қилишди.

Шомоннинг сўзлари Ўйлунни ўйлантириб қўйди. У ўғлига шундайми, дегандай қаради. Темучин юзини ўғирди. Нима ҳам дерди, шомоннинг гаплари рост бўлса. У бирон нима қўшмади ҳам, чатмади ҳам.

– Биз энди ўзимизга паноҳ ва ҳимояни қаердан топамиз? – деди хафа бўлиб кетган Ўйлун. – Якка дараҳтни кучсиз шамол ҳам илдизи билан қўпориб ташлаши мумкин.

– Нима, камситилган, талангандар фақат сизларми? Нима, менинг отам Мунлик, ака-укаларим ҳам сизлар каби хорланмадими? – Теб-тангри энди кулмас, овозида ғазаб сезиларди. – Мен овулдан-овулга ўтиб бораман, сизнинг уруғингизга тегишли одамлар билан гаплаша-

ман. Улар қайтиб келишади. Лекин сен, Темучин, қарчиғайдан беркинган ўрдакка ўхшаб, қамишлар орасида яшириниб ўтирма. Ўзинг ҳам қиргий бўлиб сахро узра баланд парвоз қил. Мен сенга танла, деган эдим. Хўш, нимани танладинг, Темучин?

Шомон жим жавоб кутиб турди. Темучин унинг ўткир қараашларидан юзини бурди. Теб-тангри қўнғиротлар ҳомийлигини таъминлаб беради, деб умид қилиш аҳмоклик эди. Темучин шомонга шу ерда Есугейнинг улусини яна бир ерга тўплаш учун керак эди. Унинг отаси Мунлик, ака-укалари Торғутой-Кирилдуқнинг подасини бокиб юришибди. Охирги нафасларигача ҳеч қаерга кетолмайдилар, пода бокиб ўтадилар. Уларнинг бирдан-бир умиди – Темучин эди. Агар у отасининг улусини қайтариб олса, унинг отасию жигарлари ҳам худди аввалгидай ҳаёт кечиришлари мумкин. Уларга ўхшаганлар яна қанча? Жуда кўп. Юзлаб, минглаб топилади. Шомон ана ўшаларга ишонади. Бироқ Темучин ўзининг бутун орзуларини шомонга тикиши керакми? Унинг жиловига қандай тушганингни ҳам сезмай қоласан. Ўшанда унинг калласи билан иш қилишинг керак бўлади.

– Кутайлик-чи...

Жавобини кутиб ўтирган онаси ҳам уни маъқуллаган кўйи бошини силкитди. Чунки у ҳам ўғлининг шошилиб, енгил-елпи жавоб беришини истамасди.

Теб-тангри бўлса масхараомуз ҳиринглади. Бошқа бу тўғрида гаплашишмади. Эрталаб Темучин уйғонганида шомон йўқ эди – жуфтакни ростлаб қолибди.

(Давоми келгуси сонда)





Андрей ПУМПУР

(1841–1902)

ЛАЧПЛЕСИС – ЛАТИШ ХАЛҚ ҚАХРАМОНИ

Халқ ривоятлари асосида яратилган латиш эпоси¹

*Рус тилидан
Мұхаммадали ҚҰШМОҚОВ,
Комиљсон ЖҮРАЕВ
таржимаси*

Бешинчи қүшик

Денгизда, сеҳрланган оролда. Уч йод.
Жодугар кампир. Спидала. Лаймдота ва Кокнесис. Учрашув ва ёруғ
юз билан ватанга қайтиш

*Жодугар Спидала сеҳр, шумлик билан
Ажратди Лачплесис ва Лаймдотани,
Лекин тарқамади уч олмоқ қасди,
Ёмон сиғинмоқдан қайтмади ҳеч ҳам.
Учар Спидала ва жодугар кампир
Олис оролларда тимирскилани;
Денгизда шамолу довул күтариб,
Ботирнинг кемасин сурди-ҳайдади
Муз чатнаған Шимол дengизи томон.
Агар Шимол Қизи бермаса ёрдам,
Агар дариг тутса ҳиммат, ҳикматин,
Ямламай ютарди ютоққан гирдоб.
Қандай күргиликка дуч этгай лекин
Измига юргизған сирли бу орол.
Ботир унинг нишаб – қиялаб тушған
Соҳилига синчков соларди разм:
Қирғоқ түлқинлари күтиги босиб
Саёзлик лойида чиришига маҳкум,
Бари бунда түп-түп, қалашиб ётган
Сони-саноги йүқ кема, қайиқлар
Бир вақтлар жодуга учраган орол*

¹ Давоми. Бошланиши журналнинг февраль, март, апрель, май, июль сонларида.

Дамига тортилиб, тушган домига.
 Тошга айлантириб қўйилган, эҳ-ҳе,
 Қанча дengизчилар қирғоқда ётари.
 Ҳувиллар бу орол – жунжиктиргудай,
 Асло кўринмайди ҳаёт асари,
 Фақат ўрмон гувлар... Яна, ташланган
 Ўрмондан дengизга баланд бир кўпrik,
 Кўпrik охирида катта шинам уй –
 Дengиздан қалқандай, юксак, муаллақ.
 Лачплесис ва бошқа йигитлар шахдам
 Кўпrikдан ўтдию кирди шу уйга.
 Бутун уй ичини кезиб, чақириб,
 Топишмади бирон тирик жон, аммо
 Бунда ҳар нарсадан уфурар ҳаёт:
 Кенгии бир хонанинг миёнасида
 Узун столларнинг устида маҳтал
 Хилма-хил егулик, мўл-кўл ичкилик.
 Унинг ёнидаги бошқа хонада
 Юмиоқ кўрпа-тўшак – жойлар солиғлиқ.
 Дengизчилар бормай истиҳолага,
 Бемалол ўтириб еди-ичди хўб,
 Кейин эса юмиоқ ўрин-жойларга
 Тапна ташладилар беҳол, беҳадик.
 Буни кўриб, танбех берди Лачплесис:
 “Шунақа бўларми, – деди, – иши, ахир,
 Аввало, бу уйга кираверишида
 Кечаси қўриқчи қўймоқлик керак”.
 Аммо ҳамроҳлари ўтинди ундан:
 “Бугунча сен ўзинг қўриқчилик қил,
 Тинкамиз қуриган, тун бўйи бедор
 Тик оёқда турмоқ иложи йўқ ҳеч”.
 Шунда қуролини олиб Лачплесис
 Қоровуллик қилди тик кўпrik узра.
 Зоғ ҳам учмас эди бутун атрофда,
 Орол жимлик ичра гарқ эди буткул.
 Тун ярмida келди отнинг футури.
 Бир суворий чиқди чакалакзордан.
 Кўпrikка етганда тўхтади бедов,
 Тисарилди, чарслик қилди пишиқриб.
 Ўшқирди отига суворий: “Нега
 Кўрқасан? Бу ерда зиён-захмат йўқ!
 Бизга лойиқ рақиб – Лачплесис, лекин
 Шимолий дengизда сарсон, абгор у,
 Бизни топиши ҳам даргумон, чунки
 Ақли қуюлмаган, думбул боёқши!”
 Тик кўпrik устида деди Лачплесис:
 “Миянг айниб қопти, алжираяпсан!
 Менинг ақлим шунча қуюлибдики,
 Дарвозанг олдида кутяпман сени!”

Уч бошли иод эди ўша суворий
 Момақалдироқдай деди хохолаб:
 “Мабодо ростдан ҳам Лачплесис бўлсанг,
 Қани, майдонга чик – куч синашайлик!”
 Орол сари юрди ботир ҳам, иод ҳам.
 Қалин, юриб бўлмас ўрмон чор атроф.
 “Пуфла, – деди отлиқ, – ўрмонга қараб,
 Сўқишисанг, кенг жойда сўқишиган дуруст”.
 “Ўзинг пуфла, кўрай! Бор-ку уч бўғзинг!
 Нафасим етмас деб қўрқасанми ё?”
 Йод пуфлади, ўриб кетилган каби,
 Гойиб бўлди нақ уч чақирим ўрмон.
 Шу пайт Лачплесисга ҳамла қилди йод,
 Сувсар мўйна телпак узра ўйнатиб,
 Қулочкашлаб, шундай урди чўқморин,
 Ерга ботди ботир тиззасигача.
 Лекин қолдирмади буни бежавоб,
 Тан тортмай Лачплесис оғир қиличин
 Шундай қаттиқ урди: илк зарбадаёқ
 Учирди йоднинг уч бошидан бирин.
 Йод бот қутургандан-қутурди, аммо
 Зўрлигин билдириди ботир барибир
 У қайтариб қилич согланда, ёвни
 Жудо этди қолган икки бошидан;
 Ердан оёқларин чиқарип олгач,
 Зим қилди мурдани чакалакзорга;
 Гўёки ҳеч нарса рўй бермагандай,
 Йўлдошлари сари бўлди равона.
 Денгизчилар эди буткул бехабар,
 Эрта тонг ҳаммаси беташвиши, қувноқ,
 Ейшига, ичишига бўлди андармон,
 Ейшидан, ичишдан қолмади армон,
 Ботир Лачплесисдан сўрашиди тагин
 Бу тун ҳам туришини қоровулликда.
 Қурол-ярогини олиб Лачплесис,
 Қоровуллик қилди тик кўприкда боз.
 Айнан тун ярмида қалин ўрмондан
 Чиқиб келди жуда ҳайбатли отлиқ,
 Қаттиқ сўйлаб келар ўз-ўзига у:
 “Укажоним, бўлдинг қайларга гойиб?
 Наҳот, Лачплесисга дуч келиб қолдинг?
 Унинг дуч келиши мумкинмас фақат!
 Адашиб, тентираб совуқ денгизда –
 У ёқдан ҳеч қачон, ҳеч вақт қайтмас у...”
 Қаршисидан чиқиб, қичқирди ботир:
 “Миянг айниб қопти, алжираяпсан!
 Мен – Лачплесис! Кеча сенинг укангнинг
 Барча бошин бирдай кесмадимми мен?”
 Бу суворий эди олти бошли иод.
 Үкирди-бўкирди у қони қайнаб:
 “Сен ўлдирган бўлсанг укамни агар,

Чўқмор билан уриб янчаман сени!
 Пуфла ўрмонга сен, токи очилсин
 Жанг қилгулик жой!” – Деди Лачплесис:
 “Ўзинг пуфла, кўрай, бор олти бўғзинг!
 Нафасим етмас деб қўрқянсанми ё?”
 Пуфлади йод, шунда юз йиллик ўрмон
 Олти чақирими учди пар янглиг.
 Чўқморини урди қулочкашлаб у,
 Сувсар мўйна телтак узра ўйнатиб,
 Бу зарбадан, ярим белига қадар
 Ерга кириб кетди Лачплесисдай алп.
 Улар жсанг қилишиди басма-бас, узоқ.
 Охир, тонгга бориб, зўр келди ботир.
 Яқин қуюқ ўрмон ичра зим қилди
 Ўлдирилган маҳлук жасадини у.
 Қўналгага ҳориб, чарчаб қайтдию
 Тушгача уйқудан қўтартмади бои.
 Кечқурун айтдики йўлдошлирига
 Қўриқчилик қиласар бу тун ҳам ўзи,
 Лекин улар мијжаса қоқмасдан ҳатто
 Тунни ўтказишисин бедор ва ҳушёр,
 Эҳтимол, бу кеча керак бўлар ва
 Ҳаммасининг тегиб қолар ёрдами.
 Сўнг тоза бир коса келтириб, унга
 Сув қуийб тўлдириди сила қилиб у,
 Стабурадзе ойнасига рўбарў
 Қилиб қўйди уни стол ўртасига,
 Кейин деди: “Агар косадаги сув
 Тонгга қадар тоза сақланса шундоқ,
 Демакки, эмасман кўмакка муҳтож,
 Дам олаверингиз сизлар хотиржам.
 Мабодо кечаси шу косадаги
 Тоза сувга сизиб аралашиса қон,
 Барчангиз баравар ёрдамга шошинг,
 Бирингиз ҳам қолмай чопинг ёнимга,
 Қаранг, ёдингиздан чиқмасин асло!
 Менга етказинглар ушибу ойнани!”
 Отланди, шайлайди қурол-ярогин.
 Тик кўприкда турди қўриқчиликка.
 Ярим тунда тўққиз бошли суворий
 Даҳшат солиб, чиқиб келди ўрмондан.
 Унинг қора оти кўприкка етмай,
 Орқа оёғида тик турди, ҳуркиб.
 Суворий ҳайқирди: “Нимадан қўрқдинг?
 Нима жин урдики, шайтонляйсан?
 Ҳаттохи Лачплесис келган бўлса ҳам
 Уни укаларим айлаган абжақ!”
 “Якка ўзим икки уканг ўлдиридим! –
 Айқирди Лачплесис кўприкда туриб. –
 Улар қисматига шериксан сен ҳам.
 Мана, мен – Лачплесис! Қутяпман сени!”

У маҳлук құтуриб, чинқирди қаттиқ:
 “Агарда ростдан ҳам Лачплесис бўлсанг,
 Мен билан куч синаши тайсалламасдан.
 Чиқ! Бўл! Оролдаги ўрмонга пуфла!”
 “Ҳар бири ҳайҳотдай тўққиз бўғзинг бор,
 Ўзинг пуфла!” – деди унга Лачплесис.
 Йод пуфлади, гўё қўпдио бўрон
 Йоз ишллик ўрмонни тўққиз чақирим
 Нарига итқитди, сўнг қилиб ҳамла,
 Ҷўқморини урди дубулгасига,
 Шунчалик қақшатқич бир зарбасидан
 Белигача ерга кириб кетди алп.
 У қилич солганда йоднинг бўйнига,
 Учириб юборди учта бошини.
 Аммоқи йод яна қилганда ҳужум,
 Ерга кириб кетди кўкрагигача.
 Ботир ҳам йодга бот айлади ҳамла –
 Узди унинг яна учта бошини.
 Узоқ жсанг қилишиди, тойшиди ҳолдан,
 Силласи қуриди охир-оқибат.
 Йоднинг битта боши қолди қаққайиб,
 Қўлтиққача ерга ботди Лачплесис.
 Йўлдошлиари ваъда қилган мададга
 Умид боғлаб, ботир кутар бетоқат,
 Улар-чи, уйқуни урар баҳузур,
 Қилган лафзи буткул чиққан эсидан...
 Бор-йўқ мадорини ийгиб Лачплесис
 Кўпrikдан ошириб отди чўқморин
 Ва у учиб бориб уч чақиримча
 Ёриб ўтган эшик эди қўшиқават.
 Уйқуни ўчириди шу зарб гумбури,
 Сесканиб уйгониб, қалқди одамлар,
 Шундай қарасалар: биқирлаб қайнаб
 Коса қиргогидан тўқилмоқда қон.
 Куролланиб, кўмак бергали алтга
 Ҳамма кўприк оша югурди эш-қўши.
 Лачплесисни ерга тиқиб бутунлай
 Бир зарб-ла йўқ қилмоқ бўлганида йод,
 Стабурадзе ойнасин, денгизчилар
 Етказиб улгурди унинг қўлига.
 Йод ойнани кўриб, қулаб юзтубан,
 Ўша он кўркувдан айланди тошга.
 Лачплесисни қазиб олишиди жадал,
 Оёққа тургазиб қўйдилар уни,
 У турдию оғир қиличин сермаб
 Йоднинг сўнгги бошин айирди тандан,
 Жаҳлини босолмай, койиди қаттиқ
 Бепарволик қилган шерикларини.
 “Энди эса, – деди у сўнгра, – бизлар
 Эгалик қиламиз ушибу оролга!
 Фақат эни-бўйин қадам-бақадам

*Кўздан ўтказайлик бир неча марта.
Балки ўлган ога-ини йодларнинг
Бордир бу оролда гумашталари!”*

*Бир-икки кун ўтди, ўзига келиб,
Жанглар чарчогини тарқатгандан сўнг,
Қаватига олиб ҳамроҳларини
Бу янги ерларни кезди Лачплесис.
Ўрмон бўйлаб юргач узок, келди дуч
Яшнаган ўтзорга, бир ялангликда.
Шу жой ўртасида бор экан қудуқ,
Унинг тепасида гуркурап олма.
Сув сари талпинди барча ҳамроҳлар,
Чанқоғини босмоқ – бутун илинжи.
Аммо тўсди улар ийлини ботир,
Ичгани қўймади қудуқ сувидан.
Уч бор қилич солди қудуқнинг ёғоч
Деворига, сўнгра ўйди учбуручак.
Не сир рўй бердики, эврилди қонга
Сокин жисмирлаган зилол, тиниқ сув.
Қулоққа чалинди қудуқ тушибдан,
Ажабо, тушкун бир ингроқ, нола, оҳ.
Бироқ ўша заҳот тинди оҳиста
Қаърдан эшиштилган эзгувчи оҳ-зор,
Аввал лойқаланди ва шундан кейин
Бўлди сув каҳрабо сингари шаффоф.
“Ана энди ичинг, – деб айтди ботир, –
Қанча ичсангиз ҳам етмайди шикаст”.
Қудуқ узра олма имлаётгандай,
Шохларида қирмиз мевалар шишил.
Жаҳд қилишиди олма узиб емоққа
Ташналиги қонган одамлар энди.
Зўр билан тўхтатди уларни ботир,
Йўл бермай олмага қўл чўзгани ҳам.
Қулочкашлаб урмоқ учун шайланди
Дараҳт танасига оғир қиличин,
Аста шитирлади унинг барглари,
Тавалло айлади: “Ўлдирма мени!”
Бу ҳолдан Лачплесис тушиб ҳайратга,
Беихтиёр ўзин олганда нари,
Бўлмайдиган бир иш бўлди ногоҳон –
Ёш ва гўзал қизга эврилди дараҳт.
Тилдан қолган каби, қараб турар жисм –
Таажжусубга тушиби ботир шунчалик.
Бошига балолар ёғдирган ёви:
Спидала эди бў – қаршисидаги!
Унинг оёғига ийқилиб зор-зор,
Шафқат тиламоқда ўша кекчи қиз;
Онт ичиб айтдики, минбаъд ҳеч қачон
Ёмонлик согинмас энди ботирга.
Не қингир иши қилдим – тўғрилайман, деб,*

*Ичди бор айбини ювмоққа қасам.
Бовар қилмаса-да бирон сўзига,
Алп унга барибир айлади шафқат:
Бало-махлукларни енгган баҳодир
Хеч вақт этармиди аёл билан жсанг.
Спидала қўл урган ёвуз ишларин
Ҳаммасини айтиб, олди бўйнига:
Кангарс билан ўзи, қандай қилди банд
Ром этиб Лаймдота ва Кокнесисни,
Сўйлади дўсти ҳам, гўзал ёри ҳам
Ҳар он бўлгандарин ботирга содик.
Бир вақтлар Лачплесис ўз кўзи билан
Шайтончоҳда кўрган жодугар кампир
Кема, қайиқларни шу ердан сеҳрлаб,
Келтираверарди тортиб оролга,
Макрига учраган денгизчиларни
Тошига айлантириб қўярди шу дам.
Ўшандা Лачплесис ўлдирган йодлар
Ўғиллари эди шу жодугарнинг,
Улар кўнгли одам гўштин тусаса,
Аслига қайтариб уч-тўрт йўлчини,
Шулардан ҳозирлар эди нонушта.
Лачплесис ўлдиргач ўғилларини,
Алтнинг келар йўлин ётди у пойлаб
Қудуққа айланниб ўрмонзор аро,
Ёввойи олмага дўнди Спидала.
Мабодо Лачплесис қудуқни уч бор
Қилич билан чопиб, сеҳрдан халос
Этмасдан, одамлар ичса бу сувдан
Ҳаммаси ўларди минг азоб тортиб.
Ўлди алп қиличи зарбидан бироқ
Қудуқ тушибдаги жодугар кампир.
Спидала бошига ҳам тушиб шу кун –
Ҳалокат топарди, аямаса у.
“Сен енгдинг, Лачплесис! – деди Спидала,
Зўр ҳаяжон ичра қолган эди қиз. –
Сени йод, маҳлуклар, иттумиуқлардан
Қутқарган Балтия маъбулари дир.
Ва лекин жонажон ватанимизда
Йўлингга интизор улуғвор ишлар.
Денгизларда сарсон юрган вақтларинг
Ётлар айламоқда ватанин горат!
Туққан, қанот берган ерларингга қайт,
Барча зўравонлар тўдасини қув!
Қани энди, мен ҳам берсайдим мадад,
Кошки эди, эрким бўлса қўлимда,
Кошки эди, менинг кўнглим бўлса пок
Сенинг қаллиққинанг – Лаймдота каби!
Лекин ҳеч ким менга қайтара олмас
Иблис билан тузган мангу шартномам –
Мен уни бир вақтлар қаҳр, қасд ичра –*

Ёзгандим ўз қўлим, ўз қоним билан!”
 Шундай деб, Спидала йиғлади аччиқ,
 Икки қўли билан юзин беркитиб.
 Тавба-тазарруси рост эканига
 Лачплесисда шубҳа қолмади ортиқ.
 Шу пайт, бирдан, тушди унинг эсига
 Ўраб қўйилган бир билгисиз битик –
 Асқатиб қолар деб Шайтончоҳдан у
 Билдиримасдан олган эди ўшанда.
 Келтиритирди уни кемадан дарҳол,
 Берди Спидаланинг қўлига ўзи.
 Спидала бу хатни кўрар-кўрмаёқ
 Беихтиёр кулиб-йиғлаб шодликдан,
 Шошиб қайта-қайта айтди ташаккур,
 Яна оёғига йиқилди алпнинг:
 “Лачплесис! Айланай, бутун умримни
 Айлайнин мен сенинг ўйлингда фидо!
 Иблис билан тузган шартномам шудир,
 Қоним билан имзо чекканман унга.
 Шу хат билан бирга қайтардинг эрким,
 Дўзах азобидан мен бўлдим озод.
 Ёндириб қул қиласай лаънатини мен,
 Ўзиму ўзлигим айлай баҳшида
 Хизмат этай фақат эзгуликка мен,
 Бунгача қилгандек ёвузликка мен!”
 Қудуқ ичидан у учи қайрилма –
 Бир ҳассани олди: денгизчиларни
 Ушибу жодугарлик ҳассаси билан
 Тирилтирас эди даҳшатли кампир.
 Шу ҳассани тутиб, Спидала обдон
 Текиширди қирғокда ҳар бир қайиқни,
 Тош бўлиб ётганга тегизса ҳасса,
 Ўша он тирилиб қоларди ўлик.
 Гўёки бир кечага ухлаб тургандай
 Ҳис этар эдилар улар ўзини.
 Кемаларнинг баланд саҳнидан улар
 Бирварақай сакрар қирғокча хурсанд.
 Синчков кузатаркан Лачплесис бир вақт
 Не кўз билан кўрсин – қотди ҳайратда –
 Тирилганлар аро кўрди-таниди:
 Дўстти – Кокнесису ёри – Лаймдота.

* * *

Шундай, Лаймдотани жасасур Кокнесис
 Ёвузлар қўлидан қутқаргандан сўнг,
 Узоқ йўллар юриб, ҳориб, ниҳоят,
 Денгиз қиргогига келдилар етиб,
 Кўрдилар: бир кема елканларини
 Кўтариб, шай турар олис сафарга –
 Ў Даугаванинг этагидаги

Янги бир шаҳарга жўнайди экан.
 Кокнесис, Лаймдота билмас эдилар
 Айни янги шаҳар ҳақда ҳеч нарса,
 Қариндоши, яқинлар аҳволини ҳам.
 Қандай яшар улар – хабарлари йўқ...
 Шу боис иложси борича тезроқ
 Етиб бормоқ учун шошар ватанга.
 Уларнинг кўнглини ўртаган мақсад
 Рўёбга чиқиши бўлмади ўнгай.
 Йўлларини тўсди тинмай шамоллар,
 Бўронлар жўннатиб жодугар кампир.
 Туманда адашиди улар кемаси,
 Денгизда улоқди йўлин йўқотиб.
 Узоқ вақт бўлганча сарсон-саргардон,
 Сузувчилар кўриб қолди бир куни:
 Ажисб орол имлар само четида –
 У ёқка бурдилар кемани жадал.
 Унга яқинларкан, кема гўёки
 Бўрон сураётган каби, тобора
 Тез сузиб, бетийик бир шиддат ила
 Учгандай отилди соҳилга илкис.
 Қирғоқда, кутгандай, чиқди бир буви
 Очиқ чеҳра билан уларга пешвоз,
 Барчани ортидан эргаштиридию
 Тик кўпrik орқали элтди уйига,
 Роса сийлаб, қилди қуюқ зиёфат.
 Мехмондорчиликдан қайтгач одамлар
 Кемага чиқдию кетди уйқуга,
 Оромларига ҳеч етмади халал
 Уйготмагунича Спидала келиб.
 О, улар қалбини тўлдириди қувонч
 Ботирни учратган лаҳзаларида!
 Кокнесис дўстини қучди. Лаймдота
 Ёри елкасига қўйди бошини.
 Ўзин ўнглаб, топгач сўйлашга мадор,
 Кўрган-кечирганин улар ҳикоя
 Қилаверди бир-бир: олис сафарда
 Нелар раво кўрди турланиб қисмат.
 Лачплесис кўнглидан ариди алҳол
 Шубҳаю гумоннинг сўнгги сояси.
 Янгидан, бузилмас онт ила пойдор
 Этилди уларнинг буюк бирлиги.
 Спидала туради четда мунгайиб,
 Улар қувончига бўлолмай шерик.
 Шунда ботир тутиб унинг қўлидан,
 Дўстлари ёнига борди етаклаб.
 Сўйлаб берди, фақат у сабаб бўлиб
 Иккиси ҳаётга қайтарилганин.
 Лаймдота, Кокнесис бараварига
 Самимий ташаккур этдилар изҳор,
 Чин дилдан ўтиниб, қилдилар тақлиф

*Дўстлик даврамизга сен ҳам қўшил, деб.
Сидала астойдил айлади ваъда
Бир умр бўлишига уларнинг дўсти,
Бу ҳаётда нелар рўй берса ҳамки
Қайгую қувончни кўришига баҳам.*

*Сидалага эди беши қўлдай маълум
Шу гўзал, гаройиб орол аввалдан,
Толмас йўл бошловчи, ҳушёр қўриқчи
Бўлди эндиликда дўстларига у.
Ҳомсиз денгиздаги ушибу жазира
Ҳосилдор тупроғи ётарди кўпчиб.
Хоҳии билдиришиди кўп денгизчилар
Шу оролда яшаб қолмоқча абад.
Бу ерни жсанг қилиб олган Лачплесис
Ўзи бошқармоги керакдир, шаксиз.
Шу сабабли тартиб ўрнатгунича
У ушланиб қолди бунда анча пайт.
Одамлар оролни айлагач обод,
Бирин саркор этиб тайинлади у.
Истиқомат қилди бу вақтда тўрт дўст
Кўприк ортидаги йодлар уйида.
Шу бой уйнинг барча махфий жойлари,
Омборларин билар эди Сидала,
Сони-саноги йўқ бойликлар тўла
Омборлар эшигин очди бирма-бир.
Захирага гамлаб қўйилган қўр-қўт
Етар юз йил ейиш-ичши, кийишга.
Улар учун азиз бўлмаса эди
Бу ёргу оламда ҳар недан ватан,
Яшаб қолишарди жислмасдан асло
Бутун умр шундай сўлим оролда.
Лекин бегам, баҳтили умргузаронлик –
Эмасди уларнинг чекига тушган.
Ватан чорлар эди уларни қатъий,
Шодлик, гам, кураида бўлинг деб таянч.*

* * *

*Кунлардан бир куни, созланган кема,
Ҳеч ерда қўсур йўқ – сафарга тайёр,
Қолаётганларга, ана, Лачплесис
Бераётир сўнгги топшириқларин,
Оёғи етганча, ўйга ботганча,
Орол бўйлаб кезар экан Кокнесис,
Боқса: қудуқ ичра жодугар кампир
Ҳаром ўлган ўша таниши яланглик.
Кўзига чалинди анча олисда,
Қудуқнинг ёнида кичикроқ гулхан.
Яқинроқ боргандга кўрди у аниқ:
Гулханнинг ёнида турар Сидала.*

*Разм солди: қўлида нақшин ҳасса ва
Ўроғлиқ битикни тутиб турар у.
Ҳасса ва битикни ўтга ташлагач,
Сўйланар эди у ўзига ўзи:
“Даф бўлинг, қуюнга қўшилиб кетинг,
Ҳавода тутундай йўқолинг кўздан!
Ҳукмингиз ўтмайди ҳеч қачон менга,
Минбаъд амрингиздан озоддирман мен!”
Ўша онда катта олов устуни
Гулхандан ажralиб чиқди чинқириб,
Оловли илонга эврилди бирдан,
Учқунга чеврилди ва бўлди адо,
Тамом ўчди қудуқ ёнидаги ўт,
Майин нимқоронги босди атрофни.
Спидала оҳиста тиз букди ерга,
У ииғлаётганга ўхшарди бу он.
Шу пайт унга яқин борди Кокнесис,
Ердан тургаздию сўради савол:
“Сингилжон, не учун чўмдинг қайғуга?
Нечун кўзларингда шашқатордир ёши?”
Спидала уялди, лекин бошини
Дадил кўтарди-да, айлади жавоб:
“Яна, келажакка ишонаман мен.
Менинг кўз ёшларим – қувонч ёшлари.
Қоронги кечмишини унумтиб, умрим
Бошидан бошларман, ишончим комил,
Сен бугун гувоҳи бўлганларингни
Ҳамиша сир сақла лекин, Кокнесис!
Мангу айрилармиз тез орада биз,
Аммо сени ҳеч вақт унумтаман мен!”
Унинг қўлларини ушлаб, астойдил
Кокнесис айлади борини изҳор:
“Амин бўл, Спидала, сенинг сирингни
Қалбимнинг тубига кўмгайман абад.
Кечмишга на ҳожсат? Биламан фақат
Мен дилбар, жонона халоскоримни!
Лекин энди сенга сира тўхтамлай
Бир эзгу сиримни очмогим керак.
Агар бўлса шунга юрагинг мойил
Ажralишмас эдик бизлар ҳеч қачон”.
Спидала, эшиштгач, ранги оқариб,
Бот-бот кўтарилиб-тушарди кўкси.
“Кокнесис, – деди у, – билармисан ҳеч,
Севгилим деганинг асли эди ким?
Иблис билан тузган мудҳии шартномам
Ўтга ташлаб ёқдим бугун кечқурун”.
“Биламан, – Кокнесис деди мулоийим, –
Разолат даф бўлди – кўрди шу кўзим,
Ким қулаб, оёққа турса янгидан
У ииқилмагандан кўра азамат!..”
Чуқур хаёлларга ботганида қиз,*

Кокнесис сўйлади ўтинч, зор ила:
 Агар муҳаббати этилса инкор,
 Бундан кўра афзал эди, албатта,
 Тош бўлиб ётгани дengiz бўйида –
 Ҳиссиз, эҳтиrossиз, бедарду жонсиз...
 Оғир хаёлларга қўйган каби чек,
 Тилига чиқарди кўнглидагин қиз:
 “Муҳаббатинг бўлса шундай баркамол,
 Жоним билан севмоқ истайман сени!
 Аҳдим аҳддир! Сенга ўзим вафодор,
 Ҳар жойда, ҳар қачон севганим севган!”
 Шу он маҳкам қучиб Кокнесис уни,
 Кўз ёшин қуритди бўсалар билан.
 Нозик сабо бўлиб Лайма-онанинг
 Нафаси уларни эркалар силаб.
 Эрта тонг Лачплесис амири-ла кема
 Юзарди тўлқинлар узра чайқалиб.
 Жодугар кампирнинг йўқ бўлди сеҳри,
 Кема – доим дарга ихтиёрида.
 Денгизда, Спидала билан Кокнесис
 Дўстларига айтди муҳаббатларин.
 Мехрибон дўстлари баҳтини кўриб,
 Қувонди Лаймдота билан Лачплесис.
 Олис сафарларнинг ранжсу заҳмати
 Худди эсдан чиқиб унумилгандай,
 Ягона ҳамманинг мурод-мақсади:
 Имкон қадар тезроқ етмоқ ватанга.
 Йўлда учрамади уларга тўсиқ,
 Шамоллар, бўронлар бермади халал,
 Она дengiz¹ ўзи ҳар дам мададкор,
 Сафар давомида этди ҳимоя.
 Ниҳоят, самонинг олис четида
 Қарагайзор ўрмон кўзга чалиниб,
 Қирғоқ – аниқ, яқин тобора; улар
 Этди Даугава этакларига.

(Давоми келгуси сонда)

¹ Она дengиз – латишлар тасаввuriда дengiz маъбути; ҳалқ қўшиқларида, дуо ва қайтариқларида, баъзан эртакларида ҳам тилга олинади.

4 “Жаҳон адабиёти” № 8



Тони МОРРИСОН

(1931 йили туғилган)

ЎЗ УЙИМ...

Роман¹

*Рус тилидан
Дилдорхон АЛИЕВА
таржимаси*

Исидра Тельманинг фикрига қўшилиб, аҳмоқлигини бўйнига олди, бироқ унинг ҳаммадан кўра акаси билан дардлашгиси келарди. У акасига об-ҳаво ва Лотусдаги ғийбатлар хусусида ёзди. Учурук қилиб. Агар у билан кўришишнинг имкони топилиб, барини унга сўзлаб берганида ҳам акаси унинг устидан кулмаслигини, уни койимаслигини ва унга сира таъна қилмаслигини қиз яхши биларди. Акаси ҳамишагидек бундай мушкул вазиятларда уни қўллаб-қувватлаган бўлурди. У, Майк, Страфф ва яна бошқа болалар майдонда футбол ўйнашаётган ўша пайтдагидек. Қиз ўшандан яқин атрофдаги ёнғоқ дараҳтига суюниб ўтирас, ўйинни томоша қилиш унинг учун зерикарли эди. У болаларга аҳён-аҳёндагина қараб қўярди, холос, ўзи эса Ленора қўриб, ҳаёсизлигини барчага намойиш қилаётган гўр гўдак дея яна койимаслиги учун тирноғидаги олчаранг бўёқни кўчириш билан овора эди. У болаларнинг: “Хой, қаёққа кетяпсан? Нима гап?” – деган бакир-чақирларини эшилди ва бошини кўтарди-да, ўз жойини ташлаб кетаётган акасини кўриб қолди. У қўлида таёқ билан битта-битта юриб бориб, дараҳтларнинг ортига беркинди. Кейин маълум бўлишича, дараҳтларни айланиб ўтмоқчи бўлган экан. У бирдан қиз ўтирган дараҳт ортида пайдо бўлди ва синглисининг ортида пусиб турган эркакнинг оёқлари орасига таёқ билан икки марта туширди, қиз буни ҳатто пайқамай ҳам қолди. Майк бошқа болалар билан қиз кўролмай қолган ўша кимсани томоша қилиш учун югуриб келишди. Сўнг ҳаммалари орқага қарамай чопиб кетишли – Фрэнк қизни қўлидан ушлаб, судраб олиб кетди. Қизнинг: “Нима бўлди? У ким эди?” – деган саволларига болалар жавоб беришмади. Факат паст овозда сўкинишди, холос. Бир неча соат ўтгандан сўнг Фрэнк тушунтириб берди. Ўша одам бу ерлик эмас, дараҳт ортига яшириниб олиб, синглимга кино кўрсатаётганди. Қанақа кино? – қўрслик билан деди Си, ва

¹ Охири. Бошланиши ўтган сонда.

акаси қандайлигини тушунтириб бергач уни титроқ босди. Фрэнк бир қўлини унинг бошига, иккинчи қўлини эса гарданига қўйди. Акасининг малҳамдек бармоқлари титроқни босди. Қиз доим унинг маслаҳатлариға қулоқ соларди: реза меваларнинг қайси бири заҳарли эканини фарқлай оларди, илоннинг инига тушиб қолгудек бўлса, қичкирарди, ўргимчак уясининг тиббий томондан қандай фойдаси бор эканини ҳам билиб олганди. Фрэнкнинг панд-насиҳатлари лўнда, огоҳлантиришлари эса аниқ-тиниқ бўларди.

Каламушлар хусусида эса у қизни огоҳлантирмаганди.

Қишлоқнинг тўртта қалдирғочи дераза ортидаги майсазорда тўпланди. Бир-биридан бир хил масофада ювош бўлиб турганча улар қуриган ўт-ўланлар орасидан ниманидир изларди, ора-сира чўқилаб ҳам қўярди. Сўнг бари бирдан пекан ёнғоғи дараҳтига учиб чиқди. Сочиққа ўраниб олган Си дераза ёнига келди-да, уни тўри йиртилган еригача кўтарди. Сукунат илондек ўрмалаб кирди, сўнг ғувиллай бошлади, ёқимсизликда у шовқиндан ҳам ўтиб тушарди. Сукунат Лотусдаги уйда кун поёнида ва оқшом ақа-сингил нима билан машғул бўлиш ва нима ҳақда сухбатлашишни ўйлаб ўтирган кезлари қандай бўлса, ҳозир ҳам худди ўшандай эди. Ота-оналар кунига ўн олти соатдан ишлашарди, улар уйда деярли бўлмасди. Шу боис болалар саргузаштлар ўйлаб топардилар ёки теварак-атрофни диққат билан кўздан кечириб чиқардилар. Кўпинча, яшин уриб, учлари ёниб кетган ва факат ҳар томонга ёзилган қўллардек маҳобатли шохларигина қолган магнолия дараҳтига суюниб, жилға бўйида ўтиришарди. Фрэнк ҳатто ўртоқлари Майк ва Страф билан бўлган кезлари ҳам уни ўzlари билан ёnlарida юришига рухсат берарди. Бу тўрт йигитча ўртасидаги аҳиллик ҳар бир оила ҳавас қилгудек эди. Мабодо улар бирон-бир юмуш учун зарур бўлишмаса, ақа-сингилни бувининг уйида совук кутиб олишлари Сининг ҳамон ёдида эди. Салем билан ўтириш ҳам диққатни оширади – у еб-ичишдан бошқа пайт барча масалаларда оғзига толқон солиб оларди. Салемнинг овқатдан бўлак яна бир ёқтирган нарсаси бошқа кексалар билан қарта ёки шахмат ўйнаш эди. Бир кунлик ишдан суроби тўғри бўлиб қайтган ота-онанинг болаларни силаб-сийпалашлари ҳам устарадек ўткир, қисқа ва чегараланган бўларди. Ленора баджаҳл ялмогизнинг ўзи эди. Фрэнк билан Си худди ўз ҳолига ташлаб қўйилган Гензель ва Гретель¹ сингари бир-бирларининг қўлидан тутиб, азоб-укубатда, чурқ этмай ўз келажакларини кўз олдилариға келтиришга уринганча тентираб юрар эдилар.

Ғадир-бутир сочиққа бурканиб олиб, дераза ёнида турган Сининг юраги орзиқиб борарди. Шу топда Фрэнк бўлганида, у яна тўртта бармоғини унинг бошига теккизган ёки бош бармоғи билан гарданини силаб-сийпаб қўйган бўларди. Бармоқлар йиғлама деса, қамчидан қолган чандиқлар йўқоларди. Йиғлама, ойим буни хоҳламайди, у шунчаки ҳолдан тойган, холос. Йиғлама, қизгина, йиғлама, мен шу ерда, ёнингда, сен билан биргаман. Бироқ акаси на бу ерда ва на яқин-атрофда бор эди. Йигит уйга расмини жўнатганди: ҳарбий кийимда жилмайиб турган милтиқли аскар; у худди бошқа, Жоржияга ўхшамаган жойлардан келган етти ёт бегонадек кўринарди. Ҳизматдан озод этилган-

¹ Гензель, Гретель — ақа-ука Гриммлар эртаги қаҳрамонлари.

дан сўнг бир неча ой ўтгач, у икки цент турадиган очик хат юборди ва қаерда яшашини билдириди. Си жавоб йўллаб, бундай ёзганди:

“Ассалому алайкум, ака, ахволларингиз қалай, мен яхшиман. Ҳозир ресторондан иш топганман, бироқ бундан ҳам тузукроқ иш излаяпман. Имкон топсангиз ёзиб туринг. Сизнинг меҳрибон синглингиз”.

Си ҳозир ёлғиз турарди, ёқимли салқин ваннада чайиниб бўлгач, аъзо-йи бадани энди-энди терлай бошлаганди. У кўқраги остидаги намни ва пешонасидаги терни артди. Сўнг ойнани тўрдаги тешиқдан баландроқса кўтариб очди. Қалдирғочлар қайтди, ҳовли этагида ўсиб ётган маврак ҳидига тўйинган енгил шабада эса бошлади. Си кўзларини бир нуқтага тикканча ўй суради. Ҳазин, дилбар қўшиқларнинг маъносини энди ту-шунгандекман: “Севгилимдан жудо бўлганимда, бир йўла ақлдан ҳам озгандим...” Бу қўшиқлар барбод бўлган муҳаббат тўғрисида. У бош-дан кечираётган туйгулар ҳам шулардан сира қолишмасди. У ҳолдан тойганди. Унинг қадди букилмаганди, лекин аъзойи бадани тилка-пора бўлганди.

Охири тер қотиб, нафасини ростлагач, у, кейин маълум бўлишича, Принц Атлантага келганларининг иккинчи куниёқ хотамтойлик ва-жидан эмас, балки қизнинг қишлоқча уст-бошидан номус қилганидан унга совға қилган кўйлакни илғичдан олди. Йигитнинг айтишича, қизни оиласи билан таништириш учун уни бундай уст-бошда на кечки овқатга олиб бора оларди ва на биронта кечага. Бироқ янги лиbos олиб бергандан кейин ҳам вақтнинг деярли кўп қисмини нега шаҳар айла-ниб ўтказишаётганига турли-туман баҳоналарни рўйиҳа қилди ва ҳатто “форд”да кетаётганда ҳам у на ўз дўстлари ва на туғишганлари билан учрашди.

- Холанг қаерда? Уни кўргани борсак бўлармиди?
- Йўқ. У мени хушламайди, мен ҳам уни ёқтирамайман.
- Ахир, у бўлмаганда, биз сен билан учрашмаган бўлардик.
- Ҳа. Бу тўғри.

Шунга қарамай, кўйлакка гарчи ҳеч кимнинг кўзи тушмаса-да, ипак-ка ўхшаш сунъий матонинг баданга тегиб тургани ва асосий оқ ранг устидаги мовий, шўх картошкагул ҳам унга аввалгидай хуш ёқарди. Ил-гари у гулли қўйлакларни сира кўрмаганди. Башанг кийиниб олган қиз катта тос идишни ошхона орқали орқа эшикка олиб борди-да, оёғидан ҳам кўра кўйлагини сувдан эҳтиёт қилганча тежаб-тергаб қовжираган майсаларни суғорди – ярим челак бу ёққа, сал кўпроги у ёққа.

У бундан буён қандай яшashi устида хўп ўйлади: эртага душанба, унинг атиги тўрут доллари қолган; ҳафта охирига бориб ижара ҳақига икки баравар кўп пул бериш керак. Жума куни унга ўн саккиз доллар тўлашади – бир кунга уч доллардан оз-моз кўпроққа тушаяпти. Иш ҳаки ўн саккиз доллар, саккизни айрсак, ўн тўрут доллар қолар экан. Мана шу пулга у ҳам ишни қўлдан чиқармасликни ва ҳам юқори лавозимга кўтарилишни мўлжаллаб, аёл киши дурустроқ кўриниши учун бальзи нарсаларни сотиб олиши зарур. У идиш-товоқ ювувидан тез таом тайёрловчи ошпазликка ёки ҳатто чойчақаси бор официантликка ўтиш умидида эди. У Лотусдан икки кўлини бурнига тикиб жўнаб кетганди ва агар кўйлакни ҳисобга олмаганда, Принц уни куруқ кўл билан қолдирганди. Си совун, ички кийим, тиш чўткаси, паста, дезодорант,

яна битта кўйлак, туфли, пайпок, қўл сочиқлари харид қилиши керак, борди-ю чиптани балконга оладиган бўлса, кинога ҳам яна ўн беш цент қолиши мумкин. Яхшиямки, Боббининг ресторанида икки марта бепул овқатланиш мумкин. У кўп ишлаш керак ёки бирорта қўшимча ёки биратўла бошқа дурустроқ иш топиш керак деган қарорга келди.

Бунинг учун тепадаги қўшниси Тельма билан маслаҳатлашиши керак. Си эшикни журъатсизгина тақиллатиб очди ва ичкарига қадам қўйди – дугонаси идиш-товоқ юварди.

– Мен сени кўрдим. Нима, агар ифлос сув тўксам, ҳовли қўқаламзорга айланиб қолади деб ўйлайсанми? – деб сўради Тельма.

– Бунинг зарари йўқ.

– Зарари бор. – Тельма қўлини артди. – Ҳали бу яқин орада бундай жазирама баҳор бўлганини ҳеч эслолмайман. Энди тун бўйи чивинлар ўзининг қонга беланганди рақсини намойиш этади. Уларга сувнинг ҳиди бўлса кифоя.

– Буни ўйламабман.

– Кўриниб туриби. – Тельма пешбандининг киссасини пайпасладида, у ердан “Кэмел” қутисини олди. Чека туриб, дугонасига обдан разм солди. – Кўйлагинг чиройли экан. Қаердан олдинг?

Улар хонага ўтишди ва диванга bemalol жойлашиб ўтириб олишди.

– Бу ерга келганимизда Принц олиб берганди.

– Принц, ҳм, – деди Тельма. – Ярамас десанг тўғрироқ бўларди. Мен ҳаромтомоқларнинг талайини кўрганман, бироқ бунақанги такасалтанини ҳали ҳеч учратмаганман. Лоақал унинг қаерда эканини биласанми?

– Йўқ.

– Билишни истайсанми?

– Йўқ.

– Шунисига ҳам шукур.

– Тельма, менга иш керак.

– Ишинг бор-ку. Нима, Боббидаги бошқа ишламоқчи эмасмисан?

– Йўқ. Менга биронта дурустроқ иш керак. Тузукроқ ҳақ тўланадиган. Чойчақам йўқ менинг, бунинг устига истайманми-йўқми, ресторонда овқатланишга мажбурман.

– Бобби ҳаммадан яхши едириб-ичиради. Бунақа шефни бошқа ҳеч қаердан тополмайсан.

– Биламан, бироқ менга топганимдан оз-мозини туғиб қўядиган иш зарур. Лотусга қайтиб бормайман.

– Сени айбламайман. Қариндош-уруғларинг учига чиққан овсар.

– Тельма ўзини орқага ташлаб сунди ва тилини найча қилиб, тутун чиқара бошлади.

Си унинг бу одатига тоқат қилолмаса-да, нафратини яширишга уринди.

– Балки улар баджаҳлдир, лекин сира овсар эмас.

– Йўғ-э, ростданми? Сенга Исидра деб исм қўйган ўшаларми?

– Тельма? – Си тирсагини тиззасига тираганча ёлвориб дугонасига бокди. – Сендан ўтиниб сўрайман, бир ўйлаб кўр.

– Хўп. Яхши. Менга қара, назаримда, омадинг келганга ўхшайди. Икки ҳафта бурун Рибанинг олдида бўлганимда, ҳар хил гаплар қулоғимга чалинганди. Бу гўзаллик салонида нималарни эшитмайсан. Смит руҳоний ҳазрати олийларининг хотини яна ҳомиладор экан, эшит-

дингми? Ўн битта чурвақаси ҳали оёғининг тагида ўралашиб юрибди-ю, булар бўлса яна биттасини дунёга келтириш тараддунида. Тушуман, руҳоний ҳам эркак, лекин ҳаммаси эви билан-да. Тунги ишларни иғишишириб қўйиб, тоат-ибодат билан шуғулланса бўлармиди?..

– Тельма, иш тўғрисида бирор гап борми?

– Рибанинг айтишича, шаҳар яқинидаги Бакхед деган жойда бир жуфтликка хизматкор керак эмиш.

– Қанақа хизматкор?

– Ошпаз аёл уй юмушларини ҳам бажарар экан, уларга эса эрига ёрдамчига ўхшаган яна бир одам керак эмиш. Эркак шифокор. Бамаъни одамлар экан.

– Яъни ҳамширага ўхшаган-да, тўғрими?

– Йўқ. Ёрдамчи. Билмадим. Билишимча, у ерда қандайдир бинтлар, йодлар бор. Аёлнинг айтишича, эрининг ишлаш хонаси уйда экан. Хуллас, ўша ерда яшайверасан. Аёлнинг гапига қараганда, иш ҳақи ҳавас қилгулик эмас, лекин туаржойинг текин, бу эса катта гап.

Автобусдан тушгандан кейин ҳам яна анча яёв юриш керак экан, бунинг устига янги баланд пошнали оқ туфли бунга халақит бераётганди. Бу ҳам етмагандай туфли пайпоксиз оёқни баттар қисиб борарди. Бу чиройли, сокин шаҳарчада дурустроқ кўринишни истаб, Си дўкон қоғозхалтасини ўзининг ғарибона лаш-лушлари билан лиқ тўлдириб олганди. Доктор Скоттнинг манзилида теварак-атрофи шинам майсазор билан ўраб олинган икки қаватли улкан уй қад кўтартганди. Қиз ярмисини ўқиб, ярмисини ўқий олмаган уй эгасининг номи ёзилган лавҳа эса унинг бўлғуси ёлловчиси ҳақида маълумот бериб туардиди. Асосий эшикни тақиллатайми, ё орқа эшиқдан борсаммикан, дея Си иккиланарди. Унга кейингиси маъқул тушди. Ошхона эшигини тўладан келган, новча аёл очди. Аёл қўлини Сининг қофоз халтасига узатди ва кулимсираб қўйди.

– Риба сен тўғрингда қўнғироқ қилиб айтганди, тўғрими? Ичкарига кир. Менинг исмим Сара. Сара Уильямс. Докторнинг аёли ҳадемай ёнингга чиқади.

– Миннатдорман, бекам. Рухсат этсангиз, мен аввал оёқ кийимимни ечсам.

Сара жилмайиб қўйди.

– Баланд пошнани ким ўйлаб топган бўлса ҳам бизни майиб қилмоқчи бўлганми дейман. Ўтири. Кел, сенга яхна сувдан қуйиб бераман.

Си оёқ кийимини ечди-да, ошхонага маҳлиё бўлиб назар солди. У Боббининг ошхонасидан каттароқ ва дурустгина жиҳозланганди ҳам. Озодалигини айтмайсизми! “Сассапариль” шарбатидан бир неча култум хўплагандан сўнг Си:

– Менинг вазифам нималардан иборат, айттолмайсизми? – деб сўради.

– Буни сенга Скотт хонимнинг ўзи айтади, лекин аслида буни фақат доктор билади.

Си ваннага тушиб, тетиклашиб ўзига келди-да, туфлисини кийиб, Саранинг ортидан кўзига кинотеатрдан ҳам кўркамроқ кўринган хонага ўтди. Шабада, тўқ-бинафша қопламали жиҳозлар, орасидан ёруғлик сизиб ўтаётган қалин пардалар. Скотт хоним кўлларини ёстиқчага қўйиб, тўпиқларини чалиштириди-да, унга бош ирғади ва қўллари билан ўтиришга ишора қилди.

- Исминг Си, шундайми? – Унинг овози мусиқага ўхшарди.
- Ҳа, бекам.
- Шу ерда, Атлантада туғилғанмисан?
- Йўқ, бекам. Мен бу ердан Ғарбда, Лотус деб аталувчи шаҳарнамо кишлоқданман.
- Фарзандларинг борми?
- Йўқ, бекам.
- Турмушга чиққанмисан?
- Йўқ, бекам.
- Черковга борасанми? Қайсиға?
- Лотусда диндорлар бор. Конгрегациончилар, мен бил...
- У ерда улар сакрашадими?
- Нима?
- Ҳеч нима. Сен мактабни тугатғанмисан?
- Йўқ, бекам.
- Ўқиши биласанми?
- Ҳа, бекам.
- Санашни-чи?
- Санашними – ҳа. Мен ҳатто ғазначи бўлиб ҳам ишлаганман.
- Болажон, мен бу ҳақда сўрамаяпман.
- Санашни биламан, бекам.
- Балки бу ҳали керак ҳам бўлмас. Мен эримнинг ишини кўпам тушунмайман ва бунга ҳаракат ҳам қилмайман. У шунчаки доктор эмас; турмуш ўртоғим олим ва жуда муҳим тажрибалар устида ишлайди. Унинг кашфиётлари одамларнинг оғирини енгил қиласиди. У доктор Франкенштейн эмас.

- Қанақа доктор эмас?
- Бу муҳим эмас. У нима деса, сен шуни бажар, шунда ҳаммаси жойида бўлади. Энди боравер. Сара сени хонангга кузатиб қўяди.

Скотт хоним ўрнидан турди. Бека эгнига оқ шойи матодан енглари тўқис, этаги ерга тегиб-тегмай турган ридонамо кўйлак кийиб олганди. Аёл худди кинофильмлардаги подшонинг хотинига ўхшаб кўринарди.

Си ошхонага қайтиб келди, қараса, қоғозхалтасини олиб кетишибди. Қиз хонасига кетишидан аввал Сара уни овқатланиб олишга кўндириди. Аёл музлатгични очди ва ундан картошқали совуқ таом ва иккита қовурилган товуқ оёқчасини олди.

- Оёқчаларни иситиб берайми?
- Йўқ, бекам, шундай еявераман.
- Биламан, мен кексайиб қолдим, бироқ шундай бўлса ҳам, сендан илтимос, мени Сара деб чакирсанг.
- Майли, нима десангиз – шу. – Си иштаҳасининг карнайлигидан ўзи ҳам ҳайрон эди. Умуман олганда, у овқатни кам ерди, қизил гўшт жизиллаб пишаётган Боббининг ошхонасида ҳам кўнгли унчалик егулик тусамасди. Ҳозир эса у товуқнинг икки оёғи сал-пал бўлса-да, нафсимни ором олдирармикан деб ўйлар эди.
- Скотт хоним билан сұхбатлашиб олдилалингизми? – сўради Сара.
- Сұхбатлашдик, яхши, – деди Си. – У ёқимтой аёл экан. Рост, истараси ҳам иссиқ.

- Ҳа-да. Устига-устак, унинг қўлида ишлаш ҳам қийин эмас. Аёлнинг ўз тартиби бор: нимани яхши кўради, унга нима керак – ҳамиша бир хил. Доктор Бо – уни ҳамма шундай чақиради, жуда хушмуомала.
- Доктор Бо?
- Унинг тўлиқ исми шарифи Борегард Скотт.
- Эҳ, мана у қандай айтилар экан, ўйлади Си.
- Уларнинг фарзандлари борми?
- Иккита кизчаси бор. Улар бу ерда эмас. Ишинг тўғрисида хоним сенга бирон нима дедими?
- Йўқ. Докторнинг ўзи сенга тушуниради, деди. У оддий шифокор эмас, у олим деб айтди.
- Бу рост. Пулнинг бари хонимники, эри эса ҳар хил ихтиrolар билан банд. Ҳозир бу ихтиrolари учун давлат рухсатини олиш ҳаракатида.
- Рухсат? – Си оғзини совуқ таомга тўлатиб олганди. – У нима дегани?
- Ҳар хил қашфиётлар учун давлат томонидан бериладиган рухсатнома.
- Ҳа, тушунарли. Товуқдан яна есам майлими? Жуда мазали экан.
- Албатта, олавер, болам. – Сара кулиб қўйди. – Агар қоладиган бўлсанг, мен сени яхшилаб боқаман.
- Бу ерда бошқа ёрдамчилар ҳам бўлганми? Уларни бўшатишганми?
- ҳавотирланди Си.
- Баъзилари кетган. Эсимда, фақат биттасини хайдашганди!
- Нима учун?
- Нима учунлигини тузук-куруқ билолмаганман ҳам. Менга у тўғри келадигандек кўринганди. Ёш, ҳамма билан муомаласи яхши эди. Эсимда, улар ниманингdir устида тортишиб қолишганди ва доктор Бо уйда ҳамроҳларга муҳтож жойим йўқ деганди.
- Уйдаги ҳамроҳлар – бу нима дегани?
- Ким билади дейсан. Билмадим. Бирон ҳақоратли сўз бўлса керакда. Доктор Бо ашаддий конфедерат¹. Унинг буваси қаҳрамон бўлган, уни Шимол тарафда бўлган қандайдир номи чиққан жангда ўлдиришган. Мана бу сочиқни ол.
- Раҳмат. – Си кўлларини артди. – Ў, қандай маза қилдим-а! Айтингчи, сиз бу ерда анчадан бери ишлайсизми?
- Ўн беш ёшимдан бери. Қани, юр, сени хонангга кузатиб қўяман. У пастда, унча катта эмас, лекин ухлаш учун бундан зўри бўлмайди. У ердаги тўшакда маликалар ҳам жон-жон деб ётган бўларди.
- “Пастда” дегани олд томондаги айвондан бир метр пастда эди – тўғрироғи, росмана ертўла эмас, балки уйнинг бироз ботикроқ қисми эди, холос. Уйнинг йўлагида, докторнинг ишлаш хонасидан унча узоқ бўлмаган ерда Сининг саронжом-саришта, камбаргина, деразасиз хонаси жойлашганди. Унинг ортида қўр-қутлар ғамланган бомбапаноҳнинг кулфланган эшиги бор, деди Сара. Сара Сининг қофозхалтасини ерга қўйди. Девордаги кийимилғичдаги оҳорланган, дазмолланган иккита иш кийими янги истиқоматчини олқишлиарди.

– Кийишга эртагача шошмай тур, – деди Сара, ўзининг ҳали киши кўли тегмаган пок-покиза кийимининг ёқасини тўғрилай туриб.

– Ў, бу ер чиройли экан. Қаранг, курсича. – Си каравотнинг олд томондаги суюнчиғига қаради ва кулиб унга қўл теккизди. Сўнг парда ортига

¹ Конфедерат – 1860–1865 йиллари АҚШда бўлиб ўтган фуқаролар урушида конфедерация (иттифоқ)ни қўллаб-куватлаганлар.

кўз ташлаганди, у ерда ҳожатхона қурилмаси – унитаз ва қўлювгични кўрди, сўнг қойилмақом тўшакли каравотга ўзини ташлади. Чойшабни яна устига тортди ва майнин шойидан баҳра олганча кула бошлади. Мана сенга, Ленора, хаёлидан кечирди у. Шалоғи чиқсан ўша каравотингда қалай, уйқинг келаяптими? У ўша Ленора ётадиган ўйдим-чукур тўшакни ёдга олди-да, ичиқоралик билан кулди.

– Астароқ, қизча. Сенга ёққанидан хурсандман, лекин бундай баланд овозда кула кўрма, бу ерда буни хушлашмайди.

– Нега энди?

– Кейин айтаман.

– Йўқ, Сара, ҳозир айта қолинг. Илтимос!

– Эсингдами, сенга уларнинг қизлари бу ерда эмаслигини айтгандим? Улар етимхонада. Икковининг ҳам боши меъёридагидан катта. Менимча, бу касаллик цефалит деб аталарди. Бундай бахтсизликка фақат биттаси дучор бўлгандা ҳам чидаса бўларди. Буни қараки, иккови ҳам шу дардга мубтало бўлган. Ўзинг раҳм қил, ё Раббим!

– Эй, Худо. Қандай мусибат-а, – деди Си ва ҳаёлга чўмди: доктор одамларнинг мушкулини осон қилиш учун ҳам ихтиrolарга қўл урган экан-да.

Эрта билан Си уй эгасининг олдида ҳозир бўлди – доктор уни хушмуомалалик билан, бироқ расмий қарши олди. Сочлари қалин, жиккаккина бу эркак катта, саришта ёзув столи олдида ҳаракатсиз қотиб ўтиради. У дастлаб қиздан фарзанди борми, ҳали бокирами ё йўқми, шуларни сўради. Си эса турмуш курганини, бироқ у кўпга чўзилмаганини, бўйида ҳам бўлмаганини айтди. “Сенинг асосий вазифанг, – деди доктор, – асбоб-ускуналарни тозалаш ва йиғиб-териш, даволанувчиларни қайд этиб бориш: исми шарифи, қабул вақти ва ҳоказолардан иборат”. Беморлар билан ҳисоб-китобни эса кўрикдан ўтказувчи хонадан алоҳида бўлган ишлаш хонасида ўзи олиб борарди.

– Эрталаб роппа-роса соат ўнда шу ерда бўл, – деди у. – Зарурат юзасидан алламахалгача қолиб ишлашга тайёр бўлиб кел. Тиббиётда бўладиган ҳар хил кўнгилсиз воқеаларга ҳам ҳозир бўлиб тур: баъзан қонга, баъзан оғриқларга. Сен ўзингни хотиржам ва совуқкон тутишинг керак. Ҳар доим. Агар шуларни эплай олсанг, ҳаммаси яхши бўлади. Нима дейсан, эплайсанми?

– Ҳа, хўжайин. Эплайман. Албатта, эплайман.

У эплай олди. Докторнинг чор-ночорларга, биринчи навбатда, аёлларга, қизларга қанчалар кўп ёрдам бераётганини кўрган Сининг унга хурмати ортиб бораарди. Яқин-атрофдаги ёки Атлантанинг ўзидаги давлатмандлардан ҳам кўпроқ уларга докторнинг ёрдами тегарди. У bemorlariga nixoyatda mehribon edi. Ish yuzasidan boşqa shifokorlarни taklif etishi lозим бўлиб қолган ҳолатлардан ташқари барча ҳолларда уларнинг сирларини махфий тутарди. Қачонки унинг уринишлари кор қилмай, bemorniнг aҳволи ёмонлашгудек бўлса, у bemorni muхtojlарга ёрдам берувчи шаҳар касалхонасига ўтказарди. Қачонdir kимdir va fot этгудек бўлса, dafn маросимиiga ҳам пулни ўз ёнидан сарфларди. Қиз ўз ишини яхши кўтарди: ажойиб уй, марҳаматли шифокор ва доим vaқтида tўланадиган ва sира kamaitiriilmайдигan iш ҳақи, bir vaқtlar Bobbiда bўlganiдек. Si Skott xонимни kўrmасди. Xонимга фақат

Сара хизмат кўрсатарди; Сара, хонимнинг сира уйдан чиқмаслигини ва қиттак-қиттак анави заҳар дамламага ўрганиб қолганини айтарди. Докторнинг хотини узоқ вақт сув бўёқларда расм чизар ва телевизор кўришни ёқтиарди. У кўпроқ Милтон Берлнинг шоусини ва “Келин-куёвлар асал ойида”ни севиб томоша қиласади.

Бир куни, иш бошлаганининг учинчи ҳафтасида Си доктор Бонинг хонасига у келмасидан ярим соат аввал кирди. Токчаларни лиқ тўлдириб турган китоблар қизда ҳавас ва ҳурмат уйғотарди. Ҳозир китобларнинг тикилган еридан бармоқларини юргиза туриб у тиббиётга оид китобларни диққат билан кўздан кечиради: “Тун қўйнидан”. Афтидан, детективга ўхшайди, деб ўйлади у. “Олий ирқ парвариши”, унинг кетидан “Ирсият, ирқ ва жамият”. Мен олган таълим қанчалик бўлмағур ва бефойда экан, дея хаёлидан ўтказди у, ва вақт топиб “евгеника”¹ таълимотини тушуниб олиш учун ўзига сўз берди. Си обрўли ва ишончли қўлларга келиб тушганди, Сара билан ҳам она-боладек, дугонадек, сирдошдек бўлиб қолганди. Улар доим бирга еб-ичишар, баъзан таомни ҳам биргаликда тайёрлашарди. Борди-ю, ошхона чидаб бўлмас даражада исиб кетса, улар сўнгги настарин иси анқиб турган ва йўлкалар оралаб калта-кесаклар югуриб юрган ҳовлида, соябон тагида овқатланишарди.

Кун қандайдир бошқача қизиб турган илк ҳафтада Сара:

– Юр уйга. Бугун чивинларнинг авзойи бузук. Ичкарида менинг оқ қовунларим бор, суви чиқиб кетмасидан еб қўйиш керак, – деди.

Ошхонада турган саватлар ичидан Сара учта қовунни олди. Шошил-майгина аввал биттасини, сўнг бошқасини силади-да, тўнғиллади:

– Эркаги экан.

Си учинчисини кўтариб олди-да, оч сариқ пўстлоғидан силади ва бармоғини банддан қолган чукурчага тиқди.

– Урғочиси. – Пиқирлаб кула бошлади у. – Бу урғочиси экан.

– Ҳамду санолар. – Сара ҳам у билан биргалашиб паст овозда кулди.

– Энг тотлиси.

– Энг ширалиси, – қовунни даст кўтариб олди Си.

– Бокира қиздек ифори бор-а?!

– Ундан ҳам лаззатлироғи борми!

Сара кутидан узун ўтқир пичноқни олди ва элбурутдан иштаҳаси очи-либ, қовунни қоқ иккига бўлди.

Аёллар исми шарифимни эшиштишлари заҳоти мен билан гаплашиши-ни хоҳлаб қолишади. Мани? Қиқирлаб кулишади-да, ўша-ўша бир хил саволни тақрорлайверишади: бу исмни менга ким қўйган ва ростдан ҳам исмим шунақами? Ёки буни кибр-ҳаво учун ўзим ўйлаб топганманми? Ёки мен қиморбозманми, ёки ўғри, ёки қандайдир шунга ўхшии би-рон фирибгарманми ва мендан кўз-қулоқ бўлиб туриши зарурми? Уларга қишилогимизда менга қўйишиган Банкир деган лақабимни айтсан, улар хандон отиб кулишарди-да, мендан нул талааб қилишарди. Менини сенда сақланаяпти. Бу ёққа чўз! Бу тинимсиз вагир-вугурлардан сўнг дўстлашиб ҳам олардик, бекорчи гаплар барҳам топгач эса, яна ўша-

¹ Евгеника – инсоннинг ирсий саломатлиги ҳақидаги таълимот.

ўша ҳазил-мазахлар давом этаверарди: Банкир, менга ҳам оз-моз ақчадан ол. Қулоқ сол, сенга шарт қўймоқчиман, у сенга маъқул бўлади.

Ростини айтганда, Лотусдаги ёқимтой биттасидан ва Кентуккидаги кўча қизларидан ташқари, менга эс-хушилигидан бор-йўги иккита аёл учраган. Уларнинг ичида менга ёқадиган шундай жаражжи мўрт бир нарса бор. Унинг феъл-атвори қандай, ақлими у, ё чиройлими – фарқи йўқ – барининг ичида омонат нимадир бор. Ҳудди қушларнинг кўкрак суюгига ўхшаш ва у шундай бир нарсаки, уни хоҳламай иложинг йўқ. Суяқдан ҳам ингичка, жаражжи айрича, ва наридан-бери, омонатгина қилинган, агар истаганимда, бироқ буни ҳали амалда қилиб кўрмаганман, уни бармоқлар билан ҳам йиртиб ташлаши мумкин. Хоҳлардим. Бироқ у ўша ерда бор, яшириб қўйилган, – шуни билишининг ўзи кифоя.

Барини ўзгартириб юборган учинчи аёл бўлди. У билан бу айрича менинг кўксимга жойлашиб олди ва шу ерда яшаб қолди. Гайратимга гайрат қўшган унинг бармоқлари бўлади. Биз кимёвий тозалаши корхонасида танишидик. Кеч кузда – океан тўлқинлари шаҳарга урилиб турганда, буни ким ҳам хаёлига келтирибди, дейсиз? Мутлақо ҳушёр ҳолда мен унга ўзимнинг ҳарбий уст-бошимни топширдим ва унинг нигоҳидан кўзларимни узолмай қолдим. Афтидан, тентакка ўхшаб кўринган бўлсан керак, бироқ мен ўзимни тентакдек ҳис этмадим. Ўзимни гўё уйимга келгандек ҳис этдим. Хайрият! Роса дарбадар кездим. Мутлақо бошпанаисиз бўлмаса-да, деярли шунга яқин. Ичдим, Жексон-стритдаги мусиқий майхоналарда сандироқлаб юрдим, ҳамтовоқларимнинг диванларида ёки кўchalарда тунадим, қирқ уч доллар ҳарбийлик маошимни қиморга ва билъярдга сарф қилиб юбордим. Пул тугагач эса янги чек келгунига қадар кунбай ишига ёлландим. Кўмакка муҳтож эканимни тушинардим, бироқ ундан дарак йўқ эди. Ҳарбий буйруқ бўлмагач – гарчи зорлансанг-да, унга итоат этишига мажбурсан, – мен ҳеч вақосиз кўчада қолгандим.

Нега тўрт кун ичмадим, буни аниқ эслардим ва уст-бошимни ҳам кимёвий тозалашига топшириши керак эди. Ичмаганимга мен кўптрик ёнидан ўтаётган ўша тонг сабаб бўлганди. У ерга одамлар тўпланган, “тез ёрдам” машинаси турарди. Мен яқинроқ бордим-да, фельдишернинг қўлидаги қизчага кўзим тушиди, у сув қайт қиларди. Бурнидан эса қон оқарди. Гам-гусса менга бало-қазодек ётирилди. Оишқозонимда оғриқ турди, энди виски тўғрисидаги ўйнинг ўзиёқ қайт қилишим учун кифоя эди. Мен титраб-қақшаганча у ердан қорамни ўчирдим, ва то полициячилар мени қувиб солмагунча хиёбондаги ўриндиqlарда тунаб юрдим. Тўртинчи кунга келиб эса аксимни ойнаванд қутида кўрдим-у, ўзимни таниёлмай қолдим. Аллақандай жирканч, ожиз бир нусха. У жсанг майдонида ёлгиз ўзим қолган тушларимдаги менга ўхшарди. Ҳеч қаерда ҳеч ким кўринмасди. Теварак-атроф сув қўйгандек жисмжист. Кетиб бораяпман-у, биронта тирик жон кўринмасди. Шунда мен у ёқ-бу ёғимга қараб олишига қарор қилдим. Жин урсин ўша тушларни. Мен туфайли оғайниларим уятга қолишини истамайман. Хўрланган телба ароқхўрга ўхшашни ҳам сира истамайман. Шу боис бу аёлни кимёвий тозалаши корхонасида кўрганимда, унга мутлақо самимий муносабатда бўлдим. Агарда мана шу хат бўлмаганда эди, мен ҳозир ҳам унинг нешбанди бозичига ёпишиб олган бўлурдим. Менинг қалбимда, товони-

дан ажраган оту кафтларим остида титраб-қақшаётган Исиорадан бўлак унга рақиб йўқ эди.

Агар мени уй-жойи бор хомсемиз аёлни қидирган, деб ўйласанг, қаттиқ янгишасан. Бундай эмас. Ўша аёлни кўрдим-у, гангид қолдим ва унга бирон бир фойдам тегишини истадим. Наҳотки шуни тушунишинг сенга шунчалик қийин бўлса? Аввалги ёзганларингда мен гўё, ўша Чикаго поездидаги калтак еган эркак ҳали аламини хотинидан олади ва уни роса дўппослайди деб ўйлаганимни айтибсан. Бу ёлгон. Мен бундай хаёлга бормаганман. Мен, у хотини билан фаҳрланади, бироқ бу туйгуни поезддаги бегона эркакларга ошкор этишини хоҳламасди, деб ўйлаганман. Севги бобида сен нимани ҳам тушунардинг.

Мен ҳақимда ҳам.

6

Актёрлар актрисаларга қараганда анча дилкаш эди. Ҳеч бўлмаганда, унинг исмини айтиб чақиришарди ва агар костюм бирозгина ярашмай турса ёки эски пардоз билан булғанган бўлса, вайсаб ўтиришмасди. Аёллар уни “қиз” деб чақиришарди, масалан, “Қиз қани?” ёки “Ҳой қиз, менинг “Пондс” банкам қаерда?” Соchlари ёки ясама соч турмаклари ярашмай қолса, жаҳллари чиқиб кетарди.

Лили эви билан ғазабланарди, негаки, тикувчи-костюмернинг фаррошлиқ вазифасидан сўнг ойлиги кўтарилганди, бунинг устига онасидан ўрганган санъатни намойиш қилиши мумкин эди: чатиб чиқиладиган билинмас чок, нина ортида қоладиган йўрмадўз чок, изма ва қавиқ чоклар. Режиссер ҳам унга хушмуомала эди. У бир мавсумда “Скайлайт” студияси иккита, баъзан учта спектакль қўярди, қолган пайт актёрлик маҳоратидан дарс берарди. Гапнинг пўсткалласи, гарчи театр кичкина ва оддий бўлса-да, унда ҳаёт йил бўйи худди асалари уясидек қайнаб-тошиб турарди. Спектакль оралиғида ва дарсдан сўнг эса қизгин тортишувлар шундай авжига чиқардики, Стоун жаноблари ва ўқувчиларининг пешонасидан тер чиқиб кетарди. Улар сахнадан кўра шундай баҳсу мунозараларда кўпроқ ҳаяжонга тушар эканлар-да, деб ўйларди Лили. Бу тортишувлар беихтиёр қулоғига чалинган Лили, агар масала ижрога ёки сахнада айтиладиган сўзига тааллукли бўлмаса, бу даражада жигибийрон бўлишнинг нима ҳожати бор экан, деб роса боши котарди. Энди студия ёпилиб, Стоун жаноблари ҳисбга олиниб, ишидан айрилгандан сўнг, у гап нимада эканига яхшироқ қулоқ солмаганига афсусланди. Гап, чамаси, пьесада эди. Шу туфайли чалкашликлар юзага келди, сўнг ҳукуматдан икки шляпали вакил келди. Лилининг фикрича, пьеса унчалик киёмига етмаганди. Гапи кўп-у, воқеадан дарак йўқ, лекин уни тақиқлайдиган даражада ёмон деб бўлмасди. Улар бунгача тайёргарлик кўришган-у, бироқ рухсат олишолмаган, аввалги спектаклдан ўлса ўлиги ортиқ эди. Агар хотираси панд бермаса, Альберт Мальц исмли ёзувчи сценарийсини ёзган пьеса “Моррисон иши” деб номланарди.

Вонгнинг “Ҳаворанг сарой” кимёвий тозалаш корхонасида оз ҳақ тўлашарди ва артистлардан чойчақа ҳам тушмасди. Аммо-лекин кечки пайт ижарадаги уйдан театрга ва яна орқага қатнашдан кўра кундузи ишлаш қулайроқ эди. Лили дазмоллаш хонасида турган кўйи яқинда

бўлиб ўтган ва ғазабга айланиб улгурган ранж-алам тўғрисида ўйларди. Унинг қони қайнashiга кечагина даллол билан ўртасида кечган сұхбат сабаб бўлган эди. Рўзғорни оқилона тебратгандан ортганини у ота-онаси қолдирган маблағга қўшганда, ижара уй билан хайр-маъзур қилиш учун хусусий уйнинг илк тўловига етиб қоларди. Беш минг долларли чиройли уй тўғрисидаги эълоннинг атрофини у чизик тортиб ўраб қўйди ва гарчи у ерлар ишга узок бўлса-да, бундай файзли тумандан шаҳарга жон-жон деб қатнаган бўларди. У ердан туриб Лилини кузатоётган нигоҳлар уни ҳечам ташвишга солмасди, – қиз рисоладагидек тоза-озода кийинганини, соchlари ҳам бинойидек турмакланганини биларди. Бу туманни бир неча марта томоша қилиб чиқсан Лили даллол хотинга мурожаат қилди. У ўз мақсадини баён этиб, сотувга қўйилган иккита уй ҳақида айтганида, даллол хотин кулиб қўйди-да:

- Минг афсус, бунинг иложи йўқ, – деди.
 - Нима, уйлар сотилганми? – сўради Лили.
- Даллол хотин ерга қаради ва кейин ростини айтишга қарор қилди:
- Йўқ, бироқ чеклов деган гаплар бор.
 - Қанақа чеклов?

Даллол хотин хўрсинди. Кейин сұхбат малол келаётганини яширмай қофозбосқични кўтарди-да, тагидан бириктириб қўйилган бир неча варакни суғуриб олди. Варакнинг орқасини ўгириб, тагига чизиб қўйилган хатни унга кўрсатди. Лили сатр тагидан бармоқларини юргизиб ўқиди.

Кўрсатиб қўйилган кўчмас мулкнинг биронта қисмини, уй хизматига ёлланганлардан ташқари, яхудий ёки ҳабашлар, малайя ёки осиёликлар эгаллаши ёки бўлмаса фойдаланиши тақиқланади.

– Менда бошқа туманда ижарага қўйиладиган уйлар ҳам, сотиладиган уйлар ҳам бор. Хоҳлайсизми?..

– Раҳмат, – деди Лили. У бошини баланд кўтарди-да, бор ғурурини намойиш қилганча шитоб билан хонадан отилиб чиқиб кетди.

Шундай бўлса-да, у ҳовуридан тушгач, баъзи бир ўй-мулоҳазалардан сўнг яна агентликка келди ва Жексон-стритга яқин жойдан учинчи қаватдаги битта ётоқхонали уйни ижарага олди.

Кимёвий тозалаш корхонасининг хўжайинлари “Скайлайт” студияси актисаларидан гарчи анча хушмуомала бўлсалар-да, ҳатто унга 75 цент кўшимча ҳақ тўласалар-да, олти ой ўтгач, Си дазмолу буғдан бўтилиб бораётганини сеза бошлади. У ҳали ҳам ўша уйдан умидвор эди ва ҳеч бўлмаганда ўшангага ўхшашини сотиб олишни истарди. Иши юришмай турган шундай бир пайтда баланд бўйли эркак шошилинч буюртмага топшириш учун ҳарбий уст-бош ўралган тугунни кўтариб келиб қолди: эр-хотин Вонглар орқа хонада тушлик қилишарди, пештахта ортида эса Лили қолганди. У мижозга шошилинч буюртмалар кундуз соат ўн иккигача қабул қилинишини айтди; унинг буюртмаси фақат эртага тайёр бўлади. Қиз буни табассум билан тушунтириди. Эркак жавобан кулмади ҳам; унинг ғалати, маъносиз қарашларидан гўё вазифаси кунлаб муҳит тўлқинларини қузатиб ўтирувчи кишига ўхшарди. Қиз унга ёрдам бермоқчи бўлди.

– Ўйлаб кўрай-чи, бирор чораси топилиб қолар. Беш яримларда хабар олинг.

Эркак айтилган вақтда келди ва уст-бошли илгични елкасига ташлаганча йўлкада қизнинг чиқишини кутиб ярим соат турди. Сўнг қизга уйигача кузатиб қўйишни таклиф этди.

— Уйга кирмайсизми? — сўради Лили ундан.

— Сиз нима десангиз шу.

Қиз кулди.

Улар бир-бирига эликишди-қолишиди ва бир ҳафта ўтар-ўтмай жуфтликка айланишиди. Бироқ бир неча ойдан сўнг у оиласвий аҳвол тақозоси билан жўнаб кетишини айтганда, Лилининг юраги атиги бир марта ортиқча уриб қўйди, холос. Бор-йўғи шу.

Дастлаб Фрэнк билан гўзал ҳаёт кечиришиди. Турмуш бирдан эмас, аста-секин, янгилишу хатолар сабаб емирила борди. Ишдан уйга қайтиб, унинг диванда ерга тикилганча ўтирганини кўргач, Лили сира хавотирга тушмасди, аксинча, ғазаби қўзирди. Битта пайпоғи оёғида, иккинчиси эса қўлида турарди. Хоҳ уни отини айтиб чақир, хоҳ энгашиб юзига боқ, қимир этмаслиги тайин эди. Лили уни ўз ҳолига ташлаб қўйишга ва шоша-пиша ошхонага кириб, эридан қолган ивирсиқларни тартибга келтиришга одатланиб қолганди. Иккови бирга яшай бошлаган илк кезлари йигитнинг бағрида уйғониб, унинг аскарлик нишони ўзининг юзига тегиб турганда ҳис этган мулойимликлару худди шу каби у билан ўтказган ажойиб кунлари энди Лили учун хотирага айланиб қолганди ва хаёлда бу кунлар кучогига камроқ қайтишини истарди. Бенихоя завқшавқقا тўла ўша кунлар уни тарк этганидан афсусланса-да, бироқ улар яна қайтишидан умидвор ҳам эди.

Одатда икир-чикирлардан иборат ҳаёт тарзи кишидан эътибор талаб этарди: тўланмаган тўловлар, қувурдан чиқаётган газ, сичқонлар, ситилиб тамом бўлган сўнгти пайпок-лозим, фитначи қўни-қўшнилар, жўмракдан томчилётган сув, ўзбошимчалик билан ишлаётган батарея, дайди итлар, гамбургернинг кўз кўриб, кулоқ эшитмаган нарху навоси. Кўнгилни хижил қилувчи бу ташвишларнинг биронтасига Фрэнк жиддий муносабатда бўлмасди ва очишини айтганда, бунинг учун қиз йигитни айблай ҳам олмасди. Ва бу талай арз-додлар замирида шахсий ўй хақидаги орзу-армонлар яширинганини қиз яхши тушунарди. Орзу-истакларни рўёбга чиқаришга бўлган интилишини йигит у билан баҳам кўрмагани қизнинг ғазабини қўзитарди. Фрэнкнинг яшашдан бирон-бир мақсади борга ўхшамасди. Келажак тўғрисида, уни қандай режалар қизиқтириши тўғрисида қачон гап очилганда, Фрэнк: “Омон бўлсан бўлгани, у ёғи бир гап бўлар”, деб мужмал жавоб бериб қўя қоларди. Эҳ, дерди қиз ичида. Бу уруш деганлари унга азоб беришда ҳали-хануз давом этяпти, шекилли. Ва ундан хавотирга тушибми, ё унга ачинибми, қиз Фрэнкни кўп бора кечирарди — худди бир сафар февраль ойида, мактаб стадионидаги черков йиғилишига боргандарида кечирган-дек. Черков ўз эътиқодини ёйишга интилиб эмас, балки одамлар учун жуда кўп столларга ёзиб қўйилган дастурхонни ҳар хил мазали таомларга тўлдириб, ҳаммани очиқ чехра билан кутиб, уларни бепул меҳмон қилишни одат тусига айлантириб олгани билан ном чиқарганди. Ёзилган дастурхонга нафақат диндорлар, барча ташриф буюрарди. Даҳрийлар таомга навбатга туриш учун урилиб-сурилиб эшик олдида саф торти-

шарди ва сон жиҳатдан диндорлардан ошиб борарди. Ёш бамаъни йигитлар ва нуроний оксоқоллар томонидан тарқатилаётган адабиётлар халталарга ва ён чўнтакларга тиқиб қўйиларди. Эрталабки ёмғир тиниб, булатлар орасидан ой сузиб чиқа бошлагач, Лили ва Фрэнк ёмғирпўшни свитерга алмаштириди-да, бир-бирининг қўлидан ушлаганча стадионга йўл олди. Лили бошини одатдагидан тик тутди ва Фрэнк сочини олдирмаганидан афсусланди. Унга бир қараб қўйиш билан кифояланиш масди – бунга балки унинг новча бўйи сабаб бўлгандир. Ҳар ҳолда қиз шундай ўйлашни истади. Нима бўлгандা ҳам, уларнинг кайфияти чоғ эди: одамлар билан роса гурунг қилишди, болаларнинг ликопчаларини тўлдиришга кўмаклашишди. Ва бирдан, хурсандчиликнинг қоқ ўртасида ва ҳаво очиқ салқин кунда Фрэнк ғойиб бўлди-қолди. Улар стол ёнида туриб, ўзларига қовурилган жўжадан иккинчи улушни солишаётганда, рўпарадан ғилай кўзли бир қизча гўштли нонга талпина бошлади. Фрэнк ликопчани унга яқинроқ сургани энгашди. Шунда қизча унга миннатдор жилмайиб қўяётганди, йигит бирдан таомини ерга тушириб юбордида, ўзини оломон ичига урди. У бориб урилган кимсалар ва унга йўл бўшатган баъзилар бу қилиқдан норози бўлиб қовоқларини уйишли, баъзилар эса бақрайиб қолаверди. Ҳаяжонга тушган Лили хижолат ичидага қоғоз ликопчани столга олиб қўйди. Қиз йигит билан таниш эмаслигини намойиш этишга уринганча бегона кўзлардан ўзини олиб қочди-да, мартабали кимсалар ёнидан бошини баланд кўтариб, шошилмай, Фрэнк кетган томондан эмас, бошка тарафдан жуфтакни ростлади.

Унинг бахтига Фрэнк уйда йўқ эди. Йигитнинг бундай дабдурустдан ўзгаришига нима сабаб бўлди экан? Боягина кулиб турганди, бирдан ваҳима босди-қўйди. Ёинки у қандайдир жаҳду жадалнинг до-мига тушиб қолгану тўғри келганда тўсатдан қизга ҳам ҳамла қилиб қолармикан? Тўғри, Фрэнкнинг кайфияти яхши эмас, бироқ қўрқитиш у ёқда турсин, йигит биронта одам билан гап ҳам талашмаган. Лили тиззаларини букиб кўкрагига олиб борди-да, тирсаклари билан тиззалирига суюнганча ўзининг ва унингҳардамхәёллиги, келажак орзулари ва йигит у билан барини баҳам кўришга қодирми, ё йўқми – шулар ҳакида ўй сура кетди. Фрэнк уйга тонг нури аллақачон пардалардан сизиб кирайтган пайтда кириб келди. Қулфга солинган калит буралганда, Лилининг юраги орқага тортиб кетди, бироқ Фрэнк хотиржам кўринарди, аммо ўзининг айтишича, ер ёрилиб ерга кириб кетгудек мулзам ахволда эди.

– Бундай ваҳимага тушишинг Кореядаги хизматинг тифайлими? – сўради Лили, қиз уруш тўғрисида сира гап очмас, Фрэнкнинг ўзи эса бу хақда лом-мим демасди.

Йигит кулиб қўйди.

– Хизматинг дейсанми?

– Ҳарҳолда саволимни тушундинг.

– Тушунаман. Бу бошка такрорланмайди. Сўз бераман. – Фрэнк уни бағрига босди.

Ҳаёт яна ўз изига тушди. Куннинг иккинчи ярмида ва кечқурун йигит машина ювиш корхонасида ишларди, Лили эса иш кунлари ва шанба ўтиб Вонгнинг корхонасида хизмат қиласарди. Улар айланишга камдан-кам чиқишарди, бундан қиз ранжиб ўтирмасди. Баъзан кино кўргани

боришарди ва шунинг ўзи кифоя эди. “У йўл бўйи югурди”ни томоша қилмагунларича ахвол шундай давом этди. Ўша фильмдан сўнг Фрэнк кечқурун муштини қисганча бир неча соат ўтириди. Шундан кейин улар қайтиб кинога боришмади.

Кизнинг фикру ёди бошқа ўй-хаёллар билан банд эди. Унинг тикувчилик ҳунари кун сайин қадр топиб бораётганди. У аёлларнинг нафис ёпинчигига икки марта тўр тўқиб берди ва бадавлат мижозлардан бирининг қалин газламали дастурхонига гул тикканидан сўнг обрўси янада ошди. Лили энди кўплаб буюртмалар олар ва қандай бўлмасин, ўз уйига эга бўлишга аҳд қилганди. Энди аёллар ательесини очишни, бориб-бориб кийим-бош тикиш бўйича мутахассис бўлишни ҳам кўнглига туғиб қўйганди. Ҳар ҳолда у касбий тажрибани театрда орттирганди.

Фрэнк сўзининг устидан чиқиб, энди ножўя хатти-ҳаракатлари билан одамларни ортиқ безовта қилмаётганди. Лекин, барибир... Киз уйга қайтганда, у ҳар доим диванда, шунчаки гиламга тикилиб бекор ўтиради, – бундан Лилининг жони чиккудек бўларди. У ҳар қанақасига хўп уриниб кўрди. Барибир уйдаги барча майда-чуйда юмушлар – ҳатто энг майда-чуйдасигача қизнинг зиммасида эди: эркакнинг уст-боши ер билан битта бўлиб тўзғиб ётар, ошхона чаноғи қотиб кетган овқат юқли идишларга тўла, кетчупли идишнинг қопқоғи очиқ, қўлювгичнинг ичи қирилган соқол тукларига тўла, бир уюм хўл сочиқ кафелли полнинг бошидан-охиригача ёйилиб ётарди. Бу рўйхатни яна узоқ давом эттириш мумкин. Лили бунинг ҳисобини ҳам олиб бўлганди. Шикоятлар бир томонлама жанжалга айланиб борарди, чунки йигит бунда иштирок этмасди-да.

- Қаерда эдинг?
- Шаҳарда.
- Шаҳарнинг қаерида?
- Кўчада.

Майхонадами? Сартарошхонадами? Бильярдхонада дейдими? Хиёбонда ўтиргани аниқ, албатта.

– Фрэнк, сут идишларни аввал чайиб, сўнг эшик олдига қўйсанг бўлмайдими?

- Мени кечир. Ҳозир чайиб қўяман.
- Энди ҳожати йўқ. Ўзим аллақачон чайиб қўйдим. Биласан-ку, ахир, менинг ўнта қўлим йўқ.
- Ўнта қўл бўлганда ҳам ҳаммасига улгуриш қийин.
- Тўғрисини айт, ўзи бирор нима қилиш қўлингдан келадими?
- Лили, мени кечир. Сен нимани истасанг, бажо келтираман.
- Мен истасам-а? Бу, ахир, бизнинг уйимиз.

Лилини ўраб олган норозилик тумани қуюқлаша борди. Фрэнкнинг барига очиқ-ойдин лоқайд муносабати ва палапартишликка мойиллиги Лилининг ҳақлигини исботлаб турарди. Ҳали ундан бошқасини кўрмаган муаннас учун аввал-бошда мароқли кечган тўшакдаги ҳаёт энди мажбуриятга айланиб қолганди. Ўша, қор беармон ёқкан куни йигит Жоргиядаги бетоб синглисига ёрдам бериш учун ундан қарз сўраганида, Лили бир томондан аччиқланиб, айрилиқдан хавфсираса, бошқа томондан бироз муддат бўлса-да, эркин яшашини ўйлаб кўнгли хотиржам тортарди. Аёл чўмилиш хонасидаги чаноқда у унутиб

қолдирган жетонни олди-да, уни ғаладондаги ўзининг чек дафтарчаси ёнига яшириб қўйди. Энди уй бутунлай аёлнинг ихтиёрида эди – ва ниҳоят уйғонгандан, нарсалар сочиб ташланмаганини, чил-чил синмаганини билиши учун энди уларни ўзи хоҳлагандек йифиб-териши, жойжойига қўйиши мумкин эди. Фрэнк қизни Вонгнинг кимёвий тозалаш корхонасидан уйигача кузатиб қўйгунига қадар Лили ҳис этган ёлғизлик бора-бора унутилаётганди ва энди унинг ўрнини, деворнинг қайси еридан тешишни истасанг, ўша ерини танлашга имкони берувчи эркинлик шабадаси, интиқиб кутилган ёлғизлик дамлари эгаллаганди. Қулай-қулай деб турган одамга тиргак бўлишнинг ҳам ҳожати қолмаганди. Энди ҳеч бир тўсиғу чалғитишларсиз ўз иззат-хурматига мос жиддий режалар ўйлаб топиш имкони туғилди. Буни унга ота-онаси ўргатганди ва буни бажаришга қиз ваъда берувди: танлаш ва ўз ҳис-туйғуларини итоатда тутиш. Ҳақорату камситишлардан нари юриш. Ёки отаси Библияда келтирилган сўзларни бузганча: “Белингни бақувват қил, қизим. Сенинг исминг менинг онамнинг шарафига Лиллиан Флоренс Жонс деб қўйилган. Ундан чидамли аёлни бу дунёда топиш амри маҳол эди. Ўз истеъодингни кашф эт ва уни камол топдир”, деб такрорлашни хуш кўрарди.

Фрэнк у билан айрилишган куни Лили қўчага очиладиган дераза олди-га борди-да, гупиллатиб ураётган лайлаккорнинг кўчани қоплаб бораётганини ҳайрон бўлиб кузатиб турди. Ҳавонинг авзойи баттарлашмасдан бурун у дарров дўконга бориб келишга қарор қилди. Ташқарига чиқиши билан аёлнинг кўзи йўлкада ётган чарм ҳамёнга тушди. Ҳамён тангага тўла – кўпи йигирма беш ва эллик центлик майдада пуллар эди. У биронта одам қўриб-нетиб қолмадимикан, деб у ёқ-бу ёққа аланглабқўйди. Кўчанинг нариги томонидаги дераза пардалари қимиrlамадимикан? Тўхтамай ўтиб кетаётган машинадаги йўловчилардан биронтасининг кўзи тушмадимикан? Лили ҳамённинг оғзини ёпди-да, уни эшик олдига қўйди. У ҳар эҳтимолга қарши озиқ-овқат ғамлаш учун тўлдириб олган қофоз халтасини кўтариб дўкондан қайтганда, қор босган ҳамён ҳали ҳам ўша ерда ётарди. Ўтиб кетаётиб ҳамённи олди-да, озиқ-овқатлар солинган халта ичига ташлади. Тузаб қўйилган каравотнинг Фрэнк ётган ерига терилиб, товланиб турган бу пуллар Лили учун бемалол йигитнинг ўрнини босадигандек туюлди. Фрэнкнинг ҳувиллаб қолган ўрнидаги бу ҳақиқий пуллар кўзни ўйнатиб турарди. Ўз-ўзидан кўриниб турган бундай аломатга ким ҳам шубҳа қиласарди? Фақат Лиллиан Флоренс Жонс эмас.

7

Лотус, Жоржия – бу ер ҳар қандай фронтдан баттар бўлган дунёдаги энг расво жой. Жанг майдонида, ҳеч бўлмагандা, мақсад, изтироб, таваккалчилик бор ва ғалаба учун қандайдир умид ва ишионч, маглубият учун эса талай сабаб мавжуд. Ўлим – муқаррар, бироқ ҳаёт ҳам – худди шундай муқаррар. Фақат вақт-соати қачон, олдиндан билолмайсан, холос.

Лотусда сен буни олдиндан биласан, чунки у ерда келажакнинг ўзи ўйқ, фақат вақтни беҳуда сарф қилганинг қолади. Қўлга киритадиган нарсанингу нафас олишидан бошқа мақсад-муддаонинг ўзи йўқ. Тирик

қолиши ҳам беҳуда, зеро, бунинг ҳожжати ҳам йўқ – фақат кимнингдир жони аста узилаётганини кўриш учун қолишинг мумкин. Агар қадрдан шу икки оишнам бўлмагандан, мен ўн икки ёшига етиб-етмай бўғилиб ўлган бўлардим. Улар ва синглимнинг шарофати билан ота-онамнинг бепарволигиу бувим билан бувамнинг жирканчлиги ҳам кўнглимга унча қаттиқ ботмасди. Лотусда ҳеч ким ҳеч нимани билмасди ва билишини ҳам истамасди. У шундай ерки, у ерда яшаини орзу қилмаслигинг турган гап. Бор-йўги юзта аҳолисиу унда-бунда тартибсиз жойлашган, бир-биридан узоқ элликтacha омонат уйлари бор бир ер. Сенинг тасарруфингда бўлмаган ва сен тасарруф ҳам қила олмайдиган, мабодо танлаши имконинг бўлганда ҳам сен бу далага эгалик қилишини истамайдиган маъносиз, ноаниқ дала ишларидан бўлак у ерда ҳеч бир тайнинли ишининг ўзи йўқ. Шундай ҳаёт ота-онамни қаноатлантирган ёхуд улар шунчаки орзу-умидсиз яшаиган. Мен буни тушунаман. Агар сен уйиндан қувилган бўлсанг, хавф-хатардан холи ҳаётни сенга ҳадя этиб, тунда тинчгина ухлашу юзингга қурол тираганда эмас, балки шунчаки уйгонии имкониятини берувчи ҳар қандай жой сен учун яхшигина бошпана бўлиб кўринаверади. Бироқ менга бундай туюлмади. Сен бундай ҳаётда яшаб кўрмагансан ва бунинг қандай эканини ҳам билмайсан. Эсхуши жойида ҳар қандай йигит у ердан қорасини ўчирган бўларди. Аҳён-аҳёнда наридан-бери, муҳаббатсиз бўладиган жинсий ҳаёт – нима, мен шу билан ўзимни баҳтли деб билишим керакми? Тасодифанми ё пухта ўйлаб қилинадиган бирон-бир шўхликми у, нима, мен шу билан баҳтли бўла олар эканманми? Соққа ўйини, балиқ ови, бейсбол, қуён отиши – шулар эрталабки уйқунгни ҳаром қилиб, иссиқ кўрпангдан туришиннга арзирмикан? Арзимаслигини ўзинг ҳам тушунасан-ку.

Бу ерлардан узоқ-узоқларга қачон кетар эканмиз деб Майкнинг ҳам, Страффнинг ҳам, менинг ҳам сабрим чидамасди.

Армияни етказган Парвардигорга шукур.

Фақат юлдузларни айтмагандан, у ерда мен согинадиган ҳеч нима йўқ.

Агар синглимнинг аҳволи оғир бўлмагандан, у томонларни елкамнинг чуқури кўрсинг эди.

Мени жонбоз қаҳрамон қилиб тасвирламай қўя қол.

Боришиим шарт эди ва мен юракни ҳовучлаб йўлга тушибдим.

Жеки дазмол босишини қийиб қўярди. Пол ювишга эса унча укуви йўқ эди, бироқ чўнтакчаларга, қадама енглару кичкина ёқачаларга ва қўкрак бурмаларга ўз ишининг моҳир устасидек ёндаша олгани учун ҳам Лено-ра уни ушлаб турарди. Унинг жажжи қўллари дазмолни қандай юргизаётганини, ўт ёқиладиган печкадаги оловни ўчирмай бир маромда қандай ушлаб турганини томоша қилишнинг ўзи кишига завқ бағишлиарди. Буюмни куйдирмай, силлиқ дазмоллаши учун дазмолнинг керагидан ортиқ қизиб кетган-кетмаганини қизча яхши фаҳмлай оларди. У бор-йўғи ўн икки ёшда эди ва ёш болаларга хос ўйинларни ҳам тарқ этмасди, айни вақтда ўз вазифасига катталардек масъулият билан қарашни ҳам унумасди. Кўчада унинг сақичдан қандай пуфак ясаши билан бир пайтда

контакт ўйнаётганини ёки дубдан ишланган шоҳда оёгини осмондан қилиб осилиб турганини кўриш мумкин эди. Яна ўн дақиқа ўтар-ўтмай эса у балиқ тозалаётган ёки билағонлик билан товуқ патини юлаётган бўларди. Полни унчалик тоза юволмаслигига келсак, бунда Ленора ўзини айбларди. Полювгичга одатда унинг сифатлисида бўладиган сувни шимувчи чилвир эмас, латта илинганди. Полни чўккалаб олиб ювиши кераклигини унга айтсамикан, ё йўқ, баъзан Ленора шу ҳақда ўйлаб қоларди, бироқ унинг гўдакдай ерда эмаклаб юришини кўришга тоқати йўқ эди. Жаноб Хейвуд билан Жеффрига озиқ-овқат олиб келгани борганиларида, янги полювгич харид қилишни у Салемга қайта-қайта тайинларди. Салем эса жавобан: “Машина ҳайдашни билсанг, ўзинг бориб олиб келавер-да”, – деб қайтариб ташларди.

Шунда Ленора уф тортарди-да, Салемни аввалги эри билан тенглаштирмасликка ҳаракат қиласарди. Эҳ, аввалги эри қандай меҳрибон инсон эди-я, хаёлдан ўтказарди аёл. У нафақат ғамхўр, серғайрат ва яхши насроний бўлган эди, ишлаб пул топиш ҳам қўлидан келарди. Машиналарни ёнилғи билан таъминлаш учун энг қулай жой ҳисобланган асосий йўлнинг айрилишида, яъни қишлоқ йўлларининг тармоқларга бўлиниб кетадиган ерида унинг ёнилғи муассасаси бор эди. Қандай меҳрибон инсон эди. Отиб кетишгани оғир мусибат бўлди! Кимdir унга ҳасад қилдими ёки ёнилғи қўйиш муассасасига эга чиқмоқчи бўлдими, хуллас, “Бу ердан дарҳол қорангни ўчирларинг”, дея қисқа мактуб ёзиб, унинг кўкрагига қистириб кетишганди. Бу Турғунликнинг авж палласида содир бўлганди ва ўша пайт шерифнинг¹ қандайдир бир ҳашаки қотил изига тушишдан кўра муҳимроқ ишлари қалашиб ётарди. Мутасадди ўша мактубни олиб, тергов ишларини бошлаб юборишини айтди-ю, бироқ терговнинг натижаси ҳақида лом-мим демади. Агар у шуғулланган бўлса ҳам, бироқ бу ҳақда билдирамади. Хайриятки, эрининг жамғарган пули, суғуртаси ва амакиваччасига қарашли Лотусда, Жоргияда бўш ётган уйи ҳам бор эди. Ленора эрини ўлдирган одамлар ўзини ҳам қидириб топишидан кўрқиб, уйини сотди ва машинага сикқанча юкни ортди-да, Алабама штатининг Хартвилл шахридан Лотусга кўчиб кетди. Кўрқув аста-секин уни тарқ этаётган бўлса-да, ёлғиз яшайтган аёлнинг ўзини мутлақо бехавотир ҳис эта олиши учун бу етарли эмасди. Шундай бўлгач, шу ерлик сўққабош Салем Манига турмушга чиқди-да, ҳар ҳолда вақтинча бўлса-да, бу муаммога ечим топгандек бўлди. Ленора уйни таъмирлаш учун одам қидиришга тушкини ва Конгрегация черкови пасторига мурожаат этди. Пастор унга бир неча кишини тавсия қилди ва бирйўла Салем Манининг ҳам қўлидан иш келишигаю бунинг учун унда етарлича вақт топилишига ҳам ишора қилиб ўтди. Бу гапда жон бор эди, Салем улар ўз имкониятларини бирлаштиришлари мумкин бўлган бу теварак-атрофдаги бармоқ билан санаарли бўйдоқ эркаклардан бири эди. Ленора рулга ўтириди ва улар никоҳ гувоҳномаси учун Маунт-Хейвенга йўл олишди, бироқ амалдор аёл хужжат беришдан бош тортди, чунки уларда туғилганлик ҳакида гувоҳнома йўқ эди. Ҳар ҳолда у шундай тушунтириди. Мансабдорнинг бу ўзбошимчалиги уларни фикридан қайтара олмади ва улар Конгрегация черковида никоҳдан ўтишди.

¹ Шериф – АҚШ ва бошқа баъзи мамлакатларда алоҳида худудларни назорат қилувчи маъмурӣ амалдор.

Ленора бу ерга аранг жойлашиб, Алабамадан сўнг ўзини энди хавф-хатардан холи ҳис эта бошлаган ҳам эдики, Салемнинг уйдан хайдаб чиқарилган бир гала жулдуровоқи қариндош-уруғлари кутилмаганда ёп-пасига бостириб келишди: унинг ўғли Лютер хотини Ида билан, яна бир ўғли Фрэнк невараси, у ҳам Фрэнк, ва йиглоқи чақалоқ қиз.

Бунга тоқат қилиш мушкул эди. Салем икковининг уй-жойни тартибга келтираман деб шунча елиб-юргургандар бир пул бўлганди. Ёлғиз қолишга имкон қолмаганди – аёл ҳовлидаги кичкина уйга кўчиб ўтишни ҳам ўйлаб юрарди. Одатга кўра бафуржга ўтириб нонушта қилишни ўйлаб барвақт уйғонган Ленора, узала тушганча бутун уйни эгаллаб уйқуни уриб ётган, бола эмизаётган, қотиб хуррак отаётган гавдаларнинг устида ҳатлаб ўтишга мажбур эди. Бошга тушганни кўз кўрар деганларидек, у шароитга мослашиб ҳам олганди: эркаклар чиқиб кетиб, Ида ўзи билан чақалоқни далага олиб кетгандан сўнг у нонуштага ўтиради. Айниқса, чақалоқнинг тунги қичқириғи унинг жонжонидан ўтиб кетарди. Ида далада боладан боҳабар бўлишнинг имкони йўқлигини айтиб, қизчага қараб туришини илтимос қилганида, Ленора энди ақлдан озсам керак деб ўйлаганди. Йўқ дейишга у ботинолмади ва рози бўлди, чунки болага чинакам энагалик қилувчи, аслида қизчанинг тўрт ёшли акаси эди.

Гарчи бошпанасиз бу оила аъзолари мезбонлардан миннатдор бўлган, гарчи бирор марта Леноранинг раъйини қайтармай, барча айтганларини сўзсиз бажариб, нолимай яшаган бўлсалар-да, бу уч йил оғир кечганди. Аёл улар ишлаб топган пулнинг бир центига ҳам кўз олайтирмади – яхшиси, қириб-қимтиб тўплашсин ва ижарага уй олиб, кўчиб кетишин – шуниси маъқул, дерди у. Тангу торлик, ноқулайлик, ортиқча юмуш, бепарво эр – хуллас, унинг тинчгина еб турган ошига пашша тушганди. Ҳаёт аёлга шу тарзда фириб берганди. Леноранинг кўнглидаги норозилик булути сузуб бориб хўп жойини топганди: у болакай ва қизчанинг боши тепасига келиб туриб олганди. Гарчи Ленора ўзини ёвуз ўтгай буви деб эмас, балки бор-йўғи талабчан буви деб ҳисобласа-да, аламини гўдаклардан оларди.

Қизчадан ҳали умид қилиб бўлмасди, у ҳар дақиқада қўмакка муҳтоҷ эди. У дунёга келган шароит эса ҳеч бир яхшиликтан дарак бермасди. Уни канча савалама, барибир, кечқурун товуқ катаги эшигини ёпишни унутарди, Худонинг бермиш куни кўйлагига овқат томизаверарди, бундай уқувсизлик ва фаромушхотирлик тиббиётда бирон-бир ном билан аталса керак, албатта. Бор-йўғи иккита кўйлагинг бор. Ҳа, иккита. Нима, мен уни ҳар еб-ичганингдан сўнг ювишими керакми? Факат қизчанинг акаси кўзидаги нафратгина Ленорани унга тарсак тортиб юборишдан тийиб турарди. Акаси уни доим ҳимоя қилар ва худди ўзи яхши кўрган мушук боласидек юпатарди.

Ва ниҳоят, оила ўз уй-жойига кўчиб ўтди. Хонадон яна ҳаловатда, ҳамма ёқ саранжом-саришта. Йиллар ўтди, фарзандлар улғайди ва ҳар ёққа жўнаб кетди, ота-оналар бирмунча вакт бетоб бўлиб юрди ва оламдан ўтишди, ҳосил унуми пасайди, довуллар уйларни, черковларни вайрон қилди, бироқ Лотус ҳам бўш келмасди. Токи бош айланиш касали уни безовта қилмагунча, Ленора ҳам бўш келмади. Шунда у, қизи баъзи уй-рўзгор юмушларига ёрдам бериб туриши учун Жекининг онаси-

ни кўндириди. Фақат қизчанинг “энагаси” бўлмиш вафодор итгина уни ўйлантиради, холос. Қора билан жигарранг аралаш доберман уни бир дақиқага ҳам ёлғиз қолдирмасди. Жонивор ҳатто қиз ухлаётганда ҳам ёки у биронинг уйида бўлганда ҳам тумшуғини панжаларига кўйганча эшик тагига ётиб оларди. Бунинг ваҳима қиласидан ери йўқ, ўйлади Ленора, ишқилиб кучук ҳовлида ёки айвонда қолса бўлгани. Оёқда тик туриб бажариладиган уй юмушларини кимдир ўз зиммасига олиши керак-ку. Бунинг устига, қишлоқда бўлаётган баъзи бир янгиликларни Жекидан ўсмокчилаб сўраб-суриширишга ҳам имкон туғиларди.

Ленора, Си билан бирга қочиб кетган шахарлик йигит автомобильни ўғирлаб, бир ойга етар-етмай қизни ҳам ташлаб кетганидан хабар топганди. Шарманда бўлган қизнинг эса уйидагиларга кўринишига бети чидамасди. Тушунарли, хаёлдан ўтказди Ленора. Бари у тахмин қилгандек бўлиб чиққанди. Си ҳатто қонуний никоҳдан ўтишни ҳам эплай олмаганди. Ленора ҳеч бўлмаганда, бирорта расмий хужжатними, ё бирорта қайд этилган ёзувними талаб қилиб туриб олиши керак эди. Энди эса Си билан ўша йигитни аллақандай тушуниб бўлмас “биргаликдаги хаёт” боғлаб турарди. Мажбуриятдан асар ҳам йўқ; бири бемалол “форд”ни олиб қочиб кетади, анавинисида эса ҳемири ҳам йўқ.

Жеки ўғиллари Кореяда ҳалок бўлган икки оила тўғрисида ҳам сўзлаб берди. Бири Даремлардан – Майл эди. У Фрэнкнинг ёқимсиз ва шумтака бир дўсти сифатида Леноранинг ёдиди қолганди. Иккинчиси эса Мейлин ва Хаурд Стоунларнинг ўғли Абраҳам бўлиб, уни Страфф деб аташарди, у ҳам ҳалок бўлганди. Учта ажралмас дўстдан ёлғиз Фрэнккина омон қолганди. Миш-мишларга қараганда, унинг Лотусга қайтиш нияти йўқ экан. Фарзанд доғи Даремлар ва Стоунларнинг қаддини букиб кўйганди, бироқ уларнинг уйларига худди ўғилларининг эмас, балки авлиёларнинг жасадини юборишадигандек қайғуга ботишлари ғалати туюларди. Бу навжуонлар уйига таклиф қилишини сўраб, сартарош аёлга роса хираплик қилишганини одамлар билишмасмикан, ё билсалар ҳам ёлларидан чиқариб юборишдимикан? Бузуқлик ҳақида миш-мишлар. Шармандалик тўғрисида гап-сўзлар. Ўша сартарош аёлни К. хоним дейишарди. Агар безбет десак, унга бу ҳам оз бўлса керак. Пастор Олсон унинг ёнига бориб, ўсмир йигитларни йўлдан уришни бас қилишни айтиб, аёлни огоҳлантирганда, у қулоқли пиёладаги қаҳвани пасторнинг кўйлагига сепиб юборган. Аёл билан гаплашиб кўйишни эса пастордан кампирлар илтимос қилишганди; ўша сартарош аёлнинг хизматига оталар зор эмасди, оналарга ҳам барибир эди. Ўспириналар қаердадир ўрганишлари керак-ку, ва агар бева аёлга уларнинг эрлари керак эмас экан, унда аёлнинг гуноҳидан кўра фойдаси кўпроқ. Уларнинг қизларига ҳам шуниси бехавотирроқ. К. хоним ҳеч кимни аврамасди, ҳақ ҳам талаб қилмасди. Чамаси у ҳар замон-ҳар замонда жуда берилиб кетганда, ўзининг ва йигитчаларнинг кўнглини хушларди, холос. Бунинг устига, соч турмаклашда унга етадигани йўқ эди. Унинг жирканч сартарошхонасида ўтириш у ёқда турсин, Ленора йўлнинг нариги томонига ўтиб: “Тонгингиз хайрли бўлсин”, – деб айтишни ҳам ўзига эп кўрмасди.

Ленора барини қизчага тўкиб-соларди ва гарчи қизчанинг кўз олди қоронғилашиб, маъюс тортса-да, у Салемга ўхшаб эътиroz билдирмасди, баҳслашиб ҳам ўтирмасди.

Леноранинг асли пешонаси шўр эди. У ёлғиз қолмаслик учун турмуш курган бўлса-да, бироқ ён-атрофдагиларни назарига илмагани боис бу ерда ўзини бегона ҳис этарди, тўғрисини айтганда эса у бутунлай ёлғиз қолганди. Унга банкдаги катта маблафию хусусий уйи ва музофотда камдан-кам одамда учрайдиган иккита машинаси тасалли бериб турарди. Жеки унга кўнглидагидек дугона бўла оларди. У сабр-тоқатли тингловчи, беназир хизматкор, бунинг устига, Ленора бир кунда қизчага тўлайдиган чорак доллардан у анча қўпроғига ҳам муносиб эди.

Сўнг буларнинг бари барҳам топди.

Хейвуд жаноблари кимдир нақ унинг кўз ўнгида юқ машинасининг ўграчасидан иккита кучукчани улоқтириб юборганини айтди. У машинасини тўхтатиб, итлардан бўйни синмаган урғочисини танлаб олган ва бирйўла расмлару шириналлар билан бирга уни ҳам Лотусга болалар учун олиб келган. Баъзилар бундан хурсанд бўлиб кучукчани боқа бошласа, бошқалар жониворнинг жигига тегарди. Жеки эса итни яхши кўрар, парваришлар ва ҳимоя қиларди, ҳатто уни ҳар хил қиликларга ҳам ўргатарди. Унинг ҳаммадан ҳам яхши кўрган қизчага ўрганиб қолганига ҳайрон қолмаса ҳам бўларди. Қизча унга Бобби деб лақаб қўйди.

Бобби одатда товуқ емасди. У каптарларни хуш кўрарди, чунки уларнинг суяклари мазалироқ эди. Емишнинг ҳам кетидан қувмасди ва нима берса ёки нима тўғри келса, ўшанга қаноат қиласади. Шундай қилиб, Леноранинг пиллапояси олдида ўралашибчувалчанг чўқилаётган тухумга кираётган товуқ ўз бошига ўзи етди. Ҳали нимталанмаган товуққа кўз олайтираётган Боббини ҳайдаётган Леноранинг қўлидаги таёқ у пиёда юрганда таянадиган ҳасса эди.

Кучукчанинг ангиллашини эшитиб қолган Жеки, жигарранг изини ёстиқжилдда қолдириши мумкин бўлган дазмолни ҳам ташлаганча, Боббини кутқариш учун ташқарига отилди. Шу воқеадан сўнг Леноранинг уйига на кучук ва на қиз бошка қайтмади. Ленора биринчи турмуш ўртоғининг вафотидан ва Салемга турмушга чиқмасидан аввал қандай ёлғиз қолган бўлса, яна худди ўшандай хизматкорсиз ва эрининг далдаларисиз сўппайиб қолганди. Улар киму унинг ўзи ким эканини очиқ-ойдин намоён қилиб бўлган аёлнинг қўшилилар билан дўстлик ришталарини боғлашига энди кеч бўлганди. Қизнинг онасига илтимос қилиш Леноранинг ерга уради ва бундан наф ҳам чиқмасди, чунки онасининг жавоби тайин эди: “Кечирасиз, иложи йўқ”. Энди хоним бошқалардан устун кўйган кимса, яъни ўзи билан ўзи қолишга маҳкум эди. Июль ойининг иссиқ тунларидан бирида юз берган енгилгина зарбага балки Леноранинг Ленора билан якка ўзи қолгани сабаб бўлгандир. Салем қараса, хотини унинг каравоти ёнида чўккалаб қолган. У ўша заҳоти жаноб Хейвуднинг хузурига югурди. Хейвуд эса аёлни Маунт-Хейвендаги касалхонга олиб кетди. Касалхона йўлагида таҳликали узок кутишдан сўнг ниҳоят шифокорлар уни текширувлардан ўтказа бошлашди ва хайриятки юз бериши мумкин бўлган оғир аҳволнинг олдини олишди. Касаллик аёлнинг нутқида ўз изини қолдирганди, бироқ, гарчанд оҳиста бўлса-да, у юришини ўрганиб олди. Салем унинг асосий эҳтиёжларини таъминлаб турди, бироқ хотинининг биронта сўзини англамаётганига ишонч ҳосил қилгач, енгил тортди. У ҳар ҳолда ўзини-ўзи шундай деб ишонтирди.

Тақводор ва Худодан кўркувчи қўни-кўшнилар Ленорага ликопчада овқат ташиб, уйларини супуриб-сидириб, бу билан ниятлари холис эканини исбот қилардилар, ва ҳатто аёлнинг ғурурию ўзларининг таъсирчан табиатлари йўл кўйганида, уни чўмилтириб, кир-чирини ювиб беришга ҳам тайёр эдилар. Ундан ўз ёрдамларини аямаётган бу аёл қўшниларнинг барини Ленора сариқ чақага олмаслигини улар яхши билардилар ва шу боис ўзлари англаб етган ҳакиқатни ҳатто овоз чикариб бўлса-да, айтишни лозим топмадилар: Парвардигор Мўъжизани Ақл Бовар Қилмас Йўллар Билан Яратади.

9

Корея.

Сен буни тасаввур ҳам қилолмайсан, негаки у ерда бўлмагансан. Табиатнинг мунгли манзарасини тасвирлашига ҳам ожизсан, чунки уни кўрмагансан. Дастроб мен сенга совуқ ҳаво тўхрисида гапириб бераман. У ўзи қандай? Сен шунчаки совуқ қотмайсан. Корея совуги жонжонингдан ўтиб кетади. У сенга худди елимдек ёпишиб олади ва сен ундан сира қутулолмайсан.

Жанг кўрқинчли, бироқ чинакам муҳораба. Буйруқлар, оч қорин, дўстларни ҳимоя қиласан, ўлдирасан – бари яққол кўз ўнгингда, ўй-хаёлга фурсат иўқ. Энг ёмони – кутиши. Вақт тўхтамайди ва сен аёзли, узоқ кунлар орасидан кўлингдан келганча зўрга ёриб чиқасан. Бундан ҳам баттари – якка ўзинг қоровулликда туришинг. Тирноқлар қорайдими, иўқми, кўриши учун кўлқопни неча маротаба ечиши керак ёки милтиқни текширишини айт. Душман ҳаракатини кўриши ва эшиши учун кўзу қулоқ динг туради. Бу яна мўгуллар бўлмасин? Улар шимол корейсларидан ҳам баттар. Мўгулларда тиним иўқ. Уни ўлган деб ўйлайсан, у бўлса шарт ўғириладио сени “пақ” этиб отиб ташлайди. Ҳатто у ўтган кунги балиққа ўхшаб ўлган бўлса ҳам барибир, кўнгил хотиржамлиги учун яна битта патрондан воз кечишингга тўғри келади.

Мана мен, омонат деворга сяниб турибман, вақт эса мени писанд этмайди. Олисдаги осойишта қишилоқдан бошқа ҳеч нима кўринмайди; кулбаларнинг похол томлари эса узоқдаги тоғларга менгзарди; чап томонимда музлаб қолган гаровдан ҳосил бўлган чакалакзор қордан диккайиб чиқиб туради. Биз у ерга чиқинди ташлардик. Мен ўша ёқда бир жуфт олу кўз ёки телпак кўриниб қолмасмикан деб сергак туришига уриниб, қулоқ солардим, дикқат билан назар ташлардим. Одатдагидек у ерда қимирлаган ҳеч нима кўринмасди. Бироқ бир куни кундузи гаровлар орасида нимадир секин гичирлади. У ерда ниманингdir қимирлаганини сездим. Мен бунинг душман эмаслигини билардим: душман ҳеч қачон ёлгиз келмайди; мен ийлбарс бўлса керак деб ўйладим. Айтишларича, улар адирларда изгиб юраркан, бироқ уларни ҳали ҳеч ким ҳеч қачон кўрган эмас. Кейин гаров таг-тагидан икки томонга сурилди. Итми? Иўқ. Бу бола қўли эди. У гаровзордан чиқиб қолганди ва ерни тимирскиларди. Бир нарса эсимга тушиди-да, жислмайиб қўйдим. Биз Си билан Робинсон хонимнинг дарахти тагидан шафтолини қандай ўғирилаганимизни эсладим – у бизни кўриб, қайшига ёпишиб кетмаслиги учун шовқин-сурон кўтмармай эмаклашига астойдил ҳаракат қилдик. Ўша илк сафар мен қизчани қувиб-солишни истамадим, шу боис ҳам у деярли ҳар куни келиши-

ни канды құлмасди ва гаров орасидан сүкилиб киаради-да, биз ташлаган чиқиндиларни титкилай бошларди. Унинг юзини атиги бир мартагина күргандик, холос. Күпинча унинг құли шохчалар орасини титкилаётганини ва чиқиндини пайпаслаётганини күрардим. Унинг пайдо бўлиши мени ҳар гал қувонтиради: худди парранда жисшига емак бераётганини ёки товуқ ўша ерда чувалчанг борлигини билиб ерни ковлаётганини кузатгандек бўлардим.

Баъзан қизчага омад дарров қулиб боқар ва у бир сонияда қандайdir сарқитни шартта тутиб оларди. Бошка сафар эса унинг бармоқлари ейши мумкин бўлган ҳар қандай нарсани, нима бўлса ҳам топиш илинжисида беҳуда талпиниб, ерни тимирскиларди. Худди митти денгиз юлдузидек – у ҳам, мен ҳам чапақай эдик. Енотлар қандай қулиб чиқинди кутиларини титишини мен күрганман – улар яшии-ёмонни фарқлай оларди. Қизга эса бунинг сира фарқи йўқ, унинг учун бари емши ҳисобланарди – фақат металл, шиша ёки қозоз бўлмаса бўлгани. У озиқ-овқатни кўзлари билан эмас, бармоқларининг уни билан изларди. Ҳарбийлар овқатининг қолдиқларини, қогозхалтада онаси меҳр билан юборган пишириқларни, шоколодли кекс увоқларини, мева бўлакларини қидирарди. Чириган, бўши, қорайиб кетган пўртахол – қўллари мевага етмаса-да, қизча барибир унга талпинарди. Менинг ўрнимга навбатда тургани келган соқчи унинг қўлини кўриб, бошини чайқаб, жилмаярди. У қизчанинг ёнига боргандা, қизча ўрнидан турарди ва шошиб-пишиб, худди ёддан айтгандек корейсчалаб нимадир дерди. У “ҳам-ҳам”га ўхшаган бир хил овоз чиқарарди.

У жилмайиб, қўлини аскарнинг йирмочига теккизди. Ҳам-ҳам? Нигоҳимни унинг қўлидан юзига қаратиш им биланоқ қизчанинг иккита тиши ийғлигини ва умидвор кўзлар тенасида қоп-қора пешанагажсанни кўрдим. Шу пайт аскар милтиқдан ўқ узуб, бу юзниг тит-питини чиқариб ташлади. Унинг құли эса хазинаси – ириган олачипор пўртахолни чангллаганча ахлатда қолиб кетди.

Бу мамлакатда мен учратган ҳар бир оддий фуқаро ўз фарзандини ҳимоя қилиши учун ўлишига тайёр эди (ўлишиди ҳам). Камталар болаларни ўйланиб-нетиб ўтирмаи, ўз вужуди билан пана қиларди. Лекин мен қизларни сотганлари етмагандек, гўдаклар билан ҳам савдо қилувчи разилларнинг бир нечтасини билардим.

Хозир шу ҳақда ўйлай туриб, хаёлимдан бир нима ўтди, соқчи нафақат жирканишини, балки у ўйлдан оздирувчи гуноҳни ҳис этганди – мана у нимани ийқ құлмоқчи бўлган.

Ҳам-ҳам.

10

“Жоржиан”да қишлоққа хос нонушта тортиларди: қизғиши қайлали дудланган чўчқа гўшти. Фрэнк ўтириб кетадиган жой олиш учун вокзалга барвақт келди. У қизга йигирма долларлик қофоз пул узатганди, қиз унга уч цент қайтим берди. Соат уч яримда у вагонга чиқди ва қулай ўриндиққа жойлашиб ўтириб олди. Жўнашга ярим соат вақт қолганда Фрэнк мияга ўрнашиб қолган ва кўз ўнгидагистаган вақт ярқ этиб қўринишга илҳақ манзарапарга эрк берди.

Майк унинг қўлида жон ҳолатда типирчиларкан, Фрэнк унга: “Оғайни, кетма. Шошма! Сабр қил! – деб қичқирди. Сўнг шивирлаб:

– Илтимос, ёлвораман”, – деди. Майк гапираман деб оғзини очганди, Фрэнк у томонга энгашди ва дўстининг: “Банкчи, Банкчи. Онамга айтма”, – деган ўтичини эшитди. Бир қанча вақт ўтгач, Страфф ундан Майк нима деганини сўраганди, Фрэнк: “Разилларни қир, деди”, деб ёлғон гапиради. Кичик тиббий ходимлар улгуриб етиб келгунларига қадар пешоб Майкнинг иштонида музлаб бўлганди, Фрэнк эса худди бомбардимончи самолётлардек жуфт-жуфт бўлиб жон-жаҳди билан ҳамла қилаётган қора қушларни ҳайдаб соларди. Қўлида жон таслим қилган дўсти болалик чоғларидаги ажойиб дамларни унинг ёдига солди. Улар бир-бирлари билан ҳали ҳожатга боришни ҳам эплай олмасларидан бурун танишишганди, Лотусда бирга ўсиб-улғайишганди ва бегоналарнинг қўлидан ақл бовар қилмас ярамасликлар келиши мумкинлиги хаёлларига келмай туриб Техасдан бирга қочишишганди. Болалиқда адашиб қолган сигирлар кетидан қувишарди, ўрмонда ўзлари учун бейсбол майдончасини ташкил қилишарди, бир-бирлари билан сигаретани баҳам қўришарди ва қиқирлаб кулганча жинсий ҳаётга ҳам бош суқиб қўйишарди. Ўсмирик пайлари эса улар К. хонимнинг малакасидан фойдаланиш ҳуқуқига эга бўлишди ва аёл ҳам ўз ўрнида ўсмириларнинг кўнилмаларини такомиллаштиришга кўмаклашиб юборди. Йигитчалар баҳслашарди, ёқалашарди, кулишарди, бир-бирларининг жигига тегишаради – ва яхши ҳам қўришардию, бироқ бу ҳақда гапиришни эп қўришмасди.

Фрэнк бунгача довюрак эмасди. У шунчаки буюрилганини ёки зарур ишни бажаради, холос. Ҳатто одам ўлдирганда ҳам ўзини қўярга жой тополмай қолганди. Энди эса тап тортмас, қайтмас савдойига айланаб қолганди – ўқ узарди, бўлакларга ажраб кетган гавдалар орасидан усталик билан чап бериб ўтарди. Душман назорат постига F-51 бомба ташламагунча, дод-войлару ёрдам сўраб қилинган илтижоларни деярли эшитмасди. Портлашдан сўнг чўйкан жимжитликда бу ёлворишлар худди чолғунинг нағмасидек, худди ўзининг қонга ботишини сезаётган күшхонадаги молнинг мўрашидек атрофни тутиб кетарди. Энди, Майкнинг ўлимидан сўнг Фрэнк, бу сўзни қандай изоҳлама, довюрак инсонга айланаб қолганди. Қанча корейсу қанча хитойликнинг бошига етганига қарамай, унга бу ҳам барибир оздек қўринар эди. Мис ҳиди анқийдиган қон энди унинг кўнглини беҳузур қилмасди – ҳид унинг иштаҳасини баттар қитиқларди. Бир неча хафтадан сўнг Малланинг ҳам тит-пити чиқиб кетди, Страффнинг эса қўли узилган ердан қон тирқираб оқа бошлади. Фрэнк етти метрлар чамаси нарида ётган Страффнинг қўлини топишга ёрдамлашди – у диккайиб қор остидан чиқиб турарди. Страфф ва Малла иккиси, айниқса, иноқ эдилар. Малла қишлоқ йигити бўлиб, шимолликларни улардан кам ёмон қўрмасди ва жоржиялик учовлон билан ошнолашишни афзал кўрди – айниқса Страфф билан қалин дўст эди. Энди улар нимтага айланишганди.

Отишма қандай тўхтагани қулоғига ҳам кирмай, Фрэнк тиббиёт ходимлари жўнаб кетишинию дағн гурухи келишини кутарди. Малладан жуда оз бўлаклар қолганди, шу боис Фрэнк замбильдан яна кимнингдир нимталари учун жой ажратди. Страфф замбилга фақат бир ўзи жойлашди ва бутун қолган қўлини ушлаганча замбilda ётдию, оғриқ мияга етиб боргунича жони узилди.

Сўнг Фрэнкнинг миясидан бир хаёл ойлаб кетмай юрди: “Лекин мен уларни биламан. Мен уларни биламан ва улар ҳам мени билишади”. Агар Майкка ёқадиган латифа эшитиб қолгудек бўлса, унга ҳикоя қилиб бериш учун бошини ўгиради... сўнг лаҳзалик саросимадан кейин унинг бу ерда йўқлигини фаҳмлаб қоларди. Энди у ҳеч қачон дўстининг қаттиқ кулгисини эшитолмайди, унинг беҳаёҳ хазиллари, киноюлдузларга тақлид килиши билан бутун казарманинг вақтини чоғ қилишини ҳам кўра олмайди. Хизматдан озод бўлгандан сўнг ҳам Фрэнк анча пайтгача баъзан светофор олдида турган машинада Страффи ён томондан кўрарди ва фақат аламдан орқага тортиб кетган юраккина бунинг шарпа эканини унга билдиради. Хотираларнинг сўроқсиз кутилмаган ташрифидан унинг кўзлари ёшга тўлди. Энди у на овозларини эшитиб, бирга кула оладиган ва на гап сота оладиган, рухлари кезиб юрган энг яқин дўстларини унтиш учун фақат ичкилиқдан нажот топарди.

Бироқ у бунгача, ватандошларининг ўлимигача, бошқа ўлимнинг ҳам гувоҳи бўлганди. Бу пўртахолни йигиштириб олиб, соқчи бошининг тит-питини чиқариб юборгунга қадар жилмайиб “ҳам-ҳам” дейишига улгуриб қолган ахлатчи-қизнинг ўлими эди.

Тонгда, Чаттануга яқинида оташарава тезлигини пасайтирди ва номаълум сабабга кўра таққа тўхтаб қолди. Кўп ўтмай аллақандай таъмир зарурлиги ва бунга чамаси бир соатлар, балки бундан ҳам кўпроқ вакт кетиши маълум бўлди. Йўловчилардан кимdir тўнфиллай бошлади, бошқалар эса имкониятдан фойдаланиб, кондукторнинг огоҳлантиришига ҳам қарамай, оёқ-кўлнинг чигилини ёзиш учун ташқарига чиқди. Вагоннинг ухлаш хонасидаги йўловчилар уйғониб, қаҳва талаб қила бошлашди. Ҷоққина емакхонаси бор вагондагилар но-нушта ва ичимликка буюртма беришарди. Поезд тўхтаган йўл ерёнгоқ фермасининг ёнгинасида эди. Шу ердан икки-уч метрлар чамаси нарида ем-ҳашак дўконига қарашли пешлавҳа кўриниб туарди. Кечикиш гарчи Фрэнкни ранжитмаса-да, бир жойда ўтиришга ҳам ҳуши келмаётганди ва у ем-ҳашак дўкони томон йўл олди. Дўкон ҳали очилмаганди, бироқ унга ёнма-ён бўлган, шу ерликлар нон, газли сув, тамаки сотиб оладиган дўкон очиқ эди. Радиоприёмникдан Бинго Кросби ижросидаги “Мени ўз ҳолимга қўй” қўшиғи шовқин аралаш қулоққа чалинарди. Пештахта ортидаги аёл ногиронлар аравасида ўтиrsa-да, колибридек чаққон эди. У бир лаҳзада пилдираб бориб, музлаткичдан Фрэнкка “Доктор Пеппер” банкасини олиб берди. У аёл билан ҳисоб-китоб қилиб, унга кўзини қисганди, аёл жавобан ўқрайиб қўйди ва Фрэнк сотиб олган ичимлигini ичиш учун кўчага чиқди. Эрталабки қуёш қиздирап, соя жой топиш эса амримаҳол эди: соя ер атиги шу дўкончаю ем-ҳашак дўкони ва яна, йўлнинг нариги бетидаги хароба уйнинг ёни эди, холос. Уй олдида қуёш нурида тилла рангда чараклаб “қадиллак” туарди. Фрэнк машинадан завқланиш учун йўлнинг нариги томонига ўтди. Машинанинг орқа чироқлари худди акуладек сузгичларга ўрнатилган бўлиб, олд ойна кенг капот устига эгилиб тушганди. Яқинроқ борганида, Фрэнкка овозлар эшитилди – аёллар овози, – улар уй ортида ўкирар, қарғанарди. У аёлларга хужум қилган эркакни кўриш учун девор ёқалаб, бақир-чақирлар эштилаётган томонга қараб юра бошлади. У ерда икки аёл ерга ётиб олиб ёқалашарди. Хотинлар у ёқдан-бу ёққа думалаб, бир-бирини аямай

дўйпосларди, оёқларини кўтариб-кўтариб тепкилаганча, бир-бирини тупроқقا беларди. Хотинларнинг соchlари тўзиб, кийимларининг дабдаласи чиқиб кетганди. Уни ҳайрон қолдириб, бир эркак тишини кавлаганча аёлларнинг ёнида туриб, бу қиёматни томоша қиларди. Фрэнк у ерга борганди, нотаниш эркак ўгирилди. Дўлвар бу кимсанинг кўзлари ўликникидай лоқайд боқарди.

– Нима, очиб кўйибдими? –деди у ҳатто оғзидағи тиш кавлагични ҳам олмай.

Фрэнк қотиб қолди. Барзанги унинг ёнига келди-да, кўкрагидан итариб юборди. Кейин яна итарди. Фрэнк “Доктор Пеппер” либанкани ташлади ва уни қулочкашлаб бир солди. Ўша эркак ҳам ўзи каби гавдали одамлардай унчалик серҳаракат эмасди ва ўша заҳоти қула бушди. Фрэнк ётиб қолганнинг устига ташланди-да, тишкавлагични унинг бўғзига жойлаб қўйиш учун башарасига тушира кетди. Ҳар бир зарба унга аламли ва ғоят таниш бўлган хузурни бахш этаётганди. Фрэнк ўзини тўхтата олмаётганди ва буни истамасди ҳам. Барзанги гарчи аллақачон хушидан кетган бўлса-да, Фрэнк уни ҳамон дўйпослашда давом этарди. Аёллар юмдалашибни бас қилиб, унинг ёқасидан олиб четга судрай бошлишди.

– Бас қил энди! – дод соларди хотинлар. – Ўлдириб қўясан уни! Уни тинч қўй, ярамас.

Фрэнк тўхтади ва барзангининг халоскорларига назар ташлади. Хотинлардан бири энгашди-да, ётганнинг бошини сужди. Бошқаси эса ўзининг бурнидан оқаётган қонни артди ва уни: “Сони! Сони! Оҳ, боёқиши!” – деб чақира бошлиди. Сўнг чўкка тушди-да, ўз таъминотидаги ўйнашини ўзига келтиришга урина кетди. Унинг кофтаси елқасидан узилиб тушганди. Кофта сарғиш тусли эди.

Фрэнк ўрнидан турди ва бармоқларини артиб-суртди-да, поездга югургилаб кетди. Таъмирловчилар уни ё кўришмади ёки кўрсалар ҳам унга эътибор беришмади. Вагон эшиги ёнида турган кузатувчи унинг қонга беланган қўлларига ва тупроқقا беланган уст-бошига бир қараб қўйдию, бирор ҳеч нима демади. Бахтига ҳожатхона ҳам кираверишга яқин жойда бўлиб, Фрэнк вагон ичига киришдан аввал ҳам нафасини ростлаб, ҳам ювиниб олиши мумкин эди. Фрэнк муштлашув ўзига аллақандай жўшқинлик бағишилаганидан ҳайратда эди. Аммо бу жўшқинлигу Кореяда одамларни ўлдирганда ҳис этган жўшқинликка асло ўҳшамасди. Кореяда ғазабнок хуружлар бамисоли оловдек ҳаммасини куйдирив кул қиларди. Бу ерда эса у ўз куч-кудратини муайян бир одамга қаратганди ва уни қувона-қувона ўласи қилиб дўйпослади. Ажаб иш бўлди, хаёлдан ўтказди у. Бу ҳали синглимни ҳимоя қилганимда асқотиши мумкин.

Унинг нигоҳи доим бир хил, умидовор боқарди. Сабр-тоқатсиз, ноумид эмас, бироқ алланечук сокин эди. Си. Исидра. Менинг синглим. Энди у менинг бор-йўқ оиласам. Модомики, сен буни ёзишига жазм этибсанми, шуни билиб қўй: у ўзининг ёки эҳтимол менинг ҳам йўқлигимни ўзининг доимий мавжудлиги билан билдириб турувчи, деярли бутун ҳаётим

мобайнида ортимдан изма-из юрувчи соям. Кўзлари маъюс, умидвор боқувчи, тўйиб овқат ейши нималигини билмаган бу қизчасиз мен кимман ўзи? Биз ер қазувчилардан беркинганимизда, уни қанақанги титроқ босганди-я. Мен қабрдан чиқиб турган оёқларга кўзи тушмасин деб унинг юзини, кўзларини бекитгандим.

Мактубда: “У ўлади”, дейилган. Мен Майкни зўрга нари судраб олиб кетдим-да, яшириб қўйдим ва қушиларни ҳайдадим, лекин у барибир оламдан ўтди. Мен уни бир соатча ушлаб ўтиридим, у билан гаплашдим, бироқ дўстим барибир мени ташлаб кетди. Стаффнинг қўли узилган ердан оқаётган қонни тўхтатдим. Мен қўлни чамаси етти метр наридан топдим-да, ҳар эҳтимолга қарии, мабодо тикишига уриниб қўришиар деган умидда ўзига бердим. Лекин Стафф ҳам барибир бу дунёни тарк этди. Мен боиқа ҳеч кимни қутқариб қолмаганман. Ёнимдаги одамлар қандай жон берадиганига боиқа қарамадим. Ҳеч қачон.

Ва синглим қандай жон бераяти, унга ҳам қараши ниятим йўқ. Икки дунёда ҳам.

У мен жавобгарлигини бўйнимга олган биринчи инсон эди. Унинг аллақаерида, ич-ичида менинг сирли қиёфам – ўша отлару номаълум одамни кўмиши билан боғлиқ ажойиб ва довюрак инсон қиёфаси яшарди. Синглимни ҳимоя қилдим, у ердан кетиши учун ўт-ўланлар орасидан йўл топдим, ҳеч нимадан қўрқмадим – на илонлардан ва на газабга минган чоллардан. Болаларча қалбим билан мен ўшанда ўзимни қаҳрамондек ҳис этганман ва агар мабодо улар бизни топиб олгудек бўлишса ёки синглимга қўл теккизишса, уларни омон қўймаслигимни ҳам билардим.

12

Фрэнк вокзалдан Оберн-стрит бўйлаб Уолнатга йўл олди. Сартарош, майхона ошпази, Тельма исмли аёл – ахийри у Си ишлайдиган шаҳарга туташ қишлоққа олиб бориб қўядиган автомобиль русумини ва рухсатномаси йўқ такси ҳайдовчининг исмини аниқлади. Поезд Чаттануга яқинида тўхтагани боис у одатдаги вақтдан кечрок келди ва маълумот тўплаб кун бўйи тентираబ юрди. Энди эса аллақачон кеч бўлиб қолганди. Ҳайдовчи ўз жойида фақат эртага эрталаб ҳозир бўлади. Фрэнк бирор ерда тамадди қилиб олиб, яна бироз айланишга, сўнг тунайдиган жой излаб топишга қарор қилди.

У гира-шира пайтгача сандироқлаб юрди, сўнг “Роял” меҳмонхонасига йўл олганида, йўлтўсарликка энди-энди қўл ура бошлигар ёш босқинчилар тўдаси унга ҳужум қилиб қолди.

Атланта унга ёқарди. Чикагодан фарқли ўлароқ, бу ернинг ҳаёт суръати одамларбоп эди. Бу шаҳарда вақт сероб эди. Меваларга заргардек кўз юргутиришу сигаретани шошилмай ўраш учун ҳам вақт етиб-ортарди. Кексалар эса дўкон ёнига тўпланиб олиб, ўз орзу-истаклари тумшуқлари тагидан қандай тизилиб ўтиб бораётганини қўл қовуштириб томоша қилишдан бошқа юмушлари йўқ эди: жиноятчиларнинг ҳашаматли ли-музинлари думбалари лорсиллаб турган хотинлар. Бир-бирларига маслаҳат беришу бир-бирини дуо қилиш, юзлаб черков қавмларига таълим бериш учун ҳам вақт топиларди. Шаҳарга ўрнашиб олганидан мамнун бўлган Фрэнк сергакликни унугутиб қўйганди. Қайгули хотира-

лар унда истаганча топиларди, бироқ охирги икки кунда уни на шарпалар ва на алок-чалоқ тушлар безовта қиласди, эрталаблари худди аввалгидек ичкилик хумор қилиб, қалтироқ босмасди, балки кўнгли кора қаҳвани тусарди, холос. Шу боис у тунда ўз чўнтағига ишлайдиган таксини кутганча, шаҳар кўчалари бўйлаб кўноқхона томон кетиб борарди ва у ёқ-бу ёққа қизиқсина, олазарак қараб кўярди. Агар у хаёлини бир жойга қўйиб, хушёр бўлганда эди, спорт пойабзалининг дупур-дупуринию ҳаллослаб нафас олишни эшишган ва ўзини фақат норасмий тўдасидагина ботир ҳисоблаган қўрқоқ ўсмирлардан анқиётган ёқимсиз тамакинию сифатсиз ароқ ҳидини пайқаган бўларди. Бу такасалтанглар урушнинг эмас, ўйин майдонининг тор кўчанинг ботирлари эди, холос.

Лекин Фрэнкни ғафлат босди, бешта безоридан иккитаси орқадан келиб унинг кўлидан ушлади. Биттасининг товонига у пошнаси билан бир тепди ва тепки егани дод-вой солиб қулагунча, орқасига ўгирилди-да, тирсаги билан уриб иккинчисининг жағини синдириди. Шунда колган учтасидан кимдир унинг бошига қувур билан тушириб қолди. Фрэнк йиқилди ва оғриқдан кўзлари тиниб турган бўлса-да, кимдир уни бошдан-оёқ титаётганини сезди ва қочаётган тўда орасида чўлоқланиб югураётган одамнинг ҳам қадам товушларини эшилди. У кўчада эмаклаб, кўзи то равшанлашгунча қоронғида деворга суюниб ўтириди.

– Ёрдам керак эмасми? – Рўпарасида фонус ёруғида эркак кишининг шарпаси кўринди.

– Нима?

– Кўлингни бер. – Эркак қўлини узатиб Фрэнкнинг туришига ёрдамлашди.

Хали бутунлай ўзига келмаган Фрэнк киссасини шапиллатиб ура бошлади ва сўкина кетди.

– Аблаҳ! – Ҳамён йўқ эди. У афтини буриштирганча гарданини ишқалади.

– Истасанг полиция чақираман ёки ҳожати йўқми?

– Жин урсин. Йўғ-э, раҳмат, кераги йўқ.

– Унда мана буни ол. – Эркак унинг костюмининг киссасига икки долларлик қоғоз пулни солиб қўйди.

– Вой, раҳмат. Бироқ, менга, чиндан ҳам керак эмас эди...

– Қўйсанг-чи, ошна. Коронғида юрма.

Шундан сўнг Фрэнк тунги қаҳвахонада ўтирганча, кўча чирогининг нури остида ўзига ёрдам берган ўша самарияликнинг узун кокилини илғаб қолганини ёдга олди. Кўноқхонада мириқиб ухлашдан эса энди умидини узганди. Асаблар дод деб юборгудек таранг тортилганди ва йигит қулоқли бир пиёла қаҳваю қуймоқни эрмак қилиб вақтни чўзарди. Ишлар чаппасига кетганди. Қани энди машинаси бўлганда... бироқ Лили бу ҳақда эшитишни ҳам истамаганди. Унинг режалари бошқача эди. Қуймоқни чуқулай туриб у шу тобда Лили нима билан машғулу калласи нималар билан банд экани ҳақида ўйларди. Унинг жўнаб кетишидан аёл мамнундек кўринганди. Ростини айтганда – бундан унинг ўзи ҳам хурсанд эди. Энди у аёлга кўнгил боғлаш аспирин ютишдек тиббий эҳтиёжга ўхшаш бир гап экан деган хulosага келганди. Буни аёл билармиди, ё йўқ, бироқ Лили унинг қалбидаги ғалаёнларни сиқиб чиқарганди, шу жумладан, ундаги нафрату уятни ҳам. Фрэнк ўзидаги

хис-туйғулар тартибсизлиги барҳам топганига ишонарди. Аслини олганда эса ўша пароканда туйғулар аллақаерда писиб ётарди.

Толиққан ва хижолатда қолган Фрэнк қаҳвахонадан чиқди ва карнайсимон чолғунинг ўткир товуши қулоғига келиб урилмагунча кўчада бемақсад сандироқлаб юраверди. Бу товуш чоғроқ зинапоя орқали кириб бориладиган қия очиқ ертўладан келаётганди. Фрэнк ертўлага тушки. У блуз ва муҳаббат ҳакидаги самимий қўшиклардан кўра бибопни¹ маъқул кўрарди. Трумэн бомбаси барини оёғини осмондан қилиб юборганини Хиросимадан сўнг машшоқлар бошқалардек ўз пайтида тўғри англаб етди. Бу ўзгаришни фақат скэт² ва боп воситасида ифодалаб бўларди. Ихчамгина, тутунга тўлиб кетган ертўлада чамаси ўнта ёки ундан бироз кўпроқ одам карнай, фортеъяно ва зарбли чолғудан иборат уч кишилик ижрони берилиб тинглардилар. Ижро тўхтамай давом этарди; бошини чайқаб ўтирган бир нечта тингловчини айтманда, ҳеч ким жойидан жилмади. Тутун сузуб юрар, дақикалар эса ўтиб бораарди. Карнайчининг ҳам, пианиночининг ҳам юзи тердан ялтиарарди. Ноғорачининг юзи эса куп-куруқ эди. Мусиқанинг ниҳояси кўринмасди, у машшоқлар фақат ҳолдан тойгандагина тўхташи мумкин эди. Карнайчи лабидан мундштукни олди, пианиночи клавишлар устида бармоқларини сўнгги бор чақкон юргизди, бироқ ноғорачи ҳали-бери тўхтай демасди. У ҳамон чалишда давом этарди. Бирмунча фурсатдан сўнг ўртоқлари унга ўғирилиб ўзларига таниш ҳолга гувоҳ бўлишди. Ноғорачи нима қилаётганини фаҳмламас, бир маромдаги услуб унга ўз хукмини ўтказарди. Анчадан сўнг пианиночи ўрнидан турди ва карнайчи ҳам ўз чолғусини бир четга қўйди. Улар икки кишилашиб ноғорачини ўтирган еридан кўтаришди ва олиб чиқиб кетишди; у таёқчаларини ғалати услубда ҳавода товушсиз ўйнатганча, ниманидир чалмоқчи бўларди. Тингловчилар иззат-икром ва хайриҳоҳлик билан уни олқишиларди. Ундан сўнг тахтасупага оч кўқранг кўйлак кийган аёл ва бошқа пианиночи чиқиб келди. Аёл “Тўрғай”дан бир нечта бандни куйлаб берди ва тингловчиларни тетиклаштириш учун скэтга ўтди.

Фрэнк охиригача ўтириди. У ертўладан чиқканда соат тонгги тўрт бўлганди. Кирақашнинг келишига яна икки соат бор. Озроқ боши оғриб турарди; йигит кутиш учун йўл четига ўтириди. Машинадан дарак бўлавермади.

На машина, на такси, на дўстлар, на хабар ва на режа бор эди. Шаҳардан унинг чеккасига олиб борадиган уловни топиш жанг майдонининг олдинги сафларига ўтиб олишдан ҳам азоб экан. Соат етти яримда у мингаймас мардикорлару уй хизматчилари, ошпазу майса ўрувчи ёши катта йигитлар билан лиқ тўла автобусга чиқди. Шаҳарнинг ишбилармонлар яшаб турган еридан ўтгач, улар туби балчиқ мусаффо, мовий сув қаърига шўнғувчи гаввослардек бирин-сирин, истамайгина автобусдан тушдилар. У ердан улар ахлат, чиқинди излашарди, сувости қоя тошларида яшовчи жониворларни боқишишарди ва жимжимадор сув ўтлари орасида сузуб юрган йиртқичларга чап беришарди. Йиғиширишарди, пишириб-куйдиришарди, таом келтиришарди, тикиб-чатишарди, ювишарди, ўташарди ва ўришарди.

Йигит Си яшаётган ерга етиб боргач эса қандай йўл тутиш кераклигини билмай боши қотарди. Эҳтимол, худди ноғорачига ўхшаб Фрэнкка ҳам ма-

¹ Бибоп (боп) – жаз мусиқасининг бир тури.

² Скэт – кўйга тақлидан матнсиз, товушлар воситасида айтиладиган қўшиқ тури.

ром йўл кўрсатар. Балки уни ҳам олиб чиқиб кетишар, у эса чор-ночор кўл силтаб қолар – орзу-ниятлар бандиси. Агар уйда ҳеч ким бўлмаса-чи? Унда бостириб кираверадими? Йўқ. Бунчалик сурбет бўлиш ярамайди – бу Сига зиён етказиши мумкин. Фараз қилайлик... ахвол номаълум бўлгач, фараздан не наф? Керакли йўл кўрсаткичига кўзи тушганда эса боғични тортишга кеч бўлганди. У Борегард Скотт майсазоридаги “Тиббиёт доктори” деган пешлавҳага кўзи тушиб хотиржам тортгунга қадар орқага юриб, бир неча мавзени босиб ўтди. Кираверишда ўртаси бинафшаранг, қордек оппоқ гулли қизил бута қийғос очилиб ётарди. Асосий эшикни тақиљатсинми, ё орка эшикдан кириб бораверсинми, Фрэнкнинг боши қотганди. Эҳтиёткорлик уни орка эшикдан киришга ундали.

– У қани?

Ошхона эшигини очган аёл ҳеч нима сўрамади.

– Пастда, – деди, холос.

– Сен Сарамисан?

– Ҳа, мен Сараман. Faқат секинроқ. – Аёл доктор ва Сининг хонасига элтувчи зинапояни бош ирғатиб кўрсатди.

Йигит зинапояга яқинлашгач очиқ турган эшикдан мўралаб, катта ёзув столи олдида ўтирган соchlари оқ, паст бўйли эркакка кўзи тушди.

Эркак бошини кўтарди.

– Нима гап? Сиз кимсиз? – Докторнинг кўzlари чақчайди, сўнг чақирилмаган меҳмонни кўриб ранжигандан кўzlари қисилди. – Йўқолинг! Сара! Сара!

Фрэнк стол томонга юрди.

– Бу ерда оладиган ҳеч нима йўқ! Сара! – Доктор телефонга талпинди. – Мен полиция чақираман. Ҳозироқ!

У лаппак ичидаги ноль сонига бармоғини тиқди ва Фрэнк унинг қўлидаги телефонни уриб туширди.

Бу ҳаракатнинг таҳдид эканига узил-кесил амин бўлган доктор стол тортмасини очди-да, у ердан тўппончани олди.

Буни қара-я, яна тўппончаси ҳам бор, хаёлдан ўтказди Фрэнк. Топтоза, ҳали уринмаган, енгил тўппонча. Бироқ уни тутиб турган кўл қалтираб бораради.

Доктор, кўркувдан кўзига бурун катаклари шишган, оғзи кўпириб, кўzlари қонга тўлган ваҳшийдек кўриниши керак бўлган кимсага тўппончани ўқталиб мўлжалга олди. Қарасаки, нотаниш кимса хотиржам ва ҳатто пинагини ҳам бузмаяпти, у билан ҳазиллашиш яхшилика олиб бормайди.

Доктор тепкини босди.

Бўм-бўш қурол затворининг қарсиллаши қулоқни қоматга келтиргудек эди. Доктор тўппончани тушириб юборди, сўнг стол атрофи ва қароқчининг тумшуғи тагидан югуриб ўтиб, зинадан тепага чиқиб кетди.

– Сара! – қичқирди у. – Полицияни чақир, эшитяпсанми? Бу сенинг ишинг!

Доктор Бо йўлак бўйлаб бошқа телефон турган столча томонга қараб чопди. Ўша телефон ёнида эса қўлинини ишонч билан дастакка кўйганча Сара тураради. Саранинг нияти ўз-ўзидан равшан эди.

Бу орада Фрэнк оқ иш кийимида муштдеккина бўлиб қимирламай ётган синглисингининг хонасига кириб борди. Ухляяптими? Фрэнк синглиси-

нинг томирини ушлаб кўрди. Суст уряптими ёки умуман урмаяптими? У энгашди ва нафас оляптими, ё йўқ, эшишиб кўрди. Ушлаб кўрганда қизнинг танаси совуқ туюлди – бироқ бу одам ўлгандаги совиш эмасди. Фрэнк ўлим қандайлигини биларди, лекин бу ундай эмасди – ҳозирча, албатта. У шошиб хонани кўздан кечирди ва кўзи бир жуфт туфли, тувак ва сумкага тушди. Йигит сумкани ковлади ва ичидан йигирма долларлик қоғоз пулни топиб, ўзининг чўнтағига солди. Сўнг каравот олдида чўкка тушди-да, синглисинг кифти ва тиззалари тагидан қўлини суқиб даст кўтарди ва зинапоядан тепага олиб чиқиб кетди.

Сара билан доктор бир-бирига ёв қараш қилганча тик турарди. Фрэнк ўзининг харакатсиз юки билан уларнинг ёнидан тўхтамай ўтиб кетди. Дарғазаб доктор Бо бироз енгил тортиб унга қаради. Бу ўғирлик ҳам, босқинчилик ҳам, зўравонлик ҳам эмасди. Доктор унинг ўрнига ҳеч бир қийинчиликсиз одам топиши мумкин бўлган оддий бир хизматчини олиб қочиш эди, холос. Хотинининг феълини яхши билган эри Сарани ҳам бир йўла алмаштиришга юраги дов бермасди.

– Ҳаддингдан ошаяпсан, – деди у аёлга.

– Ундей эмас, хўжайин, – деб жавоб берди Сара, лекин доктор ўз иш бўйласига тушиб кетмагунча қўлини телефондан олмади.

Асосий эшикдан чиқиб олган Фрэнк йўлкадан туриб уйга ўгирилиб қаради – эшик олдида, гуллаб ётган қизил соясида Сара турарди. У кўл силкитарди. Аёл йигит ва Си билан видолашарди, балки ўзининг иши билан ҳамдир.

Сара узоқлашиб бораётган икки кишининг изидан тик турганча кўз узмай қараб қолди. Худога шукур, пицирлади у ўйга толиб: яна бир кун кечикканда тамом эди. У доктор Бони қанчалик айбласа, ўзини ҳам ундан кам айбдор ҳис этмасди. Докторнинг укол қилишини, беморларга ўзи тайёрлайдиган дори-дармондан беришини у биларди, баъзан ҳатто оқсуяқ аёлларнинг боласини олиб ташлашигача хабардор эди. Буларнинг бари уни қизиқтирмасди ҳам, ташвишга ҳам солмасди. Бироқ Сара, доктор, умуман, аёл тузилишига жуда қизиқиб қолганини, унга янада чуқурроқ назар ташлашга асқотадиган ҳар хил асбоблар лойиҳаси устида ишлашга киришиб кетганини билмасди. Доктор ҳатто кўзгуларни ҳам такомиллаштиришга қўл урганди. Лекин Сининг кун сайин озибтўзиб, ҳолдан тойиб бораётганини, ой кўриш муддати ҳам узоққа чўзилаётганини пайқаган Сара хавотирга туша бошлаганди ва манзили маълум бўлган унинг яккаю ягона қариндошига хат ёзди. Кунлар ўтиб борарди. Саранинг хавотирга тўла мактуби етиб бордими ё йўқ, бундан бехабар эди. Шу боис у ҳеч ўйламай докторга санитар машинаси чақиришини айтмоқчи бўлиб турганди. Шу пайт қизнинг акаси ошхона эшигини тақиллатиб қолди. Худога шукур. Худди кексалар айтганидек: “Сен Уни чақирганингда ёки Унга ёлворганингда эмас, қачонки У сенга зарур бўлганда марҳамат кўрсатади”. Энди Сига нима бўлганда ҳам, ўйлади Сара, у докторнинг уйида, аёлнинг қўлида эмас, ўз акаси қўлида бўлади.

Сара эшикни тарақлатиб бекитди ва қизилнинг иссиқдан сўлиб қолган гулбарглари ерга тўкилди.

Фрэнк Сини тикка турғазди ва унинг қўлларини ўз бўйнига ташлади. Қизнинг боши эса унинг елкасига қўйилганди ва қиз лоақал қадам

ташлашга уриниб ҳам кўрмади, унинг жисми пардай енгил эди. Фрэнк бекатгача етиб олди ва кўзлари тўрт бўлиб роса автобус кутди. Бу орада у атрофдаги боғларда ўсган нок, гилос, олма, анжир каби мевали дарахтларни бирма-бир санаб чиқди.

Шахарга йўловчи кам борарди ва унга бўлма охиридан, ўзини тутолмай, кайфи ошиб қолган аёлни судраб олиб кетаётган одамга йўловчиларнинг назари тушмайдиган, икки киши учун ҳам етарли бўлган ердан жой топилганидан Фрэнк мамнун эди.

Улар автобусдан тушганларидан сўнг у рухсатномаси бор таксилар навбатидан нарироқда турган ноқонуний киракашни қидириши ва яна орка ўриндиқни ифлос қилиш эҳтимоли бор икки кишини таваккал қилиб олишга кўндириши ҳам керак эди.

– У ўлганми?

– Сен ҳайдашни бил.

– Ҳайдашга-ку ҳайдайман, ишқилиб, ошна, бунинг учун мени тиқиб қўйишмайдими, шуни билмоқчиман.

– Мен ҳайда дедим сенга.

– Қаерга ҳайдай?

– Лотусга. Эллик иккинчи катта йўл бўйлаб ўттиз километр.

– Бу сенга қимматга тушади.

– Бу ёғидан кўнглинг тўқ бўлсин.

Бироқ Фрэнкнинг ўзи хавотирда эди. Унга Сининг куни битгандек кўринарди. Қизни кутқаргани – кутқарганда ҳам буни шунчаки эпламай, балки тинч йўл билан қойилмақом қилиб уddaлаганидан туйган мамнунлик ҳисси хавотирга қоришиб кетганди. Шунчаки: “Рухсат этсангиз, синглимни уйга олиб кетсам?” деб жўнгина айтиб қўя қолса ҳам бўларди. Бироқ у уйга кириши биланоқ докторнинг ўтакаси ёрилди. Агар душманнинг тумшуғига туширмай мақсадга етишининг иложи топилган экан, демак, бу жуда зўр, ҳатто оқилона иш бўлибди дейиш мумкин.

– Кўринишдан аҳволи оғирга ўхшайди, – деди ҳайдовчи.

– Сен, яххиси, йўлга қара. Йўл ҳўв олдинда, ойнада эмас.

– Йўлга қарамай нима қиласяпман? Тезлик чекланган, олтмишдан ошмаслиги керак. Полициячилар билан ади-бади айтишишга тоқатим йўқ.

– Овозингни ўчирмасанг, полиция ҳам ҳолва бўлиб қолади, – Фрэнк буни қатъий айтган бўлса-да, ўзи полиция сиренасининг вангиллаши эшитилмаяптими деб юраги така-пукка бўлиб борарди.

– Анави машинамни қонга белаб юбормайдими? Ўриндиқларим расво бўлса, яна қўшиб берасан.

– Яна бир оғиз гапирсанг, бир цент ҳам ололмайсан.

Ҳайдовчи радиони қўйди. Ллойд Прайс қувониб, баҳтиёр баланд овозда “Лоуди мисс Клоуди”ни куйларди.

Си бехуш, танасини ушлаб кўрганда эса иссиқ эди ва у Фрэнкка кераксиз юк бўлиб суюниб олганча аҳён-аҳёнда ихраб қўярди. Йигит чўнтагини ковлаб-ковлаб аранг йўл ҳақини олди. Машина эшиги тарақлаб ёпилиши билан ғилдирак тагидан ўша заҳоти чанг-тўзон сочилди: ҳайдовчи Лотусдан ва эси паст бу битлиқлардан тезроқ қутулиб, тезроқ узокроққа кетиш ниятида машинани ўқдай учирив кетди.

Фрэнк синглисини йўлка бўйлаб Этель Фордхам хонимнинг уйига судраб олиб келди; қизнинг туфлиси тумшуғи шағални тирнаб борар-

ди. Сўнг Фрэнк уни яна кўтариб олди ва маҳкам тутганча зинапоядан юкорига кўтарилди. Ҳовлининг олдидаги йўлда турган болалар бир қизчанинг коптокни ёғоч ракетка билан устасига хос эпчилик ила қандай ураётганини завқланиб томоша қилишарди. Улар нигоҳини елкасига кимнидир ортиб олган эркакка қаратди. Қизчанинг ёнида ётган чиройли қора кучук сакраб турди, афтидан, унга болалардан ҳам кўпроқ улар қизиқ туюлди, тоғи. Болалар эса аёл билан эркакка оғизларини ланг очилиб қараб қолди. Бир ўғил бола оқ кийимдаги қон доғига ишора қилиб, ҳиринглаганди, қизалоқ уни ракеткаси билан туртди-да, “Жим бўл!” деди. Қизча бир пайтлар унинг кучукласига бўйинбоғ ясад берган эркакни таниганди.

Курси билан ёнма-ён яшил ловия солинган сават турарди. Столчада – кося ва пичоқча. Тўр-тўр эшик ортида аёл куйларди: “Худо, ўзингдан қўймасин”.

– Этель хоним! Сиз шу ердамисиз? – ҳайқирди Фрэнк. – Бу мен, Банкир. Этель хоним?

Ашула таққа тўхтади ва Этель Фордхам хоним тўр орасидан унга эмас, унинг қўлидаги озғин жуссага қаради. Аёлнинг қовоғи уйилди.

– Исидра? Вой, боёқиши қизча-ей.

Фрэнк тушунтириб бера олмади ва бунга уринмади ҳам. Йигит хонимга Сини каравотга ётқизишга ёрдамлашди, сўнг аёл унга ташқарида кутиб туришни илтимос қилди. Аёл Сининг уст-бошини юқори кўтарди ва оёғини икки томонга керди.

– Худойим, ўзинг асра, – пи chirлади у. – Ёниб ётибди. – Сўнг – кечиктириб олиб келган акасига деди: – Бор, Банкир, ловияни тозала. Менинг қиладиган ишларим қўп.

14¹

Мен сенга баъзи бир нарсаларни ҳозирнинг ўзида айтишим керак. Барини яширмай айтишим керак. Мен сени ҳам алдадим, ўзимни ҳам алдадим. Сендан сир тутдим, чунки буни ўзимдан ҳам сир тутган эдим. Дўстларимга мотам тутганимдан фахрланардим. Уларни жуда яхши кўрадим. Уларни қутқариб қолишни жуда истагандим. Уларсиз яшаши мен учун азоб. Ўзимни азбаройи дарду аламнинг панаисига олганимдан, уят-андишани ҳам бир четга йигшишириб қўйгандим.

Сўнг Си менга ҳали тугилмаган қизалоқнинг табассумини уйда, фазода, булутларда кўраётганини айтди. Буни эшишиб, ҳанг-манг бўлиб қолдим. Балки бу қизалоқ Си уни дунёга келтиришини кутмагандир ҳам. Балки қизалоқ аллақачон бўлгандир ҳам, ўлгандир ҳам ва қандай ўлганини қачон айтиб беришимни кутаётгандир ҳам.

Корейс қизалогининг юзига ўқ узган менман.

У менга қўлини теккизди.

Мен унинг табассумини кўрдим.

У менга: “Ҳам-ҳам”, деди.

У мени ҳаяжонга солди.

Гўдак. Қизалоқ.

Мен ўйлаб ўтирмаидим. Ўйлашининг ҳожрати ҳам йўқ эди.

Яхшиси, ўлгани маъқул.

¹ Журнал ҳажмидан келиб чиқиб, асар жузъий қисқартирилди. –Таҳр.

У мени шу даражада таҳқириладики, айтишига тил бормайди. Бундай одамни мен қандай омон қолдиришиим мумкин?

Ўзимни қўлга ололмай, эркаклигимни унга намойши этишигача бориб етган мендек одам қандай қилиб ўзига ёқиши ёки ўзи билан ўзи ёлгиз қола олиши мумкин?

Бу эртаси кун ҳам, унинг эртасига ҳам давом этди – у чиқиндилар билан овқатланишига неча марта келган бўлса ўшанча.

Бу қанақа одам ўзи?

Бир кунмас-бир кун ўша пўртахолнинг ҳақини тўлайман деб шу ишини қилишигача борган қанақа одам, ўзи, бу?

Сен ёзишини хоҳлаганча давом эттираверишинг мумкин, бироқ ҳақиқатни билиб қўй.

15

Эртаси куни нонушта пайти Си яна ўша-ўша дадил, димоги чоғ ва ишбилармон кўринди: у ўз руҳий осойишталигини гўё яна топгандек эди. Пиёзли қовурилган картошкани Фрэнкнинг ликопчасига сола туриб, қўймоқдан яна хоҳлайдими-йўқми, шуни сўради.

Фрэнк қўймоқдан бош тортди ва яна қаҳва сўради. У тунни мижжа қоқмай ўтказди; юракни ўртовчи хаёллар уни сира тарк этмади. Ўзининг гуноҳинию уятни ҳалок бўлган дўстларининг дабдабали мотами остига беркитди. Гуноҳини унугтиш ва корейс қизчани хаёлидан чиқариш учун ўзини кечаю кундуз руҳий азоблар панасига олди. Энди гуноҳларни жиловлашнинг ҳам, улардан қочиб кутулишнинг ҳам иложи қолмаганди. Бунинг биргина давоси вакт эди. Ҳозирча эса бошқа юмушлар ундан эътибор талаб этарди.

– Си? – Фрэнк унинг юзига боқди ва қуруқ, хотиржам кўзларни кўриб мимнун бўлди. – Биз сен билан билдиримасдан ўрмалаб кирган жойларга нима бўлган? Эсингдами? У ерда йилқилар бор эди.

– Эсимда. – деди Си. – Эшитишимча, у ерларни қандайдир одамлар карта ўйини учун сотиб олишган экан. Кечаю кундуз тўхтовсиз қимор ўйнашар эмиш. У ерда аёллар ҳам бор экан. Кейин, яна айтишларича, у ерда итларни уриштиришар эмиш.

– Отларни нима қилишган? Биронта одамнинг хабари борми?

– Билмадим. Салемдан сўраб кўр-чи. У барибири ҳеч нимани айтмайди, бироқ у ерда нималар бўлаётганини яхши билади.

Фрэнк Салемни кўриш учун Леноранинг олдига боришига тоқати йўқ эди. У Салемни қачон ва қаердан топишни жуда яхши биларди. Қариянинг одатлари ҳам худди қарғаникидек ўзгармас эди. У доим бир вактда ошнасининг айвонида ҳозир нозир бўларди. Яна ҳафтанинг худди ўша куни Жеффрига қанот қоқиб учиб кетарди; зиёфатлар орасида эса қўёни-қўшниларницида тамадди қилиб оларди. Кечки овқатдан сўнг эса у Балиқ Кўз Андерсоннинг айвонидаги тўдага қўшиларди.

Салемдан бошқа у ердагиларнинг бари ҳарбийлар эди. Улардан энг ёши улуғ икки киши ҳатто Биринчи жаҳон урушида ҳам қатнашганди, қолганлари – Иккинчисида. Корейсларнинг муҳорабаси ҳақида улар билишса-да, урушнинг келиб чиқишига нима сабаб бўлганини тушунишмасди ва, Фрэнкнинг фикрича, ўша қирғинбаротга керагича

хурмату эътибор билан ҳам қарашмасди. Урушда қатнашган бу одамлар жангни талафотнинг кўламига қараб баҳолашарди: ўлганлар сони қанча кўп бўлса, бу аскарларнинг ботирлигидан дарак, командирларнинг бефаҳмлигидан эмас. Гарчи Салем Манининг уруш билан боғлик ҳикояси ҳам, ўз фикри ҳам бўлмаса-да, бироқ ўйинга муккасидан кетгани аниқ эди. Унинг хотини эса энди вактнинг деярли кўп қисмини тўшакда ёки енгил оромкурсида ўтказишга мажбур, Салемнинг ўзи ҳар қачонгидан ҳам эркин эди. Хотинининг арз-додини эшитишга ҳам тўғри келиши шубҳасиз эди, бироқ унинг нутқидаги қийинчиликдан фойдаланиб қолган Салем, ўзини гўё унинг гапини тушунмаётганга олиб, муғомбирлик қиласади. Бунинг яна бир қулай томони шунда эдики, энди пулни у идора қиласади. Салемни ойда бир марта кимдир Жеффрига олиб бораради ва у банкдаги хисобдан қанча хоҳласа, шунча пул олаверади. Агар Ленора банк дафтарчасини кўрсатишни сўрагудек бўлса, эри бу гапни эшитмаганга оларди ёки: “Сен ташвишланма. Ҳар бир цент ўз жойида турибди”, деб жавоб берарди.

Деярли ҳар куни кечки овқатдан сўнг Салем ва унинг ошналари шашка, шахмат ва баъзан қарта ўйнаш учун йиғилишарди. Балиқ Кўзнинг ивирсиган айвонида доим иккита стол туарди. Панжарага қармоқлар суюб кўйилган, сабзавот тўла саватлар эса уйга қачон киритиб кўйишларини кутиб ётар, ўша ернинг ўзида яна газли сувдан бўшаган идишлару газеталар ҳам бор эди – хуллас, эркакларнинг жонига ора кирадиган барча нарса муҳайё эди. Ҳозирча икки ўйинчи сипоҳ сурарди, қолганлар эса панжарага суюнганча, ора-сира кулиб ҳазиллашарди, маслаҳат бериб ютқизаётганнинг жигига тегишарди. Фрэнк ошлавлаги солинган сават устидан ҳатлади-да, ишқибозлар қаторига бориб қўшилди. Қарта ўйини тугаши билан у Салем ва Балиқ Кўз юриш устиди ўйга толган шахматчилар столи ёнига борди. Юришлар орасидаги қисқа танаффуслардан бирида у гап бошлади:

- Сининг айтишича, отларни кўпайтирадиган, анави йилқилар борер... Айтишича, у ерда итларни уриштиришар эмиш. Шу ростми?
- Итларнимиш, – Салем кулгига эрк бериш учун, кафтлариниօғзига кўйди.

– Нега куляйпсан?

- Фақат итларни уриштиришса, кошки эди. Йўқ. Ўша уй, Худога шукур, ёниб кетди. – Салем Фрэнк уни навбатдаги юришдан чалғитмаслиги учун кўл силтаб, эътиборсизлигини билдири.

– Итлар жангни тўғрисида билмоқчимисан? – сўради Балиқ Кўз гўё чалғиши жон-жон деб истагандек. – Яххиси, одамларни худди итдек бир-бирига гижгижлашармиш, демайсанми.

Бошқа бирор гапни илиб кетди:

- Ўшанда бир йигит қандай йиғлаб кетганини сен кўрмагансан. Унинг исми нима эди? Эндрю, сенинг эсингда йўқми?

– Жером, – деди Эндрю. – У акамнинг адаши эди. Шунинг учун исми ёдимда қолган.

– Ҳа, шундай. Унинг исми Жером эди. – Балиқ Кўз тиззасига уриб кўйди. – Унинг айтишича, отаси икковини Алабамадан олиб келишган. Оёқ-кўли боғланган алфозда. Бир-бири билан ёқалашишга мажбур ҳам килишган. Пичокда.

– Йўқ, азизим. Улоқтириладиган пичоқда. Улоқтириладиганида. – Салем панжарадан нарига тупурди. – Айтишича, ота-болага бир-бирини ўласи қилиб уриш буюрилган экан.

– Нима? – Фрэнкнинг томоғига тош тиқилгандай бўлди.

– Ҳа-да. Улардан бири ўлиши керак эди, йўқса иккиси ҳам омон қолмасди. Уларга пул тикишган. – Салем афтини буруштирди ва ўтирган ерида типирчилайверди.

– Ўша йигитнинг айтишича, қон оқизиши учун улар бир-бирига пичоқ тортишган. Ўйинда факат биттаси тирик қолиши керак бўлган, шундагина тирик қолганини қўйиб юборишарди. – Эндрю бош чайқади.

Эркаклар бири олиб, бири қўйиб, бараварига кўрган-билгандарини, ҳис этганларини қўшиб-чатиб, гапга тушиб кетишди.

– Улар итлар жангидан ҳам нарига ўтиб кетишди. Одамларни итга айлантириб қўйишиди.

– Сен шунақасини эшитганмисан? Отани ўғилга қарши гижгижланлар!

– Отасига: “Йўқ, ота, йўқ!” деганини айтиб берганди.

– Отаси: “Шундай қилиш керак”, деган унга.

– Уларнинг иблис билан тили бир бўлган. Нимани танлама, тўғри жаҳаннамга равона бўлишинг турган гап.

– У отасига факат “йўқ” деган, шунда отаси: “Ўғлим, энди сўнгги бор менга қулоқ сол-да, айтганимни қил”, деган. У отасига: “Сени ҳаётдан маҳрум этолмайман”, дегандай бўлган. Отаси эса унга: “Бу ҳаёт эмас”, деган. Ақлу ҳушини йўқотган бу манфур одамлар тўдасининг баттар қони қайнаган ва: “Алжирашни бас қилинглар. Қани, муштлашинглар! Жин урсин сенларни! Муштлашларинг”, деб бўкирган.

– Кейин-чи? – Фрэнк қийналиб нафас оларди.

– Сен нима деб ўйловдинг? Сўйиб ташлади. – Балиқ Кўзнинг яна жони чиқди.– У бу ерга келиб, йиғлади ва барини сўзлаб берди. Оқизмай-томизмай, қандай бўлса шундайлигича. Боёқиши. Роз Эллен ва Этель Фордхам қаерга бўлса ҳам жўнаб кетиши учун унга ақча йиғиб беришиди. Шунингдек, Мейлин ҳам. Биз унга уст-бош ҳам тўплаб бердик. У бошдан-оёқ қонга беланганди.

– Худо кўрсатмасин, уни шериф кўриб қолганида бормиди, у хозир ҳам қамокда ўтирган бўларди.

– Биз уни хачирга ўтқазиб жўнатиб юбордик.

– Фойдага у факат ўз ҳаётини ютди, холос. Гарчи йигитча учун ҳаётнинг заррача қиймати қолмаган бўлса-да.

– Улар бу расвогарчиликка фақат Перл-Харбордан сўнг барҳам беришиди.

– Бу қачон бўлганди? – Фрэнк тишини тишига босди.

– Нима?

– Ўша, ўғил Жером бу ерларга қачон келганди?

– Анча бўлди. Чамаси, ўн ёки ўн беш йил аввал.

Фрэнк энди кетишга чоғланиб турганди ҳамки, унда яна савол туғилди:

– Айтмоқчи, отларга нима бўлди?

– Уларни сотиб юборишган, шекилли, – деди Салем.

Балиқ Кўз бошини қимирлатиб маъқуллади.

- Ҳа-да. Кушхонага.
- Қанақасига? – Ақл бовар қилмайди, ўлади Фрэнк.
- Урушга фақат от гўштини таъминот варакаси орқали сотишмаган, тушундингми? – деди Балиқ Кўз. – Италияда мен ўзим еб кўрганман. Францияда ҳам. Таъми худди гўштнинг ўзи, фақат ундан мазалироқ.
- Бизнинг жонажон Кўшма Штатларда сен ҳам от гўштини жигилдонингга ургансан, фақат буни билмагансан. – Эндрю кулиб юборди.
- Салем шахматни давом эттираман деб бетоқат бўларди ва шу боис у гапни бошқа ёққа бурди:
- Айтгандай, синглингнинг аҳволи қалай?
- Тузалиб қолди, – жавоб берди Фрэнк. – Соғайяпти.
- Менинг “форд”имга нима бўлганини айтмадими?
- Машина уни кўпам қизиқтирмай қўйган, бува. Бу сизни ҳам ташвишга солмаса бўларди.
- Хўп, майли. – Салем фарзинни юрди.

16

Си кўрпани беришдан бош тортди. Кўрпа Фрэнкка тинчлик бермай қўйган бир иш учун зарур эди. Бу енгилкўрпа Сининг илк мустақил иши эди. Оғриқ ва қон кетишлар тўхтаб, қиз ўтирадиган бўлгач, қўни-қўшнилар беморнинг хонасини эгаллаб олдилар-да, даво чоралари тўғрисида фикрлаша туриб ва энг фойдали дуолардан ўқиб, қийқимларни хил-хилига ажратса бошладилар. Ҳамсоялар бир-бирига мос ранглар тўпламини қўклаб бўлгунларига қадар қўшиқ ҳам куйлардилар. Си енгилкўрпа кўпам кўнгилдагидек чиқмаганини биларди, бироқ Фрэнк менга айнан шунақаси керак, деди. Нимага керак экан, буни айтишни истамади.

- Си, бас қил. У менга зарур. Кейин сен ҳам мен билан боришинг керак. У ерда иккимиз ҳам бўлишимиз шарт.
- Қаерда “у ерда”?
- Менга ишонсанг бўлгани.

У тушликка кеч қолганди ва гўё юргандек уйга тер босиб ҳаллослаб кириб келди. Орқа чўнтағидан узунлиги чизгичдек, тараашланган ёғоч бўллаги чиқиб туради. Кўлида белкурак ҳам бор эди.

Си: “йўқ”, деди. Асло. Безаклари зерикарли, бўёқлари ҳам уқувсизлик билан танланган бўлса-да, у ўзининг хунукдан-хунук кўрпасини юқори баҳоларди. Фрэнк талаб қилиб туриб олди. Унинг ивоб кетганию дадил қарашларидан бу иш унинг учун ғоятда муҳим эканини Си тушуниб етганди. Енгилкўрпанинг кўнгилдагидек чиқмагани Сини яна ранжитди ва у истар-истамай шиппагини кийдида, акасининг кетидан эргашди. Фрэнк енгилкўрпани елкага ташлаб олганди. Агар мабодо уларга кимнингдир кўзи тушгудек бўлса, балиқ овига кетишияпти деган хаёлга бориши турган гап эди. Соат бешда, яна белкурак билан-а? Йўқ, бу эҳтимолдан узоқ.

Ака-сингил қалача чеккасига етиб боргач, ўша ўзлари болалик чоғларида юрган от-улов йўлига бурилишди. Си оёғидаги юпқа шиппакда ҳадеб тошга қоқилавергач, Фрэнк қадамини секинлатди-да,

унинг қўлидан ушлаб олди. Йигитга савол бериш бефойда эди. Улар худди бурунгидек, бир-бирининг қўлидан ушлаб, бегона манзил-маконга йўл олгандек чурқ этмай кетиб боришарди. Бировнинг хоҳишистаги билан иш юритиш унга алам қилаётган бўлса-да, Си барибир, қаршилик қилолмаётганди. Бу сўнгиси, деди у ўзига. Фрэнк мен учун бир тўхтамга келишини хоҳламайман.

Идрок ўзгариб бораверар экан: улғайган сайин назар доиранг ҳам қисқарап экан; бола учун интизорликнинг ярим соати – ярим кундек гап. Улар тошлок ўйлнинг олти милини болалик чоғларидағидек ўша-ўша икки соатда босиб ўтдилар; бироқ ўша пайтларда бу йўл ака-сингилга уйдан анча олис, жуда узоқ туюлганди. Қачонлардир кўринишдан мустаҳкам бўлган деворнинг аксари кулаб тушган, баъзиларига бош суяги чизилиб, дўйқ-пўписали огоҳлантиришлар ёзилган лавҳаларнинг кўпичи йўқолиб ҳам кетганди ёки қалин ўт-алафлар орасидан хаёлдагина пўписа қиласади, холос.

Си жойни таниди ва:

- Бари ёниб кетибди. Мен бехабар эдим. Сен-чи? – деди.
- Менга Салем айтди. Бироқ биз у ерга бормаймиз.

Фрэнк кўзини офтобдан пана қилди, сўнг ён томонга ўгирилди-да, девор харобалари ёқалаб юриб кетди. У дабдурустдан тўхтади ва ўт-ўланлар устида гурс-гурс қадам ташлаб юриб, ерни оёғи билан текшириб кўрди, керакли жойни топгунга қадар баъзан секинлади ҳам.

– Ҳа, – деди у. – Шу ер.

У енгилқўрпани синглисига тутқазди-да, белкуракни олиб, ерни кавлай бошлади.

Суяклар бунчалик майдада бўлмаса. Уст-бош қолдиқлари бунча оз. Бироқ топ-тоза бош чаноги тиржайиб турарди.

Гарчи қабиҳлик бўлса-да, дунёда содир бўлаётган қотилликларни кўришга ожиз, кўрқоқ қизчага ўхшаб тескари ўгирилмаслик учун Си лабини тишлади. Бу сафар уўзини четта ҳам олмади, кўзини ҳам бекитмади.

Фрэнк суякларни жуда эҳтиётлик билан, авайлаб, улар марҳумнинг хаётлик чоғида қандай жойлашган бўлса, имкон қадар ўшандай қилиб улаб, синглисинген енгилқўрпаси устига олиб кўйди. Енгилқўрпа маймунжон, оч бинафша, сариқ ва тўқ зангори рангли қийқимлардан иборат кафанга айланди-кўйди. Тўртта қўл суягини улар енгилқўрпага ўрашди-да, учини танғиб боғлаб қўйишиди. Фрэнк белкуракни синглисига бериб, ўзи эркакнинг устухонларини кўтариб олди. Улар йўл бўйлаб ортга қайта бошлишади, Лотусга яқинлашганларида кичикроқ дарё оқиб турган томонга бурилишиди. Новдаларининг бири ўнгга, бошқаси чапга ёйилган, ҳали тирик, ўртаси узунасига тилим-тилим ёрилиб, каллаклаб ташланган магно-лия дарахтини улар дарров топишиди. Аввал кафан, энди эса мурда учун тобутга айланган, суяклар солинган енгилқўрпани Фрэнк ўша дарахт илдизи тагига кўйди. Си унга белкуракни узатди ва акаси ерни ковлагунга қадар, қиз жимирилаётган сувга ва дарёнинг нариги томонидаги дарахтзорга боқди.

- Ким у? – Си нариги қирғоққа ишора қилди.
- Нима? – Фрэнк ўгирилди. – Ҳеч ким кўринмаяпти-ку?

— Кетиб қолди, шекилли, — деди синглиси. Унинг кўзига бўйнига соат занжирини тақиб олган, ажабтовур костюм кийган, пастаккина эркак кўринганди. Ўша киши жилмайиб турарди.

Фрэнк чукурлиги бир ярим метр, эни бир метр бўлган ўра ковлади. Билармонлик қилишга тўғри келди: дараҳт илдизлари бостириб кирганларга қаршилик кўрсатиб, белкурак билан олиша кетди. Қуёш қизғиш тусга кириб, пастга эниб борар, сув устида майда чивинлар ғужгон ўйнарди. Асаларилар тўғри уясига равона бўлди. Тиллақўнлизлар эса кеч тушишини кутарди. Колибри қуши чўқиб ташлаган мускат узумининг билинار-билинмас ҳиди гўрковни хотиржам қилди. Ўра тайёр бўлганда эса енгил шабада турди. Ака-сингил мурданинг суклари ўралган ола-була енгилкўрпани қоим қазилган қабрга қўйдилар. Фрэнк тупроқ ташлаб гўрни тўлдирди ва киссасидан икки дона мих ва тарашланган ёғоч парчасини олди. Ёғочни тош билан дараҳтга қоқиб қўйди. Битта мих бекорга қайрилиб кетди, лекин бошқаси яхши кирди ва энди Фрэнк юпқа хотира таҳтаси устига ёзган ёзув кўриниб турарди:

“Бу ерда Инсон турибди”.

Шундай хаёлга боришни, эҳтимол, ўзи истагандир, бироқ магнолиянинг рози бўлганига ва мамнун эканига у қасам ичиши мумкин эди. Даражтнинг оч сарик-сабзаранг барглари олча рангли улкан қуёш остида гуркираб борарди.

17

*Мен анча вакт турдим ва дараҳтга бокдим.
У гоят матонатли кўринарди.
Гоят олийжаноб.
Нақ ярми яраланган.
Бироқ ҳали тирик ва бақувват.
Си елкамга қўлини теккизди.
Билинар-билинмас қилиб.
Фрэнк?
Нима?
Юр, ака, уйимизга кетдик.*





ЎРМОНЛАР ДУОСИ

(Козон татар шоирлари ижодидан)

Татар тилидан
Тоҳир ҚАҲҲОР
таржимаси

ДАРДМАНД

(1859–1921)

Мұхаммадзокир Мұхаммадсодик ўғлы Рамиев (таяллуси Дардманд) Оренбург вилоятинине Истарлитомоқ туманиндағы Жирган қишлоғида туғилған. Мұхаммадзокир мактабни түгатғач, Истанбулда яшаб таълим олди. 1881 йылда юртига қайтды. Нашр ишларига бош урди, аммо хукуматдан изн ололмади. 1905 йылдан кейингина ниятига етди. “Вақт” кундаплик газетаси (мухаррири Ф. Карими) ва “Шуро” журналы (мухаррири Р. Фахриддин)нине ташкил этилишида фаол қатнашды, ушбу нашрлар Қофқоз ва Туркистон мусулмон түркійлари фикрий ҳаётига катта таъсир күрсатди. Дардманд шеърлари фалсафий теранлиги, мұхит манзараларини мажозий акс эттириши билан ажралиб туради.

89

КЕМА

Шовулар денгиз.
Гувуллар шамол.
Кема очмии елканин.

Кечаю кундуз
Босадур ул иўл,
Йўллари ёт ўлканинг.

Зўр шамол турар,
Кемани сурар,
Тўлқинлар бизни ўраг...

Билмам, қай замон
Қай гирдоб, ўпқон
Тортар, биздан жон сўраб...

¹ Манба: Türkiye Dışındaki Türk Edebiyatları Antolojisi. 19. cilt. Tatar Edebiyatı III. – KB yay. 2001. Ankara.

ҚОҚИЛИШ

Үзинг ерда, күзинг ерда – недан бу?..
 Кўриб кўк дафтарин, ёндинг-ёқилдинг.
 Йўлингда ҳар нени кўргандинг, нечун
 Оёқ остингдаги тошга қоқилдинг?..

ТАҚДИР

Қувонди эл, қанот қоқди малаклар,
 Шошиб, ҳанг-манг бўлиб шайтон тупурди...
 Етар, кўнгил, қувонч-ла урма ортиқ,
 Күёвмассан бу тўйда, сенга жой ийўқ,
 Жаҳон тақдир тўйин тузганда битмиши,
 Сенинг ўрнинг – ўликлар ўлкасинда!..

КЎКЛАМ

Келди кўклам, кун аро ёмғир ёғар,
 Тоғ тарафдан шарқираб сувлар оқарп.
 Келди оққуши гаглашиб ҳам келди гоз,
 Қайнади қуши, тўлди кўллар, бўлди соз!..

Келди кўкламнинг етиб порлоқ куни,
 Янграп оққуши сайраши, масрур уни.
 Талпиниб, оғир қанот қоқкан, ана,
 Гоз гала бўлганча келмишидир яна.

Келди кўкламги ҳаловат ойлари,
 Сайраб учди кўкда бўзтўргайлари.
 Маърашиб ўтлар сигир, қўй-қўзилар,
 Кишинишиб ўйнап қулунлар – шод улар.

Чўлда эркин сайд этар хуркак кийик,
 Кўлда оққуши товланиб сузгай, суюк.
 Сандувочлар мунгли-мунгли сайрашар,
 Ўнгу сўлда ҳар не ҳайвон яйрашар...

ЎРОЛ-ЁЙИҚ ШУНҚОРЛАРИ

Нозик беллар қилич тақмас... камарланмиши бел...
 Тозий отлар¹ ёлини ҳеч тараф ўтмас ел.
 Қарол бўлди далалярнинг оқ тулпор оти,
 Ўрол-Ёйик шунқорининг синмиши қаноти...

¹ Тозий отлар – арабий отлар.

Саид РАМИЕВ

(1880–1926)

Саид Лутфулла ўғли Рамиев Оренбург вилоятининг Оқмон қишлоғида туғилган. Ҳусайния мадрасасини битирган. Араб, форс, рус тилларини урганган. Бир муддат мадрасада дарс берган, сўнг Қозонга келиб, 1905 йилдан “Тонг юлдوزи” газетасида ишлаган, “Ал-Ислоҳ” газетаси билан ҳамкорлик қилган; 1910 йилдан Астрахандаги “Эдил” газетасида котиб бўлиб фаолият кўрсатган. 1914 йилда чор ҳукумати газета нашрини тўхтаттиради, С.Рамиев эса оиласи билан Уфага кўчирилади. Шоир 1926 йили сил касалига чалиниб вафот этган.

АЛДАНИШ

Мен йиқилдим... Ўлди ружим...

Колмади ҳеч роҳатим.

Кундуз – оғир... Тун – қабр...

Йилдай узун ҳар соатим.

Қолди кўнглим бу жаҳондан –
Йўқдир унда ҳеч субут.

Йўқ ҳақиқат, алдагай у,

Сув десам мен, у дер ўт.

Кўкка ҳеч чиқмас қуёши,
Бу ҳам унинг бир ҳийласи,
Кўкда ой йўқ, ерда олим,
Бор сароблар шуғласи.

Бир саробдир олам асли,
Бор на ерлар, бор на кўк,
Йўқ табиат, йўқ ҳалойик,
На ўлик бор, на тирик.

Йўқ чини ҳеч нарсанинг,
Чин фақат хор-зорлигим,
Битдим, алдандим, ёнурман...
Бир ёнар ўт борлигим.

Ўтди оққан шалдираб ул
Сувдайин шод кунларим,
Бир қоронегу ҳам тутунли
Кунга дўнди тунларим...

Борлигим подишоси сенсан,
Ош десанг, тоглар ошай,
Бермии Оллоҳ умримизни,
Сен яша, мен ҳам яшай.

Барча боққайлар меҳрсиз,

Оч, дўлайган кўз билан.

Ҳам сўкарлар қичқириб,

Аччиқ, аламлик сўз билан.

Утрашиб қолсак тасодиф,

Ё кўришсам иши билан,

Тишилгайлар бир илондек

Зап-заҳарлик тиши билан.

Тескари дунёга лаънат!

Менга ҳар дам терс боқар,

Ишқ ўтиш ёқсам, у доим

Айрилиқ шамин ёқар.

Шу фалак ҳам ўзгарарми?

Ўзгарарми қора баҳт?

Биз учун ҳам кун чиқарми?

Тонг отарми – қайси вакт?..

Гар хаёл этсам, кўзимнинг

олдида тургай юзинг,

Ҳар не ўй-фикрим ичинда

Энг ёқимли ўй ўзинг.

Сенгина бор ҳасратимни

Тарқатурсан – тарқат, ом!

Сўндириб роҳат қуёши,

Истасанг, кўкни қорайт!

ИНГРА, КҮНГЛИМ

*Ингра, ингра, ингра, күнглим,
Ингра, бир он тўхтамай!
Ингра ойлар, ингра йиллар,
Ингра кун-тун ухламай!..*

*Ингра, ингра, сен муҳаббат
Ўтлариндан гул ярат!
Ҳар не зулмат, ҳар не ҳасрат
Кунларинда нур ярат!..*

Нажиб ДУМАВИЙ

(1883–1933)

Нажиб Сибъатилла ўғли Тўхтамишев Оқсубай туманидаги Дума оевулида туғилган. Қозондаги мадраса таълимини олгач, кўп йиллар татар, қозоқ болаларини ўқитади. Кейинчалик сургунга ҳукм қилинади ва 1927 иили Ўзбекистонга келади. Самарқанднинг Булунғур туманида мактабда ишлаб, шу ерда вафот этади.

СИБИР

*Агар сен сафарга чиқсанг, эй, йўлчи,
Зулумот дунёси – Сибирга кел-чи!
Ошига чақирмадим, олгин озиқни,
Унутма болтаю курак, қозиқни.
Бутунлай бошқа бир дунёдир бу ер,
Халқнинг кўпі эркак, хотинлар оздир.
Халқ десам, беҳуда ўйланиб турма,
Қишилоги, шаҳари қайда, деб юрма.
Бу ерда овуллар, шаҳарлар ийқодур,
Довуллар, шамоллар эсадир ҳур-ҳур.
Ҳар ёқ булут, ҳар ён қор уюм-уюм,
Бунда иш бермайдир ҳар “модний” кийим.
Кўп қизиқ нарса бор, келсанг, кўурсан,
Белингдан қорларга ботиб юрурсан.
Қизиқ нарса десам, бўлмагин ҳайрон,
Барин бир жумлада айлайин баён:
Довул, қор, муз, совуқ, расво ҳавоси,
Ваҳший, ҳур, қайгули ҳар бир балоси!
Турма, кишиан – бўғовлару бўғовлар,
Қилич, милтиқ, тўқмоқ, қамчи – сийловлар!
Қоронги – ҳар киши бунда баҳтсиздир,
Баҳтсизлик бунда хон, фақат таҳтсиздир!..*

ҚЎРҚИНЧ

*Кузги бўши қирларда увлар
Марҳаматсиз бир шамол,
Топширилган унга гўё
Бу жаҳон, ҳар мулку мол.*

*Кўзга ташланмас аниқ у,
Гувлаши чиркин, совуқ,
Бир илон мисли вишиллар,
Ваҳмаси жонга ёвуқ.*

Коплаган ҳар нени туссиз,
Ваҳмали руҳ, бир тарийқ,
Ер кўкарган, боғу ўрмон,
Бор оғочлар сап-сариқ.

Кўк-да туссиз, бир азобдан
Хўп қабармиши юзлари,
Чекчайиб боққай муҳитга
Ўчли, ваҳший кўзлари.

Шакланур кўнглим нечундир...
Ваҳма босгай айқириб,
Ер ёрилмишидир – шамол увлаб,
Қабрлар ҳайқириб!..

Ҳамма нарса ваҳма ичра,
Бир газаб кутган каби,
Қисқаси, Ер тўхтаган,
Маҳшар куни етган каби!..

Миразиз УҚМАСИЙ

(1884–1948)

Миразиз Қайюм ўғли Забиров Қозон вилоятидағи Уқмас қишлоғида туғилган. 1906 йили илк шеърий тўплами босилган. 1908 йили Қозондаги Муҳаммадия мадрасасини битириб, турли өрларда ўқитувчилик қилган.

МАЙ КУНИ

Сокин бир куз куни ўрмонга бордим,
Сайтрашурлар қушлар чарх уриб.
Бириси учару бириси қўнар,
Бири хурсанд чўпдан уй қуриб.

Чиқдим яланг ерга: чечаклар алвон,
Байрам гўё кўркам чиройи!
Кўклам, ёз ойларин бир авлиёси –
Энг қутлуғи, билинг, май ойи.

АХРИМАН НАСЛИ

Босилди энди аччиқлар,
Кўнгил яйрап, сўниб дардолар,
Умидлардан иироқ кетдим,
Тугаб ул айшу ширатлар.

Келиб заҳру қаро кунлар,
Бир иблисдек ўтирмиишлар –
Кўриб халқу бу ёши авлод,
Умидларни ўтирмиишлар.

Менам энди яшай дерман
Ҳаётда сўнг лаҳзаларни –
Юрак тинч, битди ёлқинлар,
Ёқиб, кул этдим ўтларни!

Кетурман, хуши қолинг, дўстлар!
Тилай эзгу тилак сизга:
Садоқат, баҳт тўла бўлсин
Мудом ёр руҳ, юрак сизга!

Менинг баҳтим қуёшин, оҳ,
Қаро жинлар босиб ўтди,
Саодат юлдузимни
Ахриман насли келиб, ютди.

Учирсан ҳам кўнгил учмас,
Йиқилгай, ер қучар энди,
Жаҳон айни мамот ичра,
Заҳарларни ичар энди...

Зариф БАШИРИЙ

(1888–1962)

Шоир Зариф Баширий Қайбич вилоятидаги Чуты қишлоғида туғилған. Қозондаги Мұхаммадия мадрасасыда ўқиган. Оренбургдеги “Чүкіч” газетасыда ишләген, 1910–1917 йилларда Пенза һа Тамбов вилоятларидаги татар қишлоқларыда ўқитуевчилек қылған. Сүнгра Олмаста, Жаркент, Тошкентде яшади, маориф һа матбуот соҳаларида хизмат қылади. 1933 йили Уфага қайтди. Шоир, журналист, ёзуевчи сиғатида қирқдан ортиқ китоби босилған.

ТИЛИНГНИ САҚЛА

*Эй, татар! Бу күнгача не сақлабон қолди сени,
Бошиңгга келған ҳалокатдан юлиб олди сени?..*

*Күкрагингда ёнған ўтни бунгача не асрәди?
Мангу йитмоқ йўлларига қай ёвуз солди сени?..*

*Ул томирларда ҳаёт ҳеч сўнмайин оқди жўшиб,
Сўлгину гулсиз чаман деб кўзга ким илди сени?..*

*Шубҳасиз, сақлаб келибдир ул муқаддас тил сени –
Сақлади номин татарнинг, тил татар қилди сени!*

*Бер товуши: “Мен бор!” дея, бундан кейин қилмай сукум,
Тил бўлиб-да тек туришилик парчалаб, тилди сени.*

*Бошқалардан кутма ёрдам, кутма ҳеч ёрдамчилар,
Мангалик бу йўлда дунё тил дебон билди сени.*

*Бор бўлурсан, ҳур яшарсан сен-да бу олам аро,
Она тилсан, кимса эзмас, толейинг кулди сени.*

ҚАЧОН ЯХШИ БЎЛАМИЗ?

*Босса бизни қайгу-ҳасрат,
Ёлворамиз Худога,
Бошга тушса гавго, кулфат,
Югурамиз онага.
Гадолардан дуо истаб,
Садақалар қиласрмиз,*

*Назру ниёз кетар аммо
Оқсоқ сўфи, муллога.
Ақчамиз сал кўпайса, бас,
Кувониб, кайфин суринб,
Эсимизга тушмас асло
Дўст, эш, она, Худо-да!..*

ОНА ҚАБРИ ЁНИДАГИ ҚИЗ

*Тўхта, шамол! Бу қабрга менинг онам кўмилган,
Қабр ўтлари бир етимнинг кўз ёши-ла чўмилган.*

*Шовуллама, эй, шамол, тин, қўрқадир менинг онам,
Тинч қўй мени, зор йиғлайн қуриганча то тинкам.*

*Шу етимлик хўрликларин онамга сўйлаб берай,
Бир дам кўнглим бўшатганча гамлардан холи турай.*

*Ҳар саҳар келиб бунга, қучоқлаб гўру тошини,
Тинглагайман тотли сўзин, қабрига қўйиб бошини.*

*Онам мени суяр эди, қучар эди шафқат-ла,
Оҳ, энди мен ундан кейин қолдим меҳнат, миннат-ла!..*

*Оҳ, онамни олди лаҳад, беркитди қоронги гўр,
Эй, худо, раҳмат айлаб, қабрига нуринг ёғдир!*

*Тўхта, шамол! Эсма, довул! Онам бунда олсин тин.
Ой, қулоқ сол фарёдимга ва осуда нур сочгин!*

*Тин, эй, шамол, тўзон сочма! Онам тинчиб ухласин,
Қадр қилиб фаришталар уни ҳар кун йўқласин.*

Шайхзода БАБИЧ

(1895–1919)

Шайхзода Бабич Уфа вилоятидаги Бўри туманида мулла оиласида туғилган. Ўн беш ёшигача отасининг мадрасасида, сўнг Уфадаги Олия мадрасасида таҳсил олади. Шеърлар ёзади, фольклор асарларини тўплайди. 1917 йилда Оренбургдаги “Қармоқ” газетасида иш бошлайди. Сўнгра миллий озодлик ҳаракатига қўшилади. Гарчи 1919 йили шўролар тарафига ўтиб, масъул вазифаларда ишласа-да, кўп ўтмай қизиллар томонидан ўлдирилади.

ХАЛҚИМ УЧУН

*Оппоқ олтин қўшигимни куйламасдан турай нечун?
Куйлай олтин элим учун, куйлай она халқим учун!*

*Соф, кумушидай қўшигимни айтмайман мен олтин учун,
Айттай уни соф, кумушидай, шу софюрак халқим учун!*

*Гул-чечакдай қўшигимни айтмасман бўши талқин учун,
Айттай уни гул-чечакдай қизларга бой халқим учун!*

*Кўшигумда дард тўлқини, айтай қирғоқ, тўлқин учун,
Уни куйлай дард-қувонч-ла тўлқин урган халқим учун!*

*Йиғламасман, гар кунларим бўлса совуқ, салқин учун,
Йиғларман мен, гар бўлса хор, мискин, фақир халқим учун!*

*Ёшлиқ чогим, олтин чогим, ёлқин чогим бўлсин фидо
Халқим ҳузуринда туриб, берган сўзим, онтим учун!*

БОЙ ВА ФАҚИР

*Сен сабр этсанг, сабр эт, бошқаси сабр этмасин,
Йўқ, тузалмасман сабр-ла! Ақчаси жабр этмасин!*

*Ич ёнар турмушида тенгсиз оммани ўйлаб яна,
Мунгли, мискин бандаларнинг мунгини сўйлаб яна.*

*Мен чиқиб боқдим кўчамга, ким сўрап ўз халқини,
Кўзга чиқди ёш бўлиб кўксимдаги дард ёлқини.*

*Кўзларим ўнгинда йиғлаб хору йўқсиллар ўтар,
Камбагал, мискин фақирлар ёш кўнгилни ранжитиб...*

МАНДОЛИНА

*Янгра, мунглиг мандолина, мен-да тинглаб, мунгланай!
Мунгланиб, қайгуларимдан сал узоқлаб, ўнгланай!
Сен менинг жсон сирдошимсан, мунгдошимсан, янграгин!
Сирга ботган, мунгга ботган ҳайбатинг-ла чўнгланай!*

*Шу сенинг товшинггина ҳар дардима дармон берар,
Шу берар ҳар нарсани, шу жсон берар, фармон берар,
Шу менга ўй, шу менга ҳис, шу менга оқ онг берар,
Шу менга сир чаимасиндан лаълию маржон берар!*

*Эй, менинг кўнглимни софловчи муқаддас мандолин!
Тинглагач, кўз ёшланар – жисимм дали, шу жсон дали!
Тинглар эркан, ҳар гидирдан, ҳар не кирдан покланиб,
Кучланиб боргай бу жсоним “Оллоҳ! Оллоҳ! Тавба!..” деб.*

*Эй, сеҳрли, сирли ҷолгу! Кел, сени мен бир ҷалай,
Янгра ҷолгу, софланай, сал жсонланай, иймонланай!..*

Ҳасан ТҮФОН

(1900–1981)

Ҳасан Түфон Фахри ўғли Қозон вилоятининг Оқсубай қишлоғида туғилган. Олия мадрасасида ўқиуди. Аввал қишлоқ мактабларида, 1924 йилдан Қозонда яшаб, ўқитуечилек қиласди. Қатагон азобини чеккан шоирнинг ўн олти йиллик умри турмаларда ўтди. 1960 йилда оқланди ва асалари босила бошлади. 1966 йил Абдулла Түқай номидаги давлат мукофоти билан тақдирланди.

ЭЛДА НЕЛАР БОР ЭКАН

Ташда нелар бор экан?..
Йўллар зангор қормикан?
Муз дераза қизармоқда –
Тонг ё ёнгин бормикан?
Ташда нелар бор экан?

Бизда ҳам тонг бўлгандир,
Ул ҳам боққа келгандир,
Эслаб бирга чоғларни,
Кўнгли дардга тўлгандир?..
Бизда ҳам тонг бўлгандир?

Ўйлайди ул: “Соғмикин?
Ичи тўла зормикин?
Ҳасратин тарқатмоққа
Тамакиси бормикин?
Эсонмикин, соғмикин?..”

Оқ кийимин кийгандир,
Балки қайтар, дегандир,
Зангор қорни кеча-кеча,
Вокзалларга келгандир,
Топилар ё... дегандир?..

Элда нелар бор экан?
Йўллар зангор қормикин?
Кўкда қизгиши ёруғ бор –
Тонг ё ёнгин бормикин?..
Элда нелар бор экан?..

ЕЛЛАР ЭСАР

Еллар эсар, еллар эсар,
Эсган еллар фойдасиз...
Халқ қўшиғидан

Деразамни очиб қўйдим,
Кел, сен эй, кел, кир, сен эй!
Қадрдоним аҳволидан
Бирор хабар бер, сен эй!

Келар тунлар, эсар еллар,
Эсарлар-да эсарлар...
Қийинмикин – кирсалар-да,
Ёринг эсон, десалар.

Тунги еллар сир айтадир
Менгамас, ёт золимга,
Сендан айри кунларимда
Дардимни айтай кимга?..

ТИНМА, ДОВУЛ

Оқай десам, борай десам,
Оқкуш тўсар йўлимни...
Халқ қўшиғидан

Толлар кесдим, йўллар очдим,
Соллар солдим сувларга,
Кетар ёғим ўнг ёндаидир,
Еллар эса сўлларга.

Довул тинди, тўлқин тинди,
Оққуши тўсар йўлимни,
Билар қуши ҳам ёлғизлигим,
Калталигин қўлимнинг...

Устда – тўлқин,
Остда – тўфон,
Чанг соларди солимга,
Ёрим кутар, қайтай у ён,
Тўсиқ қўйманг йўлимга.

Тинма, дарё! Чайқал, айқур!
Кўнмаганман тинликка.
Майли, довул, тўфон сурсин –
Сен чўктирма мунгликка!..

Фотих КАРИМ

(1909–1945)

Фотих Аҳмадвали ўғли Каримов Уфа вилоятидаги Бешбалиқ туманида туғилган. 1925–1929 йилларда Қозондаги қурилиш мұхандислиги институтидаги ўқиган. Сўнгра матбуотда хизмат қилган, шеърлари, ҳикоялари билан танилган. 1938 йили қатагон зулмига учраб қамалган. Адолат талаб қилиб ёзган хатлари натижасида 1941 йили озод этилган ва урушга кетган. 1945 йили жангда ҳалок бўлган. Унинг юздан ортиқ шеърлари, тўққиз достони, икки қиссаси, драмаси, ҳикоялари босилган.

БУЮК ҚЎШИҚ

(Ватанимга)

Балки бу хат сўнгги хатимдир,
Энг даҳшатли жангга киряпман,
Балки бугун шу қуёшини ҳам,
Умримда энг сўнг бор кўряпман...

Мен урушга кирсам, душманнинг
Юрагини кўзлаб отаман.
Болаларим қолар мен ўлсам,
Менинг умрим бўлар Ватаним.

Қолар дунё, бутун гўзаллик,
Гуллар қолар боғим, даламда.
Изим қолар она юртимда,
Шеърим қолар ўтган йўлимда.

Агар ўлсам, ҳеч ўқинч эмас,
Бор ўлимнинг бошга келиши;
Буюк қўшиқ – буюк Ватан деб
Бир инсоннинг жангда ўлиши.

УЗУН УМР

Айтай десанг, айтар сўзинг кўп,
Эринмасдан бўлар сўйлассанг.
Узун гапнинг қисқачаси шу:
Узоқ яшай дея ўйлассанг,

Ўз элингни ўйла ҳар қачон.
Ўлим ҳақда ўйлама ҳаргиз.
Эл-юртини ўиласа инсон,
Умри узун бўлар, шубҳасиз.

Нурий АРСЛОНОВ

(1912–1991)

Нурий Азиз ўғли Арслонов Петропавловскда туғилган. 1931 йил Қозон санъат институтини битирган. Газета ва журнallарда рассом, адабий ходим бўлиб ишлаган. Шоир ва таржимон сифатида танилган. Пушкин, Байрон, Гёте, Ҳофиз, Хайём, Маҳтумкули, Тўхтагул, Абай асарларини татарчага ўгирган.

ШОИР ВА ШОХ

Майдонда Ҳинд султонин енгмиши,
Эга бўлмии тожу давлатга.
Айриларкан она ватандан,
Шоир умри кечмии ҳасрат-ла.

| | |
|--|--|
| У таҳтни баҳт деб билмади ҳеч, Азоб берди кўнгил яраси. | Бобур подиоҳ замони ўтди, Тожу таҳтдан асар қолмади. |
| Мерос қолди бизга у зотдан Ғазаллари, “Бобурнома”си. | Бобур шоир – биз билан бирга, Шонин тупроқ кўма олмади!.. |

ҚУШ БЎЛГИМ КЕЛАДИ

Қушлар тили каби жудаям бийрон,
Ёқимли тилингиз!
Латишлар! Мен сизни яқин тутганим
Тилсиз ҳам билингиз!..

Билдим, қушлар турли-турли бўлса-да,
Битта экан тили.
Инсонларда эса, битта тил йўқ, ҳа,
Бари турли-турли.

Тиллар турли экан, зиёни йўқ, бас,
Кир бўлмасин унда.
Тилни босиб, сўзни тўсиб тургувчи
Дард бўлмасин жонда.

Жаҳон кезсам дейман, сайрасин тилим –
Қуш бўлгим келади!
Тилимиздан тузилган бир “хор”, мақомга
Қўшилгим келади.

*Баримизга азиз, эзгу тупроқ бу,
Биз – Ер болалари.
Инсонлар учун баҳт – фақат дўстликда,
Башар – қардош бари.*

Сибъат ҲАКИМ

(1911–1988)

Сибъат Тожиўғли Ҳакимов Арча вилоятидаги Кулликими қишлоғида туғилган. Қозон педагогика институтини битирган. Нашириётлар ва матбуотда ишлаган. “Илк қўшиклар” биринчи шеърий тўплами 1938 йилда чиқкан. Абдулла Тўқай номидаги давлат мукофоти (1960), Горький номидаги мукофот (1970) билан тақдирланган.

ҒУРУР

*Бир гурур бор ичимда, уни
Сўйлай дейман, юртда, четларда –
Айтай дейман дунёдаги бор
Мажлисларда, парламентларда!*

*Боқ шу жаҳон харитасига –
Қирқ ўлкага етгандир бориб
Татаристон гази, олтини,
Татаристон моли, товари...*

*Керосини йўқ бўлса-да, эл
Чироқ ёқар, топар чорасин.
Эй, сенлар, эй!.. Бор нефтни ийгиб,
Айт, қайларга олиб борасан?..*

*Олдин ётиқ эди юрт йўли,
Энди ҳар тўйл очиқ туради;
Бизга дунё бозорларида
Зўр давлатлар салом беради.*

*Татаристон ўсди. Қувватлар
Эски мустамлака элларни.
Менинг шишим эса сўйламоқ
Шу халқларнинг донгин ишларга.*

*Бир гурур бор ичимда, уни
Сўйлай дейман, юртда, четларда –
Айтай дейман дунёдаги бор
Мажлисларда, парламентларда!*

ТАТАРЛАР ЖИЛМАЙИБ ЎЛДИЛАР

*Үйимга келар-да, ел ииғлар...
Узоқдан келгандир, ким билар...
Малаклар сўйламиши бир хабар:
“Татарлар жилмайиб ўлдилар”.*

*Хабарда тутқунлар ингрөзи,
Минг-минглар уйқусин бўлдилар:
“Биз ёв-ла урушибик, шаҳидмиз;
Татарлар жилмайиб ўлдилар!..”*

*Ел эсар, элма-эл эсади,
Замонга у хабар келтирад,
Тинглангиз, англангиз, дейди ул:
“Татарлар жилмайиб ўлдилар...”*

Ренат ХАРИС

(1941 йилда туғилган)

Ренат Махсум ўгли Харисов Чинли туманидағы Қаша қишлоғида туғилған. Қозон педагогика институтини битирғач, ўқитуевчилек қилған. “Қозон ўтлари” журналининг бош мухиррири бўлған. Тури раҳбарлик лавозимларида (маданият вазири, Татаристон Республикаси бош вазири ўринбосари) ишлаган. Татар ва рус тиларида йигирмадан ортиқ китоби чиқкан.

СУҲБАТ ВА ҚАЙҒУ

Беши киши беш дақиқа
Гаплашса кун ҳақида,
Ақли беш онгга ортар,
Умри беш тонгга ортар.

Киши ёлгиз ўтиrsa,
Беши дақиқа қайғурса,
Изтироби узаяр,
Умри беш кун озаяр.

НЕ БЎЛАР?

Ўт ёндиrmай, иситмай қолса,
Сув сўндиrmай, совутмай қолса,
Ерда не бўлар?

Қиз унумтса сева билишин,
Йигит қўйса қўлдан қиличин,
Элда не бўлар?

ОРАЛИҚ

Болалик ва ёшлик орасин
Сезмай, елдай ўтиб борасан:
Ёниб-куйиб,
Топтаб-ўйиб,
Очиб-ёпиб,
Йўқотиб-топиб,
Йиғлаб-кулиб,
Улаб-узиб,
Мамнун, безиб,
Сезмаганча елиб борасан...

Ёшлик билан кексалик аро
Салмоқланиб боряпсан, аммо
Ёнасан-да куясан,
Топтайсан-да ўясан,
Очасан-да ёпасан,
Йўқотасан, топасан,
Йиғлайсан-да куласан,
Узилади уласанг,
Сезмасдан ҳам қоласан...

Қариллик ва ўлим орасин
Билмадилар,
Билмай борасан.

БОЛА ТУҒИЛГАНДА

Жилгалар:
“Тепага оқамиз!” деди.
Тепалар:
“Биз водий бўламиз!” деди.

Водийлар:
 “Игналар устида турмиз!” деди.
Игналар:
 “Биз қудуқ қазиймиз!” деди.
Қудуқлар:
 “Ер узра чиқамиз!” деди.
Ер:
 “Шодлик ортарми ё қайғы?..” деди.

Зиннур МАНСУРОВ

(1949 йилда туғилған)

Зиннур Муъжіб ўғлы Мансуров Мамадиши вилоятидаги Тубан Ушми овулида туғилған. Қозон дағлат университетининг тарих-филология факультетидә үқыған. Матбуотда, Татаристон Ёзувчилар уюшмасыда хизмат қилған. 2009 йили Абдулла Тұқай номидагы давлат мукофоти билан тақдирланған.

БОШ

Етти тешикли тұқмоқ...
 Крим-татар топишмоғидан


Аевалдан күп ур-сур бўлдинг,
 Етти тешикли тұқмоқ!
 Ўз қавмингни сурғун қилдинг
 Ўз юртидан сен бироқ..

Ўз халқини чиқишитирмай,
 Тирикрай гўрга тиқмоқ
 Ишидан ҳеч қутулмадинг,
 Етти тешикли тұқмоқ!

Маскүв тахтин қатагони,
 Бўғмоқ, турмага тиқмоқ;
 Деворларни дунурлатған
 Етти тешикли тұқмоқ!

Ишинг кар эшикларни
 Конли қўл билан қоқмоқ!
 Бутларни ҳам ўйга солдинг,
 Етти тешикли тұқмоқ!

Майдонларда янги юртдоши
 Тугилди, бу яхшироқ...
 Топишмоқни
 чалкашитирдим,
 Етти тешикли тұқмоқ,
 Урилибсан хўп,
 бўлибсан
 Етмии тешикли тұқмоқ!..





Мигель ОТЕРО СИЛЬВА

(1908–1985)

ЙИҒЛАГИМ КЕЛСА ҲАМ ЙИҒЛАМАЙМАН

Роман¹

*Рус тилидан
Олим ОТАХОН
таржимаси*

Викторино билан Крисанто Гуанчес ўзларига таҳдид солаётган ҳавфни сезиб, мушукдек бир сакрашда эшик ёнига бориб олишиди, бироқ қўлида фонус кўтартган Жундор Буқа деган девдек баҳайбат босқинчи уларнинг рўпарасидан тўсиб чиқди; у эшикни гавдаси билан тўсиб олди ва уларни орқага чекинишга мажбур қилиб, итариб-итариб ташлади. Викторино энди орқа чўнтағига қўл солган эди, Кайфас унинг қўлидан маҳкам ушлаб олди. Кубалик билан Қутурған Кўппак Крисанто Гуанчесни бир чеккага судраб боришиди. У кутулиб чиқиши учун беҳуда уринар, лаънат тошларини отишидан фойда йўқ эди... Кўйворинглар, абллаҳлар! Викторино бир ўзи Кайфас билан Жундор Буқанинг қаршиисида индамай туради.

– Олдин мени ўлдиришларингга тўғри келади! – Ром ичиб миясини йўқотган газандалар Викторинонинг гаплари айни хақиқат эканлигини тушуниб етолмадилар; уни ечинтиришди, қоронғи бурчакка олиб боришиди, типирчилаб, тишлашга ёки уларнинг қўлларидан юлқиниб чиқиб кетишига уринар экан, улар аямасдан Викторинонинг қовурғаларига, куррагининг остига, гарданига, ишқилиб, дуч келган ерига муштлашар, тепишишар эди. Кайфас манқаланиб деди:

– Ҳа, қораялоқ, типирчилайверма, барибир қутула олмайсан!

Жундор Буқа унинг чап қўлини букиб, орқасига қайирди-да, юқорига силтаб тортган эди, оғриқ чидаб бўлмас даражада кучайди.

– Вой, қўлим синади, итдан тарқаганлар!

– Айтяпман-ку, кўп типирчилайверма, деб, – деди Кайфас. Бу ахвол бир неча дақиқа давом этди, ким билади қанчалигини? Маст-аласт барзангилар уриб унинг бурнини синдиришди, баданини моматалоқ

¹ Охири. Бошланиши ўтган сонда.

қилиб ташлашди. Кайфас ёниб турган сигаретни унинг моягига босди, ўткир тирноқлари билан думбасини тимдалаб ташлади. Викторинонинг ўпкаси тўлди, хозир ўлдиришади, деб ўйлади, томоғига муздек бир нима тиқилиб нафас ололмай қолди, балки қазоси шуларнинг кўлидадир.

– Қани, бу ёққа олиб келинглар! – бирдан қўшни хонадан кубаликнинг дағдағаси эшитилди.

У деярли хушини йўқотаёзганда – тинч қўйишди. Бутун бадани қақшаб оғриганидан дод солар, тупроққа қоришиб ётар, шишиб кетган лаблари аранг пичирлар, уларни оғизга олиб бўлмайдиган сўзлар билан сўкар, шаънига ифлос гаплар айтарди: ўлдирсаларинг ўлдира қолларинг, маразлар. Кейин ўзини билмай қолди; вакти-вақти билан олис-олисдан Кайфаснинг сурбетларча кулгандари худди тушида бўлиб ўтаётгандек эшитиларди; елкасида турган оғриқ бутунлай ҳушдан кетишга йўл қўймасди. Ташландиқ кулба яна сирли ҳалокат оғушида қолди.

Бу газандалар мусаффо тонг сўлимлигини бадном этмоқчилик ке-кирганча ўлжа олинган нарсаларнинг ҳаммасини олиб кетиши; улар бўшаган шиша идишлар орасида ёркин нур сочиб турган фонусни унутиб қолдиришди. Фонуснинг заиф нури Викторинога қаерда ётганини эслатар, Крисанто Гуанчес эса абжағи чиқиб, ҳаммаёғи синган, чиқкан, қонга булғангандан кўйи лойқа кўлмакда ётарди. Крисанто Гуанчеснинг шаккоклиги гўё аршиаълога етиб борган-у, худо қаҳрига гирифтор бўлгандек бу ваҳшиёна қўйноқлар, мислсиз оғриқларга чидаёлмай ҳушдан кетиб ётарди, у бир ўлимдан қолганди.

Дабдаласи чиқкан ва бир умр иснодга қолган Крисанто Гуанчес ҳеч нарсани эсламасликка уринар, Викторинонинг овутишга уринишларига мутлақо аҳамият бермас эди. Уни эзид, хўрлаб ташлашди, ўлишига бир баҳя қолди. Мана энди, лоқайд ва жонсиз кўзларини бир нуктадан узмай ётиби.

Яхшиямки, Онаси (у ҳамон сотишга нон ёпарди) яшайтган кўпхонали уй “Лукания” меҳмонхонасидан унчалик узоқ эмас. Викторино ўша ерга етиб бориш учун ўзида куч-куват топа олади, оқсоқланиб, далли дунёсини лаънатлаб, суроби тўғри бўлган ит каби деворлар ва тўсиқларга суюнганча борарди. Унинг қора иштони Бланкитанинг қонига белангандан, кўйлагига ҳам теккан, қора рангда қизғиши доғ бўлиб яққол кўзга ташланиб турибди. Уйигача тахминан икки юз қадам. Викторино ўзини таниш-билишлари бу аҳволда кўрмаслиги учун қайси йўл билан боришини яхши билади. Муюлишдан ўтиб (деярли йигирма қадамда биттаям эшик учрамайди), машиналар ёки аллақандай материаллар омборхонасини ўраб турган тахта девор ёқалаб йўлга тушади. Кейин ҳали тунги мудроқлик тарқ этмаган савдо чорраҳасини ортда қолдириб, кўчани кесиб ўтади; бошини гўё пана қилиб, хиёл энгашганча, танишлари истиқомат қиласидиган уйларнинг деразалари остидан юриб боради, ниҳоят, кўпхонали уйга кириб қўздан ғойиб бўлади. Биринчи хонадаги бақалоқ ҳали уйқудан турмаган эди, ҳеч ким унга тўқнаш келмайди, уни бирор кўрмайди. У елкаси билан қалин пардан сурисиб, худди энди мактабдан келгандек, Онасининг хонасига киради – Онаси ҳеч нарса юз бермагандек, гўё уч йил бир-бирларини кўрмай яшамагандек, шошмасдан овқат қилаётганди. Ёғ тутаётган товадан бошини кўтариб,

хона ўртасида турган ўғлига кўзи тушади. Лом-мим демай унинг ёнига келиб манглайдан ўпади. Викторино ёш бола сингари шикоятомуз оҳангда Онасига мурожаат қилади (фақат у билан шундай гаплашарди): кийимларимни ўзгартириб олсан девдим. Онаси уни қийнаб саволга тутмайди, фақатгина ярадор бўлмаганмикан, дея жиққа қон доғларини пайпаслаб кўради, бу ўғлининг қони эмаслигини билгач, хотиржам бўлади. Ана шундан кейин қўлларини чаяди-да, каравотининг ёнидаги қора сандиқни очиб, ундан кўйлак-иштон олиб, ўғлининг оёқлари тагига ташлайди. Викторино то онаси дурустроқ бир нима топгунича қора кўйлаги билан шимини ечиб ташлайди. Онаси унга хиёл кенгроқ мошранг иштон, кейин одатда руҳонийлар киядиган қип-қизил кўйлак узатади. Бу ҳам унга каттароқ. Викторино бу кийимларнинг кимга тегишли эканини билмайди, билишни ҳам истамайди. Онаси кўз ёшларини артмасдан пиқ-пиқ йифлайди; Викторино ўзини сезмаганга солади, Онаси карниз тепасидан йиққан-терганини асрайдиган “Кваккер” печенъесидан бўшаган тунука қутичани олади ва ўн беш боливарнинг ҳаммасини Викторинога беради. Иккови ҳам унинг бу қадрдон гўшада узоқ колиши мумкин эмаслигини тушунишади. Ҳаммадан бурун полициячилар бу ерга келиши тайин, италияликни ўлдиргандан сўнг (уни ўлдирмаслик мумкин эмасди) бу ерга уни бир неча марта қидириб келишганди ҳам. У аллакимга тегишли бўлган кенг кўйлакни кийиб, Онаси берган пулни янги чўнтакларидан бирига солиб кўяди. Онаси хайрлашиш учун уни қалин парда олдигача кузатиб кўяди: Худонинг ўзи арасин сени, болам. Қисқагина давом этган мана шу учрашув чоғида Онасининг оғзидан фақатгина мана шу сўзлар чиқади, холос.

Викторино бўш такси тўхтатиб, ҳайдовчига ҳали қамоқдалигига Камачито берган манзилни тушунтиради. Про Патрия ноҳиясида тонг отиб бўлган, қуёш бир парча майдончадаги яхши ўスマй қолган дараҳтни пўртахол гуллари билан безайди; унниқкан, сарғиш кўйлак кийган рангпаргина бир қиз вақтини чоғ этиб аллақайси уйнинг эшиги олдида ўзи билан ўзи гаплашиб туради. Камачито ёзиб берган манзилда мутлақо яроқсиз майда-чуйда темир буюмлар дўкони ёки тикувчилик устахонаси жойлашган эди: унинг дераза кўзлари ўрнига фанер қоқиб ташланган эди. Мазкур устахона пештахтаси ортида ёшини аниқлаш қийин бўлган ғалати бир кимса ўтиради. Унинг қирғий бурни устида қадимий ва ноёб пенсне тушиб кетай, деб лиқиллаб турар, боши узра турган радиоприёмник орқали қайта-қайта ўқиб эшиттирилаётган сўнгги ахборотни дикқат билан тингларди: Жамиятимизнинг биринчи ракамли душманни Викторино Перес бугун, эрта тонгда мисли кўрилмаган тарзда Лапланта турмасидан қочишига эришди... Сиз Орьенте лотереяси орқали йирик миқдорда пул ютишингиз мумкин... Викторино озми-кўпми буни олдиндан сезган эди: радио тушликкача эшакка ўхшаб ҳанграйди; кейин оқшом газеталари уни балчиққа қоради, эртанги тонгги газеталар эса уни шарафлагандек охирги бетда сувратини босиб чиқаради.

Викторино буқчайиб ўтирган дўкондорнинг олдига бориб Камачитонинг ёнидан келаётганини айтади. Бобой ташриф буюрувчини кўрган заҳоти танийди ва кўрқанидан боши гир айланиб кетади, радио бўлса яна дона-дона қилиб бошлаб қолади: ...қочоқ маҳбус қуролланган... “Пепси-кола” ҳаётингиз безагидир, унинг бир пиёласи... Бобойнинг

тишлари такиллаб бир-бирига урилади, пештахтага янаям ёпишиб олади, бутун куч-қувватини йифиб ё колумбияча ё қишлоқча талаффузда орқадаги хонада бир нималар билан машғул ёрдамчисини чақиради: “Худас Тадео!” Ва бу исм кимга тегишли ёки тегишли бўлиши керак бўлса ўшани яна чақиради: “Худас Тадео!” Сўнгра у фетр қора шапкасини аранг кийиб кимга айтаётганини – Викториногами, саккиз марта чақиргандан кейин кириб келган Худас Тадеогами, ўзи ҳам билмай мурожаат қиласи: “Мен ўн дақиқада келаман”. Шундай дегач, шошилинч дўкондан чиқиб кетади. Викторино хавотир қилмайди, хўжайин уни сотмайди, ишларига эътибор қаратмаслик учун бундай қилмайди: ўша Камачитони қаердан танийсиз? Радио унинг қамоқдан қочганлиги ҳақида яна дўконни бошига кўтаради. Бу хабар тушликка қадар қирқ марта берилар экан. Худас Тадеонинг ақли заиф: у бир-биридан чиройли, нафис овозлар нима ҳақида вақирлаётганини эшитмайди ҳам, куймайди ҳам, ундан кўра пештахтага қўнган хира пашибаларни бармоғи билан янчиб ўтиришни лозим кўради. Викторино ҳеч ким таклиф қилмаса ҳам, бориб кўнглига ёккан стулга ўтиради. Худас Тадео унга кўз қири билан қарайди ва кулади, худди бир сирни биладигандек кулади – аксинча, ҳеч вақони билмайди, унинг бу қилиғи ҳам эси паст кишиларга хос. Ҳеч қанақа мол кўринмаган бу дўконга ҳеч ким бирон нима сотиб олгани кирмайди. Йўлка бўйлаб жинни-жинни таклифларини тавсия қилганча бақироқ лотерея сотувчи юриб кетади. Ярим соатдан ортиқ вақт ўтади, истеъмолдан қолган пенсне таққан бобой қайтиб келади, кетаётганда қандай қиёфада кетган бўлса, худди шундай ташвишманд бир алфозда кириб келади. Шляпасини ечмай туриб асабийлашганча Викторинога сўз қотади: “Қани, кетдик!” – ва яна кўчага қараб юради. Викторино оқсоқланганча ҳар қадамида сўкиниб унга эргашади.

Тинчи бузилган бобой уни шу мавzedаги аллақандай уйга олиб боради. Уларни бир аёл дарҳол ичкарига олади, деворининг пастки қисми билан эшик тепасининг андозасига қараб бу ерда ғирт суюқоёқ аёл истиқомат қилишини билса бўлади. Кичик залдаги диванда ўтирган кишиларнинг ўрнидан туриш хаёлларига ҳам келмайди, шекилли. Жавонлар бари бир хил – қаҳрабо ям-яшил рангда, иккита сурат бир-бирига зид тасвири билан муштарак маъно касб этади: биттасида боксчи ҳабаш жанговар вазиятда турибди, иккинчисида – Исонинг ҳимоясиз юраги. Сутли қаҳва билан ялпиз иси анкыйди. Викторино гашга тегаётган яшил оромкурсилардан бирига ўтиради, иккита эркак ундан кўз узмайди. Бирининг қовоғи товуқнинг тухумидек катталикда шишган, иккинчисининг оғзида тўкилганидан камроқ тиши сақланиб қолган. Викторино танишиб олиш учун тўпиқ суюгининг оғриётганидан шикоят қилиб, баҳона топади. Кемшик унга: пойабзалинг билан пайпогингни ечгин-чи, – дейди, – уқалаб қўяман. Фоҳиша унга сарпойчан оёғини қўйиб туриш учун ғамхўрлик қилиб яшик келтириб беради. Таъбир жоиз бўлса ва шундай дейиш мумкин экан, уқалаш ваҳшиёна эзишдан иборат бўлиб, Викторинонинг кўзларидан юлдуз чақнайди (Альдебаран, Кассиопея, Орион белбоғи, Волопаса буржида жойлашган Арктур, ҳолбуки, Викторино улар ҳақида бирон нима эшитмаган, билмайди ҳам). У ора-сира инграф, сўкишдан ўзини тиёлмайди. Кемшик яна оғзининг таноби қочиб, унинг рўпарасида чўккалаb олганча оҳ-воҳ

қилишига йўл қўймайди. Ҳозиргина улар кириб келган уй остонасида бошига қора шляпа кийган бобой халиям қаққайиб турибди. Викторино оғриққа чидаёлмай терга ботганча унга қўл силкийди: “Бориб Крисанто Гуанчесни топиб кел, – дейди унга, – уни фалон пайтда, фалон ердан то-пасан”. Викторино жойини ва соатини айтади. Чолнинг юзи у келгандан бери биринчи марта ёришади: хушламаган меҳмонидан кутулиш умиди пайдо бўлади. У хайрлашмай ҳам чиқиб кетади. Чол кетгандан кейин қолган тўрт нафар киши ўзларини бирмунча қулай сезишади. Жувон сутли қаҳва билан печенье келтиради, қайноқ қахванинг ҳиди анқийди. Кемшик кулишини масхара қилиб милкларини кўрсатади, қовоғи тухумдек шишган нусха қочоққа ўзининг қойил қолганини намоён этади. У Викторинонинг оғриётган оёғи товонини кўриши учун қўшни хонадан кутилмагандан ҳаддан зиёд юмшоқ ёстиқ олиб чиқади. Кемшик бир эмас, иккита ўралган дори келтиради-да, биттасини янги оғайнисига беради: “Хоҳлайсанми?” Ҳа, Викторино хоҳлайди.

Викторинонинг италияликка тегишли тикувчилик устахонасини “тозалаш”ни мўлжаллаганига асосий сабаблардан бири, биринчидан, у Каракаснинг овлоқ туманларидан бирида жойлашган бўлиб, бир пайтлар у ўша ерда бъязи нарсаларни (ўқиши эмас, бу падарлаънат мактабда бирон нима ўрганиш мумкинми), масалан, дарсларга кирмай юрганларида бейсболни ўрганганди эди. Ундан ташқари, бу ердаги ҳар бир кўча, ҳар бир ариқ ва одамларни беш қўлдек биларди; бу ёғидан кириб, нариги ёғидан чиқиб кетадиган йўлакларда кўп ҳунарлар кўрсатган, хали у пайтда Крисанто Гуанчесни мутлақо танимасди ҳам. Йигирма қадамчадан кейин муюлиш келади, унинг орқа тарафидаги машиналар тўхташ майдонидан ўтсанг, зовур келади, бу зовур не-не воқеаларни кўрмади; ўша ерларнинг ҳар қадами унга таниш ва ёд бўлиб кетган, бир кўчадан кириб, бошқасидан чиқиб қочар, бу хусусда бировга гапириб ўтирас, бу жин кўчалар, кўчаларнинг охиридаги чакалакзорлар бир пайтлар унинг дунёси эди.

Хуллас, Викторино бир кунни мўлжал қилиб ўша ерни кўздан кечириб чиқиш учун борди. Витрина тепасидан инглиз кашимирларини (Маракаядан) кўздан кечирав экан, куракларининг остига кимнингдир муздек бармоқлари теккандек бўлди-ю, иши чаппа кетганини англади. Викторино доимо ички сезгисига қулоқ солмай чув тушганларини биларди-ю, бироқ эртасига ёқ буни эсидан чиқарар, келгуси сафар яна шу ахволга тушар – у бундан хулоса чиқариб олиш ҳақида ортиқча қайғурмас эди. Оддийгина қўрқоқлик қилганим, иккиланганим бу туйғулар су-варак сингари чиқиб келган тирқишиларидан қайта кириб кетади, холос, хаёл қиласарди. Тикувчилик устахонасидаги италиялик унга шубҳа ва эҳтиёткорона қараб қўйди: устахонани ёпдиган вақт бўлса, бунинг устига Викторино ўлчатиб кетиши учун келган мижозга сира ўхшамасди.

– Нима керак сенга? – деб сўради у қовоғини солиб. Викторино эндиғина “ҳеч нима” дейиш учун оғиз жуфтлаб ва ҳатто бугунга мўлжалланган ўғирликни эртага қолдирмокчи бўлиб турган эди, бироқ унинг авзойи ҳамда жирканганнамо сўроққа тутаётгани жаҳлини чиқариб юборди – йўқ, ҳеч қачон сўзидан қайтмайди. Ичинг ўтиб кетдими, нима бало, ҳабаш? Пировардида, бирон баҳона билан (кўнғирок

қилиб олсам бўладими, сенъор?) пайсаллаш ўрнига у қўққисдан револьверини олиб италияликнинг бўйинбоғига тиради ва буйруқ оҳангида таҳдидли бўкирди: “Қимирлама жойингдан! Қўлингни кўтар, овозингни чиқарсанг – пешонангдан дарча очиб қўяман! Соатингни еч!”

Пьетро Ло Монако, тикувчининг исми шунаقا эди, эрталабки газеталарнинг хабар беришича, қўлини кўтарган, лекин босқинчининг қора кўйлагидан кўз узмай тураверган. Викторино қаердан билади (эртанги газеталардан ҳам бу ҳақда билолмади у) италияликнинг оддий тикувчи ва сицилиялик дехқон эмас, собиқ аскар ёки бир замонлар ҳарбий жиноятчи бўлганини, балки фақатгина ўз клуби формасида ўйнайдиган футболчидир; ёки ҳар хил хийла-найранг ва кураш усуслари билан ўз яқинларини майиб қиласидиган оддийгина муаллимдир. Викторино револьвер тепкисини кўтариб қўйди: “Қақир-куқурларингни пештахтага ташла!” Тикувчи соатини, никоҳ узугини еча бошлади, у ашаддий душманига қараётгандек Викторинога тикиларди. “Ҳамённи ол!” Бироқ у итоат этмади, каратэ усусларидан бирини қўллаб ҳужум қилмоқчи бўлганди, бунақа японча қиликка бўлган иштиёқини совитиб қўйиш учун Викторинонинг тикувчи оёғига ўқ узишдан бошқа иложи қолмади.

Тўғрисини айтганда, ҳар қандай босқинчилик ўқ узилдими, тамом, барбод бўлди дегани, шунинг учун бу ишни ҳам чиппакка чиқди деса бўларди. Мабодо ўҳшамадими, Викторино жуфтакни ростлаши керак эди. Пьетро Ло Монако чўлоқланиб бўлса ҳам, азбаройи унинг йўлини тўсиш учун оstonага бориб олди. “Ўлгинг келяптими, эси паст, қоч йўлимдан, исқирт!” Италиялик унинг гапларини тушунмади ҳам, эшитишни ҳам хоҳламасди, улкан қайчини ўқталиб эшик олдинан кетмай тураверди: бўйи бир метру тўқсон, Муссолинога ўҳшаган буқадай бақувват. Викторино пештахтадаги ўзига аталган тиллаларни йиғишириб эркакчасига таклиф қилди: “Мана сенинг майда-чўйда нарсаларинг!” Қайчи ўқталиб турган тикувчи пинагини бузмади. Викторино сира тушунолмасди, бу тентак урушда қанақа қилиб тирик қолган экан-а! Менинг қўлимда ўлиш тақдир этилган бўлса керак-да, на илож... – файласуфона хулоса чиқарди Викторино ўзича ва унинг кўксини нишонга олди-да, кетма-кет уч марта ўқ узди, тикувчи алла бўлиб йиқилди. Жуфтакни ростлашдан олдин, тарих олдидаги хатоларини тўғрилаш мақсадида Викторино тикувчининг орқа чўнтагида ётган ҳамёнини олишга уринди, бироқ Пьетро Ло Монако жон бераётган чоғда ўзининг энди боливарга айланадиган лираларини чанглаб олган эди; ўзи тарк этаётган бу ёлғончи дунёнинг неъматларига жон-жаҳди билан ёпишиб, қўйиб юбормаслик аслида унинг қон-қонига сингиб кетган эди.

Воқеа Викторинонинг ашаддий томошабинлар орасидан эсономон ўтиши билан яқунланди, жаранглаган ўқ товушининг ширасини илғаган икки мингга яқин пашша учиб келганди. “Йўлдан қочларинг ёки ҳаммангни ер тишлатаман!” – дея бамисоли ўқиради Викторино. Оломон Қора дengиз тўлқинлари каби икки тарафга ажралди, бир дақика ўтар-ўтмас бу томошабинлар издиҳоми ўзининг донолигидан пушаймон бўлиб, тўдалашганча уни қувиб кетишли. Унга етиб олишнинг ўзи бўладими? Викторино қурт-қумурсқадек лип этиб зовурга кириб кетди-да, кўздан йўқолди... Мени бир кун кейин, шанбада, сени кучиб ётганимда ушлаб олишди, Бланкита.

Италияликнинг ўлдирилиш воқеалари (уни ўлдирмаслик мумкин эмаслигини энди тушунгандирсиз) кўз ўнгидан ўтгач, Викторино қаттиқ толиқди, бу хаёлий манзаралар ўша юз берган пайтдаги ҳистийгуларни қайта жунбишга келтирас эдики, буни қиёслашга мантикий ташбех тополмасди. Унинг ўтмиши билан бугунги куни, ёлғончи ва тажовузкор тенгдошлари, баҳтсиз болалиги худди орқага тез айлантирилаётган фильм лентасидек липиллаб ўтар, кунлар сониянинг юздан бир қисмига тенг бўлиб, ойлар-йиллар эса бир-икки миллиметрлик кинолентадаги тасвирлардек ўтиб бораради. Викторино бу қуюндеқ тўзган хотиралари орасидан яхлит бир манзарани йиғиштириб ололмас, бутун хаёти – ўтмиши билан ҳозирги куни айқаш-уйқаш бўлиб кетган эди. Унинг бераҳм муҳитда ўтган ўсмирилик давридаги биронта ҳодиса, ўзгариш, янгилик негадир нисбатан тинчроқ кечган болалигига рўй бепар, ҳайҳотдай дўконга бостириб кирганлари негадир кўп хонали уйларидаги тўп ўйин билан тугарди; кафандланган Бланкитанинг жасадини дағн этишга чумолилар олиб кетаётган бўлар, Ла-Флорида фермасига бостириб боргандар, Такаригуа оролидан қочиб келаётган Крисанто Гуанчесни кўприк ёнида кўриб қолиши билан якунланарди. Крисанто Гуанчес эсига тушган заҳоти воқеалар шиддати сусаяр, ҳатто тўхтаб қоларди ва ўша машъум жума – италиялик тикувчи Пьетро Ло Монако халок бўлган кун кўз олдидан кетмасди...

Бир кун аввал кечқурун одам тирбанд тамаддихонага бостириб киришганди. Ёмон бўлмаганди ўшанди: нақди уч минг икки юз, ўн бир жуфт кўлга тиқадиган, ўн тўртта “майда нозик” хужжатлари билан, яна ўша ерда бўлатуриб отишга улгурмаган айғоқчига тегишли битта “пушка”ни ўлжа олишганди. Викторино билан Крисанто Гуанчес пешонага пешонани тираб Крисантонинг хонасида топган-тутганларини қоқ ўртасидан тақсимлаб ўтиришарди: қақир-куқур, пул, буюмлар, арра, тўппонча эса умумий ва ажратиб бўлмайдиган иш қуроли сифатида ўртада, Викторино, одам бир-бирини бунақа тўғри ва яхши тушунадиган фурсатдан фойдалангиси келиб, анчадан буён унақасига ҳам, бунақасига ҳам ўйлаб, миясида пишириб келаётган режасини айтишга қарор қилганди. Бу режа уч йил ичидан бирон марта бўлсин эслашмаган анави жирканч воқеа билан боғлик эди.

– Ўч оладиган пайт келди, – деди Викторино. Унинг фикрини баён этиш усулида телепостановкаларнинг зарарли таъсири сезиларди. – Мен уларнинг орқаларидан итдек юрдим, қадам-бақадам, бу паразитларнинг ҳамма тешикларини белгилаб кўйдим, янглишмай топиб бора оламан, бироқ кубаликни Марказий қабристонга бостириб боришганда илма-тешик қилиб ташлашди, Жундор Буқа бир йил бўлди Колумбияга куённи урган, ҳали қайтиб келади мараз, кўрасан.

Крисанто Гуанчес – гўё тошдан ясалган ҳайкал, унинг гапларини бўлмайди.

– Кайфас билан Кутурган Кўппак эса Ла-Леонеда тухум босиб ётишибди, бўйниларига икки йилдан осиб кўйишган. Бу жуда осон, оғайни. Бигта-яримта хунасага қўлимизга “билакузук” тақиши учун имконият яратиб берамиз, у ўзича хурсанд бўлади. Ушлашгандан кейин бизни айнан ўша ўлаксалар олдига олиб бориб кўйишади; айни муддао, тўғрими гапим?

Крисанто Гуанчес – қилт этса ўлай агар, гўё бронзадан ишланган хайкал, унинг гапларини бўлмайди.

– Энди биз она сути оғзидан кетмаган ўн беш яшар болалар эмасмиз, куролсиз ҳам эмасмиз. Кайфасни ўзим тинчитаман. Сен эса Қутурган Кўппакдан аламингни олиб, кейин гумдон қиласан. Ипидан-игнасигача ўйлаб қўйганман. Ла-Леонега борган заҳоти эрталабга қолдирмаймиз. Битта пичоқ – ҳеч қаёққа кетолмайди. Нима дединг, оғайнин?

Крисанто Гуанчес табуреткадан турди, қаддини ростлади-да, худди нафрат тимсолидек шундай фазаб билан бўкирдики, Викторино уни ҳеч маҳал бунақа ахволда кўрмаган эди.

– Мен ҳеч кимга ўша кечаси бўлиб ўтган воқеани эслашга йўл қўймайман, билдинг, йўл қўймайман, ўша кечаси ҳеч нарса бўлмади, тушундингми? Ҳеч нарса бўлмади, минг лаънат сенга!

Шундан сўнг яна хайкалга айланди-қолди. Викторино бир оғиз сўз ортиқча эканини тушунди, нафсилаамрини айтганда, унинг кўнглини кўтаришга уринишнинг ўзиёқ ёмон оқибатларга олиб бориши мумкин, у чурқ этмади. Крисанто Гуанчес унга шундай ола қарадики, Викторино дўст тутинганидан бери биринчи марта уни бунақа ахволда кўриши эди. Крисанто Гуанчес юрагининг туб-тубида Викторинога нисбатан ўйғонган чексиз-чегарасиз нафратдан титрарди, то ўзини босиб олмагунга қадар, бу аёвсиз туйфу жону жаҳонини ўргади, икки соатча шу ахволда ўтирди, кейин бўғин-бўғинларигача бўшашиб, bemажол деворга суюнди.

Умидбахш якшанба ҳаром бўлди. Викторино гўё арши аълода юрганди-ю, кўзлаб қўйган ниятлари бир зумда чиппакка чиққанди. Шунга қарамай битта-яримта жўжахўroz билан уришгиси келиб қўли қичий бошлади, бунинг устига қорни очганидан ичи ачишиб кетганини сезди, ҳозир икки кишига мўлжалланган овқат унинг чап ичагига юқ бўлмасди. Бу ҳам етмагандек тўфиғи ҳалиям оғрирди. Ошхонадан Газельканинг гугурт чаққани, тақсимчаларнинг умидбахш тарақ-туруғи эшитилди. Қорни пиёзнинг пўсти бўлиб кетганидан бу ташвишлар унга хуш ёқди.

Эшикни кимдир тақиллатди. Кемшик Пьеро сакраб ўрнидан туриб кетади ва бориб қия эшикни очади, келган одам сиз ким бўласиз, деб сўради, шекилли, Гильермо, деб жавоб бергани эшитилади, сўнг курбакага ўхшаб бир ҳатлаб Викторинонинг олдига киради. Викторино уни хотиржам қилади.

– Қўрқмасдан очавер, бу менинг дўстим, Крисанто Гуанчес кепти.

Лекин тишлиари тўкилган дахрий Фома бунақа тахминий башоратларга тупуради: оёқ учида секин эшик ёнига бориб, кулф тешигидан қараб ишонч ҳосил қиласди, ҳа, келган одам чиндан ҳам Крисанто Гуанчес экан.

Крисанто Гуанчес Викторино билан ярим соатдан зиёд бир нималарни шивирлашади. Кечки пайт соат еттида келаман, дейди кетаётуб, ваъдасига биноан роппа-роса еттида келади. Бу сафар, боя ўзини Гильермо, деб таниширган Кемшик югуриб боради-да, қўрқмасдан эшикни очади. Оёқ оғриғим тўхтамади, шекилли, деб ўйлади Викторино. У аспириин ичиб, Газельканинг симкаравотига чўзилганча йигирма

дақиқагина мизғиб олди. Кемшик, унга ўрнидан туриб, эшик олдигача боришига кўмаклашади. Викторино Крисанто Гуанчеснинг билагига таяниб кўчага чиқади. Газелька унинг ортидан маъюсгина жилмайиб хайрлашиб қолади – бу мезбонлик саховатининг энг сўнгги далолати эди. Шундоққина йўлак четида Ла-Ринконадан олиб кетилган яшил “олдсмобиль” силкиниб турарди. Унинг собиқ эгаси, афтидан, пойга ишқивози бўлса керак, машина ўриндиғида отчопарда бўлиб ўтадиган пойга дастурлари-юғолиб отларнинг суратлари палпис сочилиб ётарди. Викторино бир қараашдаёқ рулда ўтирган йигитни таниди – Крисанто Гуанчес бир сафар уни мақтаб осмонга олиб чиққани ҳалиям эсида. Унинг фамилияси ё инглизча, ё тринидадча, қанақадир Робинсон ёки Мэдисон эди – Викторино ҳозир эслолмайди. Ҳайдовчининг ёнида савлат тўкиб ўтирган Карениньо Викторино билан сойкага¹ ўхшатиб ҳуштак чалганча саломлашади. Викторино ўзини орқа ўриндиққа ташлайди, тиззаси коронгида бутунлай кўринмаётган одамнинг тиззасига урилиб кетади. Уни овозидан танийди. Бу Попик, унга ҳар сафар босқинчиликка боришдан олдин астойдил чўқиниб олиши ва “ови бароридан келиши”ни худодан сўрашни канда қилмагани учун шундай ном қўйиб олишганди. Бир марта “Жаннат”да уларнинг ораси бузилиб, иш пичоқбозликка бориб етганди. Ўшанда ихтилоф тўшакда ким чидамлироқ, деган бетайн баҳсадан чиққанди. Попик менга етадигани ҳали онасидан туғилмаган, деб кариллаганди. “Сурункасига етти марта!” – дея бўкирганди у. Яхшиси, ўша кунги ўтиришни эсламаслик лозим, икковиям ғирт маст эди. Улар пичноққа ёпишганда Крисанто Гуанчес ораларига тушиб ажратиб қўйди. Бир ойгача гаплашмай юришди, Крисанто Гуанчес яраштириб қўйди, оқибат мана ҳозир, Попик унинг ёнида ўтирибди. Попик ўртоқчилик қилиб Викторинога қуролини узатади. Бу полиция аслаҳаонасига тегишли қувури узун наган эди. Викторино унинг темир лўқидонини пайпаслаб кўрди. Крисанто Гуанчес тиззалари орасида автоматни қисиб ўтиради. Сени-чи, Карениньо, ниманг бор? Карениньонинг чўнтагида энг охирги русумдаги Бельгия тўппончаси бор. Сенда-чи, Попик? 38-калибрли янги колт. Қайиққа тушганларнинг ҳаммаси эшкаклар билан таъминлаган, жуда яхши, дейди Крисанто Гуанчес охирида ҳазил аралаш, “олдсмобиль” айни пайтда Про Патрия ноҳиясидаги камбағаллар истиқомат қиласидан ғарип мавзени ортда қолдириб, куёшда қовжираб ётган тепалик ёнбағридан ўтиб, хаш-паш дегунча Сан-Мартин туманига кириб боради ва Эл-Параисонинг соя-салқин кўчаларида Пуэнте Йеррода кетаётган машиналар оқимиға қўшилиб олади. Қарама-қарши томондан келаётган машина чироқлари ва рекламаларнинг шуъласи “олдсмобиль”ни бошдан-оёқ ёритар, бироқ хайриятки, бунақа автомобиль шубҳа-гумон туғдирмас, қолаверса, ундаги йўловчиларни ҳам айблашга баҳона топилмас – худога шукурки, куёвжўраларга ўхшаб башанг кийиниб олишган, ҳатто улардан афзалроқ кўринишарди. Викторино Крисанто билан Попикнинг ўртасида ўтиради. Машина тўғри Шарқий туман сари елдек кетиб борарди.

Бўнақа лашкарни кўриб, Бланкита, жуда ийрик шига кетаяпмиз, дея ўйлашдан ўзга иложинг йўқ, лекин қаёққа борамиз ҳозир, деб сўрамадим барибир, Бланкита, кўрайлик-чи, бу ёги нима бўларкан!

¹ Сойка – олачипор ўрмон қуши.

Кирғийбурун бир киши заргарлик дўконини ёпиш тараддудида эди; ёнида бамисли ибодатга тайёргарлик кўраётган рухоний каби гумаштаси ўралашиб юарди. Викторино билан Крисанто Гуанчес беркиниб турган еларидан отилиб чиқди. Тўхтанглар! Викторино оқсоқланмаяпти, энди умрбод оқсоқланмаса керак. У ўнг қўли билан заргарлик дўкони эгасининг ҳиқилдоғидан шартта ушлаб, шиддат билан турли-туман соатлар намойиш этиб қўйилган ойнали расталар томонга итариб юборади. Крисанто Гуанчеснинг автоматини кўриб эсхонаси чиқиб кетган гумаштанинг тили калимага келмайди. Попик фурсатни бой бермай кассага югуради. Карениньо раста ойнасини тўппонча дастаси билан уриб-уриб синдиради-да, қўлинини ичкарига тиқади ва бирин-сирин худо етказган тилла узук ва марварид-маржонларни ҳовуч-ҳовуч олиб жомадонга сола бошлайди. Викторинонинг револьвери заргарлик хўжайинини оргта ти-сарилиб дўкон ичкарисига қайтиб киришга мажбур қиласди. Бошқа пуллар қаерда? Крисанто Гуанчес гумаштани қолдириб, у ҳам дўкон эгасини сўроққа тутади. Гапир жонингдан умидинг бўлса! У жавоб қайтармайди. Қани қолган пуллар, тўнғиз! Викторино унинг бошига тўппонча билан уради, унинг сарғиш, кал бошидан қон сизиб чиқади. Крисанто Гуанчес автомат қувуруни унинг қовурғаси остига нуқиб кўзлари шокосасидан чиққудек бўлиб шундай қарайдики, унга азбаройи капалаги учган қирғийбурун киши беихтиёр чордоқ эшиги томонга ишора қиласди. Улар қирғийбуруннинг ортидан тепага чиқишади, Крисанто Гуанчес автомати билан дам-бадам унинг катак гулли кетига туртади. Дўконнинг йирик даромади катта қора чарм портфелда, қора чарм портфель эса ёзув столи кутисига солиб қулфлаб қўйилар экан, ана шу столни очаётганда заргар шунақаям сиқилиб кетадики, қорнига пичноқ тортишапти, дейсан. Крисанто Гуанчес шунча пулни йиғишириб олиш, заргарнинг қўл-оёғини худди почта идорасида жўнатилаётган юкни чандиб боғлагандек икки дақиқада боғлаб ташлаш ва оғзига латта тиқиб қўйиш учун автоматини полга улоқтиради. Қирғийбурун Аввакум ёзув столининг оёқлари остида ётибди-ю кўзлари башорат қилаётган пайғамбарнинг кўзлари каби ёнади, “Худо ўзининг фариштасини юборди ва улар шерларнинг оғзини ёпди, улар менга шикаст етказа олмадилар”. Орадан саноқли дақиқалар ўтиб, улар пастга тушадилар, Крисанто Гуанчеснинг қўлида автомат, Викторино қора чарм портфелни йўргакланган чақалоқдек кўтариб олган. Пастда эса гумашта мўмиёланган фиръавннинг худди ўзига ўхшаб турибди. Попик ўз ишининг устаси эканлигининг далолати: тўпифидан камида юз мартача ўраб чиқсан, “*ессе homo*¹” кўллари қорни устида қовушиб турибди, ҳатто даҳани билан оғзи зич, қават-қават боғланган. Карениньо аллақачон жомадонни бор зебу зийнатлар билан тўлдирган. Биринчи бўлиб Викторино чиқади, кетидан Карениньо, учинчи бўлиб Попик, намойиш охирида Крисанто Гуанчес боради. Йўлак четида “олдсмобиль” силтаниб туради. Улар олдинма-кетин машинага ўтиргач, Мэдисон уйқули кўзларини, сўнг кафти билан иккала юзини гўё караҳт мудроқлиқдан халос бўлмоқчилик ишқаб, руль чамбарагига ёпишади. Олдинда жимжит ва хувиллаган кўча чўзилиб кетган, ҳеч зоғ кўринмас, ёлғиз қарама-қарши томондаги қатор дўконлар олдида қўхлик аёл билан семиз эркак ойналар орқали бир нималарни томоша қилиб турешарди.

¹ Понтий Пилатнинг “*ессе homo*”, деган сўзлари Исо пайғамбарга нисбатан айтилган бўлиб, бу ўринда: “Мана бу одамни”, дейилмоқчи (*пот.*).

Ёмон бўлмади ишимиз, Попик, нима дединг? Ўттиз мингга яқин бўлса керак-а, Викторино?! Тақсимлаб, улушимни олгач, хаммасини жонон-жонон қизларга атаганим бўлсин, дейди Карениньо ва жомадоннинг силлиқ ёnlарини силаб қўяди. Мен бўлсан кампиримга уй олиб бераман, дейди риёкорона оҳангда Попик минғирлаб. Ҳамма пулимни “Қора ёрлик” вискиси билан қизларга тикаман, дея таъкидлайди Карениньо. Бошқалар кўнгилдаги ниятларини пинҳон тутишади.

Мен вақтинчалик Колумбияга сурман, Бланкита; бу итдан тарқаган полициячилар мени ушлаб олишиша, Бланкита, шўрим қуриди деявер, уларни яхши биламан, шунинг учун Колумбияга кетмоқчиман; эсиз, сен яраланган ҳолда касалхонада ётибсан, бўлмаса, сени ўзим билан олиб кетардим, Бланкита, Санта Марияда бирга яшардик, кумбияга рақс тушардик, Бланкита, эҳ, роса зўр бўларди-да.

Викторино оҳиста Крисанто Гуанчеснинг белига, тўғрисини айтганда, Крисанто Гуанчеснинг мурдасига сирғалиб тушаётган автоматни ушлаб қолди. Ўқ унинг орқа миясини ўпириб юборган эди. Бунақаси камдан-кам бўлади, бунақа ўқлар адашган бандалар гуноҳларини ювиши учун эмас, балки калима қайтаришга имкон бермаслик учун хизмат қиласи. Викторино автомат кўндоғи билан уриб машинанинг орқа ойнасини чил-чил синдиради ва четлари қиррали ёриқдан тариллатиб ота бошлади.

Операцияни ипидан игнасигача ўйлаб уюштиришган, бунинг устига хамирдан қил суғургандек бажаришган бўлса – ким ўйлабди бунақа бўлишини? Бешта тугул элликта полициячи ўраб оладио аъзойи баданингни илма-тешик қилиб ташламоқчидек ўқ ёғдиради, деб кимнинг хаёлига келибди, дейсиз?! Қопқонга тушган қаламушдан баттарроқ вазиятда қолишгани етмагандай, тор, бунинг устига боши берк кўчага кириб қолишибди. Бу омонсиз қирғиндан ҳеч ким соғ чиқмайди, факат кичкина кора жомадонни кўксига босиб томма-том қочган Карениньо омон қолиши мумкин. Лекин бунга ҳам кафолат йўқ, агар тирик қолса, бу унинг бахти!

Заргарлик дўкони ҳам, Сабана Грандедаги кўнгилочар исловотхоналар ҳам, одам гавжум Венесуэла майдонию Рузвельт шоҳқўчасидаги қийқириқтимайдиган стадионлар ҳаманча орқада қолди. “Олдсмобиль” Марказий қабристон деворлари ёқалаб шамолдек елиб борар, ҳозир хайрлашиб, эрталаб яна учрашишга ваъдалашиб тарқаладиган маконларига яқинлашиб қолишибди. Ўлжани Тарпей қоясида бўлишамиз, сўнг Қора Клотильданинг ранчосида бир эмас, иккита шишани бўшшатамиз – майшат майшатдай бўлсин, тўғрими – нима дединг; сен, Попик, ҳар доимгидек у билан бирга қоларсан-а кейин, деди Крисанто Гуанчес. Қора Клотильда табиатига хос учта иллат: очкўзлик, ҳузурпастлик ва ўткир ромга ишқибозлик каби балойиазимга мубтало бўлганидан ҳам бетоқат бўлиб, ҳам бесабрлик билан уларни кутарди.

Рұҳан умидсизликка тушган Викторино қошлирини чимириб, тишини-тишига босганча тинмай ўқ узар – нақ қўлида автомат қўтарган Довуднинг (Бернини асари) ўзгинаси. Қўлидаги автомати французларнинг “гочкисс”ига ўхшаган бўлиб, учқун сочганча ўзининг вазифасини сидқидилдан бажармоқда эди. Викторино бир қоп тошдан оғир Крисанто Гуанчеснинг мурдасини тирсаги билан туртиб юборишга мажбур

бўлди, чунки унинг жасади оғирлигидан ташқари, ҳаммаёғини қонга белаб, колаверса, автоматдан гир айлантириб отишга халақит берарди. Попик ўқтин-ўқтин машинанинг очиқ эшиги орқали тўппончадан ўқ узарди. Мэдисонни тилга олмаса ҳам бўлади – жанг бошланиши биланоқ отилган ўқлардан бири бўйнига теккан, чамбаракни қучоқлаганча хириллаб ётарди.

Ҳаммасига аслида Мэдисон айбдор, ким ўйлабди бунақа бўлади, деб. Бунақа ишларда пиҳи қайрагиб кетган Мэдисон мулоҳазакорлиги билан пойтахтнинг жиноят дунёсида ўзига яраша обру топган-ку, агар машина билан битадиган иш бўлса, қойилмақом қилиб бажаришига кафолат берадиганларнинг сони мингта. Бугун эса аксига олиб Мэдисонни таниб бўлмайди, у саросимада, нима қилишни, қаерга қочишни билмай гаранг, оқибат, ҳеч кимнинг хаёлига келмайдиган вазият юз берди. Қаранг, аксига олиб, улар Лос Росалесдан қайтиб келаётган назоратчи патруль машиналарини учратиб қолди, шаҳар кўчаларида бошини қаерга уришини билмай эринчоқлик билан айланиб юрган беозоргина радиопатруллар, башарти Мэдисон бирдан хол қўймаганида, заррача аҳамият бермаган бўларди, йўқ, аксинча, у бирдан кескин равища газни босди, машина биринчи чорраҳадаёқ чийиллаб чапга бурилди ва қизил чироқдан йўл харакатини бузиб ўқдек ўтиб кетди.

Бечора Мэдисон гарданидан ўқ еганча жон аччиғида хирилларди; оғзидан келаётган қоп-қора қон руль чамбарагини қирмизи ранга бўяган, тобора хушини йўқотиб бораарди. Бошқаларнинг рухсати билан Карениньо ўлжани олиб қочди – кўроғошин ёмғирдек ёғиб турган бўлса, кутулиш, ўлимга чап беришнинг ўзи бўладими. Крисанто Гуанчеснинг сўнгги сўзлари унга нажот бағишилади гўё: “Сен, Карениньо, оёғингни қўлингга олгин-да, қоч бу ердан, жомадон билан қофозларни ол, ҳов анови эшикка ур ўзингни, ўшанақаси томга чиқиб қоч, кейин кўришамиз, кани энди қуён!..” Худди ана шу он дайди ўқ унинг энсасидан юқоририққа келиб тегди. Карениньо бир зумда, ҳозиргина дунёдан кўз юмган бошлигининг буйруғига биноан, тўрт марта ўққа чап бериб, ўша эшикдан ичкарига кириб ғойиб бўлди ва айни чоқда том ошиб юрибди. Уни фақат илоҳий тақдир ўлимдан сақлаб колишга қодир, неғаки бутун мавзе довюрак полициячилар билан қуршаб олинган.

Мэдисон йўл қоидасига тупурдим, кабилида қизил чироқда ўтиб кетгани туфайли патруль бир ёмон нарсани сезгандек уларни таъқиб эта бошлади: аввалига истар-истамас, шунчаки тартиби сақлаш мақсадида бўлса, бироқ зум ўтмай Мэдисон газни янаям ошираётганини кўриб тезликни у ҳам оширди. Қаёққа юраяпсан, тўнк? Ўнгга бур рулни, галварс! Бироқ Мэдисон Викторино билан Крисанто Гуанчеснинг қичқириғини эшитмас, мақташган Мэдисондан ному нишон қолмаганди. Патруль ҳам аксига олиб ишга жиддий киришиб уларнинг ортидан соатига юз километр тезликда чийиллаб, сиренани ёқиб қўйганча яна огоҳлантириб ўқ узди. Мэдисонга нима бўлди ўзи?

Мана у, оғир ярадор, балки жон бергандир ҳам. У инграш тугул қимир этмайди, бечора Мэдисон, ҳаммасига ўзи айбдор. Попикнинг ғазаб билан бўғилгудек овози эшитилади: “Ўқ тугабди, ҳах, итваччалар...” Бир зум ўтмай ёки кейинги лаҳзада калласига келганини қилади: машина эшигини очиб ташқарига ўзини отади. Полиция машинасининг фаралари асфалът кўчада эмаклаганча: “Таслим бўлдим! Таслим-

ман! Ўлдирманг!” – деб қичқираётган одамни бошидан-оёқ ёритади. У ийглашга тушади. Викторино машинада бир ўзи қолади. Крисанто Гуанчес ўлди. Мэдисон ҳам ўлди. Викторино автоматдан тариллатиб отади, битта ўзи қолган, бутунлай.

Патруль сиренани чийиллатиб, огоҳлантирувчи чирокни ёқиб, радио орқали қўшимча ёрдам сўрайди – вахима кўтаради азбаройи ёрдам беришсин, деб. “Олдсмобиль” полиция машинасидан учкурроқ экан, таъқиб этаётгандардан кутулиб чиқишига ва изини йўқотишга муваффак бўлди. Мэдисон ўзини тутиб олди, у энди машинани яна Фанхио¹ сингари бошқарар, бинобарин у яна ўша кўча-кўйда донғи кетган Мэдисонга айланган эди. Попик полициячилар томон отиб тўппончанинг ғаладонида қолган икки ўқдан ҳам қутулди, бу билан уларни эсингизни йиғиб олинг, дея инсофга чакиради гўё. Викторинонинг кўнглида эртага яшаш умиди яна учқунланди ва алнга ола бошлади, аммо-лекин яна бирмунча вақт Колумбияни зиёрат қилиб келмаса бўлмаслиги ҳақидаги фикр уйғонди. Карениньо, ҳарқалай, жонон қизларга пул сарфласанг арзиди, деб хаёлидан ўтказди.

Попик ҳалиям таслим бўлдим, дея дод солганча эмаклашдан тўхтамасди, бироқ бирор унга аҳамият берай демасди. Викторино ўқларнинг чийиллаши ва машинанинг темирдан ишланган ерларига урилиб чирсиллашига кўникли. Негалигини билмаса-да, у автомататини қўлдан қўймасди. Бланкита зим-зиё тунда ухломай қийналади, Бланкита касалхонанинг каравотида ухломайди. Онаси ҳам мижжа қоқмайди бу тун. Кулоғига узок-узокдаги отишма товуши, жон беролмай қийналётгандарнинг оҳ-зорлари эшишилади, уларга чинданам эшишилаётгандек туюлади. Викторино Крисанто Гуанчесни илк бор учратган ва умрбод дўстлашиб қолган ўша зовурдаги кўпrik остидан келаяпти, эсингдами, Крисанто, акагинам? Дон Руперто тўтисининг овози ўқлар чийиллаши, полициячиларнинг сўқингани ва ларзага келган тун қоронғилиги узра янграйди. “Саломат бўл, ўлакса!” – дея қийқиргани эшишилади.

Мэдисоннинг шуурини иблисона хаёллар, ёвуз жодулар эгаллади, бошқа гап йўқ. Патруль машинасининг фаралари ортларида хира шульла сочиб ёнарди, энди полиция таъқиб этмай кўйди. “Орқада қолишиди, итваччалар!” – дейишга улгурди Мэдисон товушдан тез учиб келаётган машинани бирдан мана шу кўройдин, охири берк, даҳмага ўхшаган машъум кўчанинг комига бураб экан. Нафас чиқаришга улгуришмади, чийиллаган тормоз қочиб юришларига барҳам берди, уларнинг машинаси – жуда катта тезликда келаётган “олдсмобиль” метин деворга қарсиллаб урилди. Жиноий қидирув бўлими, полиция бошқармаси, шаҳар полицияси, миллӣ гвардия, армия – республиканинг барча куролли кучлари бу тенгсиз ва шафқатсиз жангга ташланган эди. Крисанто Гуанчес, Мэдисонлар жон таслим қилишиди, Попик дод солиб кўз ёшларини тўккани билан бирор унинг ўтичку илтижоларига қулоқ солмаяпти, Викторино телбаларча, эсини йўқотган одамдек патронлари тугаган куруқ автомат тепкисини босгани-босган. Мана шу ўқ ёмфири аро, симёғочга ўрнатилган карнайдан тоқат қилиб бўлмайдиган, мунгли кўшик баралла янграйди: “Ойга ишқибоз бўпти, эси паст бука”.

Мен сенга бир нарсани айтмоқчи эдим, Бланкита...

¹ Фанхио – 50–60-йиллардаги аргентиналик машҳур автопойгачи, беш карра жаҳон чемпиони.

ВИКТОРИНО ПЕРАЛЬТА

1

Мана ўша – буни инкор қилсин-чи бирор – беназир тойчоқ, Нептун минган жанговар арава, бугун ким бундан гумонсирашга ботинади? – Викторино ҳәётининг энг баҳти оллари, умридаги энг қутлуғ айёмнинг масъуд дамлари. Викторино Рамунчонинг уйидан эллик метрча наридағи тор күчада машинани охиста тұхтатди ва яна бир бошдан бошқарув тахтачасига ўрнатылған күрсаткічларни, никоҳ куни келиннинг күркам либоси ва авратини яширган ички кийимини ечиб йигитлик нафси ва қизиқиши билан тикилған күёвдек, күздан кечира бошлайди. Тугма-міхлар, дастаклар, ёқиб-ўчиригічлар, күрсаткічларнинг сезгір миллари, йилтироқ темир гардишли думалоқ ойналар силлиқ жило берилған тахтада нафис санъат асари сингари яхлит манзара хосил қиласады. 1) *Тахометр.* 2) *Амперметр.* 3) *Спидометр.* 4) *Подфарникларни үчириб ёқадиган тұгмача.*

Оила аъзоларидан биронтаси оталари, мұхандис Архимиро Перальта Эредия дили кетиб Викторино ўн түрт ойдан буён дам ялиниб-ёлвориб, дам қатый сүраб юрган мана шу муҳташам “Мазерати”ни олиб беради, деб ўйламаган эди. Оила аъзоларидан биронтаси, Викторино ниятига эришиш йўлида ўта устомонлик қилгани, ялтоқланғанлари, турли ҳийла-найранглар ўйлаб топгани, ҳаттоки бу соҳада янги усуллар кашф қилгани ва шу билан бирга оилада ягона меросхўр – унинг, бир-биридан заҳил, касалманд учта синглиси бор эди – эканлигини ҳам рўкач қилганини билмас эди. 5) *Ҳавони ҳайдаб берувчи карбюратор қонқогини очадиган тутқич.* 6) *Ёнилги миқдорининг күрсаткичи.* 7) *Фараларни үчириб-ёқувчи.* 8) *Автомашина капотини очиб-ёши зулфини.*

Архимиро Перальта Эредиянинг асл нияти нималигини, қолаверса, нима мақсадда Викторинонинг сурбетларча суллоҳлигига ён бериб шундай қимматбаҳо машинани олиб берганига ҳеч кимнинг ақли бовар қилмасди. Мұхандис кўнглига олиб бериш фикри тушдими, бўлди, машинанинг нархи, беҳад қимматлигига қараб ўтирумади, отаси Архимиро Перальта Даҳомей, Перальталар авлодидан чиқсан латифундист ва Даҳомей наслининг сармоядор давомчиси, ҳар бир квадрат метрини уч юз доллардан тўлаб шаҳар қурилиши учун сотиб олишган ер-мулкининг, корамол қўтонларининг ҳамда йил сайин нархи ошиб бораётган акция қофозларининг эгаси на худоси, на шайтони билан маслаҳатлашиб ўтирумади. Шоҳ Мидас бизнинг Викторинонинг буваси олдида оддийгина тиллафуруш бўлиб кўринарди, холос. 9) *Ойна тозалагич тутқичи.* 10) *Қўшалоқ спидометр.* 11) *Радиоантенна тұгмаси.* 12) *Ҳайдовчининг тиззаси остида жойлашган шамолпаррак дастаги.* Викторинонинг отаси инженер Архимиро Перальта Эредия ҳеч қачон яна битта банк паттасига қўл қўйишдан қайтмаган – ўйлаб ўтиришни ўзига ор деб биларди – уни кўпроқ бриж ўйнаб юрадиган шерикларининг эсингни еб қўйдингми, Архимиро, ҳали ўн саккизга чиқмаган ёш болага ким “Мазерати” олиб беради, қаердан кеп қолди бунақа бемаъни фикр каллангга... икки чиллик,” деган насиҳатлари тийиб турған бўлса керак... 13) *Иситии мосламаси (ўзи жазирама иссиқ минтақада яшасак, иси-*

тишига бало борми?). 14) Кўл тормози. 15) Ўнг тарафида учига қизил думалоқ тутқич ўрнатилган мурват – радиоэшиштиришилар учун. 16) Соат, табиийки, Швейцарияда ишлаб чиқарилган. 17) Қуввати зўр, немислар ишлаган радиоприёмник. 18) Айнан бриллиант тақинчоқлар қутисига ўҳшаган қўлқон соладиган қутича.

Викторинонинг ғалабасида Онажоннинг ҳиссаси бебаҳо эди. Авваллари Онажон бир умр бунақа ишларга аралашмас, доим бетараф қоларди, бу сафар эса, аксинча, одатдагидек лимонли чой ичиб ўтиришганда, у дафъатан отасига юзланиб: “Архимиро, ўғлингнинг туғилган кунига “Мазерати” ҳадя қилсанг айни муддао бўлармиди”, – деб қолди.

Оч қулранг, кумуш ҳалли – мен ўшанақасини орзу қиласдим, уни ҳайдаганда (ўнг томонда, пастроқдаги спидометр 220 ни кўрсатарди) соатига икки юз йигирма километргача газ босиши мумкин. Қани, энди мен билан пойга ўйнанглар, ялоқхўрлар!

Шу бугун эрталабки Онажоннинг кўриниши таърифига тил ожизлик қиласди. У тўр жиякли тунги кўйлак либосига бурканганча гулгул очилиб Викторинонинг хонасига охиста солланиб кириб келди ва тўғри тепасига бориб манглайидан меҳр билан ўпиб қўйди-да, туғилган куни билан табриклади, баҳт тилади, сўнг назари илмагандек: “Ойнадан бир қарагин, ўғлим, отанг балофат ёшига етганинг шарафига нима совға қилганини кўрасан”, – деди. Гарчи Викторино отаси нима тайёрлаб қўйганини олдинроқ эшитган, шу сабабли билса ҳам (тринидадлик хайдовчиларининг сабри чидамай унга айтиб қўйганди), дарвозахонадан берироқдаги пальма остида манаман деб ярақлаб турган, яна асосийси, ўзи орзу қилганидек оч қулранг кумуш ҳалли автомобилга қўзи тушиб, қувонганидан бўкириб юборди.

Албатта, қалин дўсти, шерюрак Рамунчо биринчи бўлиб ўтиришга, унинг ёнида ўтириб, “Мазерати”да “катаиса” қилишга маънавий ҳаққи бор. Италия автомобиль саноатининг фахри, тумшуғига уч айрили қизил нишон босилган бунақа тойчоқ Колумбияда ҳеч кимда йўқ; ягона унда бор – баҳт эмасми бу?! “Мазерати”ни кўриб боши кўкка етиб ми-яси ғовлаб кетган Рамунчо мовий чарм қопланган ўриндиқда ялпайиб ўтириб олади, поинтар-сойинтар гаплар, хитобларни сақичдай чайнашга тушади (*Яшасин, қойил, оламга татиидиган техника, Жеймс Бонднинг орзуси-ку! Бриксит Бардонинг сийнапўшидан ҳам, Суперменнинг ётинчигидан ҳам зўр, ҳали очилмаган фазо кемаси!*), кейин эса таҳтага ўрнатилган анжомларга черков ходимига ўхшаб энгашганча таъзим бажо келтиради, уларга бурни теккүдек бўлади. “Мазерати” катта кўчада диний байрам чоғида намойишчилар қанақа юрса, худди шундай викор билан ўзини кўз-кўз қилаётгандек секин юради, муюлишларда фиръавн филлари сингари дабдабаю асьаса билан шошилмасдан бурилади, кўриб оғзи очилиб қолган жонон қизларнинг ёнидан ғолибона ўтиб боради. Викторинонинг кутилмаган қаҳқаҳасидан маросимнинг дабдабали улуғворлигига путур етади. Рамунчо ўрин-ноўрин қулоқни тешиб юборгудек чинқириб кулганча унга жўр бўлади.

– Бедаволигини кўрдинг-а, анови чолнинг!

Уларни кулдираётган жасорат кечакурун Викторинонинг таваллуд айёми, ўн етти ёшга тўлгани муносабати билан ўтказилиб, тонгга қадар давом этган зиёфат чоғида рўй берганди. Викторинонинг одати,

кўрқоқлик ҳақида гап очишса (коллежда муаллима Енгилмас Гекторнинг Ахилл найзасига дучор бўлгандан кўра ҳуркак оху сингари қочишни лозим топгани ҳақида гапириб бергани туфайли, ўша бемаза китобни ўқишига мажбур қилишолмаганди), қачонки қўрқоқлик одамнинг руҳий таназзулга тушганидан дарак беради, лекин бу касаллик вақтинчалик, ўтиб кетади деб донолик қилишса, ёмон тутакиб кетарди. Отаси инженер Архимиро Перальта Эредия тушлиқдан кейин ўқимаган оила аъзолари олдидা ўзини гўё Бертран Рассель фаҳмлаб, қўрқув туйғуси ҳар қандай диний таълимотнинг биринчи ва асосий манбаи (ортиқ ҳам эмас, кам ҳам эмас, буни худо яратган), тарих ва уни ҳар жихатдан ҳаракатга келтирувчи куч, илмий тараққиётнинг бош омили, мавҳум санъатнинг илҳом чашмаси ва негизи, деганояни илгари суриси, уларнинг бошини қотираради. На ўнгида, на тушида қўрқув деб аталган васвасага бир марта ҳам дучор бўлмаган Викторино эса, буни ҳис қилолмас, омади гапни айтганда, умрбод бунга дучор бўлишни истамас эди. Тўғри, гоҳ-гоҳ у қўрқувнинг ўзини нимадан иборат – билгиси, оламга номаълум микробларни микроскопда катталаштириб қўришганидек, ўша қўрқувнинг ўзини қўргиси келар, уни кўпинча кўкарган башаралар, қотиб қолган, нурсиз кўзлар ва кимнингдир зуғуми ҳамда қутқусидан хосил бўлган титроқлардан изларди.

Рамунчо уни мотоциклига ўтқазиб кимсасиз, биттагина, у ҳам бўлса, хира чироқ ёниб турган кўчага олиб борди. Аллақандай телва-кезик бир киши тўғри буларнинг олдига кела бошлади. Бу одам маъс, қўнглидан ўтказди Рамунчо, эҳтимол, қарта-парта ўйнаб юрадиган киши-ю, бугун кечроқ қолиб кетганга ўхшайди – бола-чақали, диёнатли одам бунақа пайтда кўчада юрмайди. Йўловчининг қиёфаси пайпокдаги тешиклардан аниқ қўрингани заҳоти (қоронғилик бу ҳангомани аниқ-тиник қўришга халал берарди) Викторино яшириниб турган еридан отилиб чиқди-да, унинг кўксига залворли, отасининг ёзув столи тортмасида кераксиз тошдек ётаверганидан сиқилиб кетган “колът”ни тиради:

– Кўтар қўлингни, нобакор! Жонингдан умидинг бўлса!

Хотинларнинг қора пайпоғидаги бир жуфт тешикдан бу сўтакнинг қўрқувдан бўшашиб кетганини Викторино қўриб туарди: у аввал дир-дир титрай бошлади, негадир хиқиллаб йиғлашга тушди, қўлини кўтарай деса мажоли қолмаган, қўрққанидан иштонини хўллаб қўйди.

– Сенга айтаяпман, тентак чол! Кўрмаяпсанми, ўзингдан кўр! – деди Рамунчо қоронғилик қўйнидан бу томошани кузатиб туар экан.

Чолнинг қалтирашини қўрган Викторинонинг афти буришди, қўнгли айниб кетди, бу қўрқоқ ўтиниб ялина бошлаганда, башарасига тупургиси, кетига тепиб-тепиб юборгиси келди. “Ўтинаман, сенъорлар, мени ўлдирманг, бешта болам, иккита неварам бор, ўлдирманлар!..” Унинг кўзларидаги қўрқув қўришга арзимайди.

Уларга теккани терлаган қўллар ва исқирит чўйтакларда юраверганидан қорайиб кетган ислики кармон бўлди. Унинг ичида иккита йигирма боливарлик қоғоз пул ҳамда чолнинг оиласи билан тушган расм чиқди. Викторино мамнуният билан пулни Рамунчога берди, кармонни буталар орасига улоқтириди, фотосуратни эса эсадалик сифатида ўзига олиб қолди.

– Вой, башарасини қўрдингми?

“Мазерати” салобат билан икки қатор қилиб экилган хаби дарахтла-ри оралаб борар, Рамунчонинг қаҳқаҳаси саксофоннинг ўткир чийиллаши остида кўмилиб кетарди. “Ойга ишқибоз бўпти, эси паст буқа”, – дея кўшиқ оҳангি тараларди радио орқали.

Ўйин коидасига кўра, бир қанча фурсатга тириклар дунёсини тарк этиш лозим эди. Викторино бир ўзи ўйнайдиган бўлди – монастир коллежидаги паҳ-паҳлаб ўстирилган ойимчалар у ёқда турсин, кўни-қўшни болалардан биронтасининг у билан беллашишга юраги дов бермади. Ораларида ундан бошқа ҳеч кимнинг ўзини бунча пайт муздек, мовий лаҳадга дафн этишга, балиқ сингари шўнғиб сув остида сузишга, сувнинг қаттиқ қадалувчи босимига қарамай қўрқмасдан кўзини очиб қарашга чоғи келмади. У сув остида узоқ турди. Бирдан шалоплаб боши сув юзига чиққанда – оқ сариқ кокиллари пешонасига чиппа ёпишиб, кўзлари қонга тўлгандек қизариб, пир-пир учарди.

Тринидадлик ҳайдовчи Жонни боядан бери ҳовуз атрофида бирор кор-хол рўй бериб бирор чўкиб қолса, ёрдам қўлини чўзиш учун эмас – бунақа ёрдамни хоҳлашмасди ҳам, қабул қилишмасди ҳам – балки зинапоянинг тепасидан янграб қолиш эҳтимоли бўлган топшириқни етка-зиш учун ўралашиб юарди.

– Викторино, сенъора бўлди энди, деяптилар, чунки...

У Онажон нима дейиши мумкинлигини тахминан биларди. Бугун фаришта Глэдис таваллуд топган кун (Викторино шунаقا бемаъни, яна инглизча исмли фаришта мавжуд бўлиши мумкин эканига мутлақо ишонмас, лекин минг қилганда ҳам синглисининг туғилган куни – бориши керак эди), фаришта синглиси Глэдиснинг туғилган куни эдики, эсдан чиқариш, бормаслик одобдан эмасди. Глэдисдан кейин Бетти туғилди, сўнг Маргарет дунёга келди. Агар бувиси аралашмаса – тўнгич фарзандлари, қўчкордек ўғиллари исмини, яъни ўзини ҳам (дон Аделаида неварасининг таваллуд айёми тўғри келиб қолган жафокаш авлиёга назр-ниёз атаб қўйганди) аллақандай Ричард, Рикки дея аташлари муқаррар эди – нақадар даҳшат! Глэдис, Бетти, Маргарет, қанд кукунига беланган учта сўзанак, бошдан-оёғига қадар нафис дарпарда билан мовий тасмаларга – баъзан пушти, баъзан сарғиши рангга – бурканганча уззукун, кечқурун қўғирчоқларини бағриларига босиб, уввос солиб ухлаб қолмагунларича сўник, ҳазин оҳангдаям, кўтаринки авж пардаларда ҳам дийдиё қилиб ҳиқиллаб юришарди.

“Бугун Глэдиснинг туғилган куни бўлса, сен бир соатдан бери ҳавзадан келмайсан, шамоллаб, иш орттириб юрмагин яна, вақт бўлди, бор, кийимингни ўзгартириб ол, меҳмонлар келиб қолишади ҳозир...” Викторинони диккинафас, зерикарли ва бачкана оқшом кутарди. Глэдиснинг бир талай дугоналари – оппоқ туфлилар, этаги муслин бурма кўйлаклар, гард юқмаган топ-тоза фартуклар кийган қоратанли хизматкорлар – шоввоз ўт ўчирувчилар ва ипак пайпоқларга шайдо энагалари билан кўл ушлашиб кириб келишади. Люси деган ўртоғи ҳам, албатта, келади ва ниначиникидек нозик “ғунажин” унга зориқкан юрагидан огоҳ қилувчи ҳаданглар отади, унинг қанот боғлаган хўрсенишлари Викторинонинг кўнгил боғига сахархез қушлар сингари парвоз қилади, бу то Викторино унинг ёнига бориб, музқаймоқ билан сийлагунга

қадар давом этади, ана шунда Люси: “Раҳмат сенга, Викторино”, дейди беўхшов овозда, унинг бу миннатдорчилиги худди “сенисеваманжис-мужонимсеники” деганга ўхшаб чиқади. Бу кулгили туғилган кун италияликларнинг мижғов опералари ёки Уолт Диснейнинг юмалоқнина жониворчаларига ўхшайди.

Онажоннинг дугоналари – ёши улуғ меҳмонлар ҳам келишади, француз атияларининг таровати ҳамда тутуруқсиз романларининг ҳиди таралади. Онажоннинг дугоналари аллақандай узук-юлук ё шартли белгилар билан ё жумбоқли шевада сўзлашадилар: Анча бўлдими беркинганига? – дейди бири; Билган бўлсан тил тортмай ўлай шу ерда, – дейди иккинчиси; Бир куни кечкурунмиди, – дейди учинчиси; Қанақанги оила эди-я, – дейди тўртинчиси; Болалари-чи, – дейди бешинчиси; Кўрққанидан, ха, фақат қўрққанидан шунаقا бўлган, – дейди олтинчиси; Honni soit qui mal y pense¹, – дейди еттинчиси, Лондонда тарбия топгани. Бир куни кечки пайт мен уларни дўконда кўриб қолдим, тўхтаганим сабаби фуагра² қанча туради, деб сўрамоқчи эдим, нархи қутисида кўринарли қилиб ёзиб қўйилганди, у ёнимга келиб мен билан саломлашди, янглишмасам, душанба куни эди, ха, душанба, у эсида қолгани ўша куни Альфредо хизматдан чарчаб, рухи сўник келганди, энг ёмони ёмғир чеълаклаб куярди, – дейди саккизинчиси. Умуман олганда, важикари ватарихи, пиццекато. Мартини ичарсизлар балки? – дейди Онажон. Зиёфат давомида узлуксиз Люсининг ялинчоқ, зориқкан нигоҳларига чидаб ўтириш жуда қийин эди, Викторинонинг пешонасида марジョン-марジョン тер пайдо бўлди ва у ўзининг “Сент-Онорэ” тортига айланиб қолаётганини хис қилди. Унинг бу аҳволидан норозилиги – остида ҳалқасимон тўғралган ананас бўлаклари, пўртахол парчалари, Галипана қулупнайи сузиб юрган мексиканинг кумушидан ишланган баҳайбат шарбат идишига ўз пешобини аралаштириб қўйишдан бошланди (буйракларининг шўртангина маҳсули аралаштирилган шарбатнинг таъми янада латиф бўлиши табиий, қизлар, деб ўйлади у ва лабларини чапиллатиб ичишлигини тасаввур қилиб кўрди). Нафратининг иккинчи пардасида ясантусанни қотирган иккита занжи энагаларнинг ялтироқ сумкасига солиб қўйилган бир жуфт бақалар унга яқиндан кўмак берди, териси ғиж-ғиж сўгал бақалар озодлик қасдида сумкадан сакраб чиқишганда африкача оҳангда чинкириб юборишганини кўриб Викторино қотиб-қотиб кулади. Аммо кўп ўтмай буларнинг бари жонига тегиб, у аранг кийган, онаси совға қилган баҳмал камзулда уйни хомуш айланиб кезиб чиқа бошлади, дарҳақиқат, бу бачкана камзул бўлғуси фазогирга ярашмайдиган камзул эди.

Чироқлар порлади, Викторино манго ва лимон бутазорлари орасига яшириниб олди. Табиат бағридаги эмин-эркинлик қўнглига чинакамига дохиёна фикр солди. Унинг қаршисида деразасига қат-қат парда осилган хонада совға-саломлар бор эди. Бир қўл мана шу хонага суқулиб киради ва ёмғир ёғаётгандек, софага, дарпарда ва гиламга бензин пуркаб сепади. Кейин худди ана шу кўллари билан тарвақайлаган шохлари деворга тақалган пўртахол дарахтига чиқиб гугурт чақиб, дераза кўзидан ичкарига отади. Ўт-олов, маълумки, материядаги барча ўзгаришларнинг

¹ “Ким бу ҳақда ёмон хаёлга борса, ўзи уялиб қолади” – француз мақоли, инглизларнинг Подвяски жамоаси шиори.

² Фуагра – Foie gras – ғоз жигаридан тайёрланган паштет (франц.).

бирламчи (Гераклит бўйича) омилидир, унинг биланглаб ўйнаётган алангалари ипак софани қамраб олади, ўт-олов муқаддас рух рамзидир, пировардида, унинг мудҳиш алангаси совгалар ўраб қўйилган чойшабга ҳам етиб келади. Совгалар ўраладиган қоғозлар эса ёмон ёнмайди.

Глэдиснинг муборак айёми гўё Қадимий Аҳд саҳифаларига айланди. Иегованинг жазоловчи ғазаби саросима уругини сочди, ўтакаси ёрилган бир талай нозанин қизлар қий-чув кўтарганча патиога қараб югуришиди; уларнинг ортидан каркидонлар сингари ҳарсиллаб ва тўпиллатиб чопганча занжи энагалари чиқиб келишди. Эпчил ва уддабурро Жон бир зумда хизматкорлардан ўт ўчирувчилар командаси тузди, улар бўш челакларни кўтариб ҳовуз тарафга югуриб бориб, челакларини сувга ботириб илондек буралиб ўйнаётган аланганинг тилига келтириб сепишар, йўлда жоникиб, нафаслари бўғизларига тиқилиб: “Эй худойим-ей”, деб қўйишарди. Кимдир ўт ўчирувчилар маҳкамасига қўнғироқ қилди ва кўп ўтмай яrim кечаси худди кинолардагидек қўнғироқлар садоси қоронғи тун қўйинини тутиб кетди. Бирон ерига шикаст етмаган, соғсаломат Глэдис, Бетти ҳамда Маргаретлар гаражда, темир-терсаклар ва автомобиль покришклари орасида хўнг-хўнг йиғлашарди. Помпеянинг сўнгти кунларини нимаси биландир эслатаётган манзаранинг марказида нафаси тиқилиб, энтикиб, гангиб қолган маъбуда, рангпар Медея сингари Онажон пайдо бўлади ва ўғлига қилмиши учун чексиз кувонч ва ифтихор бахш этувчи ҳаяжон ичида қичқиради:

– Викторино! Викторино қани?

Нуридийдасининг шу ердалигини пайқаганда ҳар томонга тўзиган қушлар сингари осойишталик ва ҳаловат яна Онажон борлиғига қайтиб келади. Табассум чехрасига баҳор тароватини баҳш этади гўё. Ҳарбий ҳаракатлар чоғидаги Наполеонга муносиб амру фармонлар янгради ва беш дақика ўтар-ўтмас уйда тинчлик, тартиб тикланди.

2

Ҳар қандай аёл, у қанақа бўлишидан қатъи назар – айни гул-гул очилган соҳибжамол бўладими, оппоқ нилуфар каби маъсума ёки кўхликкина, хуснига нон ботириб егулик ёки настарин гулининг тароватини ўғирлаган бева бўладими, фарки йўқ – Викторинонинг отаси Архимиро Перальта Эредиянинг эътиборига тушса, бас, у бамисли а-ля Чаттерлей хонимга дуч келгандек ҳеч нарсадан юзхотир қилмай, уни ўша заҳоти, бир амаллаб илинтириш пайига тушади. Викторино қараб туриб ажабланар, нима учун шундай нозанин қиз-жуvonларнинг эрларими, ака-укаларими ёки ошиқу бекарор бўлиб юрганлар отасини инсоф юзасидан огоҳлантириб қўйишга ҳаракат ҳам қилмасликлари ёки қулоқ чаккасига тарсаки туширмасликларига сира тушунолмас эди. Онажон эса бу осий банданинг риёкорона ҳийла-найрангларига учиб чарчамасди.

– Вой, Онажоним-эй (у онаси билан бемалол шунақа оҳангда гаплашар, зеро, бунақа муомала ёлғиз унга йўл қўйиларди), бизни ёшимизда rashк қилиш одоб ҳисобланади; қирқ бешга чиқибсиз-у, ўқувчи қиздан фарқингиз йўқ; наҳотки сиз ҳурмат, эътиборни бошқача тушунсангиз... – Шундай сухбатдан кейин эрталабоқ Онажонга номаълум бир

жанобдан орхидея келар ва у гулларни мамнуният билан қабул қилиб оларди; ўз ташаккурини изхор этаётганда эса, маъюсгина кулимсираб қўярди, чунки у қирқ беш яшар эмас, қирқ саккиз ёш.

Викторино спорт кийимларини кийиб олиш учун ечинади, кийиниши хонасидаги ўриндиқда ўтириб оёғидаги тирноқларни хомушгина кўздан кечиради ва хаёлан отасидан ўпкалайди. Хотинбоз, яна қанақаси, учиға чикқани, деб ўйладиди у. Ўнг оёғининг бошмалдоғидаги тирноғи уни ташвишга соларди: туғилганидан бери ўсмаган – жимитдеккина – лекин эти орасига ўсади – доктор Шоллнинг дори-дармонлари ҳам кор қилмаяпти шу майиб-мажруҳ бармоғига, олчанинг данагига монанд, боши думалоқ руҳоний ёки банкирга ўхшаш, лекин қолган узун-узун, текис, бежирим, худди бир даста сарсабилга ўхшаган тўққизта бармоғига сира ўхшамайди. Викторино ух тортиб қўяди ва кўнгилсиз хаёлларини бир чеккага суриб, тез-тез кийина бошлайди.

Мовий свитеридан кейин оппоқ жун пайғонини, сўнг спорт пойабзалини кийгач, боксчиларга ўхшаб енгилгина юргурганча спорт залидаги тахта супага қўтарилади. Мураббийи Луи Бретон унга одатдагидек елкаси оша “*bonjour*”, деб қўйиш учун бажараётган машқини тўхтатади. Луи Бретон қачонлардир “пашша” оғирлигига Жазоир чемпиони – буни исботлаш учун далил сифатида у газетадан қирқиб олинган парчани чўнтағига олиб юрарди – бўлган эди. Бироқ вақти келиб Лотин Америкаси ошхонаси унинг семириб кетишига йўл очиб берди; яқинни яхши кўрсатадиган кўз ойнаги чақчайган кўзларидағи ифодани бироз юмшатар, олдидаги иккита тишига қопланган платина унинг табассумига жилва бағишиларди.

Рамунчо, Эсекель ҳамда Уильям – Викторинонинг уч нафар дўсти аллақачон каноп қопланган гиламда чалқанча ётганча оёқ-қўлларини букиб, узатиб Луи Бретон бошчилигига, унинг буйруғига итоат этиб бир маромда ҳаракат қилиш билан машғулотни бошлаб юборишган эди. “Қўллар бошингиз ортида, оёқлар узатилган, қани, болалар, кўтARING, энди эса елкангизни ўнгга, чапга буриб, тез-тез биргаликда, ғайрат билан, ўтириб оёқ учини ушлашга ҳаракат қиласиз: бўшашиб йўқ, Эсекель, сариёғ эмассан-ку”, бу кўрсатмалар унинг оғзидан худди эркалаган, аста насиҳат килаётгандек гоҳо ҳазил аралаш чиқарди.

Машғулот давом этарди, энди улар оёқларини ҳавода худди велосипед учётганга тақлидан ҳаракатлантира бошлашди.

Викторино хаёлан ҳаводаги йўллардан кетаётгандек бўлар ва иложи борича бир дам тўхтамасликка ҳаракат қилар, то ғарақ-ғарақ терга ботиб, юзи, бўйни қизариб кетмагунча, ўша хаёлий велосипедни ҳайдаб кетаверар, ора-сира мушакларига қўшилиб, томирлари ҳам ўйнаб кетган бўйини буриб Луи Бретонга “*bonjour*” деб, ёнида худди шу ҳаракатни бажараётган дўстларига эса кўз қисиб қўярди, сўнгра ўрнидан туриб тахта супанинг нариги бурчагида турган штанга тепасига борди ва чарм билан қопланган ўриндиққа ётиб олиб оғирлик елка мушакларига тушиши учун мўлжалланган алоҳида машқлар бажаришга киришди. Унинг бармоқлари икки томонига темир гардишлар осилган штанганинг грифи ни маҳкам қисади ва даст кўтарганда бўйин томирлари ўқлоқдек бўлиб шишиади, елкасининг ошиқ-мошиғи қирсиллайди, лаблари қийшайиб, ихтиёрий равишда ўзини қийнаб шу машқни яна такрорлади.

— Мен чидамли, бақувват боламан, Мальвина. Бизнинг мушакларимиз тўқимаси нимадан хосил бўлса, унинг манбаи инсон тафаккурини ташкил қиласди. Чунки қачонлардир айтилган ва ҳали-ҳануз бирор инкор этиш тугул буни асрлар давомида ўйлаб ҳам кўрмаган — “соғлом танда — соғ ақл” деган нақл бежиз эмас, шу сабабли ўйламагинки, нимжон, қўлидан китоб тушмайдиганларнинг мияси туфайли эмас, биз каби кўп нарсаларни ҳал қилишга қодир одамларнинг ғайрати туфайли дунё ўзгаради, тараққиётга юз тутади, мана шу ҳақиқат, мана шу эзгуликнинг ибтидоси, мана шу тафаккур оламининг меҳвари; мункайиб юрадиган Фаустларнинг қонаб турадиган милклари, нимжон билаклари ва узокни кўра олмайдиган хира кўзлари билан дунёни тараққиёт чорраҳасига етказиб боришларига одамнинг ишонгиси келмайди, агар биронтасига Мефистофель мутолаа қилган ўнлаб китобларини, университет профессорларининг оқ фотиҳалари билан мақтовларини унинг, Викторинонинг куч-куввати ҳамда саломатлигини, ғурур билан ўзига, яланғоч баданлари билан мушакларига алмаштириш тўғрисида таклиф қиласа, сўкишни эшитардики улардан... онасини танимай қоларди (кечирасиз, Мальвина, қўполлигимиз учун узр), ахлоқ муҳиблари ҳамда шаҳвоний ҳирсини қондиришдан бошқасини ўйламайдиганлар яратган бу аҳмоқона ва бир-бирига зид, телба-тескари назарияларнинг кимга фойдаси бор?! Викторино — бақувват йигит, Мальвина, ўзини мамнун ва баҳтиёр се-зиши учун унга куч-кувватини ҳис қилишнинг ўзигина кифоя. Эрталаб, уйқудан кўзини очганда кашанда сингари йўталиб қийналмайди, балки ёш буқачалар ҳамда дараҳтлар сингари кўксини тўлдириб эркин нафас олади. У бош оғрифи ёки пиёниста сингари юракни зиқ қиласидиган ғамандуҳ билан уйғонмайди. У жисмини яқсон қиласидиган ҳар қандай разолатдан — у никотин бўладими, алкоголь — оғу, қартабозлик, касаллик, ғам-ғусса ҳамда бори ёшлигини совуриш ва органик химия билан қуруқ муҳокамага асосланган фалсафа сотиш туфайли элбурутдан зерикиш, ранги синикиш — хуллас калом, кавш қайтарувчи қорамоллар ва кутубхона охурларига михлаб қўйилганларнинг панд-насиҳатларидан ҳазар қиласди.

Худди мана шу паллада у чалқанча ётганича қирқ килоли тошни кўтаради, Мальвина, агар зарурат туғилса, ундан икки хисса ортиқ кўтариши мумкин, чунки у бақувват йигитча ҳамда мушакларини идора кила билади. Викторинодан сўранг шу пайтда, у ўша заҳоти бу қалъя, аникроғи, катта оғирликни қандайдир мўъжиза рўй бериб эмас, балки чеккан заҳматлари ва узоқ йил тер тўқканлари эвазига ишғол қилаётганини тушунтириб қўяди. Ҳар бир одам, албатта қилтириқ ва туфма нимжон одамлардан ташқари, дунёга ўзининг қўргонини қура олиш қувватига эга бўлган ҳолда келади, қачонки сен бирор соат бекор ўтказмай ғишт теришдан тўхтамассанг мақсадингга етасан. Викторинонинг неча пуллик иши борки, унинг рақиби шеър ёзишга, мусиқа яратишга ёки тенгламани бир зумда ечишга қобилу уста бўлса, нима бўпти, асосийси бошқа нарсада: агар уч киши — Викторино ҳам, яна бир киши — у ҳам ва сиз ҳам, Мальвина — бир кимсасиз оролга тушиб қолдингиз дейлик, Викторино ўша рақибидан ҳалос бўлгиси келди, дейлик, нима бўлиши мумкин, албатта, хотирингиз жам бўлаверсинки ўша бечора, ишонаверинг, юнон шеъриятига хос ямб ҳақидаги билими ҳамда ошқозонидаги гастро-

ти билан ўзини сувда кўрарди, Викторино ёлғиз сиз билан, Мальвина, биргалиқда ҳаёт лаззатини тотган бўларди. Майли, ваъз-насиҳатни ва ҳар хил гапларни тарқатаверсинглар, бу ваъзхонлар билан журналистларнинг иши, руҳонийлар ўзларининг баланд рутбаси туфайли, олимлар ўзларининг тадқиқотлари ҳамда битган рисолаларида шу фаолиятлари-ни давом эттираверсинглар. Ҳолбуки, журналистлар, нотиқлар, олимлар ва руҳонийлар ҳалига қадар инсонга фойдаси тегадиган арзигулик бир иш қилишмаган, ҳамон жисмонан қучсиз, заиф одамни кучли одам билан таққослаб, ўша калласи катта, оёқ-қўллари чилликка ўхшаган кимсани қурол ҳамда ҳуқуқий нуфузлар билан таъминлаб, шу тариқа уларнинг бирини иккинчисига қайрашдан бошқасини билмайдиганлар ва ҳоказо, ва ҳоказо... ўз фикрларини шу йўсун баён қилган бўларди Викторино, башарти уни фикрлашга ўқитган бўлишса, *Мен бақувват боламан, Мальвина, штангани кўксига оларкан, шундан бошқасига ақли етмайди; унинг енгил ва соғлом ўпкаси намунавий тарзда ишлашга одатланган.*

Тўртта оға-ини чўмилиш хонасида тўпланишади. Викторино жўмракни охиригача очади, сув шариллаб унинг елкаларига урилади ва атрофга сачрайди, кейин кураклари ва тўшини тутади, бу резина шлангдан сепилаётгандек – куч билан отилиб тушаётган сувда, қорнини ичига тортиб, у қатор олти нафар дўмпайиб турган таранг мушакларни ювади.

Чап томонидан Уильямнинг овози сув шовқини аро эштилади унга:

– Янгиликни эшитдингизми? Бугун кечкурун Пибе Лондоњоникида зиёфат. Бизни таклиф этишмаган лекин.

Викторино душни ўчиради ва илгакдаги сочиғини тортиб олди. Шу пайт ўнг тарафда шариллаб тушаётган сув шовқини аро ух-ухлаётган Эсекъелнинг шу хабарни шарҳлаган овози келади:

– Пибега қўнғироқ қилиб анигини биламиз, у яширяпти бир нимани, туғилган куни ҳақида бир оғиз эсламади ҳам, нима эмиш, бугун кечкурун алгебрадан сабоқ олишга боришим керак, дейди – ёлғон гапи-ярпти, иккюзламачи паразит, алгебрасига ўйнаб кўйдим-а...

Тўртови ювиниш хонасидан чиқиб, бамисли адолатни қарор топтириш иштиёқида йиғилган Рим сенаторлари сингари елкаларига того ўрнига оқ сочиқни ташлаб ўзаро кенгашиб олиш учун йўлакда тўпланадилар. Вокеа аниқ: обрў-эътиборли Лондоњолар оиласи Ненанинг таваллуд айёмини нишонлашмоқчи. Шу муносабат билан бугун кечкурун уларнинг данғиллама уйида зиёфат бўлиб ўтади, унга деярли бутун Каракас таклиф этилган. Ҳулоса: Лондоњолар хонадони дикқат билан вазиятни атрофлича ўрганиб чиқиб, “юз бериши” эҳтимоли бўлган муаммолар ҳамда жанжал-тўполонларни ҳисобга олиб, Пибе Лондоњонинг энг яқин дўстлари, яъни бизни таклиф қиласликни лозим топишган, азбаройи ўзларини кўнгилсиз асоратлар (муштлашиш, моматалоқ юзлар, малҳам, латта хўллаб босиш)дан сақлаш учун. Бечорагина Пибе Лондоњо, жанговар ўртоқ бўла туриб, ғиринг демай қардошларининг бундай ҳақоратомуз кисти-бастига чидаб берган. Лекин Эсекъелнинг адлия факультети талабаси эканини унутмаслик керак.

– Биз барибири у ерга борамиз ва хурсандчилик қиласлиз, – дея дона-дона қилиб таъкидлайди Викторино.

Бу сўнгги қарор қораловчи Эсекъель Устариснинг турли оҳангдаги сурбетларча кулгисини кўзгайди – у дам паст овозда хиринглайди, дам

хохолайди, дам маъноли қилиб бир меъёрда кулади ва охири бир қадам наридаги дераза ойнасини зириллатгудек қаҳқаха уради.

– Биз бу тантаналарда албатта қатнашамиз ва у ерга ўзимиз билан Мона Лизани олиб борамиз, – дейди қатъий қилиб Викторино.

– Мона Лизани?! – Эсекъель Устариснинг завқланиб кулгани жуда таъсири чиқади. Уч нафар ошнаси унга жўр бўлишади, Леонардо да Винчи яратган асар улар орасида ҳеч қачон бунаقا шовқинга сабаб бўлмаган эди. Хўп, албатта, Мона Лиза бўлса Мона Лиза-да! Жазоирнинг собиқ чемпиони, “пашша” вазнида рингга чиқкан Луи Бретон бу кулгининг сабабини билмаса ҳам лабини йиғиштиrolмай турарди.

Мана шу тўрт нафар алпдек йигит, Уильям, Рамунчо, Эсекъель ва Викторино, кўриб турганингиздек, ораларидан қил ўтмайдиган дўст эдилар. Унда Викторино ўн тўрт яшар бола бўлиб, отаси билан илк тўқнашувда у ғалаба қозонган, шунингдек, унинг серқатнов кўчалардан бу дўзахий машинада юришига қарши илтижолар ва таъна-дашномлари или қаҳрамонларча кураш олиб борган Онажонни ҳам ютиб чиқкан эди. Ҳар қандай ирим-сирилар, бехосият фол очишилар, иссиқ-совуқни жинидан баттар ёмон кўрадиган Онажони кўнглида пайдо бўлган, яъни аён қилинган – ўзи ўйлаб-ўйлаб топган бир-биридан кўнгилсиз, ваҳимали, лекин ёлғон башоратларни айтиб бераётганида киприк қоқмаганди:

– Бир неча кундан бўён, қайта-қайта тушимга сен машина ҳалокатига учрагининг киради. Хоҳ ишон, хоҳ ишонма, ҳаммаёғинг қонга беланиб жон бераётганингда тепангда турган бўлармишман-у, бир йиғлаб, бир осмонни кўрсатармишман. Қон дарё бўлиб оқармиш, ҳаммаёқ тутун, одамлар чопган, юргурган, даҳшат... Бўғилиб, уйғониб кетаман... – Шундан кейин у тўқиган ёлғонлари таъсири этиши, ишончлироқ чиқиши учун кўз ёшларини артиб олади.

– Сиздек маданиятли, ўқимишли аёл, Онажон, қаёқдаги бўлмағур тушларга ишониб юрса, энди дардини кимга айтишни ҳам билмай қоларкан одам. Ахир, биз йигирманчи асрнинг ўрталарида яшаётган бўлсак, бунаقا тушларга қанака килиб ишониш мумкин, – деди онасига Викторино отаси Архимиро Перальта Эредия қонидан ўтган мулоҳазакорлик билан.

– Бола тўғри гапирайяпти, – деди отаси, – лекин шунга қарамай, мен ўла қолсан ҳам унга мотоцикл олиб бермайман, ажалнинг уруги бўлса. Лекин туш – ғирт ёлғон, у одамни алдайди, мана масалан, ҳар ҳафта Софи Лорен билан ётганим тушимга киради, лекин ҳаётимда бунаقا воқеа бўлиши ў ёқда турсин, биз у актриса билан таниш ҳам эмасмиз.

Айтмаганмидим, ўтакетган ҳаёсиз деб? Викторино шу гаплардан кейин Уильямнинг мотоциклида ҳайдашни ўрганишга аҳд қилди, уларнинг оиласи бир томондан, келиб чиқиши ва ҳаёт тарзи бўйича – ғирт намунавий инглиз оиласи, иккинчи томондан, бунаقا асоссиз ваҳималардан йироқ, билъакс, замонавий тараққиёт самараларидан, боз устига, Буюк Британия шуҳратини оламга ёйиш билан бирга мўмайгина даромад келтираётган воситалардан фахрланишади. Бир куни қоқ туш пайтида Викторино тўғри ҳовлиларига Уильямнинг мотоциклини ҳайдаб кириб келди ва рулни қўйиб юборди-да, қўлларини акробатлардек икки томонга кенг ёйиб бетон ётқизилган энсиз йўлкадан учириб кетди. Балконда

турган Онажони қичқириб юбормаслик учун кафти билан оғзини ёпиб олди. Шундан кейингина отаси ўғли билан сулҳ тузиб, унга қондек қизил, шаҳардаги жамики мотоцикллардан ўлса ўлиги ортиқ, учқур ва бағоят шиддатли “Триумф” мотоциклини олиб беришга мажбур бўлди.

Бунақа қирмизи “Триумф” ҳайдаш тугул, унинг эгасига айланиш болалик билан умрбод хайрлашиш, дегани эди. Ўн тўрт ёшида бамисли янги бир одам, от минганд, механик Қоплонни эгаллаган Прометей дунёга келди. Ҳатто тоғаси Анастасио зодагонларга хос одатига содик ҳолда уни ўзи билан бирга Чакао борделига (исловотхонасига) олиб борганди ва у ана ўшанда (унга мотоцикл совға қилишгандан бир йил кейин) биринчи марта аёл зотининг нималар эвазига эркаклар юрагига олов солиб, қўлига ханжар тутқазишганидан воқиф бўлганда ҳам ўзини ҳозиргидай мустақил, вояга етган деб ҳис қилмаганди. У илгари бир марта ҳам “Хусусий мулк” деган ёрлик билан зийнатланган ҳамда миллатнинг ижтимоий тарихи ва одамларнинг шахсий ҳаётига бунақа чуқур таъсир ўтказган туйғуни татиб кўрмаганди. Болалигида ўзига тегишли бўлган ўйинчоқлар хусусий мулк бўлолмасди, у бор-йўғи тенгдошлари билан ўзининг орасида ота-онаси барпо қилган ғов-девор вазифасини ўтарди, холос. Кўришга тоқати йўқ мактаб ўкув куролларини ҳам Викторино хусусий мулк деб ҳисобламасди – улар ота-онасининг ташвиши ва ғамхўрлигининг маҳсули эди, худди шу тахлит жазира маисиқда бемалол юришга халақит беришдан бошқасига ярамайдиган кийим-боши ҳам шундай вазифани бажаарди, холос. Ҳаттоки тош билан уриб ёки жаҳлини чиқарганда тепиб қоладиган, думини ликиллатиб яна қачон мени жазолашаркан ёки ҳеч бўлмаганда ботинка билан уриб қолишармикан, дегандек бадхоҳлик билан қутишини кўймайдиган уйдаги кучуги Ягуар ҳам мутлако хусусий мулки бўлолмасди. У, қўйингчи, ҳар битта дорихона малайига буюртмани элтиб беришда хизмат қиласди, деб олиб беришганидек ўз велосипедини ҳам шахсан меники, дейишга ор қиласди.

Мотоцикл эса аксинча, ҳақиқий эркак кишининг ғурури ва эркига ўхшаган, бирини-биридан ажратиб бўлмайдиган бир бутун нарса. Мотоцикл – айтайлик, канарейка ёки мушукка нисбатан унга яқинроқ. Севиклиси сингари уни нигоҳлари билан ардоқлайди, умр йўлдоши сингари унга ғамхўрлик қиласди, ёш боласи сингари ювади, артиб-тозалайди. Бутун дунёга донғи кетган бу хазина – Викторинонинг қирмизи “Триумф”и томоша қилишга арзигулик эди, руль чамбарагини ўраб чиқсан тимсоҳ териси-чи; бирон ерига томчидек ёғ тушмаган бу “тойчоқ” қа ҳавас қиласа арзийди. Унинг Авиланинг тик ёнбағридаги кўчалардан салобат ва тантана билан тушиб келишини томоша қилишга арзирди. Бамисли ер бағирлаб қанот қоқаётган қалдирғоч бирдан бурилганидек, Викторинонинг арзандаси кескин бурилганида иккита ғилдираги ердан узилар ва ўн метрча қиялаб кетишини кўрганлар бор, кўрмаганлар зор. Қуюқ, оппоқ булутлар бағрида чақнаган яшиндек учиб ўтганида кўчанинг нариги беткайида кетаётгандарнинг юраги бир қалқиб тушар, ёшлиқ жўшқинлиги билан хайқирса, кекса йўловчиларнинг юрагини ўйнатиб юборарди: ха, машина ҳайдамай балога учрагур, деган қарғишлар таъсир этмас, нари борса қонини жўштирап эди, холос.

Уни бирга томоша қилсак қани эди, Мальвина, унинг орқа тарафида ўтириб бўйнимдан қучиб олган, Мальвина, менинг куракларимга атай свитерининг остида диркиллаётган лимонларингни ботирганингда юрагимда от ўйнарди, Мальвина; илтимос, ўтинаман, тўхтат, деб нега нола қилаётганингни биламан, Мальвина, яхши биламанки, сен ҳеч нарсадан қўрқмаяпсан, балки мени қаттиқроқ бағрингга босиши мақсадида шундай қиласан, Мальвина.

– Бир отишма уюштирумаймизми, шунқорлар, – деб қолди бир куни Уильям фира-шира жазирама оқшом маҳал, ҳаво дим: биз эълон бўйича ваъда қилинган момақалдироқни кутар, лекин у номард ҳадеганда гулдирай демасди; қайноқ гармсел ҳар ерда ташлаб кетилган газеталар ва қуруқ япроқларни чирпирак қилиб учирив юарди.

Олти шоввоз анчадан бери жала қуишини кутиб, эснаб, бир оёқлари мотоцикллари педалида, бир оёқларини ерга тираб ўтирап эканлар, ёғмаётгандиги учун хуноб бўлишар, алланималарни ёзғиришар эди. Охири тоқатлари тоқ бўлиб Уильямнинг жанговар фильмлардан олган таклифига рози бўлишди. Бу “отишма” Шаркий туманда анча вақт гап-сўз бўлиши, бу спортга хос ўйин, эрмак католик хонимларнинг шафқатсиз қарғишиларига ҳамда ахлоқ муҳиблари саналган тақводор йигитларнинг, гарчи полиция маҳкамасида шумтакаларга заррача айб қўйишолмаган бўлсалар-да, нафрлатларига сазовор бўлишлари мумкинлигини ўйлаб ҳам ўтиришмаган эди. Полковник Арельяно эса юзингда кўзинг борми демасдан уларни идорага судраб юриди. Мана оқибати нима бўлди? Уларни айблаётган қолиб, йигитларга ишонишиди. Фазабдан кўкариб кетган полковникнинг жамоатни ўйлаб уларнинг бўйнига қўймоқчи бўлган айбларига ҳеч ким ишонмади ёки у ҳеч кимни ишонтиrolмади, аксинча, юз берган ҳодисани ўз кўзи билан кўрган гувоҳлар – Рамунчо билан Пибе Лондонъоларнинг кўрсатмаларини инобатга олишди. Гувоҳларнинг айтишлари бўйича, мотоциклчилар (биз уларни ўз кўзимиз билан кўрдик), шаллақи қора танлилар (уларнинг турки курсин) Кантри ва Ла-Кастельян майсазорида қон тўкишди, сабаби жиддий, ўзларининг асрлардан бери давом этиб келаётган ирқий ва синфий аламлари учун ўч олишган.

Айтишларига қараганда, ярим тунга бориб кўлами бўйича жанг даражасига қадар кенгайган бу отишма қуёш заволга юз тутган маҳал оддий бемаънилик, эрмакдан бошланган. Олти нафар корсар аввалига уймай юриб, хонадонларда сақланаётган куролларни мусодара қилишган. Қайтиб келишгач, уларнинг ҳисоб-китоби бўйича: бири ўша атрофдаги “тир”да тунукадан ясалган йўлбарсларгагина отишга ярайдиган, иккинчиси Уильям билан Эскеъелнинг аждодларига тегишли иккита ов милтифи бор экан; учинчи милтиқни Пибе Лондонъо ўзининг катта акаси – заминдорнинг ертўласидан топиб келтириди; Рамунчо бир замонлар буваси Канделярияда фуқаролик бўйича бошқарувчи бўлиб юрган пайтларда белбоғининг зийнати бўлган қувури бир қаричча келадиган ялтироқ тўппончани ковлаштириб топди; Викторино отасининг кўлқоп чиқарувчи фабрикасидан ижарага янги “Мерседес-бенц” браунинг олди. Турк Хулиянга келсак (ўша пайтлари бу муттаҳам ҳали улар билан бирга юарди), у қуён билан ёввойи капитардан бошқа ҳар қандай илвасин кўрса мириқиб куладиган сочма милтиқ топишга эришди, холос. Энди

орадан тўрт йил ўтгач, ўша сочма милтиқ тасодифан келиб қолганмиди ёки ҳаммаларига ташланиб безор килиб юборган опа-сингилларнинг фокстеръери қуролли хужум қилишларига сабаб бўлганмиди, Викторино ҳозир яхши эсломмайди, лекин битта нарсани унутмайдики, мажаро майда паррандаларни отишдан бошланганди. Кучукчани Шадоу¹ деб аташарди; йўғонлигидан ўзининг наслига хос бўлган характерли белгилардан маҳрум эди у, бироқ уни дунёга келтирган фокстеръерга хос гердайиш ва ўзини бошқа зотларни менсимагандек тутиши сингари одатлари сақланиб қолганди.

Тўғрисини айтганда, ҳамма бало шундай эдики, улфатдагиларнинг бари опа-сингилларни севарди (ким кўпроқ, ким озрок): бир хиллари қизларнинг каттасига – қиррабурун, тим қора сочлисига; бошқалари оқ-сариқдан келган, ясмин гулидек оппоқ билакли кичкинасига кўнгил кўйишганди. Иккинчи ҳақиқат, янайм очикроғи, шундан иборат эдики, бу икки нафар нозанин – Алътамир кўчасида истиқомат қилувчи кибру ҳавоси баланд қизлар шоввуз йигитларнинг биронтасига қайрилиб қарамасди. Каттаси сэр Лоуренс Оливье деса ўлиб қолар, нукул унинг одамнинг бош чаноғини кўтариб олганча ҳозирга қадар, тўрт юз йилдан бўён одамларни қалтис ва шубҳали хаёлларга ошно қилишини кўймаётган мотам монологини ўқиётган сувратига қараб оҳ тортишдан ортмас, синглисининг эса фикру хаёли фортельянода бўлиб, эҳтиросли бир муҳаббат билан севган бу чолғу асбобидан бир дақиқа ажралгиси келмас, ўтюрак болаларнинг муносабати ҳақида заррача ўйлаш тугул, хаёлига ҳам келтирмас, зеро, мижғов, боши-кети йўқ оҳанглар ва тинимсиз машқлардан уни дунёда ҳеч нарса ажратиб ололмасди. Бироқ кучукчаси Шадоуни эркалаш, кўлдан овқат бериб соатлаб ўтиришга эса (бу тахлит тафовутдан ҳар якшанба куни уларнинг фифони фалакка кўтарилади) вақт топарди: момиққинам, Шадик, эркатойим менинг. Опа-сингиллар кучукчанинг учбурчак кулоқчаларини бармоқлари орасига олиб, ҳамирдек эзғилашар, бундан Шадоу роҳатлангандай кўзларини юмиб оларди, қизлар бу азамат йигитчаларнинг севгисини кучукчанинг кўзларидағи доғчалик кўришмасди. Шадоу эса опа-сингилларни скотланд-ярдлик зийрак ва топқир изқуварга ўхшаб узоқдан туриб қўриқларди, яъни қалта думини антеннага монанд қўтарса, ҳавф яқинлашганидан дарак берарди. Фокстеръерни йўқ қилиш Турк Хулианга топширилган эди; бу унинг сочма милтиги устидан масхара қилиб кулмоқчи бўлишгани учун эмас, балки, Викторино худди кечагидек эслайди, бундай вазифа Туркка топширилганининг сабаби у Рамиресларнинг каттасига ҳаддан зиёд эҳтиром билан қарап, кўпинча буюк бир сабр-тоқат билан соатлаб уларнинг гир айлана панжара билан ихоталанган боғи атрофида айланаб юрар, тақдирнинг ўйинини қаранг, худди ана шу пайтда кўрнамак қиз шеърий тўпламни кўлидан қўймай (ёки пазандалар китобини) ақация соясида ўқиб ўтирад ва дунёда Турк Хулиан деган йигитнинг борйўқлиги мутлақо ҳаёлига ҳам келмасди. Опа-сингиллар тез-тез кино ва концертга бориб туришарди, бошқача айтганда, демак, Хулиан ўзининг сурияликларга хос айёрлиги ва ливанликлар сингари сабр-тоқатли эканидан зигирча фойдаланмади. Аждодларидан мерос бўлиб келган бу фазилатни ҳар кимга ишонавермайдиган эҳтиёткор Шадоуни ўзига ўргатиб

¹ Луғавий маъноси – кўланка, соя (инег.).

олиш учун ишга солди – назарида, омад кулиб боқди унга – ва кучукчанинг ишончини қозонди-ю, охири уни алдаб-сулдаб сайхонликка олиб борди-да, сочма милтиғидан фойдаланиб отиб ташлади. Биринчи ўқ кўпракнинг ов итларига ярашмайдиган катта қорнига тегди, кейингиси эса унинг терисини илма-тешик қилиб юборди. Оғир яраланганд Шадоу чайқала-чайқала базур кошин қопланган девор ёнига борди-да, бу нотаниш ва кутилмаган тажовузкорга лаънат ўқигандек чўзиб-чўзиб ангиллади, сўнгги ўқ чап қўзига келиб, худди доф бўлиб кўринган ерига тегди; Шадоу бир халта жун ва сўнгакдан фарқи қолмай ер тишлаб ётди. Опасингил Рамиреслар киногами, концерт томоша қилганими кетишган, ҳовлининг узоқ кунжагидаги ошхонада хизматкорлар ивирсиб юришарди; Шадоунинг ўзи яшаётган уй остонасида бунаقا аҳволда ўлиб кетганини эгаси тугул, биронта тирик жон сезмади, ачиниб тепасида кўз ёши тўкувчи кимса ҳам топилмади.

Доктор Фортининг доберман-пинчерлари билан бўлиб ўтган жанг бутунлай ўзгача, жангари фильмларда ҳам учрамайдиган вазиятда рўй берди. Бу итлар бир-биридан заррача фарқ қилмас, учови бир-бирига шунақаям ўхшар эдики, уларга лакаб, исм қўйишни бирор хаёлига келтирмаган эди. Ахил ва тийрак итлар доктор Фортининг кўшки олдида тиқ этган товушни сезса борми, ўша заҳоти буталар орасидан учиб чиқишарди. Агар жонли кўзларининг ўйноклаб туриши бўлмаса, буларни обсидиан ёки базальтдан ясалган деб ўйлаш мумкин эди. Ўша куни кечаси яхшилаб ўргатилган итлар хавф-хатарни сезиб дунёни бошига кўтаргудек акиллашга тушишди; улар ўзлари топган қуролларини ўқлаб дарахтзорда пойлаб ўтирган Уильям, Эсекъель ва Пибе Лондонъолар тарафга елиб қолишиди. Уларнинг сезгиси алдамаган, даҳшатли зулмат оғушида учта итнинг калласи, олтига қулоғи, олти нафар бодом кўзларини ҳалокат кутаётганидан огоҳ этганди. Уильямнинг милтиғидан отилган биринчи ўқ энг олдинда шамолдек елиб келаётган итнинг темирдек кўксига тегди. Қолган иккитаси бундан хулоса чиқариб заррача хавотирга тушмади, кўрқмасдан елиб келаверишиди – ҳақиқий доберман жангда ҳеч качон оркага чекинмайди, шунда Эсекъель тепкини босди. Унинг отган ўқи хато кетди. Бу ваҳшиёна итларнинг етиб келишига беш қадамча қолганда Пибе Лондоно ўтказинг сазовор мўлжал билан итлардан бирининг бошини парча-парча қилиб ташлади. Ана шундагина ҳовлидаги уйларнинг чироғи кетма-кет ёнди. Учинчи доберман болаларга чунонам яқин келиб қолганидан битта сакраб, кўпик қоплаган ўткир сўйлоқ тишини Уильямнинг кўксига боти-рарди, лекин Рамунчонинг эски револьвери бу вазиятга сўнгги нуқтани қўйди – у отган ўқ товушидан теварак-атроф ларзага келди. Баҳайбат ит оғзидан сўлакларини сачратганича ёронгуллар узра думалаб кетди ва товуши ўчди. *Менга тўлптончамни ишлатишинга ҳожсат қолмади, Мальвина, чунки навбат келмади;* чунки ёмғир остида қисқагина давом этган жанг тафсилотларини бир дақиқа ҳам кўздан қочиришини истамас эдим. Ёмғир севалаб ёға бошлади. Учта локланган пўлатдек доберман абгорлигидан қора-кўкиш, ўлганлигидан кўкиш-кора аҳволда курбонликка сўйилган буқалардек жиққа ҳўл ўт узра чўзилиб ётарди.

Энди Викторинога полковник Арельянонинг немис овчаркаси билан жангга чиқиши қолди. Унинг гарданидаги тим қора жуни бир текисда

очариб бориб биқинига етганда сарғиши рангга кирган, думи эгри қилич сингари ергача тушиб турар, чойшабдай тили сўйлоқ тишлари орасидан чиқиб соат кафтири янглиф тебранар, бу итнинг номи ўзига ўхшаш ва ўзича жарангдор – Кайзер эди. Ит ўз эгасининг буйруқларига тақдиридан мамнун қуллардек итоат этар, полковник эса Кайзерни кифтини келтириб мақтагани мақтаган эди. Кўл остимда хизмат қилган солдатлардан биронтаси Кайзерчалик тартиб-интизомга риоя қилмаган, дерди полковник, ҳайратланарли ери шундаки, мана шу итоаткор ит, полковникнинг ёш болалари пони сингари устига чиқиб ўйнашса ёки дўмбок қўлчалари билан нон, сувяк берсалар-да ёлғондан бир марта бўлсин ириллаб тишини кўрсатмайдиган Кайзер, пўртахол буталари остида шитир этган товшни сезиб қолса, бир зумда кўзларида ўт ёнаётган даҳшатли церберга айланарди-қоларди. Викторино панжара ортидан ёғоч ўқталиб итнинг жиғига тега бошлади. Викторино қоронғида итнинг пайдор, баҳайбат гавдасини, сакрашга чоғланиб ерга тираб турган орка оёқларининг букилишини, бўриникига ўхшаб қулоқлари тикка кўтарилиши, ириллаши, ўткир сўйлоқ тишларининг ялтираши – ахир, у бўри наслидан бўлса – кўз олдига келтириди. Викторино унинг ваҳшиёна бўкириши, кум тўшалган йўлкадан тобора шарпасиз яқинлашиб келаётгани, ўзи браунинг ўқталиб тайёр турган панжаранинг нариги – ички томонидан шундоққина ёнига келиб олганини сезиб улгурди. Викторино чинакам шер овловчи каби итнинг дўнг пешонасини мўлжаллаб тепкини босди, ўқнинг алангаси чақмоқ чақинига қўшилиб кетди. Викторино зафар қучди, Викторино югуриб келиб, тўхтамасдан мотоциклга тирмашди, эгарга ўтираётиб, моторни ўт олдирди. Унинг беш нафар улфати мотоциклларини тариллатиб пальмалар ва саманлар экилган хиёбон орасидан олға елиб боришаради. Полковникнинг хавотирли овози келди. “Кайзер!” деб чақирди у. Дастлаб Кайзерни кўриб, дарвоза олдидағи фонус осилган симёғоч остида зийраккина ухлаб ётиби, дея ўйлади. “Кайзер!” У фақатгина итнинг тепасига бориб, кўлидаги фонарни ёкиб, унинг арслоннидек келадиган каттакон калласидан жилдираб оқаётган ва чим устида қуюлиб қотиб қолаётган қонни кўргандагина фожия юз берганини тушунди.

Бунақаси бўлмаганди ҳали:

улар бўёклари кўчиб тушган эски машинада энг ашаддий, бутун Каракасда отнинг қашқасидек машхур баччалардан учтасини айлантириб келиш учун таклиф этишганда ҳам, бу ярамас ҳаромилар Симон Боливар аркини булғаб, уст-бошларини ечиб ташлашганда ҳам. Ярим кечади, уларни Валье Арриба клубига олиб боришиди, ёмғир остида орқаларига ва сузма халтага ўхшаб осилиб турган қоринларига бўёқ суркаб ташлаб кетишиганда ҳам;

доктор Эченагусия жамиятнинг юқори табақасига мансуб жиноятчилар йиғилиб бриж ўйнаётганда ҳамманинг олдида уларни ёмонотликқа чиқаргани майли, лекин жирканиб, нодонлар, учига чиқсан ваҳшийлар, дегани учун қилмишига яраша яп-янги “Роллс-ройс”ини кўлга ташлаб юборишганида (эртасига уни сувнинг остидан кўтариб олиш учун портдаги кранни келтиришганди) ҳам;

Кантрини ичимлик суви билан таъминлаб берадиган сув омборига азбаройи ўн икки банка қизил бўёқ тўкишганда, ўшандада барча данфиллама

уйлардаги водопровод кранларидан қондек қизил сув оқиб тушиб, улар эса сувни экстремистлар захарлашган, дея миш-миш тарқатишганда ва бир неча кун мобайнида ҳеч ким бу сувдан ичишга, ювинишга ва хожатхонада ишлатишга юраги дов бермаганда ҳам;

жуҳуд зодагонларнинг тантанали зиёфатига бостириб кириб, қадимий урф-одатга кўра тайёрланган таомни табарруклаб бериш учун синагогадан бир талай раввинлар ташриф буюришганда дастурхоннинг бир учидан ушлаб кўчага қараб югуриб қолишиганда, самаралик-ларнинг қадимий қўзалари, оширилган хамирдан тайёрланган нон, ёғда қовурилган тухумлар, товуқ бўйинлари, ёнғоқли торт – шуларнинг бари-бари Иезакиил ва Иеремиянинг дуоларига араласиб ер билан битта бўлганда ҳам;

Бехаронодаги тақводор одамнинг уйида базму жамшид ташкил этишганда ҳам, ўшанда ота-онаси болалари билан бирга Юнонистондаги антик маданият ёдгорликларини зиёрат қилиб келгани кетишганди, уйда ёлғиз португалиялик дарбон чол назорат остида қолганди. Улар 80 яшар мункиллаган қария ихчамгина жойлашиб яшаётган уйни устидан қулфлаб, ертўладан яшик-яшик шампань виноси олиб чиқишиган, Мона Лиза иккита дугонаси билан “Юҳаннони қўмсаб” деган мусиқа садолари остида йўнашган. Эрталаб эса форс гиламларини ахлат билан безаббекаб қочиб кетишганда ҳам;

ёки “Альтамир” кинотеатрида Фрэнк Синатра “Тунги дарвешлар” ёки бошқа бир қўшиқни айтиётганда улар концерт бошланишидан олдинроқ балконни эгаллаб олишган ва қийқириб сигнал бергач, Эсекъель билан Пибе Лондоњо партерда ўтирганлар устига қоқолаётган товукларни иргитиб, қўланса ювиндини қуиб юборишиган эди. Зилзила, ер силкиннати, қочинглар, ташқарига қочинглар, – дея Рамунчо овози борича хайқирган, Викторино эса ўт ўчириш баллонини олиб, жоннинг роҳати, деб ўша ювинди билан ваҳима аралаш югураётган одамларнинг боши узра қуиғанда ҳам;

Америка коллежида таҳсил оладиган икки нафар ўқувчи қизни Эл-Хункито истироҳат боғининг хилват кунжагига олиб бориб, ҳар қандай забардаст одамни йиқитадиган кучли ром билан текила аралашган коктейль ичишга мажбур қилиб, кейин маст ҳолда икковини шармандаи шармисор қилиб катта кўчага ташлаб кетишганда ҳам;

бошида Уильямнинг севгилиси бўлиб уларнинг ёнида юрган, пировардида, ҳеч бир сабабсиз художўй бўлиб кетган Даилиа Монтекатини деган қиздан ўч олишганида ҳам – чунки Даилиа Монтекатини танишибилишларига уларнинг орқасидан шунаقا даҳшатли гапларни тарқатиб юрганки, унинг адабини бериб қўймаса бўлмайди, деган фикрга келишиганди. Художўй қиз улар безори, қаерга боришса, ишқал чиқаришади, туғилган кунларга уларни таклиф қўлманглар, деган. Ана шундан кейин, бир куни “Фольксваген”идан тушириб, ўша пайт телевидениеда қўрсатилаётган сериал воқеаларига монанд ташландиқ бир уйга олиб кириб, ҳаммаёғингни тишлаб ташлаймиз деб, шайтонвачча Рамунчо эса инквизиторларга ўхшаб тумшуғи остида боғбоннинг қайчисини шарақа-шуруқ очиб-ёпиб ўтакасини ёрганди: “Тиз чўкиб кечирим сўра! Оёқларимизни ўпид тавалло қил! Уильямдан ҳам кечирим сўра!” Бечора Даилиа Монтекатини жонини азобга қўймай улардан кечирим сўраганди.

— Алло, алло, Хиомара, ўзингмисан, сира ичимга сифмаяпти, сифдиролмаяпман, ўлсин, кеча Лондоно ўн бир ёшга кирди, ўшаларницида эдим, қара, кечагина синфда мишиғини оқизиб ўтирган бола бугун капкatta йигит бўлиб меҳмон кутаяпти, кийими башанг, қиз боладек юзлари қип-қизил – ҳали шоирлар ёзади-ю лолагун, деб, худди ўшанаقا. Шошмай тур, шунаقا стол ясатишган, одамнинг жонидан бошқа ҳамма нарса бор, бир чеккадан гапирсам, кун кеч бўлади, зерикмасдинг, бир дақика, саҳбо ичишгани-чи қизларнинг,вой-бў, бу ансамбллар, ҳовузга тушиб вальс чалишгани-чи, бунақасини кўрмагансан, дастурхонда, ҳозиргина айтдим, ўли-иб қоласан, нималар йўқ, ҳаммасини санаб беролмайман, асосийларини айтай, жилла курса, бўлмаса, ичимга сифмаяпман. Хуллас, яхна курка гўшти, ундан кейин қип-қизил қилиб қовурилган бутун-бутун курка қўйилган столнинг тўрт чеккасига, кейин, каттакон чўчқа калласи, яна куйдирилган, ишшайиб ётиди, тунука лаганда, сўнг ростбиф, менинг жонудилим, жуда тотли, пиширган одамнинг кўли ширин экан, раҳмат; шампинъондан тайёрланган қайла, майонез қўшилган қизил балиқ, чўчқа тўши, хил-хил салатлар, парранда жигари, тўхта, лангуста эсимдан чиқай дебди, оқ қайла билан...вой-бў! Хуллас, майли, рақс, куй-қўшиқлар авжига чиққан маҳал, Хиомара, қулоқ сол, яхши эшитяпсанми ўзи, ха, хўп-хўп, уларнинг ҳовлисидағи ҳавза бору, ичиди кўқ, сариқ, қизил лампочкалар ўрнатилган, бирдан порлаб ёнса дегин, бунинг устига гир айланиб ўраб турган қизил ва кўқ рангли чироқлар баравар ёниб шунаقا чиройли, рангдор бир манзара юзага келдики, асти қўяверасан, Хорун ар-Рашиднинг саройида бўлмаган бунақа ранглар жилоси, ҳовузда худди Япониядагига ўхшаб оппоқ нилуфар қалқиб-қалқиб сузади... Эҳ-хе. Контильон рақси тугартугамас, қанақадир, бир бемаза куй янгради, худди тоғдан майда-майда тошлар ёппасига тўкилиб тушаётгандек бир куй тинғирлаб турди-да, бирдан қулоқни қоматга келтиргудек Венесуэла миллий созлари нечта бўлса жўр овозда янграб қолса-чи, киёмат қойим бўлиб кетди, кимга керак экан бунақа шовқин-суронли куй, меҳмонлар қулоқларини беркитиб олди, бу ҳам майли, Хиомара, бунақасини етти ухлаб тушингда ҳам кўрмайсан, кўролмайсан, биласанми, нима, нима деётгандим, хуллас, ха, хуллас, тепалиқдан кум тўшалган пастга қараб яримялангоч бир аёл чопқиллаганча тушиб келяпти, яримялангоч, ички кийими ҳам йўқ, ёлғиз қизил ҳошияли қора панталонда, вой ўлмасам, эсинг оғиб қолади. У Мона Лиза деган аёл экан, эшитмаганмисан уни, менга кейин Тита айтиб берди кимлигини, ҳамма буни кўриб ҳанг-манг қотиб қолди. Ҳовуз ёнига келгач, Пибе Лондоно фоҳишаҳонаси шу ердами, деса бўладими? Бу ҳам ҳолва. У бир ўзи эмасди. Унинг ортидан кимлар пайдо бўлди, биласанми? Битта трусиқда Викторино Перальта, кейин анави инглиз бола бор-ку, Уильям, кейин анави жинни-санғи бору, Рамунчо – ҳаммаси калта иштонда. Уларни яхши биласан. Мен нима қилишимни билмай қолдим. Белигача ялангоч баданларида мушакларини ўйнатиб туришибди, бакувват, Геракл дейсан, лекин юз-кўзларига қарасанг – қароқчиларга ўхшашади, бу шайкани лаънатлаган одам бара-ка топади. Бу тантанали кечани бузишди. Улар ўзларини аллаким, деб

билишади. Ҳаммаси ғирт кazzоб, учига чиққан муттаҳамлар, мана ким. Бу ёғини эшит, уларни зиёфатга таклиф килишмаган экан, шунинг учун ўч олиш мақсадида шу номаъкулчиликни ўйлаб топишган, шекилли, Хиомара. Кишини газаблантирадигани шуки, меҳмонларнинг биронтаси гапирмади, финг демасдан томоша қилиб туришдан нарига ўтишмади. Бир хиллар бундай қабоҳатга қизиқсиниб қараб туришди, бошқалар кўрқанларидан лом-мим дейишолмади. Шунда ичкаридан доктор Лондоно чикиб келди. Уларни безорилар, қароқчилар деб сўка бошлади, йўқолларинг менинг уйимдан, деб хайдади, охири бу ифлосларга мушт ўқталиб ташланди. Вой, Хиомара-ей, нима бўлганини кўрганингда эди, ха майли, кўрма ҳам, куйма ҳам! Викторино Ненанинг отасини, доктор Лондонони кўтариб ҳавзага қараб улоқтирса бўладими? Боёқиши доктор, ўғлининг туғилган кунини шундай чиройли ўтказаётганидан мамнун ота кийим-пийими билан нилуфарлар ва оққушлар орасига шалоп этиб тушди. Сувда бутун меҳмонлар кўз ўнгида худди пингвин ёки оқ айиқ сингари типирчилади. Нақадар аянчли, Хиомара, сен кулма, қараб туриб кўксингни бир алам куйдиргандек бўлади. Чина Гордиельс тўсатдан ўкраб йиғлаб юборса-чи, у жазавага тушиб дод сола бошлади, Рамунчо бору, эшшак, тўнғиз, уни елкасидан олиб бир силтаган эди, бечора, у ҳам шалоп этиб сувга тушди, кулмагин, куладиган жойи йўқ. Мен қотиб қолдим, бечора Чина нилуфарлар орасида ҳарир оқ кўйлақда худди Офелияга ўхшайди. Офелия кимлигини биласанми ўзи? Яна битта кекса одамни сувга улоқтиришди, биласанми у ким эди, йигирма саккизинчилар авлодига мансуб киши эди. Жаноб Вильсоннинг оғзига бус-бутун ананасни куч билан тиқишиди, жағи ажралиб кетишига сал қолди, кейин меҳмон кутишаётган залга бостириб кириштида, қўлларига тушган нарсани полга ота бошлашди, вазалар, чинни тақсимчалар, стуллар, пардалар ер билан битта бўлди, энг олдинда Мона-Лиза, унинг ортида Викторино – ваҳший ҳайвондан фарқлари борми? Йўғ-а, Хиомара, содда бўлма, полициячилар аралашмай томошабин бўлиб туришди. Қизларнинг оталари эса, Викторинолар қочиб кетишгач, итдан тарқаганлар, ҳали бу қилмишларингиз учун жавоб берасиз, деганча ортларидан қичқириб қолишди. Қораси ўчиб кетгандан кейин хинани бошқа жойингга қўй, боя бақириш керак эди уларга. Ҳали ҳеч нарса қилишмаслиги, қиломасликлари аниқ, биласан, ўша итларнинг оталари билан бу қизларнинг оталари қалин дўст, уларнинг юзидан ўтиб шикоят қилишармиди? Ўйлайсанки, Архимиро Перальта Эредия билан дон Филиберто Усторис жанжалга борадими? Ҳеч қаҷон! Эскеъель Устарис ўша ерда, битта шикоят аризаси билан адлия факультетидан ҳайдаб юборишлари мумкин. Лекин отаси билан юзқўрмас бўлиб кетишмайдими? Мен улардан нафратланаман, кучим бор, деб кўнглига келганларини қиласверади, итваччалар, ҳаммаси шунаقا, бир тийинга қиммат, бунчалар ори йўқ, худосизлар, лекин барибир, барибир жазосини олишади, унда кеч бўлади, бўпти, майли, бақалоқ, бошингни ҳам оғритиб юбордим, чао. Жуда сиқилиб ўтиргандим, юрагимни бўшатдим сенга, чао!

Нена Лондоно туғилган куни шарафига уюштирилган байрам тантаналари шу тариқа тугади ва Викторино ҳамма дўстлари билан хайрлашди. Моно-Лиза кийиниб Рамунчонинг мотоциклida Кантри кўчаси бўйлаб жўнади. Викторино бир нимадан кўнгли тўлмаган одамдек,

тўғри уйига бормай “Мазерати”сида Панамерика шоҳқўчасидан юкорига, туманларни ортда қолдириб, Лос-Текесдан ҳам, Лос-Колорадосдан ҳам узокроққа, Гуайяс тарафга, одатда Арагуа дараларида ёлгиз кезиб юрадиган алвастилар макони – Гуайяс дараси томон йўл олди. Эҳтимол, уни алвастилар эмас-у, шунчаки тоғлар нидоси ўзига чорлаётгандир. “Мазерати” пастликка туша бошлайди, Викторино томдан тараша тушгандек радиони кўяди – ногаҳон темир қутичадан Берлин оркестри ижросида куй янграйди, ногаҳон ёғочдан ясалган қутичадан “Хаёлий симфония” садолари отилиб чиқади. Бунака куй Викторинога нотаниш, бироқ скрипканинг ёлворувчи оҳанглари учиреб қўйишга йўл қўймайди. Скрипкаларнинг овози тугагач, биттау битта валторннинг мунгли ноласи тарапади. *Бас, бу тубанлик аро толиқдим кезиб*, дея кўнглидан ўтказади Викторино. Бу баҳтиқаро мамлакатдан Викторино кетмаса бўлмайди, Мальвина, бу ҳали муртак ҳолига ҳам келмаган, ҳатто ҳали ҳосил бўлмаган алақдек, энди сиркалаб консерваланган сингари Ватанин тарк этиб кетмоғи шарт. У ўзи билан фақатгина сиз ҳақингиздаги хотираларни олиб кетади, холос, у Мальвина исмли уммонлар узра парвоз қилгувчи самолётда, Мальвинанинг таровати барқ уриб тарапган денгизлардан ошиб ўтади, Мальвинанинг ранги-рўйи сингари порлаётган уммон остида учеб боради ва сокин кўрфаз соҳилида, ярим кечаси унинг кимлиги ва қаердан келганини хеч кимса билмайдиган, соат кафтгири кетма-кет ўн икки маротаба Мальвинанинг табаррук исмини айтиб занг урадиган заминга қўнади. Сиз мамлакат бўлиб шаклланмаган мана шу зиндонда тириклайн дағн этилганча қоласиз – сиз тонгги ибодатнинг ёрқин гуллари чирой очган гладиолуси, теннис майдонида барқ урган лилия, хушманзара ғовнинг ортидаги чиннигул, тўғарак шаклдаги идишда униб-ўсган гуллола, радиола ёнидаги яқдона бўтакўз, *virgo potens*, *virgo clemens*, *virgo prudentissima*¹ токи турмушга чиққунингизча то ё отангиз ё амакингизнинг қирқ яшар улфати, хукуқ докторими ёки инженер ёхуд биржа корчалонига эрга теккунингизга қадар шундай бўлиб қоласиз. Шу чоққача Каракас бунақа тўйнинг шоҳиди бўлмаган. Викторино бунақа телба-тескари, бачкана мамлакатдан жўнаб кетиши даркор, Мальвина. Черков мусика билан чароғон чироқлар оғушида, келин нақадар сулув, бамисли фаришта дейсиз; сиз кампирлар шивир-шивирию орган садолари аро қадам ташлайсиз, уни умр йўлдошим, дейишга розимисиз? Викторино бу янгиликни Копенгагенда, тасодифан ким қаердадир, элчихонада, эски газеталардан, декабрь сонида эълон қилингани бўйича хабардор бўлади ва сизни ва соchlарингизга тақилган атиргуллару мўътабар меҳмонларнинг сувратларини кўриб қолади. Викторино сенъорита Мальвина Перальта Ульоанинг қўққисдан вафот этгани ҳақида ҳам хабардор бўлишни истаган бўларди. Нақадар оғир мусибат, нақадар оғир зарба, бунчалар ситамкор фалак! Бунга чидаш мумкин... лекин... Бу мамлакатдан у бош олиб кетмоғи керак, Мальвина. Мальвинаранг денгизлар оша, аллақандай кўримсиз портга этиб олса бўлгани, у ерда қора ишчи бўлиб ишлашни таклиф этишади, у матрослар ва саёқ хотинлар билан кучоклашганча қипик ва чирмой ҳиди анқиган қовоқхоналарда жин ичади, уларга ўзи яхши кўриб қолган холаваччаси ҳақида гапириб беради.


¹ Ҳар нарсага қодир, гуноҳларни кечувчи, ҳар нарсани кўра билувчи, бокира (*лот.*).

ди, улар унинг ҳасрат тўла қиссаларини тинглаб қўрслик билан хохолаб кулишади, Викторино мис қопланган ялтироқ пештахтага жиндан бўшаган стаканини тарақлатиб уради. Бу ваҳимали мамлакатдан у жўнаб кетиши шарт, Мальвина, фақат сиз ҳақингиздаги ёрқин хотира-ларни ўзи билан олиб кетгани маъқул, Мальвина, скрипка товуши ора-сидан ёмғир остида ошиёнсиз қолган кабутарнинг зорланиши каби ар-фанинг гувиллаши сизиб чиқади. Карайяннинг дирижёрлик таёқчаси ишорати ила вальс садолари қўкка ўрлайди ва унинг оҳангларига монанд “Мазерати” тоғ сўқмоклари бўйлаб оҳиста бурилиб боради. Ҳамма, шулар қатори мен ҳам гўнгдан баттарман, деб ўйлади Викторино. Унинг телбалиги сиз туғилган кунингизни нишонлаётган куни ўзидан огоҳ этди, Мальвина. Викторино зиёфат давомида сабабини ўзи ҳам билмаган ҳолда, ёлғиз сиз билан рақс тушди. Унинг Люси деган таниши бор эди, сизлар рақс тушаётганда нажотсиз бўзлар, ич-ичидан хўрлиги келарди: холаваччалар ўзини бунақа тутиши яхшимас. Бир замонлар унинг мотоцикли орқасига мингашиб учишни яхши кўрадингиз, эсин-гиздами, у куракларига ботган свитер остидаги дўппайган сийналарин-гиз ҳароратини ҳис қиласди; бир замонлар сиз ҳавзада бирга чўмилар эдингиз, Викторино сув остидан билинтирмай сузиб келарди-да, вулқондек отилиб ёнингизда пайдо бўларди, эсингиздами; бир пайтлар хаммага ўхшаб уни Викторино эмас, Ҳиндулар Сардори деб атардин-гиз, нима учун Ҳиндулар Сардори дердингиз?! Лекин унинг телбаларча сизни жонидан ортиқ севиши ўша таваллуд топган айёмингиз нишон-ланган тантаналарда тўла намоён бўлган эди. Ўшанда Люси боғда паль-малар остида ўқраб-ўқраб йиғлаган, худодан ўзига ўлим тилаган эди. Викторино фақат сиз билан рақс тушган, атрофдагиларни тамомила унутиб, бағрига босиб, дунёда икковингиздан ўзга ҳеч ким йўқдек сизга термилар, кўзларингиз нури остида эриб, эриган сари шуълалар сочиб бораарди. Холаваччалар бу даражада бир-бирини севиши ақл бовар қилмайдиган ҳодиса эди... Викторино бу шафқатсизлик хукм сурган бемехр ва заҳарланган, ҳамма бир-бирини ёмон кўрадиган, одамлари худди судхўр сингари бир-бирига ола қарайдиган диёрдан, кимки бир қадам кўйса нафрат ботқогига ботадиган, нафрат чирмовуқгуллари, на-фрат қамишзорлари ўсиб ётадиган заминдан тезроқ жўнаб кетмоғи ло-зим, Мальвина. У сиз билан рақс туша туриб ёнокларингиз, ёнар кўзларингиз ва нафис лабларингиздан ўпарди, атрофдагилар қараб ту-ришганига тупурарди. Онажон столда сизлардан фаромуш нигоҳини узмай ўтиарди: ака-сингиллар бўлса! Онажон ранги оппок, эсанкира-ганча шампань шишалари ва шамдонлар ортида маъюсгина ўтиарди; Люси ғойиб бўлди. Викторино сизни илк бор “менинг муnisам, вафо-дорим”, деб атади, унинг ёниб, чўғ бўлиб турган юраги оёқларингиз остида бизбизак сингари чириллаб айланарди, у сизнинг жисмингиз бўлмаса яшай олмайди, Мальвина. Бу мамлакатдан қочиш керак, Маль-вина, унинг юраги киприкларингиз соясида бетартиб равишда уради, нима қилиб бўлса ҳам бу мамлакатда, бу баҳтиқаро ўлкада қолмаслиги лозим. Бу мамлакатдан, бу гўзал, шабнамдан исирға таққан майсазор-лардан, одамзодга итоат этишга шай жарликлар, тик қояларга эътибор қилмай қочмаса бўлмайди. Ҳамма таслим бўлади, мен эса йўқ, деб ўйлади Викторино, сиз ҳам, сизнинг қоматингизни кўз-кўз қилаётган

белгилар ҳам шундай деса керак, Мальвина. Викторино бу мамлакатдан бир умрга кетиб, сиз ҳақингиздаги хотиралар билан яшашни истайди. Агар Викторино сиз билан бу мамлакатда қолса, агар ўзининг ҳеч ким, ҳеч нарса дахл қилмайдиган эркинлигидан воз кечса, агар бошқалар сингари яшашга йўл қўймайдиган ҳаёт тарзига чек қўйса; агар у аллақандай лайча ёки кулоқлари узун ва сержун спаниелга ўхшаб сизнинг паноҳингизда, сояи давлатингиз остида тинчгина яшашга рози бўлиб тинчгина яшашга кўнса, Викторинонинг отаси ёш келин-куёвга тўрут тарафидан қулф уриб ўсган ям-яшил дов-дараҳтлар, буталар ўраб олган кўшк совға қилас, Мальвина, сизнинг отангиз эса National City Bankда номингизга ҳисоб очиб, мўмайгина пул ўтқазиб қўйган бўларди. Дон Викторино Перальта асл отларни етказиб беради, дон Викторино Перальта зотдор бузоқлар билан, сертухум оқ товуқлар билан таъминловчи – бу унинг ўзи, унинг соҳибжамол умр йўлдоши – Мальвина Перальта де Перальта ёш қора саман отда юрадиган хоним эса – бу сиз. Нақадар қашшоқ баҳт, нақадар нотавон саодат! Викторино бу юртдан бош олиб кетиши зарур, сизнинг хаёлларингиз билан дунё бўйлаб саёҳат қилгани яхши, аллақандай Роттердам деган шаҳарда битта-яримтасига пичоқ уришни афзал, деб билади. У, ахир, кимсан, ғамгин тўполончи бўлса, Мальвина, ёшлиқ ғам-андуҳ чекишни яхши кўради, у сизни фақат машинасининг мотори туфайли халос бўлиши мумкин бўлган ҳазин танҳолик бағридан туриб чорлайди, сиз унга жавоб бермайсиз. Унга олисларда осмонни қоплаган қора булувлар жавоб қайтаради. У яна қайта-қайта чақиради Сизни, чунки сизнинг мармар баданингиз керак унга, Мальвина, бироқ унга олисларда нофора янглиғ янграган момақалдироқ жавоб қайтаради, у сизни чақиради, сизни пойдевори омонат бўлиб қолган минорасидан туриб чорлайди, Мальвина, бироқ ҳозир ҳаттоқи қорамтири булувлар ҳам унга жавоб қайтармай қўиди. Викторино бу сукунат бағридан қочмоғи керак. Викторино газни босади, “Мазерати” бир силтаниб олдинга қанот чиқариб учади. Ўзига жалб этган скрипка камончасидан чиқаётган “Қатл маросими” куйи остида “Мазерати” хавони кесиб учади, унинг ёнбошдаги ойнасига икки дона сарғиш капалаклар урилиб нобуд бўлади. “Мазерати” – тоғ йўлларидан пастга ўқдек отилиб тушаётган ҳайқириқ тимсолига айланади. *Мен, ахир, улфатларимиз ичida энг диловари ва абжири эмасмидим, дея ўйлайди* Викторино. Ҳа, дарҳақиқат, Мальвина, Викторино Перальта ўзидағи фалсафа бакалаври донолигини гулхан ёқиб кўйдирган, Викторино Перальта онасининг эркатоири бўлган болаларнинг итоаткорлигидан ижирғанарди, Викторино Перальта инқилобий кайфиятдаги ёшларнинг фаолияти ҳақида эшитгиси ҳам келмасди, Викторино нимжон, серзавқ шоирларни хуш кўрмас, уларнинг илҳомбахш шеърларига тупурарди, Викторино Перальта учун мукаммал нарсанинг ўзи йўқ эди, бу билан у фахрланарди, лекин унинг кўкрак мушаклари ривожланган ва бақувват, Мальвина, билаклари темирдек, жағи мустаҳкам, юрагида дови бор, керак бўлса осмондаги ойни олиб бера олади, Мальвина, машинани қалтис бурилишда шунақаям тез, бенуқсон ҳайдадики, спидометр юз, юз ўнни кўрсатади. “Бъюик”ни қувиб ўтаётганда спидометр юз ўнни кўрсатаётган бўлса, эски, оч сариқ “Дож”ни ортда қолдирганда бир юз йигирмани кўрсатарди, Викторино жуда аниқ-пухта ҳайдайди, юқ машинаси ёни-

дан ғувиллаб ўтиб кетаётганда ҳайдовчи ортида сўкиниб қолади. *Мен ҳар қандай одамни руль чамбарагига ўшиб айлантириб ташлайман*, деб ўйлади Викторино, соатига бир юз қирқ километрда юришга ҳаққи бор, Мальвина. Тоғ йўлларидан соатига юз эллик километрда пастлика тушиб кетиш унга чўт эмас, ўрганиб кетган, Викторино қачон бўлмасин бу мамлакатдан қочиб кетади, Мальвина, кутилмаганда ёмғир томчилай бошлайди, майсалар ва катта асфальт кўчалар ёмғирда ялтирайди, Викторино олисларда шамол учириб кетаётган қора булутларни қувиб етмоқчидек тезликни камайтиrmайди. Сел қуийш эҳтимоли тобора кучайган сари “Мазерати” гижинглаган тойчоқдек олдинга интилади. “Фаррошлар” машинанинг олд ойнасидаги томчилар ясаган тўрни артишга улгурмай қолади. Берлин филармониясининг оркестри зил чалишга ўтади, унинг товушига монанд чақмоқ чақиб машина кабинаси ни ёритиб юборади, Викторино тезликни камайтириш ниятида эмас, шекилли. У жуда яхши биладики, бунақа йўлларда тормоз бериш мумкин эмас, бунақа ҳавода ёки машинани бир томонга тортиб кетганида тўхтатишга уриниш хавфли. Бунинг устига ўнг томонида жарлик. Асфаласофилинга кетиши мумкин. Жала қуйиб юборди, ана шу лаҳза муюлишдан одамлар ва товуқлар, болалар ва қўшиклар билан тўла сиёхранг автобус отилиб чиқди-ю, Викторино жон-жаҳди билан руль чамбарагани буриб юборди, “Мазерати” жуда катта тезликда жарликка сакради, йўқ, Викторино эмас, у сакрагани йўқ: *Мальвина, менинг вафодорим, оҳ, таги паст, ифлос, Онажсон...* деб ўйлади Викторино. Серрайиб қотиб қолган сиёхранг автобуснинг йўловчилари темирнинг қаттиқ урилганини эшитишга улгуришди, холос. Караҳт болалар болғанинг қоятошга урилганини эшитишади, тошларга урилган тромбоннинг овозини, сўнг охири шовқинли, шовуллаган ва шафқатсиз якунни бошқа овозлардан ажратса олишди.

Бироқ симфония бу билан тугамайди, Мальвина. Аполлоннинг фарзанди, Орфейнинг амрига биноан ёки авлиё Цецилиянинг, эр-хотин Валерианларнинг менсимаслигига қарамай Берлин филармонияси ижро этаётган куй тубсиз жарлик қаъридан эшитиларди. Ҳамон жала қуяр, шунчалик шовқин солиб ёғар эдики, сув қайнайптими ёки алвастилар ўсмир жасади узра базм килишяптими, билиб бўлмасди...





138

JAHON ADABIYOTI 2016/8

Ўтқир ҲОШИМОВ
(1941–2013)

ЎТКИР ТАРЖИМОН

Хар қандай жамиятнинг эзгу ғояси, муайян тараққиёт йўли бўлганидек, ҳар бир инсоннинг ўз ҳаётидан излаган мазмуни бўлади. Ўзбекистон халқ ёзувчиси Ўткир Ҳошимов асарлари эса инсон ҳаётининг мазмуни нимадан иборат, деган саволга жавоб қидириш эди.

Халқ ҳаёти ва қалбини мукаммал билиш, қаҳрамонлар характеристики ёрқин тасвирлаш, ҳар нарсани халқ ичидан олиб халққа қайтариш, тасвир, услугуб, тилдаги ўзига хос жозиба, самимилик, равонлик каби хусусиятлар Ўткир Ҳошимов ижодининг етакчи белгилари сифатида эътироф этилади.

Ёзувчи чин маънода халқ ёзувчиси эди, у нимаики қидирса, халқ ичидан қидирар, нимаики ёзган бўлса, ҳамма-ҳаммасини халқ қалбидан топганди. Ёзувчининг машҳур бўлиши, асарлари эл ичида қўлма-қўл бўлишининг асосий омилларидан бири ҳам шу, албатта.

1941 йил 5 августда Тошкент шаҳри Дўймбиробод даҳасида туғилган адабнинг юрагида адабиётга меҳр анча эрта уйғонди. У дастлабки шеърини 5-синфда ўқиб юрганида ёзган эди. У 1964 йилда ТошДУнинг (ҳозирги ЎзМУ) журналистика факультетини тугаллаб, дастлаб “Тошкент оқшоми” газетасида фаолиятини бошлади. 1966 илии адабнинг ижод қозонида қайнаш, устозлар ва тажрибали муҳаррирлар қўлида ижодкор сифатида камолга етиш палласи бошланди. Шу кезлар у миллий ва жаҳон адабиёти намуналарини тинмай мутолаа қилди, улар тажрибасини ўрганди, жаҳон насридаги ижодий-услубий янгиликлар билан танишди. Адаб 1966 йилдан 1982 йилгача “Тошкент оқшоми” газетасининг адабиёт бўлими бошлиғи, 1982–1985 йиллардаFaфур Гулом номидаги Адабиёт ва санъат нашриётида бош муҳаррир ўринбосари, 1985–1995 йилларда “Шарқ юлдузи” журнали бош муҳаррири вазифасида ишлади. 1995 йилдан 2005 йилгача Ўзбекистон Республикаси Олий Мажлисида Матбуот ва ахборот қўмитасини бошқарди. 2005 йилдан 2013 йилгача “Театр” журналида бош муҳаррир сифатида фаолият юритди.

Ўткир Ҳошимов ижоди публицистикадан бошланган бўлиб, биринчи китоби 1962 йилда “Пўлат чавандоз” номи билан босилиб чиқкан. Унинг илк ҳикояси эса 1963 йили “Тўрт мактуб” номи билан чоп этилган. Кейинчалик мазкур ҳикоя асосида “Чўл ҳавоси” (1963) қиссаси яратилган. Шундан сўнг унинг “Одамлар нима деркин”, “Шамол эсаверади” қиссалари майдонга келди. Айниқса, адабнинг “Баҳор қайтмайди” (1970), “Қалбингга кулоқ сол” (1973) каби қиссалари ёзувчига шухрат келтириди.

Адабнинг қаламидан нимадир чиқса, у ўша заҳотиёқ эл орасида тарқалар, миллион-миллион ўзбек халқининг маънавий дастурхонига тортиқ этиларди. “Ўзим ишонган, ягона ҳақиқат деб билган нарсани ёзишга ҳаракат қилдим. Ўқувчи анойи эмас, жиндай ёлғонни дарҳол сезади. Китобхон назаридан қолиш эса оғир фожиа”, (“Саккизинчи мўъжиза”, 21-бет), деган эди адаб. Мана шу масъулият уни халқ ичида азиз қилди, номини шарафга буркади.

Алимардон Тўраев, Ҳасан дума, Мунаввар, Музатфар, Комиссар, Шерзод, Рустам, Далавой налогчи, Умар закунчи, Комиссар каби ўнлаб

қаҳрамонлари тақдири акс этган машхур роман ва қиссалар, қатор публицистик маколалар, ўзбекнинг муnis ва меҳрибон онаси сиймоси гавдалантирилган “Дунёнинг ишлари” қиссаси ҳамда бошқа асарлари билан ҳисоблаганды, ёзувчининг китоблари икки миллиондан ортиқ нусхада чоп этилди. Ўкувчи бу асарларни нима учун орзиқиб кутди, суйиб мутолаа қилди, бир-бирига илинди, бир-биридан қизганди, бир-бирига совға қилди? Сабаби – қоғозга ростини айтиш, қаламга хиёнат қилмаслик, маслак, эътиқод ва виждоннинг йўриғидан чиқмаслик... Унинг асарларида китобхоннинг қалби, сирлари, изтироблари ва муҳаббати яширганди. Ёзувчи четдан туриб, улар қалбига кўзгу тутган, бу кўзгуда нимаики кўринса, ҳамма-ҳаммасини рўйи-рост тасвирлаганди. “Баҳор қайтмайди”, “Қалбиннга қулоқ сол”, “Нур борки, соя бор”, “Икки эшик ораси”, “Тушда кечган умрлар”, “Икки карра икки беш”, “Дунёнинг ишлари”, “Мухаббат”, “Деҳқоннинг бир куни”, “Урушнинг сўнгги қурбони”, “Дафтар ҳошиясидаги битиклар” каби роман, қисса, ҳикоя ва қатралар, “Инсон садоқати”, “Виждон дориси”, “Тўйлар муборак”, “Баланд дорга осилма”, “Қатағон” каби қатор драматик асарлар фикримиз далилидир.

“Ўқинг ва ўрганинг Жиддий китобларни ўқинг. Қолганини ҳаётнинг ўзи беради”, дейди атоқли рус ёзувчisi Ф.М.Достоевский. Ўткир Ҳошимов жиддий китоблар ичida тарбияланди, жиддий устозлардан сабоқ олди. У 22 ёшлигига ёк устоз адаб Абдулла Қаҳхор назариға тушди, Саид Аҳмаднинг шогирди, Озод Шарафиддинов, Эркин Воҳидовларнинг ижодий маслакдоши, Умарали Норматов, ИброҳимFaфуров, Абдуғафур Расуловларнинг дўстига айланди. Ўзбек ва жаҳон адабиёти билимдени, таниқли олимна Муҳаббат Шарафиддина унинг ижодини дунё адабиёти контекстида ўрганиб, Н.В.Гогол, У.Фолкнер, В.Распутинлар ижодига ҳамоҳанглигини исботлади.

Ўткир Ҳошимов ижодининг эътирофга лойиқ йўналишларидан бири, бу – бадиий таржимадир. Мана, қўлимизда ёзувчининг машхур австриялик ёзувчи Стефан Цвейгнинг “Бир юракнинг сўниши” (кейинчалик “Куйган кўнгил фарёди” дея таҳрир қилинган) ҳикояси таржимаси. Адаб ундан олдинроқ О.Бергголс, М.Карим, В.Шукшин каби жаҳон ёзувчилари асарларини она тилимизга маҳорат билан ўғирган.

“Бир юракнинг сўниши” новелласини ўқидиму, ҳақиқий “адабиёт атомдан кучли” эканлиги, чин истеъодлар қалби чегара билмаслиги, бутун инсониятни ягона дард бирлаштириб туришига икрор бўлдим. Бунинг сабабчиси эса яна Ўткир Ҳошимов бўлди.

Мутолаага киришар экансан, Ўткир Ҳошимов таъбири билан айтганда, асарнинг охиригача бош кўтаролмайсан. Тузум ва мақон, дину эътиқод жиҳатидан бир-биридан фарқли ёзувчиларнинг ҳаётга, ахлоқий идеалларга, маънавий қадриятларга муносабатидаги уйғунликни кўриб ҳайратга тушасан. Новеллада орият, номус, ғурур каби туйғуларнинг ифодаси, ўз умри давомида эзгуликка хизмат қиласман деб, бутун умрини оиласининг баҳти учун қурбон қилган чоннинг интиҳосиз изтиробларини ҳис қилиб, қалбинг жунбушга келади. Зоро, унинг моҳиятида, инсонга нисбатан, ҳаттоқи фарзандингга берилган ортиқча меҳр ҳам оғуга айланиши ва у алалоқибат жигарбандинг қалбини заҳарлаши тўғрисидаги тушунча ётади. Бу ҳақиқатни

англаган адиб, асар таржимасига қалб қўрини тўқади, гўёки Стефан Цвейг сюжетини айтгану, Ўткир Ҳошимов асарни қоғозга туширганга ўхшайди.

Мазкур ўринда Соломонсон қалбидаги оғриқ ва изтироблар акс этирилган рус тилидаги куйидаги парчани келтирсак:

«Но почему же я все это терпел?.. Почему я лежу здесь и мучаюс, а она, распутница, спокойно спит? Почему я сразу не ворвался к ней в комнату и не сказал, что знаю об ее позоре?.. Почему я не переломал ей все кости?... Потому что я слаб... Потому что я трус. Я всегда был слишком слаб с ними... во всем им уступал... я ведь так гордился тем, что могу дать им легкую жизнь, пусть я сам жил как каторжный... Ногтями я выцарапывал для них пфенинг за пфенингом... я готов был содрать кожу со своих рук, лишь бы они были довольны... Но как только я создаль для них богаство богаство, они стали стыдится меня... и неизящен-то я... и необразован...»

А откуда у меня могло быть образование? Двенадцати лет меня уже взяли из школы, и я должен был зарабатывать, зарабатывать, зарабатывать... скитался собrazцами сначала из деревни в деревню, потом из города в город, пока не открыл свое дело... и едва они разбогатели и стали жить в собственном доме, как мое честное, добюroe имя стало им не к лицу... Заставили меня купить званий тайного коммерции советника... для того, чтобы ее больше не называли фрау Соломонсон, чтобы корчить из себя аристократок... Аристократки!... Они смеялись надо мной, когда я спорил против их претензий, против из «хорошего общества» когда я рассказывал им, как моя покойница мать вела дом, – тихо, скромно, жила только для отца и для нас... называли меня отсталым, старомодным... «Ты слишком старомоден, папочка», – посмеивалась она... Да, я старомоден... а она ложится в чужую постель с чужими мужчинами... мое дитя, мое единственное дитя... Ох, какой позор, какой позор!»

Ўткир Ҳошимов таржимага ижодий ёндашади, қария қалбидаги оғриқлар ифодасида бадиий-эмоционал таъсиранликни оширади:

“Шундоқ-ку, лекин мен буларнинг ҳаммасига нима учун чидаб келдим? Нимага энди мен бу ёқда ўз ёғимга ўзим қоврилиб ётаман-у, анави беҳаё хотиржам ухлаши керак? Нимага ўшандаёқ олдига кириб, шундоқ-шундоқ, сенинг шармандалигинги ўз кўзим билан кўрдим, демадим? Нега суяқ-суягигача майдалаб ташламадим? Нега деганда, мен ожизман. Мен кўрқоқман... Мен ҳамиша уларнинг олдида ожиз бўлиб келдим. Нима дейишса кўндим... Лекин... ахир, мен ўзим ит азобида яшасам ҳам, шуларнинг хаётини енгиллаштириб берганимдан фаҳрландим-ку! Ҳар бир пфенингга тиш-тирноғим билан тирмашардим. Шулар хурсанд бўлса, қўлимнинг терисигача шилиб беришга тайёр эдим. Лекин уларни бадавлат қилиб қўйганимдан кейин она-бона мендан ҳазар қиласиган бўлиб қолишиди. Хунукман, саводсизман... Каёқдан саводхон бўлай? Ўн икки ёшимдан мактабдан тортиб олиб ишга солдилар. Мен пул ишлашим керак эди. Пул, пул, пул ишлашим... Намуналар солинган чемоданни қўлтиқлаб аввал қишлоқма-қишлоқ, кейин шаҳарма-шахар кездим. Ўзим идора очмагунча озмунча дайдидимми? Сал жир битиб, ўз уйига эга бўлгандан кейин, менинг пок

номим, яхши отим ёмонга чиқди. Мендан уяладиган бўлиб қолишди. Она-бала яширин коммерция маслаҳатчиси деган унвонни сотиб олсан, деб мажбур қилишди. Фрау Соломонсон деган ном уларга яраш-масмиш, кибор бўлгилари кеп қопти. Киборлар эмиш! Уларнинг даъ-воларига қарши, “яхши давраси”га қарши гапирганимда, раҳматли онам уй ишларини тинчгина, соддагина бошқарганини, ёлғиз отамизу биз учун яшаганини айтганимда масхара қилиб қулишди, дадажон, қолоқсан, эски одамсан, дейиши... Сен жудаям қолоқсан, деди анаву-ниси ҳам... Ҳа, мен эскиман, қолоқман... Ўзи бўлса бегона эркакнинг тўшагида... Қизалоғим, менинг ягона, биттаю битта болагинам... Оҳ қандок шармандалик, қандок шармандалик!”

Стефан Цвейг қаламига мансуб бу новелланинг икки таржимасини қиёсласак, Ўткир Ҳошимов варианти рус таржимони П.Бернштейн таржимасига қараганда, самимириқ, жонлироқ чиққанини айтиш мум-кин. Бунинг сабаби, Ўткир Ҳошимов асар қаҳрамонига бўлган муно-сабати, ўзбекона меҳри, умр шомида азоб чекаётган қария дардини туб моҳияти билан ҳис қилиши, асарнинг бадиий юки, жозибадорлигини ошириш мақсадида “ўз ёғимга ўзим қоврилиб”, “ит азобида яшасам”, “сал жир битиб” каби ибора ва бадиий тасвир воситаларидан моҳирона фойдаланганлигига кўринади. Бернштейн тиниш белгиларини такрор қўллаш орқали қаҳрамон қалбидаги ғалаёнлар талотўмини ифодалаш-га харакат қилса, Ўткир Ҳошимов инсон қалбидаги фожиани тасвир-лаш йўлидан боради. Муаллиф тили, услуби ва асар ғоясини англаб, кайфият ва руҳиятдаги ўзгаришларни нозик ҳис қилиб, уни содда, ту-шунарли ва таъсирчан ҳолда ўқувчига етказиш учун адаб тент тошли таржимонга айланади. Бу новелла мутолааси пировардида, ҳозирги етук носирларимиз таржимага қўл урмай, ўзбек таржимачилиги риво-жи учун қанча зарар келтираётгандари ҳақидаги ўйлар кечди хаёлдан.

Шу ўринда кичик бир эпизод. Ў.Ҳошимовнинг болалиги уруш даврига тўғри келган. Шу сабабли у ўсган ҳовли яқинидаги болалар оромгоҳига кўплаб бошқа миллат болалари келтирилган. Қолаверса, маҳаллага эвакуация қилинган рус оиласлари болалари билан тил то-пишган бўлажак адаб рус тилини жуда яхши ўзлаштиради. Ёзувчи-нинг кизи Юлдуз Ҳошимовага айтиб беришича, ўша пайтлар адаб ўқиган мактабга русийзабон комиссия аъзолари келишади. Табиийки, уларнинг кўнглига йўл топиш ёш Ўткир зиммасига тушади. Унинг рус тилидаги бийрон-бийрон сўzlари, хаяжонли, айни дамда салмоқли мулоҳазаларини эшитган комиссиядаги ёши катта бир аёл: “Он будет поэтом”, деган экан.

Куйида Стефан Цвейг новелласининг бир қисми атоқли ёзувчи ва таржимон Ўткир Ҳошимов таржимонлик маҳоратидан намуна сифа-тида эътиборингизга ҳавола этилмоқда. Заррада қуёш акс этади, де-гандаридек, адібнинг истеъдодига мана шу мўъжаз далил ҳам кифоя қиласди.

Алимурод ТОЖИЕВ

Стефан ЦВЕЙГ

БИР ЮРАКНИНГ СЎНИШИ

Новелла

*Рус тилидан
Ўткір ҲОШИМОВ
таржимаси*

Инсон юрагини абгор қилиш учун қисмат ҳар доим бор кучи ва қудрати билан зарб беравермайди. Арзимас баҳоналар туфайли кишини ўлимга маҳкум қилиш – тақдирнинг енгилмас иродасидир. Биз ўзимизнинг оддий тилимизда тақдирнинг дастлабки ожизгина шарпасини шунчаки баҳона деб атаймиз. Кейин эса қисматнинг ilk зарбаси нақадар қудратли оқибатларга олиб келганини кўриб, ҳайрон қоламиз. Лекин касаллик зохир бўлишидан анча илгарироқ пайдо бўлгани сингари инсон қисмати ҳам кўзга яққол ташланган дақиқадан бошлаб эмас, анча олдинроқ туғилади. Тақдиримиз кўз ўнгимизда рўбарў келишидан илгари вужудимизнинг энг чуқур жойларида, қонимизда яшириниб ётади. Кейин киши бирдан ўз-ўзини таниб қолади. Бу – ўз-ўзига қарши курашиш билан баравардир. Ўз-ўзига қарши курашиш эса ҳамиша кўнгилсиз бўлади.

* * *

Қария Соломонсон (ўз ватанида уни коммерция маслаҳатчиси Соломонсон деб аташарди) кунлардан бирида Гард кўли сохилидаги мусофирихона хужрасида кечаси уйғониб кетди. У бу ерга пасха байрамини ўтказиш учун ўз оиласи билан келган эди. Шундай қилиб, чол қаттиқ оғриққа чидолмай уйғониб кетди: гўё кимdir унинг қорнини мижиғлаётгандай бўлар, кўкраги қисилиб, аранг нафас оларди. Чол қўрқиб кетди: унинг жигари касал, ўқтин-ўқтин санчиб турарди. Бунинг устига врачларнинг Карлсбатга бориб шифоланинг деб маслаҳат беришига қарамай, у оиласи билан жанубга келишини афзал кўрган эди. Чол яна жигар касалим кўзғаб қолдими, деган хаёлга бориб, қўрқиб кетди. Даҳшат ичида каттакон қорнини пайпаслаб кўрди. Аммо оғриқ ҳарчанд азоб беришига қарамай, бир мунча таскин топди. Биқини буралиб оғрир эди. Чамаси, бу ернинг овқатлари зўрлик қилган бўлса ажабмас. Балки ошқозони бироз заҳарлангандир. Италияга келадиган туристлар тез-тез шундай оғриб туришади-ку. У хийла тинчланиб, титроқ қўлларини қорнидан олди. Аммо оғриқ ҳамон сусаймас, нафас олишга қўймай чанглаб олганга ўхшарди. Шунда у туриб юрсам босилар, деган умидда инқиллаб-синқиллаб ўрнидан турди. Чиндан ҳам оёққа туриб, бир неча қадам юрганидан кейин дарров аҳволи енгиллашди. Лекин қоронги хужра тор эди. Чол иккинчи каровотда ухлаб ётган хотинини уйғотиб юборишдан ийманди. Агар уйғониб қолса, бекорга хавотирлана бошлиди. Шунинг учун у елкасига халатини ташлаб, сарпойчан оёғига

тунлик шиппагини илди-да, бироз айланиб келиш мақсадида секингина йўлакка чиқди.

У эшикни очган пайтда йўлакнинг ланг очик дарвозаларидан черков қуббасида жаранглаган соат зангининг садолари ёпирилиб кирди. Тўрт марта янграган занг овози кўлнинг нариги соҳилига урилиб, юмшоққина акс-садо берди-ю, сукунат қўйнига сингиб кетди: тонг соат тўрт бўлган эди.

Йўлак қоп-қороги эди. Аммо чол унинг тўппа-тўғри ва узиндан-узоқ эканлигини аниқ эсларди. Атроф коронги бўлса ҳам чол йўлакнинг у бошидан бу бошига бориб келар, чуқур-чуқур нафас олар, оғриғи астасекин пасаяётганидан қувонарди. У эндинга ўз хужрасига қайтиб кирмоқчи бўлиб турган эди, тўсатдан сезилар-сезилмас шовқинни эшитиб тўхтаб қолди. Қаердадир, якингина жойда бир нима гийқиллади, алланима шитирлаб кетди, кимларнингдир пичир-пичир гаплашгани эшитилди. Қия очилган эшикдан тушган ингичка нур бир лаҳза зулматни кесиб ўтди. Бу нима бўлди? Чол беихтиёр бурчакка қисилиб олди. Албатта, у нима бўлаётганини билишга қизиқиб қолганидан эмас, бирор унинг уйқусизлик касалига мубтало одамдек ярим кечада йўлакда тентираబ юрганини кўриб, гап қилишдан чўчигани учун шундай қилди. Лекин йўлакка нур тушган пайтда у очилган эшикдан оппоқ кўйлак кийган бир аёл чиққанини, йўлакнинг нариги бошига шўнғиб кетганини кўриб қолди. Ё унга шундай туюлдими, билолмади. Чиндан ҳам йўлак охиридаги эшиклардан бирининг тутқичи шиқирлади. Кейин яна ҳаммаёқ зулмат қўйнида сукутга чўмди.

Чол юрагига бирор унинг санчгандек бирдан қалқиб кетди. Ахир, йўлак бошида эшик тутқич хоинона шарақлаган жойда унинг, ўзининг хужралари жойлашган-ку. Уч хонали ўша хонани оиласи учун ижарага олган унинг ўзи эмасми? Хотини ўликдек ухлаб ётибди. Ўзи ҳозиргина унинг ёнидан чиқди. Демак бу... Йўқ, адашиши мумкин эмас, бу – бирорининг хужрасидан яширинча чиқиб кетган аёл унинг қизи Эрна экан-да. Эндинга ўн тўққизга тўлган Эрна!

Чол даҳшатдан музлади-ю, бутун вужуди қалтираб кетди. Бу – Эрна – унинг қизалоғи, шўх-шабада, эркагина қизалоғи. Йўғ-е, адашди. Бундай бўлиши ақлга сифмаган гап. Адашди, албатта адашди! Ундан деса, нимага у бирорининг хужрасига кириб юрибди. Чол бу фикрни елкасига миниб олган қутурган итни итқитиб юборгандек хаёлидан ҳайдади. Лекин ўша эшикка кириб кетган аёл унинг миясига маҳкам ўрнашиб олди. Йўқ, бу хаёлни юлиб ташлаб бўлмайди. У билиши керак. Адашдими, йўқми? У нафаси бўғзига тикилиб, деворни пайпаслаганча қизининг хужрасига – ўз хонаси билан ёнма-ён хужра эшигига етиб борди. Етиб борди-ю, фақат шу эшик тирқишидан ингичкагина нур тушиб турганини, эшик зулфидан хоинларча зиё таралаётганини кўриб аламидан додлаб юборай деди. Соат тўртда қизининг хонасида чироқ ёниб турибди! Мана, тағин бир далил: включатель шиқирлади, ингичка нур зулмат қўйнида эриб кетди. Йўқ, йўқ, энди ўз-ўзини алдаш бефойда: Эрна, унинг қизи Эрна ярим кечаси бегона ҳужрадан яширинча чиқиб, ўз хонасига кириб кетди.


Чол безгак туттандек қалтирас, негадир совқотар, бутун баданидан совук тер чиқиб кетган эди. Эшикни бузиб кираман, уриб, пачаклаб таш-

лайман шармандани! Аввало у шундай хаёлга борди. Лекин бир қадам хам юролмади, оёқлари чалишиб кетди. У ўз хужрасига бир амаллаб етиб олди-да, ўлар ҳолатда яраланган жонивор сингари хушидан кетгудай бўлиб тўшакка йиқилиб тушди.

* * *

Чол қимир этмай ётар, кўзларини катта-катта очганча зулматга тикилиб қолган эди. Шундоққина ёнида ухлаб ётган хотинининг чукурчукур нафас олиши эшитилади. Аввалига у хотинини туртиб уйғотгиси, ҳозир ўзи кўрган даҳшатли воқеани айтиб бергиси, бакириб-чакириб, бутун ғазабини тўкиб соглиси келди. Лекин бундок даҳшатни қай юз билан, қай тил билан гапирсинг? Йўқ, асло, асло гапиролмайди. Лекин нима қиласин?

У фикрини бир ерга тўплаб олишга уринар, хаёллари эса кўршапалаклар сингари миясида тўхтовсиз чарх уради. Ахир, ахир, бу даҳшат-ку! Эрна, меҳрибон кўзлари порлаб турган, нозиккина, эркагина қизалоғи... Куни кеча эмасмиди, алифбе варағидаги ҳарфларни тушунолмай жажжи, қизғиши бармоқлари билан сўзларни хижжалаб ўқиб ўтиргани. Куни кеча эмасмиди, у мактабдан олиб келиш учун борганида қизалоғи зангори кўйлагининг этагини ҳилпиратиб истиқболига югуриб чиққанлари. Ўшанда у йўл-йўлакай қандолатчининг дўконига кириб қизига пирожний олиб берарди. Шира теккан гўдак лабининг бўсасини ҳамон унугани йўқ, ахир. Буларнинг ҳаммаси куни кеча бўлмаганмиди? Йўқ, орадан анча йиллар ўтиб кетди. Анча йил... Йўғ-е, куни кечанинг ўзгинасида қизи болаларча эркалик билан витринада турган, олдида зарли уқа тутилган зангори свитерни олиб берасан, деб ҳархаша қилмадими! “Дадажон, жон дада, хўп дей қол”, деганча, кафтларини жипслаштириб, кувонч билан жилмайиб турган эди-ку. Ҳар сафар қизи шундай ишонч билан кулиб турганида унинг юзидан ўта олармиди! Энди бўлса, қизи унинг хужрасидан икки қадам наридаги бегона эркак хонасига кирди, унинг тўшагида ётди...






КОРЕЯ РЕСПУБЛИКАСИ

Сўзлашувда, норасмий ёзишмаларда аксарият ҳолларда “Жанубий Корея” деб аталадиган, Шарқий Осиёда – Корея яриморолининг бир қисмида жойлашган ушбу мамлакат бугун дунёнинг иқтисоди тарақкий этган давлатлари сафида саналади. Бироқ бу дараҷага эришгунга қадар Жанубий Корея Республикаси узоқ тарихни бошдан кечириди.

Корея халқи ўтмиши озодлик ва эрк учун курашлар тарихига бой. Милоддан аввалги V–IV асрларда яриморолда ташкил топган Чосон биринчи корейс давлати хитойлар томонидан босиб олинади. Босқинчиликка қарши курашлар давомида бу ерда Когурё, Пэкче, Силла каби давлатлар пайдо бўлди. Кейинчалик мўғуллар (XIII аср), хитойлар (XIV аср), япон ва манжурлар (XVI аср охири – XVII аср бошлари) кореяликлар юртини мустамлакага айлантиришга уринди. Бундай босқинчилик юришлари натижасида мамлакат анча вайрон бўлди. XX аср бошида Япония империясининг хомашё макони ва бозорига айлантирилган Кореяда доимий равишда озодлик ҳаракатлари, намойишлар бўлиб ўтди. Иккинчи жаҳон урушида Япониянинг мағлубиятга учраши натижасида Корея собиқ Совет армияси ва АҚШ қўшинлари томонидан озод қилинди. Айни чоғда шу вактга қадар битта мамлакат бўлиб келган яриморол ҳудуди иккита давлатга ажralиб кетди: 1948 йил 15 августда Сеулда Корея Республикаси, 9 сентябрда Пхеньянда Корея Халқ Де-



Мустақиллик санаси –
1948 йил 15 август

Пойтахти – Сеул

Майдони – 100 210 км²

Аҳолиси – 51 413 925 киши

Давлат тили – корейс тили

мократик Республикаси тузилганлиги расмий равишда эълон қилинди.

Жанубий Корея халқи урушдан кейинги йилларда ҳам ҳарбий-лаштирилган тузум шароитида яшади. Аввалига Ли Син Ман (1960 йили афдариб ташланди), сўнг Пак Чжон Хи (1979 йили ўлдирилди) режими хукм сурди. 1980–1987 йилларда Чон Ду Хван президент лавозимида бўлди. 1987 йили ўтказилган референдум янги конституцияни тасдиқлади. 1988 йил 25 февралда кучга кирган мазкур конституция қўп босқичли сайлов ўрнига тўғридан-тўғри президент сайловини жорий этди, парламентнинг хукукларини кенгайтирди, армиянинг сиёсатда қатнашмаслиги хақидаги низомни конституцияга киритди, матбуот эркинлигини мустаҳкамлади. 1992 йил декабрда ўтказилган президент сайловида Демократик либерал партия номзоди Ким Ен Сам ғалаба қозонди. Унинг шиори “барқарорлик шароитидаги ислохотлар” эди. Ҳарбийларнинг неча ўн йиллик хукмронлигидан сўнг биринчи марта оддий фуқаро сиёсатчи олий лавозимига сайланди.

Ўзбекистон билан Корея Республикаси ўртасида мустаҳкам алоқалар ўрнатилган. Мамлакатимизда автомобилсозлик саноатининг ривожланиши, миллий автомобиллар ишлаб чиқарилишида ҳам жанубий кореялик ҳамкорларнинг муносабиҳ хиссаси бор. Бугун самарали фаолият юритаётган Тошкент шаҳридаги Инҳа университети халқаро стандартлар даражасидаги ахборот-коммуникация технологиялари соҳасида юқори малакали мутахассисларни тайёрламоқда.

15 август Корея Республикасида Озодлик куни сифатида байрам килинади. Шу муносабат билан журнализмнинг август сонида Корея адабиёти ва санъатига кенгроқ тўхталишга қарор қилдик.

Адабиёт



Кореяда илк ёзма ёдгорлик VIII асрда Силла қироллиги хукмронлик қилган даврда яратилган. Хитой иероглифида ёзилган ёдгорликдан бугунги кунгача ханга номли йигирма беш назмий асар сақланиб қолган. Корё сулоласи даврида корё каё (“Каё” қўшиклари) шеърий жанри урф бўлган. Сулола хукмронлигининг сўнгги даврларида янги лирик поэтик жанр – сижода ижод қилинди. Сижо уч мисрадан иборат бўлиб, бошқа тилларга ўғирилганда кўпинча олти сатрга айланади. Хангил алифбоси вужудга келгач, шоирлар ишқ-муҳаббат мавзуида ижод қила бошладилар. Ли сулоласи даврида эса тасвирий лирика ривожланди. Тасвирий лирика “коса” деб номланиб, шоирлар ўз шеърларида она табиатни мадҳ этишган. XVII–XVIII асрларда мамлакатда Сирхак ҳаракати (табиий фанлар мактаби)нинг вужудга келиши Корея маданиятида катта ўзгаришлар рўй беришига сабаб бўлди. Адабиётда Farb мамлакатларининг, жумладан, христианлик динининг таъсири яққол сезила бошлади. Анъанавий жамият учун янгилик саналган тентлик ғояси кенг тарғиб

қилина бошланди. Мамлакатда ҳамма хангилда ёзишга ўтди, нафақат шоирлар балки, оддий ҳалқ ҳам ўз ёзганларини эълон қилиш хукукига эга бўлди. Насрий асарлар асосан хитой иероглифида ёзилди. Насрда тарихий асарлар етакчилик қилган. Ким Бусикнинг “Самгук Саги” (“Уч қироллик тарихий ёдгорликлари”, XII аср), Ким Иреннинг “Самгук юса” (“Уч қироллик давридан қолган воқеалар”, XIII аср) асарлари шулар жумласидан. Ким Си-сипнинг (1435–1493) “Олтин тошбақа тоғидан янги ҳикоялар” асари Корея бадиий адабиётининг тамал тоши сифатида тан олинади. Афсуски, факат бешта новеллани қамраб олган биринчи китоб сақланган, холос. XVII асрда илк роман Хо Гюннинг “Хон Гил Дон ҳакида кисса”си эълон қилинди. Романда ижтимоий тенглик ғояси илгари сурилган.

1910 йили мамлакатни японлар босиб олгач, ҳалқни ўз она тилида сўзлашишини ман қилди, Ғарб тилларини ўрганиш ҳам тақиқланди. Бадиий асарлар жиддий цензурадан ўтгач, эълон қилинар ёки умуман йўқ қилиб юбориларди. Кўпгина ижодкорлар “Жамият тинчлигини сақлаш” конунига “хилоф иш” қилгани учун озодликдан маҳрум қилинди. Аммо шундай кучли босим остида ҳам иродали корейс ижодкорлари озодлик, ҳурлик ҳакида куйлашдан тўхташмади. Мустамлакачиларнинг таъсир доираси камая борган сари кореялик ёзувчилар ҳалққа тушунарли ва яқин бўлиши учун ўз она тилида ижод қилдилар. Таржимонлар бадиий асарларни ўзга тиллардан она тилига ўгира бошладилар.

Япония босқинидан сўнг мамлакатда “синмунхак” (янги адабиёт) ривожланди. Бунда асосан мустамлакачилар зулми остида эзилаётган ҳалқ дарди куйланган.

1908 йили “Сонён” (“Фарзанд”) журналида чоп этилган Чхве Намсоннинг “Фарзандимга денгиздан мактублар” номли поэması Кореяда замонавий поэзия (верлибр) туғилишига туртки бўлди. 1914 йили ёзувчи Ли Гвансу “Чхончхун” (“Ёшлик”) журналида ўз романларини пешма-пеш эълон қила бошлади. Роман жанри Корея адабиётида бугунги кунгача асосий жанр сифатида тан олинади. Ёзувчилар ижтимоий тенглик, жамиятнинг маънавий-маданий ҳаёти мавзуларига доимий му-рожаат қиласиди.

Жанубий Кореянинг таникли адабиётшунослари Квон Ён Мин, Ким Юн Сик, Ли Жон Сук, Чо Дон Илнинг фикрича, Корея замонавий адабиёти 1894 йилдан бошлаб шаклланган. Аммо 1945 йилдан сўнг ягона миллий адабиёт ривожланди. XX асрнинг бошларидан Кореяда “Тонгги нур” (Согван), “Даврнинг боши” (Кебёк), “Талабалар дунёси” (Хаксен кэ), “Шарқ ёғдуси” (Тонгван), “Харобалар” (Пхехо), “Атиргуллар қишлоғи” (Чанми чхон), “Олтин юлдуз” (Кимсон), “Ижод” (Чханжо) каби турли адабий журналлар чоп этила бошланди. Ҳар бир журнал атрофида турли адабий йўналишларда ижод қилувчи ёзувчиларнинг кичик-кичик уюшмалари пайдо бўлди. Бу пайтга келиб, шоирлар ҳам эскича услубдан воз кечиб, янги – эркин (чжаюси) услубда ижод қила бошлади. Масалан, Жу Ё Ханнинг “Ўтли ўйинлар” асари чжаюси услубида битилган. Ким Оқ, Ким Со Вол, И Санг Хва, Хонг Са Ёнг каби шоирлар эса анъанавий минё (ҳалқ қўшиғи) услубида шеърлар битишган. Адабиётда, айниқса, прозада асосий эътибор персонажларнинг руҳиятига қаратилди. Конфуций таълимотига, анъаналарига таянган

дидактик адабиёт ривожланди. Конфуцийлик ва буддавийлик таъсири остида мамлакат адабиётида ҳикоянинг бадиий ва композицион воситаларини мужассамлаштирган новелла жанри шаклланди. Ютуқ ва камчиликларни ўзида жамлаган севимли қаҳрамонлар фольклордан новеллага кўчди.

1923 йили “Янги ғоявий адабиёт” деб номланувчи адабий йўналиш пайдо бўлди. Йўналишга Японияда таҳсил олган Ким Ги Жин асос солди. Асосий мақсад адабиётни турли ўткинчи ғоялардан тозалаб, ҳаёт билан ҳамнафас, реалистик руҳда ривожлантириш эди. Ким Ги Жиннинг фикрича, адабиёт ҳаётни ҳеч қандай бўёқларсиз кўрсата олиши даркор. Янги ғоявий адабиёт тарғиботчилиаридан бири Ли Гвансунинг реалистик асарлари бир зумда оммалашиб кетди. Ёзувчи ўз асарлари орқали япон босқинчилиги даврида эзилган халқ кечинмаларини баён қилди. Уларни руҳий бирдамликка, ҳурлик учун курашга чорлади.

Ли Гвансудан фарқли ўлароқ ҳикоянавис Ким Доңъин “Санъат – санъат учун” ғоясини илгари сурди. Ёзувчи адабиётнинг қиммати турли таъсиrlардан холи гўзалликда деб билди. У асосан ҳикоя жанрида ижод қилди. Замонавий корейс адабиётида Ким Доңъин ҳикоя жанри ривожланишига ўз хиссасини қўшди.

Ёзувчи Японияда ўқиб юрган кезлари 1919 йили илк корейс адабий журнали – “Ижод”га асос солди. Журналнинг биринчи сонида ўзининг биринчи “Мадорсиз инсон ғами” ҳикоясини эълон қилди.

Ким Доңъиннинг реалистик йўналишда битган асарлари ҳам тезда оммалашиб кетди. Мамлакат адабиёти тарихида у биринчилардан бўлиб “ҳикоя ичида ҳикоя” ёзди. “Хайрлашув қўшиғи” ҳикояси айни шу йўналишда ёзилган.

Унинг “Картошка” ҳикояси ҳам реалистик йўналишда бўлиб, асарда япон босқинчилиги пайтида очлиқдан силласи қуриган оила фожиаси ҳикоя қилинади. Болаларининг қийналишига дош бераолмаган она корин ғамида хиёнатга қўл уради.

Анъанавий мавзу доирасидан четга чиқсан, дидактика ва ўқувчига ўз фикрини уқтиришдан воз кечган Ким Доңъин асарлари орқали китобхонни ҳаётга янгича қарашга мажбур қилди.

Ёзувчилар Хён Жингон ва Ём Сансон ҳам асарларида халқнинг оғир ҳаёти, анъаналарнинг бузилиши, ижтимоий-сиёсий ҳаётнинг инсон тақдирига таъсири ҳақида ёзади. Хён Жингон ижодида романтизм таъсири яққол сезилади. Ҳикояларида жамият ва инсон ўртасидаги муқаррар тўқнашувлар мавзусига қайта-қайта мурожаат килади. Барча қаҳрамонлари жамиятда ўз ўрнини топишга, эркинликка эришишга интилади. Масалан, “Муваффақиятли кун” ҳикоясида ёзувчи эски аравасида кетаётган, дунёнинг ортидан бесамар югураётган ҳаммолнинг аянчли ҳаёти ҳақида ёзади. Ҳаммолнинг хотини оғир бетоб. Бир дақиқа бўлса-да, у буни хаёлидан чиқаролмайди. Аравасини кечгача судрасада, дори-дармонга, озиқ-овқатга етарли пул тополмайди. Кунларнинг бирида ҳаммолга омад кулиб боқади. Мижозларнинг кети узилмайди. Пул топиш имконияти пайдо бўлганидан қувонган баҳтиқаро ҳаммол яrim тунгача ишлайди. Уйга келиб, не кўз билан кўрсинки, хотини оламдан ўтган. Қаҳрамон ҳаёт синовларига бардош беради. Аммо пул ортидан қувиб хотинини асролмайди, ҳаётда ютқазади.



Ёзувчи Ём Сансон эса корейс адабиёти тарихида илк марта жиддий психологик таҳлилга эътибор қаратади. “Тажрибахонадаги курбақа” ҳикоясида биологик лабораторияда тажрибага тайёрланаётган курбақанинг азоб-укубатларини ёзади. Ҳикоя орқали муаллиф мустамлака давридаги корейс халқининг кечмишини таҳлил қилади. Охирги йилларда Жанубий Кореяда ёзувчилар Ли Мунёл ва Хан Мусуканинг асарлари оммалашиб, бир неча тилларга таржима қилинди.

Мамлакат замонавий адабиётида ёзувчи Пак Мингюнинг ҳам алоҳида ўрни бор. 1969 йили дунёга келган Пак Мингю XXI асрнинг таникли ёзувчилари сирасига киради. 2011 йили танқидчилар Пак Мингюни “XXI аср адабиётининг юзи” сифатида тан олишди. Асарлари бир неча тилларга таржима қилинган. 1986 йили Пак Мингю Чун-Ан университетининг Адабиёт ва санъат факультетини тамомлайди. Турли компанииларда фаолият юритади. 2003 йили “Сайёрамиз қаҳрамонлари ҳақида афсоналар” номли илк романи чоп этилади. Ўша йили “Самми” суперюлдузининг охирги фан-клуби” романи ва “Бисквит”, “Раҳмат, бўрсик” номли ҳикоялари эълон қилинади. Мана шу икки роман ва ҳикоялари учун ёзувчи турли нуфузли адабий мукофотлар билан тақдирланди. Ўз ижоди давомида Пак Мингю иккита ҳикоялар тўплами ва тўрт романнини омма эътиборига тақдим этди. Унинг асарлари турли йўналиш ва услубларда, асосан, постмодернистик руҳда ёзилган.

Гулжоҳон НАМОЗОВА тайёрлади.

Тасвирий санъат

Кореяда илк деворий суратлар Жанубий Манжурия ва Пхенъян остидаги (III–IV асрлар) Когурё тобутхона деворларида, шунингдек Кёнжу, Сила пойтахтида (VI аср) топилган. Когурё рангтасвири шакллар динамикаси ва

сезиларли ритми билан ажralиб туради. Бу даврда Силла рангтасвирида ҳар бир деталга алоҳида эътибор берилган.

Корё даврида буддизм гуллаб-яшнади. Корейс тасвирий санъатида ушбу давр “олтин аср” деб номланган. Бу давр рассомлари ибодатхоналарда ажойиб фрескалар ва буддизм қўлёзма китобларига суратлар, замондошлар портретлари, шунингдек “тўрт маъбуд” (олхўри, орхидея, хризантема ва қамиш гулларини шундай аташган) каби тасвиirlар ишлашган.

Янги нишона намояндаси рассом Чон Сон (1676–1769) бўлиб, миллий-маиший корейс рангтасвирини жонажон юртинг табиати билан боғлаб акс эттиради. Унинг услубидаги ўзига хосликни “Инван тоғида ёмғирдан сўнг”, “Олмосли тоғлар” ва “Тоза шамол водийси” асарларида кўриш мумкин.

XVIII аср иккинчи ярмида Корея Ғарб санъати таъсири остида ривожлана бошлади. Маҳаллий рассомлар жамиятнинг ижтимоий муаммоларига эътибор қаратиб, корейсларнинг оддий турмуш тарзи ҳақида хикоя қилувчи асарлар яратадилар. Ёрқин ва ранг-баранг ушбу асарлар нафақат Кореяда, балки Ғарбий мамлакатларда ҳам машҳур.

XX асрда корейслар мойбўёқ техникасидан фойдалана бошлаганлар, янги услугуб замонавий ғарбий санъат оқимлари билан танишиб, миллий анъанани сақлаган ҳолда асарлар яратганлар.

Анъанавий рангтасвирида Хитой оҳанглари ва хаттотлик элементлари кучлидир. Унда асосий қирра мўйқаламда чизилган чизиклар хисобланади.

Анъанавий ҳайкалтарошлиқда асосан буддизм ҳайкаллари ва бееклар ҳозирга қадар бор. Будданинг энг яхши ҳайкали Соккурамеда сақланади. Шомонистлар ёғоч ўймакорлигининг ажойиб намуналарини яратишган. Сеулда бир неча бадиий ҳайкалтарошлиқ боғлари мавжуд бўлиб, замонавий ҳайкалтарошлар ўз ишларини намойиш этадилар. Сеулда шунингдек замонавий ва анъанавий меъморчилик ҳам ривожланган. Шаҳар дарвозалари ва Чосун давридаги Жеонгбокгунг саройи анъанавий меъморчиликда яратилган асарлар сирасига мансуб.

Жанубий Корея рассомларининг ижоди нафақат ҳаққонийлиги ва гўзал тасвиirlари билан, балки турли усувлар ва услубларнинг рангтасвирида кўлланилиши билан ҳам ажralиб туради. Тасвиirlangan манзаралар нафислиги билан ҳар қандай нозик дидли томошабинни ўзига ром этади. Ёрқин ранглар, аниқлик ва майдадеталларнинг нозик тасвиirlари Корея рассомларининг серқирра ижодидан далолат беради.

Баъзи бир манбаларда айтилишича, Кореялик рассом Соль 1200 йил илгари ибодатхона деворларига қарағай дарахтини чизган. Рассом қарағайни шу даражада табиий ва ёрқин бажарган эканки, суратга қушлар келиб, қўнишга харакат қиласи ва деворга урилиб ерга тушар экан.

Бугунги кунда Корея тасвирий санъати миллий колорит ва замонавий маданиятни уйғун этган ҳолда жадал ривожланмоқда. 1980 йиллар корейс ёш рассоми – Син Бон Хва “Посокхва” номли янги услугуб яратди ва “Пекин – 88” Халқаро кашфиёт кўргазмасида олтин медаль билан тақдирланди. Ушбу услугуб шуниси билан ажабланарки, оддий кукун ёрдамида ҳар хил рангдаги тошлардан бўёқларсиз тасвир яратилади. Бундай тасвиirlар узоқ вақт мобайнида сақланиб, таъмирлаш ҳам талаб этилмайди. Шу боис кукунлардан Корея рангтасвирида кенг фойдаланилади. Улардан гулдон, мебель, кутича ва бошқа майший жиҳозларнинг устки қисмига ишлов берилади. Охирги йилларда Жанубий Кореяда чиганоқдан ва майдадалюскалардан турли гулдонлар, ўйинчоқлар ва портретлар яратиш урфга айланган.

Чарос ФАНИЕВА тайёрлади.



Меъморчилик

Қадимги Кореяда ёғоч уйларни куришда устунларнинг бир-бирига горизонтал тахлаш услугиби қўлланилган ва елвизакларни олдини олиш учун уларнинг орасини лойсувоқ қилишган.

Бундай услугуда қурилган уйлар Жанубий Кореянинг Канвондо тоғли ўлкаларида ҳозиргача сақланиб қолган.

Кореянинг Kochhan, Xvasun яримороллари ва Канхадо оролида юзлаб дольменлар, яъни гигант тошқурилмалар топилган. Одатда дольменлар деб юритувчи мегалитлар Мумун сопол даврида (мил.ав. 1500–300 йиллар)даги зодагон ва амалдорларни дафн этиш маросимида мақбара вазифасини бажарган. Мазкур иншоотлар Мумун даврининг меъморий намунаси сифатида тош дахмалар билан биргаликда топилган. Улардан энг қадимгиси III асрга оид ҳисобланади ва ЮНЕСКО рўйхатига киритилган.

Мегалитларнинг уч тури мавжуд: 1) жанубий тур (паст, кўпинча тошларни ушлаб турувчи оддий плита); 2) шимолий тур (устунсимон катта мегалитлар); 3) юқори тур (қопламали).

Когурё – Кореянинг учта қадимий давлатларидан энг йириги ҳисобланиб, ўзининг тоғли қалъалари билан машҳур. Когурё давлатининг бизгача яхши сақланиб келинган обидаси – Пэгам қалъаси, ҳозирги Жануби-Фарбий Манчжурия худудида VI асрдан олдин қурилган. Хитой ёзма манбааларига кўра, Когурё давлатининг ахолиси бир-биридан маҳобатли саройлар қуришни яхши қўришган экан. Нақшли сопол черепицалар ва турли декоратив тизимлар Пхенъяннинг кўпгина саройларида, шунингдек ҳозирги Манчжурия худудидаги шаҳар-қалъаларида ишлатилган.

Хваннёнса – Силла давлатининг энг қадимий ибодатхоналаридан бири сифатида 1976 йилда ўтказилган археологик қазилмалар натижасида маълум бўлган. Мазкур ибодатхона 288 метрли тўғрибурчак девор билан ўралган, 19 040 м²ни ташкил этувчи майдонда жойлашган. “Самгук саги” (уч қироллик хақида хотиралар) китобида мазкур жой ўрнида, 645 йилда қурилган, бўйи 80 метрли тўққиз қаватдан иборат ибодатхона жойлашганлиги тилга олинади. Ибодатхонанинг марказий залида Будда Шакъямунигиннинг улкан тасвири ўрин олган. VI асрнинг ўрталарида қурилган Хваннёнса ибодатхонасининг заллари турли даврларда қайта-қайта қурилди ва 680 йил мобайнида гуллаб-яшнади. Яриморолнинг ягона Силла давлатига бирлаштиргунга қадар, 668 йилда Хваннёнса ибодатхонаси “уч зал – уч ибодатхона” услугида бўлиб, Пэкче давридаги “Битта зал – битта ибодатхона” услугида қурилган Мирукса ибодатхонасидан кескин фарқ қиласди.

Анъанавий корейс меъморчилигига иккита асосий йўналиш мавжуд. Улар Хитой канонлари таъсири остидаги сарой-ибодатхона услугиби ва оддий одамлар учун майший халқона услугуб. Сарой ва ибодатхоналарни

қурган қадимги меъморлар хитойликлардан тўсин ва тиргак системасини ўзлаштиришган. Туаржой курилишида эса сомон билан том ёпиш ва пол остидан ондол иситиш тизими ўрнатилган. Бадавлат инсонлар катта ҳашаматли уйларни эгилган ҳолда, тепа қисмини бироз юқорига қаратиб, томини черепицадан ёпишган.

Меъморчиликда табиий ландшафтга катта эътибор қаратилган. Шу сабабдан ҳам катта буддавийлик ибодатхоналари асосан тоғли жойда қурилган. Танланган жойда “тоғ ва сув” уйғун ҳолда бўлиши талаб этилган.

XIX аср охирларида хорижий миссияларининг кириб келиши натижасида ғарб меъморчилиги унсурлари черков ва бинолар қурилишида ўз аксини топади. Аста-секин Япониянинг сиёсий таъсири кучайиши билан қурилишда асосий ўринни японлар эгаллайди. 30-йиллар архитектурасининг асосий намоёндаси сифатида Пак Тонжин эътироф этилади.

Замонавий Жанубий Корея меъморчилигидаги “Dream Центр” (“Орзулар маркази”) кўнгилочар маркази янгича ва ўзига хос архитектура ансамбли сифатида эътироф этилади. Зотан, ушбу ҳудуд Ғарб мамлакатлари ҳамкорлигидаги тижорат, савдо-сотиқ билан шуғулланишга мўлжалланган замонавий бино ва иншоотларга бой.

*Шоҳсанам НИШОНОВА,
Аъзам МУСТАЕВ тайёрлади.*

Мусиқа



Корейсча мусиқанинг ўтмишдоши сифатида ибтидоий қабилаларнинг мусиқаси “аккаму” (корейсчадан сўзма-сўз таржимаси мусиқа, кўшиқ ва ракс деган маъноларни билдиради) эътироф этилади. Мазкур мусиқа Осмон ва Ерга сиғиниш маросимлари ҳамда сеҳгарлик амаллари билан чамбарчас боғлиқ бўлган.

Уч корейс давлати – Когурё, Пекче ва Силла хукмронлиги даврида ҳар бир давлат ҳудудига хос бўлган мусиқа анъаналари шаклланган. Қолган икки давлатдан фарқли равишда Силла давлати ҳудудида илк маҳаллий мусиқа Шимолий Хитой ва Марказий Осиё мусиқаси таъсирида пайдо бўлди.

Когурё мусиқали ансамбли ўз чиқишлиарини Хитойнинг Суй сулоласи саройида бошлаб, кейинчалик Тан сулоласи саройига кўчган. Хитой солномаларида Когурё ансамблининг мусиқий созлари, чиқишлиари ҳамда ижрочиларнинг либосларига берилган тўлиқ таърифлар сақланиб қолган. Пекче давлатида ҳам мусиқа Когурёдаги каби Жанубий Хитой сулолалари саройидаги мусиқага мослашган ҳолда шаклланган. Аммо Силла давлатининг ҳудуди Хитойдан олис бўлганлиги сабабли бу давлат мусиқаси бошқа маданиятлар таъсирида ривожланган ҳамда ўзига хос анъаналарни қолган икки давлат мусиқасига нисбатан кўпроқ ўзида мужассамлаштирган.

Пекче мусиқа маданияти Жанубий Хитой мусиқа созларидан конху, чжен, чи ҳамда Когурёдан эса комунг мусиқа асбобини ўзлаштирган. VI асрда Пекче давлати япон саройига ўзининг элчиларини жўнатади. Элчиларга тўрт нафар мусиқачи ҳамроҳ бўлгани ҳамда улар ўзлари билан хвенжок, комунг, при ва бошқа мусиқа созларини олишганлиги хақида маълумотлар бизгача етиб келган.

Силла давлатида Хитой мусиқасининг таъсирига учрамаган ўзига хос мусиқа санъати шаклланди. Силла мусиқа санъатидаги кучли ривожланиш кирол Чинхином кай қабиласини ўзига бўйсундиргач содир бўлди. Кай қабиласидан бўлган иқтидорли мусиқачи У Рик қўшиқ, рақсларнинг янги турларига асос солди.

Шимолий (Бирлашган Силла) ва Жанубий (Пархе) подшоликлар даврида мусиқа санъати ўзига хос тарзда ривожланди. Бу даврда “хянак” ва “танак” мусиқалари шаклланди. “Хянак” уч торли (тегим, чонгим ва согим) ва уч бамбуқдан ишланган найсимон (комунг, каягим ва хянбиб) чолгулар ёрдамида ижро этилади. Бирлашган Силла давлати мусиқаси ўзининг ранг-баранглиги билан ажралиб турган. Бирлашган Силла подшолиги даврида “танак” бир неча турларга бўлинган: кочхвиак (харбий мусиқа), танакчо (най учун асарлар) ва помпхэ (будда дини билан боғлиқ қасидалар).

1392 йилда Кореяда ҳокимият Чосон сулоласи қўлига ўтди. Сарой институтлари Тэаксо ва Ааксо ўз ишини давом эттирди, яна учта мусиқа бошқармаси тузилди. 1457 йилда ўтказилган ислоҳот натижасида мусиқа бошқармаларининг сони қисқартирилади. Фақатгина Чанаксо ва Акхактогам сақланиб қолинган, бир қанча вақтдан сўнг бу икки бошқарма ягона Чанагвон уюшмасига бирлашади. Чосон давлатида мусиқачи лавозими наслдан-наслга ўтган: созанданинг ўғли туғилган вақтида рўйхатга олинган ва 10 йил давомида давлат муассасасида мусиқадан таълим олган.

Буюк кирол Седжон даврида аак учун кўплаб янги созлар яратилди. Бу даврда аак йўналишида яратилган мусиқалар ўзининг тарихий илдизи ҳисобланган Хитой мусиқасидан мустақил тарзда ривожлана бошлайди. Чосон даврига оид хянак жанрида яратилган “Потхэён” ва “Чондэоп” асарлари бизгача етиб келган бўлиб, ҳар йили “Чонмё-чепеак” байрамида ижро этилади. Бу даврга оид “Ёнсан-хвесан”, “Мандэёп”, “Ёмиллак” каби кўплаб қўшиклар “Осмонга учётган аждар ҳақида” ва бошқа асарларда сақланиб қолган.

Япон ва мўғул босқинидан сўнг XV–XVI асрларда кўплаб иқтидорли мусиқачилар урушларда қирилиб, қолганлари эса мамлакатдан чиқиб кетиши натижасида сарой мусиқасида ўсиш секинлашди, аммо ҳалқ мусиқаси ҳеч қандай зарар кўрмади. Сарой мусиқа бошқармасида мусиқачилар ва ансамбллар сони қисқартирилди. Ҳалқ мусиқасида эса аксинча ўсиш кузатилди. Классик-лирик қўшиқ ҳисобланган “Кагок”, инструментал сюита “Ёнсан-хвесан”, драматик қўшиқ “Пхансори”, юқори темпда ижро этиладиган инструментал композиция “Санджо” гуллаб-яшнади. “Кагок” ва “Ёнсан-хвесан” кўнгилочар клубларда ижро этила бошлади ва омма орасида кенг тарқалди. XVIII асрнинг иккинчи ярмига келиб, дуолар мусиқа асбоблари ёрдамида ижро этила бошлади.

1894 йилдан сўнг мусиқа давлат томонидан бир тизимга солинди. Бу вақтга қадар мусиқачилар Чанагвон рўйхатидан ўтишлари лозим бўлган. Мусиқачи оиласида туғилган ўғил бола дарҳол рўйхатга олинган ҳамда уни парваришлаш учун нафақа тўланган. Болалар 10 ёшида Аданбанда таълим олишни бошлаган, бу ердаги ўқишини якунлаб, олий маълумот олиш учун Чаннэбанга кирган. Имтиҳонлардан мувафакқиятли ўтган киши таълим бериш имкониятини қўлга киритган, шунингдек Чхамсанбанга кириш ҳамда томошаларда қатнашиш хукуқига эга бўлган. Чанагвон ислоҳотидан сўнг илгари Маросимлар Вазирлиги бошқарган бўлим эндиликда қирол саройига ўтказилади. 1910 йилгача бу бошқарманинг номи бир неча марта ўзгаради ва ниҳоят “Аактэ” номини олади ҳамда мусиқачилар сони доимий 305 та ижро чидан вақтингчалик ишловчи 189 та мусиқачига қисқартирилади.

Кореяни Япония истило қилгандан сўнг анъанавий мусиқа, асосан, маросим мусиқаси йўқолиб кетди. Бу мусиқанинг бир нечтаси Миллий анъанавий мусиқа маркази ишчилари томонидан сақлаб қолинди. Фольклор мусиқаси эса Чосон мусиқа бўлими – Кореядаги биринчи хусусий мусиқа бошқармаси томонидан сақлаб қолинган. Бу даврда Чосон мусиқа бўлимида каягим, комунго, янгим, цитра, тансо ва сенхван чолғуларида мусиқа ижро этиш ўргатилган бўлса, гарб бўлими мусиқасида эса вокал, мусиқа назарияси, орган ва скрипка созларида мусиқа чалиш ўқитилган. 1930 йилдан бошлаб, Кореяда мусиқага ихтинослашган мактаблар ташкил этилди.

Корея мустакилликка эришгач, мамлакатда гарб мусиқасини ўрганиш жадал суръатларда ривожлана бошлади. 1960 йилларда кўплаб ёш композиторлар авлоди гарб мусиқасини ўрганишди. 1980 йилларга келиб эса мусиқачилар ўз асарларида кагок анъаналарини қўллаб маҳаллий эшитувчиларга манзур асарлар яратা бошлашди. Ўз асарлари билан Европада машҳурликка эришган композитор Юн Исан ижодида корейс мусиқасининг миллий анъаналарини мувафакқиятли қўллаганини кўриш мумкин.

Гулираъно ОРИФЖОНОВА тайёрлади.

Рақс

Корея рақс томошалари қадимий анъаналарга бой бўлиб, ўз тараққиёти жараёнида Хитой ва Япония мамлакати халқлари рақси маданияти таъсирида бойиган. Рақс кўринишларида асосан меҳнат, турмуш, диний маросимлар жараёнлари акс эттирилган. Милоддан аввалги III асрда мавжуд бўлган ибтидоий театрларда табиат ҳодисалари ва меҳнат жараёнини тасвирловчи рақслар намойиш этила бошлади. Когурё қироллиги давридаги ибодатхона фрескаларида (мил.ав. 57 йил – милодий 676 йиллар) аник бир дафн



маросимларини умумлаштирилган гурӯҳли рақс тасвирлари топилган. Ушбу тасвирларда асосан оёқ ҳаракатлари муҳим бўлиб, қўл ва тана ҳаракатлари унга жўр бўлган. Либослар ҳам ёрқин ранглар ечимида, соч ва юз пардозлари маҳсус атрибуллар асосида берилган.

Ўрта асрларда Корё ва Чосон сулолари ҳукмронлиги даврида қирол саройининг қўллаб-кувватлаши билан Корея рақслари расман “миллий рақс мактаби” асосида ўргатила бошланди. Барча рақслар халқона шакллар асосида ривожланишига қарамай сарой рақслари сифатида “елпигич рақси”, “монах рақси”, “масхарабоз рақси” каби кўринишлар юқори мавқега эга бўлди. Ушбу рақсларда рақкосларнинг гармоник тана ҳарорати ва ҳолатлари, пластик ифодавийлиги ва юз имо-ишорали-ри, ритм, темп ва композиция орқали образлар бирлиги моҳирона очиб берилган.

Япония мустамлакачилиги даврида кўплаб миллий рақс мактаблари ёпилди, рақс кўринишлари мажбуран ўзгартирилди. Фақатгина, Корея миллий рақс мактаби асосчиларидан бири Чхве Син Хи томонидан кўплаб миллий рақс унсурлари ва анъаналари сақлаб қолинди ҳамда қисман замонавий рақслар билан уйғунлаштирилди. Бугунги кунда Кореянинг бир қанча университетларида миллий рақслар академик фан сифатида ўргатиляпти.

Кореянинг анъанавий рақслари

Комму (Қиличлар билан ижро этилади). Рақкослар бир-бирига қарама-қарши ҳолда жуфт бўлиб, қўлларида узун қилич билан рақсга тушадилар. Рақс жуда тез ва шиддат билан ижро этилади.

Тхалчхум (Ниқоблар рақси). Рақс ижро чилари юзларига турли ниқобларни кийган ҳолда рақсга тушадилар. Ниқобли рақсларнинг бир нечта тури мавжуд.

Синму (Монах рақси). Рақсда буддизм элементлари яққол акс эттирилади. Ижро чилар либослари мовий юбка, оқ кўйлак ва конуссимон оқ бош кийимидан иборат.

Тхэпхёнму (Фаровонлик рақси). Ушбу рақс Кореянинг фаровонлиги ва тинчлигини акс эттирган бўлиб, мураккаб, ритмлардан иборат.

Чангучхум (Барабанлар рақси). Рақс ижроси якка ёки гурӯҳли тарзда бўлиши мумкин. Ижро чилар елкасидаги барабан орқали ҳаракат ва оҳангнинг турли ритмларига мослашади.

Пучхэчхум (Елпигичлар рақси). Рақкосалар миллий “ханбок” либосида қўлларида қуш патларидан ясалган елпигичларда “тўлқин”, “гул” шаклларини ҳосил қилиб рақсга тушадилар.

Муниса МУҲАМЕДОВА тайёрлади.

Театр

Кореяда театр санъати мусиқа ва рақс билан чамбарчас боғлиқ ҳолда ривожланган. Милоддан аввалги 1-минг йилликка тўғри келадиган манбаларда самовий кучлар тўғрисида ашулалар айтган ва рақсга тушган шомонлар ва уларнинг либослари тасвирланган қайдлар учрайди. Бу ўша даврда шомонлар асотир ва афсоналарни санъат орқали кенг оммага етказганлигидан дарак беради. Шу тариқа олам ва одам ҳақидаги қарашлар, эътиқод тарзи корейс анъанавий театри шаклланишини таъминлади.

Корейс маданиятида уч подшолик даври муҳим роль ўйнаган. Подшоликлардан бири – Пекчеда буддавийлик эътиқоди кучайиши рақс санъатига “ниқоб”ни олиб кирди. Бундай рақслар Кореяда “киак” деб аталади.

Когурё подшолигидаги ниқобли рақслар унсурлари эса Хитойнинг Тан давридан сарой мусиқа ва рақс тизимиға корейс тилида киритилган. Шунингдек, улар VII асрдан Японияга ҳам кириб бориб, Бугакунинг (сарой ниқоблари рақси) асосини ташкил этди.

Шундай қилиб киак рақси Хитой ва Японияга ўтиши, ўз навбатида айрим ниқобларда қадимги Ҳиндистон ҳудудидаги орийларга хос хусусиятлар мавжудлиги Корея бошқа маданиятлардан таъсирланиб, уларни ўзаро бойишида ҳам қатнашганлигини кўрсатади.

Корейс миллий маданиятида эса ниқобли рақслар – Талчум (тал – ниқоб, чум – рақс) мустаҳкам ўрин эгаллади. Қирол Мунжонг давридан бошлаб бу рақсларда қўшиқ айтишга ҳам алоҳида эътибор қаратилди.

Профессионал ижрочилар саройдан ташқарида ҳам фаолият юрита бошлади, шаҳарларда уларнинг алоҳида труппалари пайдо бўлди. Бу эса томоша санъатида ҳажв қарор топишига замин яратди. XII асрга келиб, ҳажвий диалог томошаларнинг асосини ташкил қила бошлади.

Чосон сулоласи даврида пъансори (пхансори, пъан – одамлар тўпланадиган жой, сўри) юзага келди. Унда барабан жўрлигидан аёл ё эркак ижрочи қиссанхонлик қилган, ўрнида рақсга ҳам тушган. Одатда улар шомонлар бўлган. Унинг келиб чиқишини айрим тадқиқотчилар халқ ҳикоятларига, бошқа олимлар эса халқ ашулалари билан боғлиқ, деб ҳисоблашади. Дарҳақиқат, п’ансори – анири, яъни узун ҳикоятдан ташкил топган. У 8–10 соат (ҳозир ўртacha 5–8 соат) давом этган. Бунинг сабабларидан бири п’ансори устоз-шогирдлик асосида бир авлоддан кейингисига ўтиб келгани ва анири бойитиб боргандилиги билан изоҳланади.

Бошқа томондан ижрочи доим ҳатти-харакатда бўлади. Ашула давомида йифи, қайиқни эшиш ва бошқа ҳатти-харакатлар, ҳиссиятлар оҳанг орқали берилади. Шу сабабдан у мусиқий спектакль деб ҳам юритилади.



Кейинчалик, п'ансори ижрочилиарини бошқа санъаткорлардан фарқлаш учун “сорикун” (кўшиқ айтаётган киши) деган атама қўлланила бошланди. Мазкур анъанавий моноспектаклда сорикун анири суръатни тезлаштирса ё тушириб юборса госу (барабанчи) дирижёрдек уни тўғрилаб туради.

XIX асрда Шин Же-Хё (1812–1884) томонидан п'ансори репертуари олти узун хикоялардан ташкил топиши мустаҳкамлаб қўйилди.

1902 йил декабридан Сеул шаҳрида қироллик театри – Хёпрюльс биноси иш бошлади. Унда асосан п'ансори ижро қилинди. П'ансори бўйича олиб борилган изланишлар натижасида Чанггеук (Changgeuk) номи билан мусиқали драма жанри қарор топди. У корейсларнинг миллий операси деб ҳам юритилади.

Театрда рақсга тушиш ва ашула айтишни билган кис-энлар, яъни енгил табиатли аёллар фаолият юритди. Бу эса конфуцийчилик рухонийларининг эътиrozига сабаб бўлди ва театр 1906 йили ёпилди.

Кейинчалик, аникроғи 1908 йили айни шу саҳнада дастлабки спектаклар қўйила бошланди. Ушбу йилдан бошлаб Корея маданиятида асосан Ғарб муаллифларининг таржима асарларини қўядиган “янги театр” (“янги мактаб”, “янги тўлқин” деб ҳам юритилади) ҳодисаси юзага келди. Унинг бошида Японияда ўқиб келган И Ин-Жик туради.

1923 йили Японияда таҳсил олиб қайтган бир гурух ёшлар Товолх-ве (Ер – Ой жамияти)га асос солишади. Гарчи унинг аъзолари ҳаваскор бўлса-да, ўн йил давомида маданий ҳаётда муҳим ўрин тутади. Бу таржима асарларни қўйиш баробарида аъзолар томонидан ёзилган пьесалар ҳам саҳналаштирилиши билан белгиланади.

1931 йили актёр Хонг Хэ Сонг ва бошқалар Кореяда биринчи драма ва кино кўргазмасини ташкил қилди. Шу йили Драматик санъатларни ўрганиш бўйича Жамият иш бошлади ва у замонавий Европа пьесаларининг таржимаси билан шуғулланди. Бу Жамият 1939 йили япон хукумати томонидан ёпилди. Шунга қарамай юзга яқин ҳаваскорлик жамоалари реалистик “янги драма” устида изланишни тўхтатгани йўқ.

Хорижий драмалар қўйилишида дастлаб, асосан Шекспир, Ибсен ва Стриндберг асарларига мурожаат қилинган бўлса, кейинчалик Метерлинк ва О'Нил асарлари саҳналаштирилди.

1948 йили Миллий театрни ташкил қилиш ҳақида фармойиш эълон қилинди. Амалда театр Сеулда 1950 йил апрелида фаолиятини бошлади. Театр очилишидан 57 кун ўтгач, икки Корея давлатлари ўртасида бирордаркушлик уруши бошланиши муносабати билан жамоа фаолиятини тўхтатиб қўйди. 1952 йилдан театр ишини Тэгу шаҳрида давом эттиради. 1957 йилда Сеулга қайтиб келади.

XX асрнинг 60-йилларида Кореяда миллий маданий меросни тиклашга эътибор қаратилди. Анъанавий ижрочилик санъатининг барча шакллари “Миллий маданий ҳазина” сифатида эълон қилинди.

1962 йил марта Миллий театр кўп тармоқли ташкилотга айланди. Асосан Ғарб асарларини саҳналаштирадиган “Миллий драма компанияси” қаторида миллий рақс, Чанггеук компаниялари тузилди.

60-йиллардан бошлаб Ғарб асарларини анъанавий театр шакллари билан уйғунлаштирган ҳолда изланишлар олиб борилди. 90-йилларга келиб бу жараён Корея театрининг етакчи тамойилларидан бирига айланди.

90-йиллар театр санъати ривожланишида янги даврни бошлаб берди. Бу 1987 йил октябрдаги референдумдан кейин цензура бекор қилиниши натижасида ижод эркинлиги берилгани билан изоҳланади. Айни дамда кўплаб ёш ижодкорларнинг кириб келиши ва ўз навбатида саҳна санъатига молиявий кўмакнинг кенгайиши унинг ривожланишига қулай шарт-шароит яратди. 1991 йили мамлакатда “Кино ва театр йили” деб эълон қилинди.

Бу имкониятлар театрларни турли оқим ва йўналишларда ижод қилишига, қисқа фурсатда саҳна санъати шиддат билан ривожланиб кетишига замин бўлди. Албатта, бу изланишларнинг аксарияти шакл рангбаранглигига интилишда кўринади, мусиқа, ракс, кино ифода воситаларидан ҳам кенг фойдаланила бошланди. Таржима асарларини миллий анъаналарга мослаштирган ҳолда талқин этишга мойиллик кучайди.

Кореянинг етакчи драматургларидан Юн Де Сунг инсоннинг ички дунёсига, жамиятдаги устувор қарашларга кўпроқ эътибор қаратади. У “Яна бир бор инсонни сева олсан...” (2010) пьесасида глобаллашув жараёнида ёлғизлик, замонавий корейс жамиятида қариялар ҳаёти каби муаммоларни кўтаради. Инсон ёлғизлиги – Юн Ёнг Сэн драматургиясининг ҳам асосий мавзуси ҳисобланади.

Тарихий мавзу Жонг Бок Гин, Ча Гин-Хо ижодида етакчилик қиласи. Ча Гин-Хо эпик драма қоидалари асосида ижод қиласи. Унинг “Чосон сулоласи қироллари” (1999), “Фамгин афсона қаҳрамони” (2000) каби асарлари машхур.

Таъкидлаш керакки, драматургияда мамлакат тарихига оид во-кеаларни ёритишда ўша ҳодисаларнинг иштирокчиси бўлган шахслар ҳаёти ва фаолиятини акс эттиришга ургу берилади. Масалан, Жонг Бок Гиннинг “Мен–сен демақдир” (2010) пьесаси Япония мустамлакачилик даврида (1910–1945) ўз Ватани учун курашганларга бағишиланган. Ўша вақтнинг тарихий шахслардан бири, ватанпарвар Ан Жунг Гин ва унинг ўғли Ан Жунг Сэнг асарнинг бош қаҳрамонлариридир. Муаллиф Ан Жунг Сэнгни мустамлакачиларга хизмат қилгани масаласини асар марказига қўйиб, бунга қандай муносабат кўрсатиш лозимлигидан баҳс очади.

Ро Кёнг Шикнинг 1995 йили ёзилган “Сеулга йўл” пьесаси эса француз саҳнасида 2008 йили “Сеул поездидা” номи билан қўйилди. Шекспирнинг “Қирол Лир”и ва шомонларнинг эпик қўшиғи уйғунлаштирилган Хонг Вон Гиннинг “Қирол ота” асари Япония, Венгрия, Литва каби давлатларда ҳам саҳналаштирилди.

Фаолиятини 60-йилларда бошлаган драматург ва режиссёр О Тэ Сок қаҳрамон ички дунёсига ургу бериш орқали томошабинни ўз қилмишларини, ижтимоий жараёнларни мушоҳада қилишга чорлайди. Унинг машхур спектакллари орасида “Сув сачраши”, “Ромео ва Жульєтта” асарлари бор.

Сон Жин Чэк миллий театр яратиш устида фаол изланишлар олиб борди. Бунинг учун у ўзи ва Минэ театри жамоаси учун анъанавий театр шаклларини ўрганишни ташкил этди, хориж режиссёrlиги асосларини ҳам ўзлаштириди. 1988 йилга келиб Мичу театрига асос солди. У “Маданг-Нори”, “Асрорчи”, “Девордаги фаришта” каби спектаклларни саҳналаштириди.

Авангардчи режиссёрлардан Канг Рянг Вон Б.Шчукин номидаги Москва театр институтида таҳсил олиб, Станиславский системаси ва Мей-



Кино

Кореяда илк фильм 1903 йилдаёқ суратга олинган деган тахминлар бор. Бироқ бу фильм сақланиб қолинмаганлиги сабаб, у ҳақида ҳеч қандай маълумот йўқ. Кореяниг мустамлакачилик даври кўп санъат турлари қаторида кино санъатининг ривожига ҳам тўсқинлик қилди. Шундай бўлса-да, фильм яратиш ҳаракатлари давом этади. 1919 йилда “Эзгу қасос” кинодрамаси пайдо бўлди. Мазкур кинодрама кино ва театр хусусиятларини уйғунлаштирган бўлиб, актёр ролни саҳнада ижро этади. Корея театр арбоблари томонидан муҳокама қилинган мазкур кинодрама танқид остига олинади. 1923 йилда эса биринчи овозиз фильм “Ой нури остидаги қасам” Юн Баэк-Нам режиссёrlиги остида суратга олинди. Мана шу қадамдан сўнг Корея кино санъатида ўзига хос бурилишлар рўй бера бошлади. Ўтган беш йил давомида жами еттита киностудия очилди. 20-йилларнинг 2-ярмида халқнинг оғир аҳволини акс эттирувчи “Саёқ”, “Ним қоронғи кўча” каби кинофильмлар яратилди. Миллий илғор кино санъатининг ривожланишида режиссёр, сценарийнавис ва актёр На Ун Гюнинг хиссаси катта. У “Ариранг” (1926), “Мұхаббат излаб” (1928), “Эгасиз паром” (1932) ва бошқа фильмларида мустамлакачилар зулмiga, ижтимоий тенгизлилкка қарши қурашни акс эттиради.

1935 йилда биринчи овозли фильм “Чунгхянг Жеон” режиссёр Ли Мюнг Ву томонидан суратга олинди. Мазкур фильм машхур халқ қиссалари мотивлари асосида яратилган бўлиб, Чунгхянг Жеон исмли тўқима миллий қаҳрамон ҳақида ҳикоя қиласди.

Козимхон САДУЛЛАЕВ тайёрлади.

40-йилларда Корея кинематографияси Япония назорати остида бўлди, асосан, немис, итальян ва япон фильмлари намойиш қилинди. Кореядаги ижтимоий тузумни оғирлашуви, иккинчи жаҳон урушининг талофатлари натижасида Кореяда кино саноати ривожи тўхтаб қолди. Корейс халқи Иккинчи жаҳон урушидан сўнг иккига бўлингани оқибатида бу икки давлатнинг кино санъати йўли ҳам икки йўлдан кетди. 40-йиллар охирида Жанубий Корея кинематографияси пайдо бўлди. Бу даврда фильmlар, асосан, Ватанни япон босқинчиларидан озод қилишга бағишлианди (“Мудхиш тун”, “Ортиқча одам”). КХДР ҳам ўзига хос тарзда миллий кинематографиясига асос солиб, қатор киностудиялар, киноматографлар уюшмаси, кино институти ташкил этди. Кейинги йилларда ҳам асосан, икки давлат кинематографиясида уруш ва ватанни бирлаштириш мавзулари асосий ўринларни эгаллади.

Жанубий Кореяда дастлабки рангли фильм 1949 йилда яратилди. “Аёллар кундалиги” номли мазкур фильмга Ҳонг Сеонг-Ги режиссёрлик қилди.

Илк хужжатли фильмлар 50-йилларнинг бошида суратга олина бошланди. Дастлаб хужжатли фильмлар Кореяning тарихи, уруш ва унинг оқибатлари ҳамда тарихий шахслар ҳақида бўлган. “Корея жинояти” (1950), “Корея урушдан сўнг...” (1954) каби фильмлар ilk корейс хужжатли фильм намуналаридир.

50-йиллардаги фуқаролар уруши ва мамлакатдаги нотинчилклар эвазига кино санъатига бўлган эътибор тушиб кетди. 1960–1961 йиллардаги кисқа эркинлик даврида “Оқсоқ”, “Нишонга олинган ўқ” каби бир қанча бадиий фильмлар суратга олинди. Кейинчалик Корея кинематографиясига анимацион фильмлар ҳам кириб кела бошлади. Бундай фильмлар ривожига асосан, Япония ва Американинг анимацион тажрибалари ўз таъсирини ўтказди. Корея анимацион фильмларида асосан, тарихий ва халқ ижодиётининг тўқима қаҳрамонлари, замонавий ва фантастик образлар ҳамда ҳайвон ва қушлар иштирок этишади. Дастлабки намуналардан “Ҳонг Гилдонг” (1967), “Олтиндан ясалган эркак” (1968) каби анимацион фильмларни мисол қилиш мумкин.

70-йилларга келиб Жанубий Кореяда қатъий эътибор ва ҳукумат қарорлари билан мустаҳкам кинематография йўли барпо этила бошланди. 1973 йил “Korean Motion Picture Promotion Corporation” (KMPPC) иирик кинокомпанияси ўз фаолиятини бошлади. Кўплаб кинотеатрлар қурилди. Корея фильмлари архиви яратилди. 1988 йилда Жанубий Кореяда Голливуднинг биринчи филиали очилди. 1992 йил мазкур филиал томонидан “Никоҳ ҳикояси” номли кинокомедия суратга олинди. Мазкур фильм машхур “Самсунг” фирмаси томонидан молиялаштирилган бўлиб, Ким Ио Сеокнинг режиссёрлик иши ҳисобланади. 90-йилларда фильмларнинг ички тиҷорати ривожлана бошланди. Им Квон Таэк томонидан суратга олинган “Мандала”, “Сопёнже” каби фильмлар фильм ижодкорларига юқори даромад келтирди. “Мандала” фильми “Hawai Film Festival” гран-присига созовор бўлди. 1997 йилда Сеулга яқин Намянгжу шаҳрида иирик Кино мажмуаси бунёд этилди. Кўплаб давлат ва хусусий киностудияларда турфа фильмлар суратга олина бошланди. Йилдан-йилга корейс халқининг фильмлар борасидаги диди ўсиб борди. 1999 йилда суратга олинган “Шири” фильми энг катта бюджетли

фильм сифатида эътибор қозонди ва оз вақт ўтиб фильмнинг даромади маҳаллий бозорда биринчи ўринга чиқиб олди. 2000 йилдан бошлаб, Жанубий Корея фильмларининг чет мамлакатларга сотилиши тез суръатларда ўсиб борди.

Жанубий Кореяда кўп қисмли бадиий фильмлар – сериаллар яратиш ҳам самарали кечаётганини эътироф этиш ўринли. Сериаллар асосан, мамлакат телеканаллари буюртмасига биноан тайёрланмоқда. Корейсериаллари тарихий ва замонавий жанрлардаги икки йирик гурухга бўлинади. Сериаллар чет элдан кириб келувчи йирик даромад манбаига айланмоқда. Масалан, корейс кино санъатида энг кўп даромад келтирган кўп қисмли фильмлар қаторида биринчи ўринни “Сарой жавоҳири” (2004–2005), иккинчи ўринни “Жумонг” фильми (2006–2007) эгаллаган. (“Сарой жавоҳири” бадиий фильми ўзбек томошабинларининг ҳам эътиборини қозонганини таъкидламоқ жоиз).

Миллий корейс фильмлари халқаро фестивалларда ҳам юксак эътироф этилмоқда. 2002 йил “Оазис” фильми “Venice Film Festival”да иккинчи даражали мукофотга, 2004 йил “Кекса бола” номли кинофильм Халқаро Канн кинофестивали Гран-присига, 2010 йил “Шеърият” фильми Халқаро Канн кинофестивалида “Энг яхши сценарий”, Жеонг-хи Юн “Los Angeles Film Critics Association Award”да “Энг яхши актриса” номинацияларига лойик деб топилди. 2004 йил Ким-ки Дук “Самартан қизи” фильми учун “Berlin Films Festival” да “Энг яхши режиссёр” номинациясини, 2012 йил “Пиэта” фильми учун “Олтин шер” халқаро мукофотини кўлга киритди. Шу тариқа, Корея киносанъатининг ютуқлари муттасил ўсиб бормоқда.

Жанубий Корея бадиий фильмларида жанрлар борасида рангбаранглик кўзга ташланади. Драма, мелодрама, комедия, фантастика каби жанрларда яратилган асарларда халқнинг миллий қадриятлари, жамиятдаги ижтимоий муаммолар, инсонийлик, оиласвий ва шахсий ҳиссиятлар психологик теранлик ҳамда кучли реалистик ва романтик усусларда очиб берилади.

Жанубий Корея ва Ўзбекистон ўртасида кино соҳасини ривожлантириш юзасидан қатор ҳамкорликлар йўлга қўйилган. Халқимиз корейс фильмларини севиб томоша қиласди. Бизнинг қатор миллий фильмларимиз ҳам корейс томошабинлари эътиборига ҳавола этилмоқда. Киномутахассисларни тайёрлаш борасида ҳам давлатларимиз ўртасида кадрлар ва ўкув дастурлари юзасидан тажрибавий алмашинувлар рўй бермоқда. Ижодий ҳамкорликларни янада мустаҳкамлаш мақсадида ўтган йили Алишер Навоий киносарайида “Korean week – 2015” маданият ҳафталиги бўлиб ўтди. Ҳафталик Жанубий Кореялик ижодкорлар томонидан суратга олинган “Мисс бувижон” фильмни намойиши билан бошланди. Ҳафта давомида “Архитектурада янгилик”, “Донмакголга хуш келибсиз!”, “Менинг севгим, менинг қайлиғим”, “Синчков” номли фильмлар намойиш этилди.

Сироҷиддин РУСТАМОВ тайёрлади.



ЖАНУБИЙ КОРЕЯ ШЕЪРИЯТИ

Чон Чхоль

(1536–1594)

*Рус тилидан
Даврон ЖАББОР ўғли
таржисимаси*

Чон Чхоль корейс адабиётида “Сонган” (“Қарағайли дарё”) тахаллуси билан танилган. Чосон суполаси саройида хизмат қилган. Шоир вафотидан сўнг, 1632 йили невараси унинг етти жилдли “Сонган асарлари”ни тўплаб нашр қилган. 1685 йилда Сонган Кореяning бошқа машҳур шоир ва ёзувчилари қатори “Мунчхон” – “Ёрқин адий” унвони билан тақдирланган. Бугунги кунда Чон Чхоль корейс миллий шеърияти асосчиларидан бири сифатида ҳурмат билан тилга олинади.

* * *

* * *

*Комунгонинг¹ бир торин чертиб
Ором топди пажмурда кўнглим.*

*Нигоҳимда бир-бир акс этар
Шафакранги осмон ва дарё.*

*Бошқасини чертдим сўнг аста –
Андуҳ ила бўзлай кетди тор.*

*Қамишорлар узра ёлгиз гоз
Фарёд тортиб сокин учмоқда.*

*Ер юзида яшаркан ҳижрон,
Қандай қилиб йўқ бўлсин ҳасрат?!*²

*Мана, куз ҳам охирлаб қолди...
Бироқ йўқдир дўстимдан хабар!*

163

JAHON ADABIYOTI 2016/8

* Манба: Чхоль Ч. Одинокий журавль. –М.: Худож. лит., 1975; “Иностранный литература”, 2014. № 6.

¹ Комунго – олти торли корейс халқ чолғу асбоби.

² Чон Чхолнинг ушбу шеърлари сикжо жанрида ёзилган. Сикжо – Корея шеъриятининг ўзига хос жанри, қадимда танга (сўзма-сўз таржима қилинганда, “қисқа кўшик” маъносини англатади). Сикжо япон хайкулари билан оҳанг жиҳатидан яқиндир. Сикжонинг ҳар бир сатри 14-16 иероглиф (ёки ҳижо)дан ташкил топган бўлиб, шеър атиги 44-46 иероглиф, яъни уч сатрдан иборат бўлади. Ҳар бир сатрнинг ўртасида тўхтам бор, шунинг учун ҳам бошқа тилларга ўтирилганда кўпинча олти сатрга айланади (аслидагидек уч сатр эмас). Сикжо мусиқа билан чамбарчас боғлиқдир, шунинг учун бу жанрда ёзилган шеърлар ўқилмаган, балки куйланган.

* * *

* * *

*Бекорчи яшадим ва саёқ кездим,
Хавога совурдим кўп йилларимни.*

*Мақсадим йўқ эди ҳаётда чунон
Ва қила олмадим муносиб юмуши.*

*Демак, фурсатим ҳам қолмади энди,
Фақат ўйин бўлар қолган умрим ҳам!¹*

*Нилуфар барглари узра уззукун
Тинмай савалади кузак ёмгири.*

*Бироқ бирортаям из қолмас эди
Унинг камалакваши нафис сиртида...*

*Сен ҳам шундай гардсиз бўлиб қол,
Шу гулга ўхшагин, эй, менинг кўнглим!*

* * *

*Нега келиб қолдинг, хушқад қарагай,
Тоғ сўқмоғи узра жар ёқасига?*

*Инномассан, вақту соатинг яқин,
Қачон айриласан ўз осмонингдан?*

*Балки сен одамлар тоғдан тушириб
Чопиб ташлашларин кутаётгандирсан?*

* * *

* * *

*Мен балки буюк Цзя И¹ учун
Эси паст бўлиб кўринармидим:*

*Бунда гўё ёлгиз – бир ўзим
Оlam дардин олиб кетяпман.*

*Ёхуд инсон ҳақида тинсиз
Ҳасрат тўкиб йиғламоқдаман!*

*Токи тирик экан отанг ва онанг
Хурмат қил уларни, таомилдир шу.*

*Не наф надоматдан оламдан ўтгач –
Асло сўзларингни эшиитмас улар!*

*Ота-онанг учун фарзандлик қарзин
Қайтариб бўлмас ҳеч кўз ёши билан!*

164

* * *

* * *

*Эр қазо қилди – ҳасрат ёшлиари
Оқиб келар кўкраклар узра.*

*Биламан, бугун она сутида
Аччиқ таъм бор – инграр чақалоқ.*

*Кичкинтой, аёл каби туттма ўзингни –
Чунки эркак бўлиб ўсишинг керак!*

*Топилмас дўст у каби содик
Қариндошлар ичра ҳам ҳатто.*

*Ва фақат у менга айта олар
Номуносиб иши қилсан агар.*

*Мабодо у дунёга келмагандан,
Инсон бўлиб қолармидим мен?!*

¹ Цзя И (мил. авв. 201–169) Хитойда яшаб ўтган давлат арбоби, шоир ва олим. Императорнинг ўғли ҳалокат туфайли вафот этганида Цзя И бир йилгача мотам тутиб, ўзи ҳам қазо қилган экан. Шоир бу шеърида ўз кечинмаларини Цзя И тақдирига менгзашга ҳаракат қилган.

* * *

*Хеч вақонг бўлмаса кийшига,
Тортаб олма яқинингдан қабосини.*

*Хеч вақонг бўлмаса ейшига,
Кун ўтказма зорланиб асло!*

*Булганиши осондир ҳар бошга,
Сўнгиди тозарии мушкулдир!*

Хан Ёнун

(1879–1944)

*Рус тилидан
Шермурод СУБҲОН
таржимаси*

Кореялик таникли шоир. Япониядаги Комаява коллежида таҳсил олиб, буудаевийлик ва Farb фалсафасини ўрганади. Шеърлари “Рӯҳ”, “Ижод”, “Дунёнинг яралиши” каби журналларда чоп этилади. 1926 йили шоирнинг “Севги суқунати” шеърий тўплами нашрдан чиқади. Хан Ёнун йигирма олти ёшида роҳибликни зиммасига олиб, ўзига Манхе дея исм қўяди.

СЕВГИ СУҚУТИ

*Севги тарк этди, тарк этди севгим.
Сўқмоқлардан кечиб, кўм-кўк қўр оша
Заранг ўрмонзор сари.
Собит ва ёрқин тилла гул каби туюлган аҳд
Бир нафасда муздек эриди-кетди.
Илк ўтичнинг оғир хотиралари
Кечиб ўтди тақдир чизигин, чекинди ва эриди.
Мени кар айлади севгилимнинг ширин овози,
Сўқир қилди мени чирой очган юзин ёгдуси.
Севгим учратиб, қўрқаёздим фироқдан, айрилиққа тайёр эмасдим.
Зоро, ҳайрат тўла юрак
ёрилади согинчдан.
Қўрқиб, беҳуда кўзёши шашқаторининг
севгини пайҳон этишидан,
қайгуниг, бедаво дарднинг бутун кучин –
янги умид тўлқинига топширдим.
Фироққа дуч келганда қўрқамиз,
айрилганда умид қиласиз висолга.
Севги тарк этди – улгурмадим видо айтмоққа.
Ажисб қўшиқ куйин тўхтатишига етмайди кучи,
атрофда эсаркан севги суқути.*

* * *

*Вақт судранар, ёлғизликдан құрқиб,
Энди бизга айрилмоқ қолар.
Тингляяпман, шамолнинг эсишидан
құлайди шиша,
Эски шоиранинг күзларига боқмоқ керак.
...Маёқда...
Күринмас ёғеду,
Нұрсиз келажасқ оніда ёху,
Хеч бўлмаса найнинг ёлғиз қуин эсламоқ.
Майли барча тарқ этсин, видо айтсин ҳаётга,
Кўнгилда қолган мавҳум туйғулар аро,
Виржиния Вулф ҳақида қайгули ҳикояни
тингламоқ лозим.
Илон қоя сари ўрмалар ёшлигин излаган мисол,
Бир стакан май ичамиз, кўзни кенг очиб,
Ҳаёт ёлғиз эмас, бироқ
галат, худди жимжимадор журнал муқоваси каби,
Балки шунинг учун кетамиз биз, ачинишдан қўрқиб.
Тахаюлдаги от,
Кулоқларда най садоси,
Баҳор ели
шивирлаб қўяр қулаган шишишага.*

И Санг Хва

(1901–1943)

И Санг Хва атоқлы корейс шоири. Ўрта мактабни тугатиб, Японияда иккى йил давомида француз тили ва адабиётини ўрганади. Ватанига қайтгаҳ, романтизм тарафдорлари бўлган “Оқ оқим” (“Пекчо”) адабий уюшмасига аъзо бўлади. 1923–1930 йиллар орасида эълон қилган шеърларининг бош ғояси тенглик ва эркинлик ҳисобланади. Шоирнинг “Ўғирланган дала-ларга баҳор қайтармикан” шеъри япон мустамлакачиларига қарши энг яхши шеърлар сирасига киради.

Ажойиб ва собит ҳақиқат фақат орзуларда мавжуд бўлади.

ШОИРГА

*Пайти келар, янги дунё яратиб,
Биргина сатринг ила уйготасан барчани.
Шоир, ҳаётинг мазмуни шундаки,
Сен Дунёдан ўтгач-да*

Унумасин инсонлар.
 Сенинг овозинг
 қурғоқчиликда ер сугорилганда
 ариқ бўйидаги кўк бақанинг товушидек,
 Бор бўлсин мудом.
 Майли, ушибу дунё туфайли
 жон ва тан айри яшаган,
 мусиқа асбоблари янграсин фақат,
 Шоир, ҳаётинг мазмуни шундаки,
 Нақадар қийин бўлмасин, сен ўз ишингни давом эттирудинг.
 Күёш ботиб, чўкканда ер узра қоронгулик,
 Сўнганими ҳеч яратиш иштиёқинг?
 Шоир, шуҳратинг шундаки сенинг,
 Бола руҳи тарк этмас сени,
 муҳим тўсиқларни енгган.
 Кечами ёки кундуз,
 Шеърлар катта одимлар-ла илдамлаган дам,
 майли, сенга насиб этсин
 ўлаётуб ёруғлик томон учган
 гаройиб капалакни кўриши.

ҚУЙИ ҚИШЛОҚДА КЕЧГАН БИР КЕЧА

Дераза ёригидан
 оқиб кирар қалбимга
 мойчироқнинг хира ёғдуси.
 Эслатганча чолнинг
 қуёшини согинган нурсиз кўзларин.

Бу ерда ўзга нарса йўқ,
 Йўқ ўзга бисот.
 Эй, менинг қалбим!
 Сен инсон кабисан,
 Қуёшига зор инсон кабисан.
 Шу дам деворсиз,
 Кимсасиз, бўм-бўши ҳовлига кираман.
 Отилиб чиқар шунда
 юракдан нола.

Ким Со Вол

(1902–1934)

Шоир Ким Со Вол Сеулдаги Америка коллежи өа Токиодаги тиҷорат институтида ўқиган. Дастраслабки ижодида француз символистларининг таъсири сезилади. “Со Вол” (“Тоза ой”) тахаллуси билан битган шеърлари кореяликлар кўнглидан чуқур жой олган. 1925 йили шоирнинг шеърий тўплами

чоп этилган. Со Вол ижодида инсон умрининг қисқалиги, ортга қайтариб бўлмас вақт каби фалсафий тушунчалар билан бирга айрилиқ, ҳижрон, табиат мавзулари ифодаси етакчилик қиласди. Шоир 1934 йили ўз жонига қасд қиласган.

АЗАЛИЯ¹

*Мендан толиқиб
кетар онингда
қўйиб юбораман жисим.*

*Яксан тоғлари, Ёнбон қирлари аро
бир қучоқ азалия
тераман – пойингга сочмоқ учун.*

*Тўшалган йўл
гуллар,
Кета туриб босиб ўтасан енгил.*

*Мендан толиқиб
кетар онингда,
Нақадар қийин бўлса-да,
Йиғламасман ортингдан бироқ.*

АНЧА КУН ЎТИБ

*Гарчи неча кун ўтиб, келарсан ёнимга тагин,
Шунда сенга бир сўз дейман: “Унутдим”.*

*Балки мени койирсан қалбингда узоқ,
Такрорлайман: “Қайгу чекдим, бироқ унутдим”.*

*Ва гиналаринг санчилса-да ханжардек яна.
Мен учинчи бор дейман: “Ишонмайман – унутдим”.*

*Хоҳ кеча, хоҳ бугун – эслайман сен-ла кечган кунларни,
Бироқ анча кун ўтиб дейман: “Унутдим кўпдан”.*

Ко Ин

(1933 йилда туғилган)

Шоир, носир ва драматург Ко Иннинг “Шимол ва Жануб” (2000), “Ўн минглаб инсон шажараси” (2010), “Пэктусан тоғлари” (1987–1991, 7 жилди) сингари шеърий тўпламлари нашрдан чиқкан, асарлари инглиз, немис, француз, испан, рус тилларига ўгирилган. Қатор миллий мукофотлар, халқаро “Олтин тож” (2014) мукофоти совриндори.

ШЕЪР

*Кунлардан бир кун
мен уни меҳмон деб ўйладим.*

*Бошқа бир кун
соҳиб деб билдим уни.*

¹ Азалия – гул номи.

*Ха, айтгандай,
Хар қайси мўри
тутун чиқариини истайди.*

*Бугун эса билмайман ким у
ёки нима?
Шеърми?!*

Син Генг Рим

(1935 йилда туғилган)

“Қишлоқ дәхқонлари рақси” (1975), “Йўл” (1991) ва бошиқа шеърий тўпламлар муаллифи. Бир қатор миллий мукофотларга сазовор бўлган.

ҚАМИШ

*Анчадан бўён қамиши
йиглар жисмгина.
Тунлардан бир тун қамиши
танида титроқ туйди.*

*Ва бунга на ел, на ой нури эди айбдор.
Қамиши билмасди бироқ, бу тан титроги
сассиз йиғи эканин
ҳамда
ҳаёт – аслида беун
ўз ҳолига йигламоқлигин.*

Пак И До

(1938 йилда туғилган)

Шоир ва адабиётшунос, филология фанлари доктори. “Кучли қор ёғини” (1975), “Олов ўйинлари” (1983) каби шеърий тўпламлар муаллифи. “Бошловчининг санъати” (1963) адабий мукофоти совриндори.

ИЛК МАКТУБ

*Титраган қўл билан
илк мактуб ёзган кун...
Ёзолмадим исмингни,
Айниқса, “севаман” сўзини
ва ёқдим у кеча бутун
бошлиған мактубларни.*

Жуда оғири бўлди дастлаб яра...
Сенинг исминг ёзолмадим барибир.
Севги – бебаҳо, нодир тоши,
Ранги қизгишидир унинг,
Шафаққа ўхшар мудом.
Вақт ўтиши билан ўчириб бўлмас,
Ёрқин хаёл бўлди сенинг исминг.

Айни кун битилган илк мактубнинг икки қатори
бир шоирнинг түглиши бўлди...

Ли Сонъсон

(1941 йилда туғилган)

Шоир Ли Сонъсон 1970 йилдан шеърлари билан танила бошлаган. Шундан сўнг шеърхонлар ва адабиётшунослар томонидан унинг ижоди юқори баҳоланиб, бир неча китоблари чоп қилинган.

ЮЛДУЗЛАРГА ТИКИЛИБ

Узоқ тикиламан юлдузларга,
Нега улар бундай нур сочар?

Мен узоқ термиламан кўкка,
Нега кўк бунчалар мусаффо?

Юлдузлар, мен не қиласай?
Ер узра
боқай нимага?

Кўча кўз ўнгимда юзади,
Ағанаб тушибди тор кўчада маст.

Қарайман сизнинг кўзёши каби мусаффо юзингизга,
Юракдан губорларни ювгучи. Эҳ, қандай йўқсулман!
Менда ўйқ ҳатто сиздаги соғ беғуборлик.

Ким Жи Ха

(1941 йилда туғилган)

“Сарик ер” (1970), “Халқ овози” (1974) каби шеърий тўпламлар муаллифи. Бир қатор миллий мукофотлар совриндори, Осиё ва Африка мамлакатлари ёзувларни бирлашмаси ва бошқа нуфузли ташкилотлар аъзоси.

ЯНГИ БАҲОР

*Далада гул сўлганин кўриб,
Англайман кўк қайнини яхши кўришим.
Қайнин севгиси билан уйгонар
дала гулига хос севги...*

КУЧ МАРКАЗИ

*Баҳорда
пайқадим
гул новдасин титрашин.*

*Ер остидан
отилиб
кўтарилаш шиддат билан
марказ кучи.
Гул очилиб,
ёйилади ҳар томон:
озор чекади,
титрайди.
Титрайман мен ҳам.*

*Эртага
йўл оламан қишилоқقا.
Йўл оларкан
янгича тус оламан – гуллайман.*

ҚЎШНИГА МЕХР

*Чекка бир жойда тураман,
Чекка бир жойда.
Имкони йўқ у ерга боришининг,
Борса келмас тор кўча...
Куш бўлиб учсаммикан,
Балиқка айлансанми ё?
Ё бир шамол,
Ё булут,
Ё хаёлга дўнсанми?
Ҳали инсон қадами етмаган чекка бир жойда,
Турибман ёлғиз ва чорламоқдаман,
Чорламоқдаман...
Нимадир руҳимда аста,
Очилмоқдадир.
Бу денгиз,
Бу осмон каби,
Қора тошда порламоқдадир.
Бирозгина илиқ туйгу,
Нозиккина бу учқун –
Кўшинига бўлган меҳр.*



Ли МУНЁЛ

(1948 йили туғилған)

ОЛТИН ҚАНОТЛИ ҚУШ

Кисса

Рус тилидан
Эркин ЭРНАЗАРОВ
таржимаси

Ли Мунёл – замонавий Жанубий Корея адабиётининг машҳур вакилларидан бури. У “Инсон ўғли”, “Император ҳақи”, “Император табриги”, “Шоир” каби романлар, кўплаб қисса ва ҳикоялар муаллифи. Ли Мунёл муҳаррирлигида ўн бир жилдли “Уч подшолик” хитой мумтоз романлар туркуми ўн бир миллион нусхада чоп этилган. Адебнинг қатор роман ва қиссалари бошқа тилларга таржима қилинган, театрларда саҳналаштирилган, улар асосида бадиий фильмлар яратилган. “Олтин қанотли қуш” қиссаси 1982 йили Жанубий Кореянинг адабиёт соҳасидаги нуфузли Ким Тонин мукофотига лойиқ топилган.

Ко Жук юзида илиқ шуъланни сезиб, кўзини очди.

Хозиргина уйи ёнидаги черковда тонгги қўнғироқ чалинди. Деразанинг қора панжаралари офтоб нурида янада бўртиб кўринди. Ко Жук хонани тутган қора сиёҳ исини тыйди. Эҳтимол, қадимда олхўризорлар шундай ҳид тараттандир? Балки тепасида аждаҳо ва қақнус ўйноқлаган эртакнамо майсазорлар шу исга буркангандир?

Бу, кўп саёҳат қиласидан ва ўзини марҳум Сок Тамнинг шогирди деб хисобловчи табаррук ёшли Пак ўтган йил баҳорда Ко Жук учун харид қилган қора сиёҳ эди. Лекин ўшанда Ко Жук мўйқаламни қўлига олиш тугул ўрнидан қўзгатолмасди ҳам; шу сабаб бу совғадан ғамга ботиб қолганди. Хушбўй ис Чху Сунинг хонани эндигина тарк этганини англатарди.

“Мени уйготиб юборган, деразага урилаётган ҳароратли ёғду қуёш шуълалари эканлиги аник”, – деган хаёлга борди Ко Жук ва қатъиятсизлик билан ўрнидан туришга уриниб кўрди. Эплолмади. Кимнидир ёрдамга чақириш ўйи миясидан лоп этиб ўтди-ю, бироқ бу фикрдан дарҳол воз кечиб, яна чўзилиб олди. Оила аъзоларининг мўъжиза куттандай аҳволини сўрашлари, тоқатни тоқ қилиб юборувчи ғамхўрликлари билан эрталаб-

* Асар жузъий қисқартириш билан берилмоқда. Манба: “Нева” журнали, 2010 йил, 3-сон.

ки сокинликни, эндиликда азоб ҳам, оғриқ ҳам бермай қўйган маъюсликни бузишни хоҳламаётганди.

“Ха... – шифтдаги нақшларга термилиб мушоҳада қиласарди у, – умрим бўйи бугунгидек тонглар кўп бўлди... Ҳаммаси ёлғизликда ўтди, ҳаммаси...”

Болаликнинг хира даврларида бундай уйғонишлар неча бор рўй берган. Ўшанда беш яшармиди, ё олти ёшга тўлганмиди?.. Каравотда ёлғиз ўзи ётар, тонгги қуёш шуъалари хонани ёритиб турарди. Дафъатан хонага оқ либосли, соchlари тўзғиган онаси кириб, уни бағрига босди ва хушидан кетиб йиқилди. Шундан кейин уузоқ вақт онасини кўрмади, кераксизлик ҳисси тобора эзаверди. Унинг тинимсиз хўнграб, дод солгиси келарди. Етти ёки саккиз ёшга кирганида бир куни ёлғиз уйғонди: шунгача ҳамма вақт онаси билан ухларди. Ўшанда хонага бувиси кириб, уни қўлига олган ва марҳумнинг руҳини чакираётган афсунгар кампирдек марсия айтиб, йиғлашга тушганди. Бундан сокин хона шу қадар даҳшатли тус олгандики, қочиб кетишни астойдил истаганди. “Оҳ, бўталогим, энди сени нима қиласмиш, сира ақлим етмаяпти. Оҳ, юзсиз хотин, мотам туга-гунча ҳам чидамади-я...”

Сўнг амакисининг уйига келганида ҳам ёлғиз ўзи уйғонди. Амакисининг хотини доим бошқа хонада бетоб ётар, эри эса кўпинча тунагани келмасди. Ко Жук китоб ҳидига тўла хонада уйкуга кетар ва ҳар тонг танҳо уйғонарди.

Болалик хотиралари уйғониши билан амакиси уни, ўн яшар болани қўлидан ушлаганича мўътабар устоз Сок Тамнинг уйига етаклаб келгани кўз олдида гавдаланади. Ундан бери эллик йил ўтдими, ё олтмиш йил? Аниқ эсида йўқ.

Бу – э йўқ-бе йўқ аллақачонги, буткул унүтилгандек туюлган хотира-ларнинг тўсатдан бунчалик аниқ жонланиши – ҳақиқатан ҳам қариллик белгиси. Ко Жукнинг ёши улғайгани сари биринчи устози Сок Тамнинг киёфаси кўз олдидан кетмаяпти. Ўша пайтлар устоз Сок Там қирққа яқинлашиб қолган, лекин кўринишидан анча қартайган, бечора сонбиси-фат¹ одам эди.

– Ҳурматли Сок Там, болани қабул қилсанг. Йўқлигимда унинг ҳолидан хабар оловчи киши йўқ, – деганди амакиси. – Касал хотинимни қолдириб, чет элга кетаяпман, болани ҳам ташлаб кетсам, хотинимнинг оиласига ортиқча даҳмаза бўлади. Қадрдон дўстлигимиз хаққи, болани ол. У акамнинг ёлғиз ёдгори.

Устоз Сок Там амакисининг гапларини совуқкина тинглаб, жавоб бериш ўрнига сўради:

– Сен нуқул “Шанхай-Шанхай” дейсан. У ерда нима бўлаётганидан сира хабаринг борми ўзи? Муваққат хукумат² деганлари – олифта гап, амалда бошпана учун ҳам чақалари йўқ. Туаржойдан қувиб чиқаришмасмикан, деб титрашадию, арзимаган нарсага юмдалашишади. Умуман, устоз Чхун Ган ҳали ҳам ўша ердалигига ким кафолат бера олади?

– Бу ернинг нимаси яхши? Болани оласанми-йўқми, ўзи?

– Уни боқиши, кийинтириш бир гап бўлар. Аммо болани тарбиялаш фақат бу билан бўлмайди.

¹ Сонби – конфуцийчи олим.

² Гап мамлакат японлар томонидан босиб олинган пайтда Шанхайда ташкил этилган Корея-нинг Муваққат хукумати тўғрисида кетмоқда.

— Раҳмат-эй, оғиримни енгил қилдинг. Таълим бериш тӯғрисида ташвишланма. Бола катта бўлса, ким бўлишини худо билади, сен нимани ҳам ўқитардинг. Учта иероглифни, отини ёдда сақлаб қолса бўлгани.

— Шундай деб, амакиси унга ўгирилди: — Қани, жанобингга таъзим қил-чи. У устоз Сок Там. Сени йўқлаб келмагунимча уни ота ўрнида кўрасан.

Аммо амакиси бошқа келмади. Тўғри, анча кейин, йигирма йиллар чамаси ўтгач, унинг ватанг Муваққат ҳукуматнинг бошқа аъзолари билан қайтиб келганлиги ҳақида овоза тарқалди. Бироқ Ко Жук ўшандан бир йил кейингина пойтахтга боролди. Бу вақтда амакисини қидириб топишнинг иложи бўлмади.

Амакисининг синфдоши ва қўп йиллик қадрдон ошнаси устоз Сок Там Тхвегенинг¹ ўзидан сабоқ олган машҳур конфуцийчилардан² бўлган Ённаманинг издошларидан эди. Хаттотлиқда ақл бовар қилмайдиган қобилият ва бенуқсон услугуга эга бўлган, сўнгти сулоладаги³ энг машҳур конфуцийчи уч олимдан бири ҳисобланган Сок Там устози Чхун Ган таъзим қиласидиган Чху Садан⁴ ҳам кўпроқ китобий билимларга ёпишиб олган олим эди.

— Саводинг борми? — бу Сок Тамнинг унга берган биринчи саволи эди.

— “Болалар учун дастлабки қўлланма”ни ўзлаштирганман.

— Унда “Кичик таълимот”ни⁵ ўқи. Уни уқиб олмагунийнгча, бирор нарсага эриша олмайсан.

Шу билан сухбат ниҳоясига етди. У устознинг саноқли шогирдлари билан бирга “Кичик таълимот”ни қайта-қайта мутолаа қилас, бироқ Сок Там ўзини худди Ко Жукни пайқамаётгандек тутарди. Ўн уч ёшга кирганида эса, кутилмаганда устоз уни шу яқин орадаги бошланғич мактабга олиб борди.

— Ҳозир замон ўзгарган. Ҳали ҳаммаси олдинда, замонавий фанлар билан таниш.

Қисқагина танишувдан Сок Тамнинг Ко Жукни шогирдликка олиш нияти йўқлигини англаса бўларди.

Ко Жукнинг нигоҳи одатдагидек бир вақтлар Сок Тамнинг ўзи ёзган, деворга осиғлиқ турган ҳикматли сўзига қадалди. Бу битик аллақачонлар ёзилган ва узок вақтдан буён рамкага солинмай сақланарди, шу сабабли қоғознинг айрим жойлари йиртилган, устоз шахсий муҳрининг қизил бўёғи чаплашган, хира сариқ тус олганди. Шунга қарамай, гўё қофоз устида сузаётгандек қўринадиган ҳарфлар юксак истеъод билан битилгани сезилиб турарди.

*Олтин қуш денгизни тешиб ўтмоқда.
Хушбўй иси анқиган фил дарё кечмоқда.*

¹ Тхвеге – ўз даврининг таниқли олими ва сиёсий арбоби, машҳур конфуцийчилар мактабининг асосчиларидан бири Ли Хваннинг (1501–1570) тахаллуси.

² Конфуций (мил. ав. 551–479) – қадимги хитой мутафаккири ва файласуфи, конфуцийчилик фалсафа тизимининг асосчиси.

³ Мамлакатнинг Япония томонидан босиб олиниши оқибатида беш юз йиллик ҳукмронлигига барҳам берилган Кореянинг Чосон қироллар сулоласи назарда тутилмоқда.

⁴ Чху Са – машҳур рассом-хаттот Ким Чон Хининг (1786–1856) тахаллуси.

⁵ “Болалар учун дастлабки қўлланма” (“Тонмон сонсип”) ва “Кичик таълимот” (“Соҳақ”) – болаларни хитойча савод ва конфуцийча ахлоқ асосларига ўргатадиган дарслклар.

Бахтга қарши устознинг ёлғиз ўғли вабодан вафот этди, шогирдлари орасидан эса, Сок Тамнинг буддийча¹ таъбири билан айтганда, роҳиб кийими ва гуруч солинадиган япаки идишни мерос қилиб олишни хоҳлайдигани топилмади. Шунинг учун устознинг вафотидан сўнг уйини қўриқлаб қолган Ко Жукка унинг баъзи буюмлари ўтди. Бирок унинг мамлакат бўйлаб узок вақт тентирашига тўғри келди; кейин яна уруш, алғов-далғов йиллар – ўша орада бу буюмларнинг кўпи йўқолиб кетди. У ҳар гал шу ҳақда ўйлаганида, ўзининг эҳтиётсизлиги ва масъулиятсизлигидан пушаймон бўлади. Биргина шу битикни сақлаб қололди. Бу ҳикмат устознинг энг севимли ўѓитларидан бири эди. Худди ана шу ҳикмат Ко Жукка бир умр маломат бўлди: у доим бу иероглифлар олдида хаяжондан титрар, унинг маъносини англашга интиларди. Ҳатто Сок Там мўйқаламини қўлга олишга ҳоли бўлмаган сўнгги дамларида ҳам қаҳрли бокишини шу чизикларга жойлаб кетганди.

Йигирма етти ёшда эди. У муваффақият қозонишга ташна, ўша кунни интиқиб кутарди ва устозига ҳеч нарса демай унинг уйини тарқ этди. Бу иш баландпарвоз айтилса, ўзликни намоён қилиш, жўнроқ ифодаланганди, ўзини қўрсатишга имконият излаш эди.

Бироз вақт у зафар кетидан зафар кучди. Чокпхадаги адабиёт танловида ғолиб чиқди, қаерлардадир ҳали ҳам тароватини сақлаб қолган ва жамият сараларининг лаззатланиши учун тобора камёб бўлиб бораётган соданларда² ардокли меҳмонга айланди; маҳаллий бойларнинг хонадонларида ҳам яшади. Уч ойдан сўнг аъло кайфиятда, ўзига совға қилинган кўплаб расму битиклар ва бир қоп гуруч билан устозидан олган қофоз ҳамда мўйқаламлар қийматини қоплаш мақсадида қайтиб келди. Лекин устознинг муносабати кутилмаган бўлди.

– Мўйқаламларни кутидан олиб, қопнинг устига қўй.

Унга эътиroz билдирилмасди. Ко Жук гап нимадалигини тушунмаса ҳам айтилганини бажарди. Устоз енгидан бир қути гугуртни чиқариб, мўйқалам кутиси билан бирга қопга ўт қўйди.

– Нима қиляпсиз, устоз?!

Сок Там қаҳрли овозда деди:

– Дўстимга сўз берганим учун уйимда яшашинг мумкин. Аммо бундан буён мени устоз деб атама. Сен эрталаб қўлингга мўйқалам ушлаб, кечкурун истеъдодинг билан мақтана бошладинг. Менинг бундай шогирдим бўлмаган, бўлмайди ҳам.

Ко Жук ғазаб отига мингандан устозига ўзини кечиришини сўраб иккӣ йил ёлворди. Ўша йиллар илгари сира дуч келмаган фоят оғир синов даври бўлди. Ко Жук ҳозир қараб турган битикни у нихоят кечирилган, худо марҳамат қилган кунда устознинг ўзи қофозга туширганди.

Ҳикматнинг маъноси эса бундай эди:

Мовий денгизга отилиб, аждаҳони юлиб оладиган ва кўкка ўқдай отиладиган олтин қанотли қуш каби шиижсоатли бўл;

Хушбуй ҳид анқитиб, денгиздан шошмай кечиб ўтаётган филдек қатъий бўл.

¹ Буддизм – милоддан аввалги VI асрда қадимий Ҳиндистонда пайдо бўлган диний-фалсафий таълимот. Унинг асосчиси кейинчалик Будда Шакъямуни номини олган Сиддҳартха Гаутама хисобланади.

² Содан – адабий мунозаралар, мусобақалар ўтказиб туриладиган конфуцийчилар мактаби.

Ко Жук учун мاشаққат ва тушкунлиқда ўтган бошланғич таълим даври аламли хотираларга тўла эди. Сок Там қандайдир сабабга кўра, аввалбошдан, Ко Жукни амакисидан олиб қолган кундан эътиборан, унга совуқ муомалада бўларди. Сок Тамнинг аждодлари авлоддан-авлодга Конфуций таълимотини ўтказиб келиши билан машҳур эди, бироқ Сок Тамнинг мол-мулки кўп эмас, ўзи йил сайин сони тобора камайиб бора-ётган шогирдлари баҳор ва кузда олиб келадиган гуруч ҳисобига кун ке-чиради. Лекин бола Сок Тамга ортиқча юқ эмасди. Бироз вақт ўтгач, Ко Жук улғайгач, ҳатто хўжаликни юритишни ўз зиммасига олганди. Шунга қарамай, устознинг совуққонлиги қолмаган, аксинча, йил сайин кучайиб борарди. Демак, бунинг бошқа жиҳдий сабаби бор эди.

Сок Там одатда бир-икки йилда ўзлаштириладиган “Кичик таълимот”ни Ко Жукка чўзи-иб, йиллар мобайнида ўқитгани, ўн уч ёшли болани машғулотларидан нари қилиш учун бирдагина тўртинчи синфа юборгани – буларнинг ҳаммаси унинг ўша ғалати муносабати билан боғлиқ эди. Боз устига, шогирднинг устозга муносабати ҳам нотабиий ва тушунксиз эди. Сок Там хаётлигига бу хис чексиз хурмат ва аламзада нафратнинг қоришимаси ўлароқ намоён бўларди. Бундай чалкашлик ғалати, албатта, бироқ бу ҳолат ўз-ўзидан пайдо бўлгани йўқ. Ко Жук бошланғич мактабни тугаллаган чоғи, яъни ўн олти ёшидан расман устознинг шогирдига айланган ўн саккиз ёшигача шаклланганди бу муносабат. Ўша вақтда Ко Жук амакисининг бундан буён ўқиши пулини тўлашидан воз кечган, янгича – европача услубда дарс бериладиган мактабдаги ўқишини ташлаган ва ўтмиш билан яшайдиган, китобий билимларга ёпишиб олган олим, рассом ва хаттот устозининг уй хўжалиги ташвишларини ўз зиммасига олишга қарор қилганди. Шогирдлар олиб келадиган гуруч етмай қолганди. Шу сабаб Ко Жукнинг кичикроқ ерни ижарага олиб ишлашига, бир боғлам ўтин учун йигирма-ўттиз ли¹ яёв йўл босишига тўғри келарди.

Бу одамларда хурмат уйғотди, аммо худди шу вақтдан бошлаб Ко Жукнинг қалбидан устозга нисбатан жазавали муҳаббат-нафрат ўрин олди. Устоз Сок Тамнинг ҳаёти гўё тоғ бағирлаб вазнсиз сирпанаётган баҳорги булат сояси каби, тентираған ёз шамолларининг изи қолган ҳовли сингари, овлоқ тоғ дарасидаги кузги ирмоқлар сувидек, қор ёғиб ўтгандан кейинги очиқ ва сарҳадсиз қишики осмондек тиник, беинтиқ, сокин, маъюс ва ёлғиз эди. Ана шу ҳаётнинг ўзи Ко Жук дилида кулфат хиссига айқаш-уйқаш бўлиб кетган чексиз хурмат уйғотарди. Устози лабида майин, сирли табассум билан кўлига китоб олганида, унинг қалби ўтмишнинг буюк инсонлари яшаган ва ўтмиш шон-шуҳрати хотиралари жонланадиган дунёга парвоз қилганида, устоз рухланган нигоҳ, тўфондек жазава билан катта мўйқаламни кўлга олганида, бу дунёдан холи бўлган орқа ҳовлида атиргуллар соясида шошилмасдан орхидея² гулини узган ва цитра³ оҳангларидан роҳатланаётганида – ана шу пайтларда тақводор турмуш тимсолига ўхшаб кетарди. Бироқ фақат Ко Жукнинг саъй-ҳаракатлари туфайлигина ҳозирча ҳеч ким очлиқдан ўлмаётганлиги, лекин агар у жон куйдирмаса, ярим йилдан кейин танг аҳволда қолишлари аниқлиги, бир-иккита шогирдни айтмаса, бошқа ҳеч ким қадам босмайдиган уй,

¹ Ли – корейсча узунлик ўлчови, 1 ли тахминан эллик метрга teng.

² Орхидея – бир паллали, қизил гулли манзарали ўсимлик.

³ Цитра – XVIII асрда Австрия ва Германияда кенг тарқалган, торли мусиқа асбоби.

хўжаликдаги юмушларни бажариб қайтаётган шогирдларни қарши оладиган устознинг ҳолсиз боқиши – буларнинг ҳаммаси лаънатлангандек ёқимсиз кўринарди.

Лекин пироварди Ко Жукнинг ҳаёти устозга таъзимни ва чексиз хурматни белгиларди. Ко Жук ўзида дунё васвасасини турар экан, беихтиёр, лекин жўшқинлик билан устози Сок Тамга тақлид этарди. Устози дастхатининг турли намуналари: шогирдлари кетаётганларида ёддан чиқаргандар, устозининг ўзи ташлаб юборган ё дўстларига совға килгандарини саклаб қўйганди. Уларнинг орасида Ко Жук ўғирлаб олганлари ҳам бор эди. Аввалига устозининг дастхатларини шунчаки тилга олишнинг ўзи Ко Жукнинг қалбида титроқли эҳтиромни пайдо қиласарди. Ко Жук кичик иероглифларни хаттотлар машқ қилиши учун ясалган, кум ёки оқ бўёқ қопланган кўлбola тахтачаларга ёзиз ўрганарди. Катта иероглифларни эса итнинг думига ўхшаш катта мўйқаламларда қабртошларга ёзиз машқ қиласарди, кейин ёзганларини ювиб юборарди. Ўзининг шахсий мўйқалам ва қофози устозидан яширинча идора моллари дўконида кун бўйи оғир қопларни ташиб ҳаммоллик қилган куни пайдо бўлди. Ко Жук Сок Тамдан ўзини шогирдлари сафига қўшишни илтимос қилиш у ёқда турсин, ҳатто бу жўшқин хохишига бирор марта шама қилмаганлиги тажжубланарли эди. Бу нимани англатади? Ижодкорнинг нафсониятими? Ё буюклидан ғуурланишми?

Бир куни устоз уйда Ко Жукнинг ёлғиз ўзини қолдириб, оила аъзолари билан қаергадир жўнаб кетди. Ко Жук устозининг хонасини йиғиштирар экан, дафъатан ғалати ички ҳисни туди: устоз Сок Там шогирдларига нималарни ўқитишини билгиси келди.

Ко Жук ёзув столини сурди ва устозининг асл дуаньци тошидан ясалган сиёҳдонида қора сиёҳни аралаштира бошлади. Ўргатилганига бирмабир амал қилган ҳолда сиёҳдонни қора сиёҳ билан бир томчисини ҳам томизмасдан тўлдирди, кейин мўйқаламни, расмлар ва битиклар учун мўлжалланган қимматбаҳо қофозни олди. Биринчи бўлиб низом битиги билан “лайлак” “иккилама” иероглифининг ўқитувчи намунасини кўчирди.

Чху Са ҳаммасидан ҳам Оуян Сюнинг “Ибодатхона олдидағи мусаффо чашма” бандини ёқтирганидек, устоз Сок Там шогирдларига “иккилама лайлак”ни машқ қилдиришни хуш кўтарди. Афтидан, у қофоз ва мўйқалам билан ишлаш ҳадисини олганди: иероглифнинг ҳамма чизиқлари худди ўқитувчи намунасидагидек чиқди. Кейин у Ян Жэн-цин¹ услубида “Одоб-ахлоқ қоидаларини эгаллашга тиришиш ёдгор тошлари” матнидан бир неча иероглифларни ёзди. Жуда берилиб ишлаётганлигидан атрофдаги ҳамма нарсани буткул унуганди. Тўсатдан ғазабли жеркиш уни воқеликка қайтарди. У энди “Орхидеялар ўртасидаги шийпонча” муқаддимасининг биринчи сатрини ниҳоясига етказаётганди: “Юн-хэ шиори остида ҳукмдорликнинг тўққизинчи йилида – буқа йилидаги Мангут Уйғунлик...”

– Шунақами! Қофозни чаплаштириш етарли эмасми?

Ларзага тушган Ко Жукнинг нигоҳи фира-шира хонада Сок Тамнинг қаҳрли ғўддайган гавдасига тушди. Бироқ устозининг юзида ғазабдан кўра маъюслик ва умидсизлик ифодаси кўпроқ эди. Ёнида етти санъатда:

¹ Ян Жэн-цин (709–785) – машҳур Хитой давлат арбоби ва Тан даври ҳаттоти.

шеърият, наср, хаттотлик, рангтасвир, шашка ўйини, фол очиш ва тиббиётда мукаммал деб тан олинган мўътабар Чхве Ун Гок турарди. Эзилиб кетган Ко Жук шошилиб ўз шижаоти маҳсулларини йифиширишга тушди. Сок Там чурк этмас, фақат тунд қараб турарди. Ун Гок вазиятни юмшатди:

– Буларни қўйгин-да, борақол!

Ко Жук қоғозларни ғайриихтиёрий равища тез жойига қўйди ва орқасига тисарилиб чиқиб кетди. Лекин қизиқиши ва ташвиш уни қўшни хонада бекиниб олиб, ичкарида нима бўлаётганига қулоқ тутишга мажбур қилди.

Аввалига фақат қоғознинг шитирлаши эшитилди, хонада чироқни ёқишига улгуришганди. Кейин Ун Гокнинг овози қулоққа чалинди.

– Сен уни ҳатто ўқитмаганга ҳам ўхшайсан.

– Билмадим, балки у шогирдларим билан валаклашгандир, улардан нималарнидир ўргангандир. Мен ҳеч нарсага ўқитмаганман, – устознинг овози паст ва маъюс эди.

– Жуда қизик! Ҳақиқатан ҳам Осмоннинг инъоми экан-да!

Устоз “ҳм”, деди.

– Барибир нега уни шогирдликка олишни хоҳламайсан?

– Сен Ван Си-жининг¹: “Инсон эмасга таълим бермайман”, деганини унунтдингми?

– Демак, сен уни инсон деб тан олмайсан, шундайми?

– У ўта иқтидорли... Уни ҳеч ким ўқитгани йўқ, лекин иероглифнинг шакли ажойиб; хаттотликнинг ўн икки қоидасини билмайди, бироқ ҳарф ораликлари, нисбатларини, мўйқаламни айлантириш услубларини хис қиласди. У туғма уста, аммо қобилияtlари бикинидан тешиб чиқади. Азоб-уқубатсиз иқтидор қалбнинг Ҳақиқатни англашига тўсиқ бўлади.

– Сен, Сок Там, мўмин, самимий одамсан. Бунаقا гаплар сенга ярашмайди. Нима учун ана шу англашга йўлни ўзинг очиб бермайсан?

– Айтишга осон... У ёзувнинг исини, китобийлик рухини мутлақо ҳис қилмайди... Аммо ўша “орхидея” жуда соз!.. У “шамол”нинг шиддати ва “оқим”нинг оқувчанлигига нақадар мос!

– Агар у шогирдинг бўлганида ёзувнинг исини, китобийлик рухини хис этмасмиди?

– У шогирдим эмас. Уни фақат кийинтираман ва боқаман... У замонавий илмларни эгаллаб, ўз келажагини ўзи танлашини истайман.

– Кўйсанг-чи! Агар кўчадан кимдир келиб, ўзини ўқитиши сўраса, уни қувиб юборасанми? Шундай экан, бу йигитчага нега бу қадар совуққонсан! Мана, неча йилдирки, сенинг еб-ичишинг ғамида эканлиги қулогимга чалинади, наҳотки у совуқ муносабатга лойик бўлса?

Ун Гокнинг овозида ғижиниш сезилди.

– Айблашга шошилма. Ростини айтсан, ўзим ҳам нима учун Ко Жук мени бунчалик ташвишлантиришини билмайман. Лекин бу яхшиликка олиб бормайдигандек...

Устознинг овози хиёл титрарди.

– Үндай бўлса... Ҳақиқатан ҳам, иккиланаётган бўлсанг, йигитчани олдимга, ҳеч бўлмаса, уч кунда бир марта юбор, шу етади. Үндан умидни узиш кераклигига ишонмаяпман.

¹ Ван Си-жи (321–379) – “Мутлақ донишманд хаттот” номига сазовор бўлган Шарқий Жин давридаги машхур хаттот.

Хонага жимлик чўқди. Бироздан кейин Сок Тамнинг паст, лекин катъий овози эшитилди:

– Сен ўзингни уринтирма. У билан ўзим шуғулланиб кўраман.

Сок Тамни нима безовта қилди экан? Ва нима охир-оқибат Ко Жукни шогирдликка олишга мажбурлади? Чунки эртаси кун Ко Жук расмий ра-вишда устоз Сок Тамнинг шогирди деб эълон қилинди.

Аммо бу қандайдир тантанали маросим ўтказилди дегани эмас. Шунчаки устоз далага кетмоқчи бўлиб турган Ко Жукни ёнига чақирди ва шундай деди:

– Бугундан бошлаб ишлагани борма, – бу гаплар йўл-йўлакай айтилди, холос.

Ко Жук ўзини йўқотиб қўйди. Устоз унга кўз қирини ташлаб, бироз овозини баландлатиб шошириди:

– Ҳамма нарсани жойига қўй-да, уйга бор.

Шу тариқа улар устоз-шогирд бўлдилар, шу билан муносабатлари ҳам ойдинлашди.

Ко Жук кимdir эшикни очганини эшитди; ўтган кунлар булутида сузib юрган фикрлари воқеликка қайтди. Паришонхотир хира нигоҳи билан эшикка қаради: хонага Мэ Хян кириб келаётганди. Ко Жукнинг умуртқаси бўйлаб ях суркалгандек бўлди, нигоҳи ойдинлашди. Ко Жук гўё тавба қилаётгандек яқинлашиб келаётган Мэ Хянга боқарди. Йўқ, у эмас экан.

– Уйғондингизми, отажон?

Бу Чху Су эди. У Ко Жукнинг юзига қараб, унинг аҳволини аниқлашга уриниб яқин келди. Ко Жук оддийгина ҳаракатлар кечагига қараганда анча кўп куч талаб қилганини сезди.

– Шарбат ичишни истайсизми, отажон?

Ко Жук жавоб бериш ўрнига қизининг юзига қараб, тўсатдан ожиз, синиқ овоз билан сўради:

– Сен... онангни эслайсанми?

Чху Су ҳайрон бўлганича унга қаради.

Үйда аёллар қолмаганидан бери етти, балки саккиз йил ўтган, Ко Жук қизини ўзи билан олиб қолганди. Қизи рўзгор ишлари билан банд, қартайган отасини парвариш қилар ва бирор марта бу каби саволни эшитмаганди.

– Йўқ, факат суратлари орқали биламан.

Бечора... Она қизини ҳали жажжилигига қишлоқдаги қариндошиникида қолдириб, яна ўз хунарини бошлади. Аммо икки йил ўтмасданоқ жонига қасд қилди.

– Нимани назарда тутяпсиз?

– Хонага сен эмас, онанг кирганга ўхшаб туюлди.

– ...

– Пешонасига қариб-қартайиб ўлиш ёзилмаган бўлса ҳам қаёққа бунчалик шошилди...

Шундай деб, у яна ғамгин бўлиб қолди. Чху Су секингина унинг билагига туртди.

– Шарбат олиб келайми, ота?

Отаси эшитмагандек узоқ вақт жавоб бермади, кейин оҳистагина деди:

– Мен, яхшиси, чой ичсам бўларди.

Чху Су хонани шамоллатиш учун деразани қия қилиб, секингина чиқиб кетди.

“Ўшанда нима мени шунчалик кучли жазб этган экан?” – совиган чойни хўплаганча ўйларди Ко Жук, ўзи Мэ Хян билан учрашиб юрган пайтларни эсларкан. Уни устози Сок Там уйини иккинчи бор тарк этган ўттиз беш ёшида учратган эди; ўшанда у мамлакат бўйлаб изғиб, ўн йилини ўтказганди.

У вақтлар нотинч замонлар эди, лекин конфуцийчи олимлар ўзларининг соданлари билан ҳали сақланиб турар, вақти-вақти билан хаттотлик, шеърият бўйича мусобақалар уюштириларди... Ўша йиллардаги тушкунлик ва саросималик ичра Ко Жукнинг дарбадарлиги шукухли ўтди, дейиш мумкин. Бунга Ко Жукка шеърият, хаттотлик ва рангтасвирдаги истеъдоди учун “уч соҳада мукаммал устоз” деб улуғланадиган Сок Тамнинг фавқулодда қобилиятли шогирди деб қарашлари ё бўлмаса, унинг аввал ҳам Сок Тамнинг таъналарига учраган муваффақиятли чиқишилар қилганлиги сабаб бўлганми – буни биз билмаймиз. Ҳар ойда камида бир марта қаердадир албатта йиғилиш уюштирилар, Ко Жук унда фахрли ўринни эгалларди. Боз устига ўша пайтларда исталган вилоятда мойбўёкли расм ёки хаттотлик ўрами учун анчагина ҳақ тўлайдиган бойваччани ҳали учратиш мумкин эди.

Ўша дарбадарликда Ко Жук Чинжуга келиб қолганди. Навбатдаги хаттотлик мусобақаси баҳона ўн кун узлуксиз зиёфатлар билан ўтди. У меҳмондорчиликни яна давом эттириш ниятида эди, бироқ қаердандир пайдо бўлган рикша¹ мусобака ўтказилаётган уй олдида тўхтаб, Ко Жукни чакириб беришларини сўради. Бу каби ҳолатлар авваллари ҳам бўларди: навбатдаги бойвучча қўшнисидан қолишимаслик учун машхур меҳмонни уйига таклиф қилиб, файтон жўнатарди, лекин одатда Ко Жук бу таклифни рад этарди. Бу сафар у негадир рози бўлди ва ўзини маҳаллий конфуцийчи маориф идорасига элтган аравага ўтиради. Идорада шу қадар тўкин дастурхон ёзилган эдики, столнинг оёклари букилиб қолганди. Дастурхон атрофида, қанчалик ажабланарли бўлмасин, Ко Жукни кутиб беш-олти япон ва икки-уч корейс ўтиради. Улар хаттотлик ва рангтасвирнинг қадрига етадиган маҳаллий идора раҳбарлари эди. Мэ Хян меҳмонларнинг кўнглини хуш қилаётган кисэнлардан² бири эди. Зиёфат авжига чиққанда корейс амалдор, афтидан, меҳмондорчиликни уюштирган мезбон – кисэнга мурожаат қиласа тиржайиб деди:

– Хўш, қайси бирингиз кечкурун меҳмонимизнинг хизматида бўласиз?

Қизлар кулиб юборишиди. Сўнг улардан бири майда қадамлар билан Ко Жукка яқинлашди ва қизил юбкасининг этагини кўтарди. Шунда рангтасвир учун ҳам, хаттотлик учун ҳам жуда боп, катта ҳажмли хитой қофозига ўхшаш оқ шойидан тикилган ички юбка кўринди. Йигирма икки ёшли бу кисэн жуда гўзал бўлмаса ҳам, ўзини тутишида касбга айланган ишвагарлик сезилмаса ҳам, унда тушунтириш мушкул бўлган нозанинлик ва жозиба бор эди. Ко Жук сархуш қиёфада мўйқаламлар қутисини очди.

– Исминг нима?

– Мэ Хян.

¹ Рикша – Жанубий ва Шарқий Осиё мамлакатларида икки ғилдиракли аравада одам ва юк ташийдиган ҳаммол.

² Кисэн (кинё) – Кореяда юқори табақага мансуб эркакларга зиёфатларда хизмат кўрсатадиган, мусиқа, рақс, ижро ва шеъриятни билувчи енгилтак аёл.

Қиз деярли ғашни келтирадиган тарзда жавоб берди. Ко Жук илжайди:
– Мэ Хян дейсанми, “Олхўри хиди”ми? Хўп, қани, биз олхўри суратини чизиб кўрайлик-чи...

У ўзини хотиржам ва бамайлихотир кўрсатишга уринса ҳам, мўйқалам тутган қўли титрар, уни идора эта олмаётганди. Сурат ғалати чиқди. Сабабини аниқ айтиш қийин бўлса ҳам, устози олдидаги айборлик хисси таъсир қилган бўлиши мумкин. Ҳархолда мўйқаламни ички юбка узра юргизаётган Ко Жукнинг хаёлига келгани кисэн исмининг рамзи эмас, балки қачонлардир Сок Там томонидан ишланган олхўри – қуриган қийшиқ дараҳт, ингичка синган шоҳлардаги икки-учта аянчли ғунча бўлди. Ва худди устози услубидагидек тагсўз: “Олхўри бутун умри бўйи совқотса ҳам, ҳидини сотмайди”.

Бир қарашда бу тасвирнинг Мэ Хян исми билан хеч қандай боғлиқлиги йўқ эди. Ўз ҳидини сотгандан кўра музлашга тайёр олхўрининг сўлий бошлаган енгилтак аёл ички юбкасига қандай алоқаси бўлиши мумкин? Бироқ шундан сўнг дарҳол ҳозиргacha эслашга уяладиган ишлар бошланди.

– Сизнинг олхўрингиз нега бунча дийдираған ва ёлғиз? – истеҳзо билан сўради кисэн.

У кизнинг этагига муҳрини босди ва секин, худди фақат Мэ Хян учунгина деди:

– Сен хеч қачон Жен Си-сю орхидеяларининг илдизлари кўринмаслиги ҳақида эшитганмисан?

Японларга гап фақат киша музлайдиган олхўри дараҳти тўғрисида кетаётганлигини тушунтириди, лекин Мэ Хян, афтидан, уни тўғри англаганга ўхшайди. Жен Си-сю орхидеяларининг ялангоч илдизлари ҳалок бўлган мамлакатга мотам рамзидир...

Тунда Мэ Хян унга деди:

– Жаноб, шундай аёзли тунда ички юбкамни хўллаган экансиз, балки энди танамни иситарсиз?

У Мэ Хян билан тўрт ой бирга бўлди; Ко Жук маст эди. Унда мафтункор баҳор гулларига бурканган тоғ ўркачлари каби хотиралар бир умр сақланиб қолди. Аммо ошиб ўтилган ўркач ортда қолади. У ишларида ҳалок бўлган мамлакатни қўмсаб азобланадиган сонби, қиз эса Нон Гэ¹ каби бағрида душман саркардасини кучганча, ўзини дарёга отишга тайёр кисэн эмасди.

У атиги ноаниқ, бироқ қайнок шижоат билан мамлакат бўйлаб изғиётган рассом, қиз эса бор-йўғи оиласини боқиши учун японларнинг кўнглини хушлаётган хонанда ва ракқоса эди. Улар ғазаб-нафратсиз, қайғусиз ажралдилар. Мэ Хян кисэнлар гурухига қайтиб келди, Ко Жук эса синдошларидан бири уюштираётган Чончжудаги кўргазмага йўл олди. Шундан кейин бошқа учрашмадилар.

Келгуси йилнинг кузида эса Ко Жукка Мэ Хян, ҳамманинг ўйлашича, ундан бўлган қиз кўрганини хабар қилишди. Ўша пайтда у Сорак тоғларидағи дарвешхоналарда эди. Узоқ ўйлаб ўтирмасдан чақалоққа Чху Су – “Кузак суви” исмини қўйди. Ўзининг шаффофлиги ва мусаффолиги билан юракни зирқиратадиган тоғ ирмоқларининг суви....

¹ Нон Гэ – Чинжу шаҳридан бўлган машхур кисэн. Япония билан уруш пайтида душман қўшинлари шаҳарни кўлга кириганида Намган дарёси тепасидаги Чхоксонну минорасида зиёфат уюштирилган. Ана шу зиёфат вақтида Нон Гэ япон ҳарбий кўмондонини ўзига жалб этиб ва уни маҳкам қулоқлаб, баланд жардан у билан бирга ўзини дарёга отган. Кейинчалик ушбу жойда ибодатхона қурилган.

Бу, худо билади, қаердан пайдо бўлган, қизчанинг келажаги башорати эмасмиди?

Бир неча йил ўтгач, у Мэ Хян вафот этганидан хабар топди. Мэ Хян қайсиdir бойнинг сурайёси бўлган, хўжайнинг катта хотини зуғум қиласвергач, чидай олмай заҳар ичиб, ёш умрини хазон қилган экан.

Эҳтимол, буни хиссиётсизлик ҳам дейиш мумкинdir, бироқ у ҳатто Мэ Хяннинг фожиали ўлимини эшитиб ҳам ортиқча қайғуриб ўтирамди. Фақат йўл-йўлакай Мэ Хян ундан қиз кўрганлиги ёдига тушиб, бирлаҳзагина кўнглида етимча қаерда экан, нима қилаётган экан каби ўйлар ўтди, холос. Бошқа ҳеч нарса.

У Чху Суни биринчи бор мактабга қатнай бошлаганида кўрди. Маълум бўлишича, Мэ Хян умрига зомин бўлган касби-коридан бироз пул тўплаб, укасига қолдирган экан. Шу сабаб укаси етим қолган жияни тўғрисида ғамхўрлик қилишни ўз бурчи деб ҳисоблаб, Чху Суни нуфузли мактабга берибди. Ко Жук баъзан қизини кўргани борарди.

Ко Жук bemаза гуруч қайнатмасини ичди ва ўзини мажбурлаб ўрнидан турди. Чху Су унинг идишини олиб, отасининг қўлтиғидан тутганча сўради:

- Бугун ҳам айланиб келасизми?
- Шундай қилишга тўғри келади.
- Ахир, кеча вақtingизни зое кетказдингиз! Бугун ҳам, афтидан, ўша Кимдан бошқа ҳеч ким бўлмайди.
- Барибир.

Ко Жук ўтган йил ёзда касалхонадан чиққанидан бери ҳар куни сурат галереяларига боришини одат қилди. Қаердадир ўзининг асарлари пайдо бўлиши билан, аввалига нега бундай қилаётганини тушунмаса ҳам, чиқимларга қарамасдан, уларни сотиб оларди. Аммо энди аста-секин бир карорга келаётганди.

Бу ўлимни аниқроқ ҳис қилаётганилиги билан боғлиқ эди. Уни даволовчи врач, доктор Чон Ко Жукни соппа-соғлигига ишонтирган бўлса ҳам касалхона хulosасидан кўчирма сўнгги ҳукм эди. Бундан ўз ҳамдардлигини изҳор қилгани келаётгандарнинг кети узилмаётганилиги ва отасининг орқасидан соядек эргашиб юрган Чху Сунинг кўзларидағи қайғу ҳам да-полат берарди. Касалхонадаги каби қаттиқ оғриклар бўлмаса ҳам танасининг ҳужайралари бирин-кетин ўлаётганини ҳис этарди.

– Чо Хондан дарак бўлмадими? – Чо Хон тахаллусидан хозиргина Чху Су тилга олган Ким фойдаланарди. У Ко Жукнинг ўзи тахаллус кўйиб берган шогирдларининг сўнгиси эди; йигитча уларнинг уйида овқатланарди.

- Ярим соатдан кейин келишини айтди. Аммо бугун сиз...
- Йўқ, барибир бир айланиб келиш керак. Бўл, отланайлик.

У ўзини тўхтатмоқчи бўлган Чху Суга ғазаб билан қаради ва юриб кўрмоқчи бўлди. Лекин бир неча қадам қўйишга ҳам улгурмасдан кўз олди қоронғилашиб кетди, гавдаси қулаётгандек туюлди. Чху Су бе-зовталаниб кузатиб турди ва отаси тўшагига ўтириши билан сездирмай хонадан чиқди. Ко Жукнинг кўз ўнгидаги яна ўтмиш манзаралари лип-лип ўта бошлади.

Уларнинг устоз билан учрашганлиги ҳақиқатан ҳам тақдирмикан? Ко Жук ҳатто Сок Там шогирдлари сафига кирганидан кейин ҳам уларнинг

аломат муносабатларида ҳеч нарса ўзгармади. Ко Жук аллақачон улғайған, бироқ устози унга ҳамон қандайдир ички ёқтирмаслик ва ғижиниш билан муносабатда бўларди. Улар низом дастхатини ўрганишдан бошладилар. Ко Жук кўлига мўйкалам олишдан аввал устозининг буйруғи бўйича машхур Чху Са томонидан тузилган “Хаттотлик маҳорати сирлари”ни ёд олди.

“Ёзув шаклида биринчи қоида қуийдагича: аввалига қалбингни барча безовталикдан ҳолос қыл, кейингина қўлингга мўйқалам ушила. Сенинг ҳаракатларинг фалакнинг айланиси каби бўлиши керак: самонинг ўртасида осмоннинг ўқи жойлашган ва унинг атрофида айланадиган жанубий қутб ва шимолий қутб бўлгани каби, мўйқаламнинг ҳаракати қўл панжалари билан, қўл панжалари ҳаракати бармоқлар билан, бармоқларнинг ҳаракати билак билан, билакнинг ҳаракати қўл билан, қўлнинг ҳаракати елка билан амалга оширилади – тана бутун ўнг ярмининг ҳаракати шу тарзда содир бўлади...”

Унча катта бўлмаган, тўрт юзтacha иероглифдан иборат “Хаттотлик маҳорати сирлари” шу жумлалар билан бошланган. Уни бирор белгини тушириб қолдирмаган ҳолда гапириб бериш керак эди. Кейин Ко Жук устозидан яширин равища бир неча марта кўчириб олишга улгурган Таннинг буюк хаттоти Янь Жен-циннинг хуснихатини ўзлаштириб олиш талаб этилди.

– Буни юз марта ёзиб чиқсанг, хуснихатинг бошқаларга намуна бўлади; минг марта ёзиб чиқсанг, мақтов эшитасан; ўн минг марта ёзиб чиқсанг, сени машхур хаттот деб аташади.

Шу билан йўл-йўриқ тугади. Буларни ҳаётининг аввали даври, Сок Тамга шогирд бўлгунча ўтган пайт билан таққослаб кўрилса, фарқи катта эмас: очик-ойдин машқ қилиш мумкин ва икки кун устоз Үн Гук олдига бориб, қадимги классиклар асарларини ўқийсан. Уч йил ўтгандан кейингина устоз яна сабоқ берди:

– Нафас олишингни ушлаб тур!

Бу пайтга келиб Ко Жук хуснихатларни камида уч минг марта қайта ёзиб чиққан, лекин ҳамон белгилар сафга текис тизилмасди. Ко Жук умидсизлана ва тақдиридан ўкина бошлади.

Рассомчиликда ҳам аҳвол шундай эди. Ко Жук қора сиёҳ билан тошлар орасидаги тўртта асл ўсимлик – олхўри, орхидея, хризантема ва гаровни тасвирлашга ҳаракат қилганида, Сок Там унга машхур тэвонгун¹ Хин Сон² ишлаган қимматбаҳо ўрамдан нусха кўчирилган расмлар тўпламини берди.

– Будда ҳолатида ўтириш Будда бўлишни англатмайди, бирор восита-сиз аждаҳони тута олмайсан. Фақат кўп марта уринишлардан кейингина бирор нарсани эплай оласан.

Шу билан сабоқ тугади.

Устоз шогирди мўйқалами остида яralаётган орхидеяга Ко Жукнинг елкаси орқали қараб турган пайлар ҳам бўлган, лекин ўшанда ҳам бир оғиз сўз айтмас, ҳеч нарсани тўғриламас, раҳмдиллик кўрсатиб, бирор нарса ўргатмасди. Фақатгина Ко Жукка расми орхидеяга ўхшай бошлагандек туюлганида устоз аввалиги кўрсатмаларига биргина жумлани кўшди:

¹ Тэвонгун – фахрий унвон.

² Хин Сон (1820–1898) – сўнгти Чосон сулоласи давридаги машхур сиёсий арбоб. У рангтасвир ва хаттотлиқдаги истеъодди билан ҳам ном қозонган.

– Бошқатдан бошла. Тошни чизаётганингда эса мўйқалам чапдан ўнгга сурилади.

Умуман олганда, Сок Там шогирдининг муваффақиятларидан унчалик кувонмасди. Ко Жук шогирдликка қабул қилингандан кейин ўн йил чамиси ўтганида унинг қобилияти синфдошларининг самимий таҳсилларига сазовор бўлди. Бироқ устоз олқишиларга совуққонлик билан барҳам берди:

– Ҳозирча у атиги намуналарга тақлид қилишни ўрганди.

Ко Жук йигирма етти ёшида устозининг уйини тарк этиши Сок Тамнинг совуққонлигига жавоби бўлганди. Аммо ажабланарлиси шундаки, уни бошқалар кўпроқ олқишилагани сари у устози оғзидан мақтov эши-тишга янада ташна бўлаётганди. Бу уни яна қайтиб келишга ва кечирилишни ўтинишга, яна икки йилча сабот билан ҳақоратланиш ва жирка-нишларга тоқат қилишга мажбурлади.

Ўша йилларда у аввалгидек хизматкор ишини бажаарди: ер ҳайдар, экин экар, ҳосилни йиғиштириб олар, ўтин майдаларди. Сок Там эса ҳатто у билан тўқнаш келиб қолишдан ўзини олиб қочарди. Бир сафар сабри тугаб, Ко Жук мўйқаламни кўлга олишга жазм этди. У буни сир саклаш ниятида бўлса ҳам устоз ҳаммасидан воқиф бўлди ва жирканиб деди:

– Бор, кўлларингни юв. Сиёхингдан фохишанинг упаси ва бўёкларидан ҳам кўлансанроқ ис келяпти.

Кейинроқ устоз Ко Жукни кечирди ва яна машқ қилишига изн берди, бироқ шундан сўнг ҳам Сок Тамнинг шогирдига муносабати ўзгармади. Аксинча, Ко Жукнинг дастхати чархланиб, тобора нафис бўлиб боргани сари устозининг тунд нигоҳида тушунарсиз безовталик орта бошлади. Бироқ Ко Жук умидини узмади. У деярли ярим умр устозининг совуққонлиги ва бепарволигидан азият чекди ва шу давр ичида бунга кўнишибина қолмасдан, жўрттага, унда беҳаловатлик ва алам уйғотишни ўрганиб олди. Ҳатто устознинг ғазаби қайнаши ва хўрсинишларидан қандайдир мамнуният ҳосил қиласидиган бўлди. Шунга қарамасдан, устоз ва шогирднинг бундай баҳтсиз муносабатларига узил-кесил барҳам бериладиган кун келиши муқаррар эди. Сок Тамнинг ташвишланиши кучайиб борар, Ко Жукнинг эса ўзига ишончи ортаётганди.

Моҳият жиҳатидан, уларнинг ижодга қарашлари мос келмасди. Сок Тамнинг асарларида шиҷоатни қадрлаши акс этар, у асосий эътиборини буюмларнинг рухи ва ички табиатига қаратарди. Ко Жук эса, аввало, гўзалликни севарди ва ўз ишларида ҳиссиёт ва моҳиятни ифода этишга интиларди. Сок Тамнинг назарида сурат руҳнинг ифодаси, Ко Жук учун буюмнинг тасвири эди.

Бошқа сафар улар санъат ва дао¹ тўғрисида гаплашдилар. Ко Жук:

– Санъатда асосийси нима: туғма қобилиятми, эгалланган кўникмами ёки даога амал қилишми? – деб сўради.

– Даога амал қилиш.

– Нима учун ёзиш қобилияти ва ёзиш кўникмаси тўғрисида гапиришади?

– Қобилият даонинг нурланиши, кўникма эса унинг пўстлоғидир. Агар даога амал қилинмаса, қобилият ўз ифодасини топмайди ва кўникма эгалланмайди.

¹ Дао – милодий II асрда шаклланган, диний ва фалсафий қарашларни қамраб олган, борлиқ, коинот, дунё яхлитлигининг ўзига хос қонунларини мужассамлаштирган анъанавий хитойча таълимот.

– Айтишларича, агар қобилият такомиллаштирилса, даога эриши мумкин. Шундай бўлса, эҳтимол, қобилият нурланиш эмас, балки даога элтувчи йўлдир?

– Косиблар шундай дейишади. Дао ҳамма нарсани қамраб олади.

– Шундай экан, шогирд, энг аввало, қалбини поклаши керакми?

– Ҳа. Шунинг учун ҳам Ван Си-ҷжи инсон эмасга таълим бермайман деган. Энди сен, балки, бунинг маъносини тушунгандирсан?

Сок Там шогирдининг юзига ташвиш билан боқарди. Лекин Ко Жук ҳечам унинг умидларини оқламоқчи эмас.

– Сиз аввал одам бўлиш керак деяпсиз, ундан бўлса, нега мишиқиларга мўйқалам тутқазиш ва уларни иероглиф белгиларини чизишга мажбурлаш керак? Агар, сиз айтганингиздек, даога амал қилиш ёзиш кўникмасини эгаллашдан аввал бошланиши керак бўлса, кўпчилик ҳаёти мобайнида қўлига мўйқалам ушлашга улгурадими?

– Қобилиятни такомиллаштириб ва кўникма ҳосил қилиб, қачон дао билан бирлашиб кета олишларини кутишади. Агар бутун умр машқ қилинса, маҳорат ва кўникмага эга бўласан ва шунда даога амал қилиб биргина қадам қўйсанг, ҳақиқий рассом бўласан. Дао билан бирлашиб ижод қилиш санъатда ўз йўлингни топишни англатади.

– Аммо бунда кўникма барибир даодан олдин пайдо бўлишини билдиради. Ахир, бу аравани отнинг олдига кўйиб эгарлаш билан баробар-ку.

Ко Жукда таълим олишга киришгандан бери кучайиб бораётган эътироз отилиб чиқди. Бироқ устознинг жавоби ҳам қатъий бўлди, зеро, унинг қалбida биринчи кундан жой олган ташвиш ниҳоят ўзини оқлаган эди.

– Сен, аҳмоқ, китобийлик руҳини ҳис этиш, битикларнинг муаттар ҳидини англаб етишни ўрганиш учун асло қайғурмайсан! Бунинг ўрнига валдираганинг-валдираган! Сен мумтоз қонунлар ва ҳикматлар моҳиятини тушунмайсан, ахир! Сен назм ва насрдан лаззатни туймайсан. Нақадар шармандали! Қўлни машқ қилиб, аянчли тақлид қилишдан нарига ўта олмаслик. Ҳеч бўлмаганда уялишинг керак эди, йўқ, унинг ўрнига буюкларни муҳокама қилмоқчи бўласан.

Кўп ўтмай эса улар муносабатларида туб бурилиш юз берди. Ўшанда Ко Жук ўттиз олти ёшда эди.

Бу вақтга келиб унинг паймонаси тўлганди. Ко Жук яна Сок Там олдига қайтиб келгандан кейин ўтган саккиз йил давомида у жон куйдирib, лекин деярли руҳий тушкунликда тахсил олди. Сабот ва қунт билан узоқ соатлар давомида жойидан қўзғалмасдан рангтасвир ва хаттотликда шундай берилиб машқ қилардики, ёзда кўп ўтиришдан қизариб кетадиган думбаси чидаб бўлмас даражада ачир, қишида эса совуққотган оёқлари ниҳоятда увшарди. Устозининг нафратланишидан асло таъсирланмас, рангтасвир ва хаттотликка боғлиқ бўлмаган нарсаларга эътибор бермасди. Бунга қадар ҳам ўн йил Сок Тамнинг шогирди сифатида кун кечирган бўлса-да, бевосита ана шу саккиз йил Ко Жук хотирасида ҳаётининг энг сермазмун даври сифатида сақланиб қолди. Ўша ўн йил устозга яқинлашиш учун кетди; ундан кетиш, халос бўлиш, эркинликка чиқиш учун саккиз йил талаб қилинди.

Бу даврда Ко Жукнинг рангтасвир ва хаттотликдаги маҳорати етуклик даражасига етди, шунинг учун у аста-секин ном қозона бошлади. Тўғри, турлича фикрлар мавжуд, аммо кўпчилик ҳозирга қадар Ко Жукнинг бе-

восита ўша даврдаги истеъдод ва илҳом уфуриб турган ишларини унинг энг юксак ютуғи деб ҳисобладилар. Бироқ Ко Жукнинг ўзи бу ишларда қандайдир сохталикни ҳис қила бошлади: бу уйига ўт тушган одамнинг бошпанасизлик ва тушкунлик туйғусига ўхшаб кетарди.

Бундай ҳиснинг, афтидан, икки сабаби бор эди. Биринчидан, Ко Жукнинг ёшлик йиллари, ўз таърифича, қайсиdir қора сиёҳ ва қоғозлар дунёсига маънисиз оқиб кетганди. Ун Гок кейин унга иккита бола туғиб берган хотинни никоҳлаб берган бўлса ҳам, бу аёл унинг учун севги ва эҳтирос махбубаси эмас, балки худди жавон ёки ёзув столи каби зарур ашё бўлганди. Унинг ёшлиги, унинг орзулари, унинг муҳаббати, унинг интилишлари – ҳамма-ҳаммаси таълимга ва яна таълимга кетди... Энди эса унинг ҳаёти кеч кузда шамол ва ёмғир остида шоҳда ёлғиз аянчли ти-траб ва қалтираб турган сарғайган япроқга ўхшарди; ўзи кўзлаган, унинг учун ҳамма нарсани қурбон қилган мақсади эса тоғ чўққилари занжири узра кўприкдек эгилган камалак сингари олисда қолганди.

Иккинчидан, Ко Жук аста-секин йирик рассом ва хаттотга айлангани сари сохталик туйғуси олдида тобора кўпроқ кўндаланг бўлаётганди. Шу заминда эркак бўлиб туғилиб, бутун умр қора сиёҳни суриш ва мўйқалам билан овуниш... Бу вақтда эса кимдир ватанини озод қилиши учун жонини жабборга бермоқда; кимдир тинимсиз ташвишлар билан ватандошларига илм нурини тарқатмоқда; кимдир амалий билимларни эгаллаб, ўзини жамиятга хизмат қилишга бахшида этмоқда. Ко Жук умрининг ярми қандай ўтди? Ахир, у хар доим ўзи ҳақида ўйларди, тер тўкиб ишлаши фақат ночор ва зерикарли турмушдан қочиш бўлди. Бу меҳнат кимга керак эди?

Маъюс куз куни сўниб бораётганди... Жуда картайиб қолган Сок Там қоғоз ва мўйқаламни қўлга олиш учун бордондан аранг кўтарилди. Катта мўйқалам, қирқилмаган, бутун варак – ўша пайтда булардан деярли фойдаланишмасди. Бу вақтга келиб, бир неча ойдан бери ишга киришмаган Ко Жук устозининг ўжарлиги ўзида тушуниб бўлмайдиган ғижиниш уйғотишини ҳис этди ва қора сиёҳни аралаштириш кераклигини айтиб, хонадан чиқди. Унга устози Сок Тамнинг хаттотликка ўтакетган даражада берилиши кўнглида кулги уйғотаётгандек туюлди. Бироқ у изтиробда ҳовлида сайр қиласи экан, қалбида қизиқиш ғимирлаб қолди.

У хонага кирди ва устозининг мўйқалами сиёҳдан четида ётганлиги-ни кўрди. Устознинг ўзи эса кўзини юмб, аранг нафас оларди. Қоғозга “Сон-саноқсиз соchlар биргаликда – куч” ҳикматининг дастлабки уч иероглифи битиб бўлинганди. Сўнгги иероглиф – “куч” ёзилмаганди: устоз уларни ёзишга улгурмаганди.

– Айтишларича, Со Же етмиш саккиз ёшида кунжут донига тўрт иероглиф: “Осмон остидаги буюк дунё”ни битишга муваффақ бўлган. Мен ҳали етмишга тўлмасам ҳам бир уринишида тўрт иероглифни ёзиш учун қувватим етмай қолди.

Устознинг ожиз овози ҳозир нақадар мунгли эшитиларди! Лекин Ко Жук бу сўзларни эшитганида босиб турган ғазаби миясига урилди. Сок Тамнинг беҳоллиги Ко Жукда ҳамдардлик уйғотмади, аксинча, у ғайриодатий енгилликни ҳис этди.

– Агар сиз уларни бир ўтиришда бита олганингизда-чи? Агар Олтин қанотли қуш сизнинг столингиздан тўппа-тўғри осмонга парвоз қилган

бўлса-чи, агар хонангизга тўсатдан хушбўй фил кириб келса-чи? Хўш, буларнинг сизга нима дахли бор?

Мутлақо кучдан қолган Сок Там аввалига шогирдининг гапларидан гангид қолди. Лекин бир лаҳзадан сўнг бу сўзларнинг асл маъносини тушишиб, унга қаҳр билан боқди.

– Бундай дейишга қандай ҳаддинг сиғди? Ҳақиқий рассом руҳининг ана шундай юксак ҳолатга эришишини орзу қиласи. Ҳеч бўлмаса бир марта!

– Майли, бунга эришдингиз ҳам дейлик, аммо у одамларга нима беради? – тилини тиймасди Ко Жук.

– Ҳали Тиёншон¹ тоғига чиқмасдан туриб Осмон остидаги ўлкада баландроқ тоғ йўқми деб ҳовлиқяпсанми? Сенингча, чўқкини забт этганлар ва исмларини абадулабад шон-шуҳратга буркаганлар бефойда иш қилишганми?

– Улар ўзларини ва бошқаларни алдаб келганлар. Майли, даода қоғозни сиёҳ билан булғаш бўлақолсин, шунга нима бўпти? Бунда қандайдир сирлилик борми, бу жуда улкан воқеами! Ҳатто ўғрилар ва қассоблар ҳам ўз даоларига амал қилишади. Ҳатто кулоллар ва темирчилар ҳам ўз даоларига риоя қиласидилар. Ўз исмингни мангуликка муҳрладинг, деб хоҳлаганча гапиравер, майли, мендан кейин иероглифлар битилган қоғозлар қолсин, авлодлар кўз ўнгига ўралашиб, жонга тегсин, бунинг қандай нафи бор? Ҳатто қабр тошларини ҳам шамол ва ёмғир емиради. Шундай экан қофоз билан қора сиёҳ қанчага чидайди? Бундай мерос ҳеч кимнинг турмушини яхшиламайди, ҳеч кимни тўйдирмайди, иситмайди ҳам. Сиз эса бу маънисизликни бекитиш учун гўёки ўзингиз эришган руҳнинг қандайдир таърифлаб бўлмайдиган, ақл бовар қилмас даражаси ҳақида гапирасиз.

Кескин зарбдан Ко Жук пешонасини ушлаб, чалқанчасига йиқилди: ғазабланган устози унга сиёҳдоннинг тошдан ясалган қопқофини отганди. Ко Жук қон босган кўзини артар, қулоғини эса қари ўқитувчисининг телбанома бақириши ёрай дерди.

– Аввалбошдан сенинг разилсуяклигингни сезардим! Йўқол! Сенинг жойинг бозорда, лавҳаларни чаплашдан бошқасига ярамайсан. Сен ўзингни рассом қилиб кўрсатмоқчи бўлиб, шунча йил қўлимда ўқидинг. Энди ҳар қандай бўёқ суркашингга, балки бир қопдан гуруч беришар!..

Улар бошқа кўришишмади. Ко Жук устозининг уйини тарк этганидан кейин бу ерга Сок Там тобутга тушгандан сўнгтина келди.

У ўзининг ажинлар чукур из қолдирган пешонасини ушлаб кўрди. Чандиқ деярли сезилмасди. Хотирасида устозининг чехраси гавдаланди: нафрат ҳам, кўркув ҳам йўқ, факат қайфу...

– Ота, Ким келди.

Чху Сунинг товуши уни яна хотираларнинг чексиз оламидан суғуриб олди. Эшиқдан Чхо Хоннинг боши кўринди.

Ко Жук Чхо Хонга одатда кеч туғилган фарзандга нисбатан бўладиган алоҳида меҳрибонлик кўрсатарди. Бунинг сабаби шогирдининг юмшоқ, кўнгилчан феъли эдими? Ёки ўзининг самимий ғамхўрлигими? Лекин ҳаммаси, афтидан, Чхо Хоннинг дастхати билан боғлиқ эди. Бу шогирди ҳали мўйқаламни тўғри ушлай олмасдан туриб, яrim тез ёзувни эгаллаб олди. Кейин низом бўйича ёзувнинг уддасидан чиқмасдан тез ёзув ва

¹ Тиёншон – Хитойдаги бешта муқаддас тоғдан биттаси.

ҳарфлари чирмашган усулда ёзишни ўрганди. Ҳозирги ёшлардан фарқли равишда, Чо Хон ўз дастхатини яратишга роса уч йил сарфлади. Завқшавқ, ҳавас қиласа бўладган сабот ва муқимлик билан етти йил давомида мумтоз китобларни ўрганди. Шу билан бирга у камтарин, ўзига талабчан эди, ҳовлиқмасди. Шу баҳорда Ко Жук шогирдлари ишларининг кўргазмасига тортиниб, фақат иккитагина хаттотлиқ ўрамини таклиф қилди. Чо Хоннинг дастхати бироз нотекис, аммо қандайдир ғалати куч билан тўлиб тошганди. Бу дастхат Ко Жукка ўзи ёшлигига рад этган, лекин йиллар ўтиши билан тобора чуқур маъноли касб этаётган Сок Там ёзув услубини эслатарди.

– Бугун ҳам айланиб келишни хоҳлайсизми? Чху Су хонимдан эшитишмча, сизга ҳаракат қилиш бироз ноқулай экан...

Чо Хон эрталаб қартайган устозининг соғлиғидан хабар олиш учун уни безовта қилишга жазм эта олмади ва ҳозир ўзини ноқулай ҳис этарди. У шундоқ ҳам дудуқланарди, ҳозир эса хижолатдан жуда тушунарсиз гапиради. Ко Жук хушмуомала бўлиш учун, юмшоққина қилиб деди:

– Ҳақиқатдан кўз юмиб бўлмайди. Лекин барибир бугун дўконларни айланиб келамиз. Ҳа, айтгандек, кутубхона нима бўлди?

– Гапларига қараганда, ҳеч нарса қилиб бўлмайди, ҳаммаси каталогга киритилиди.

– Қанча пул тўланса ҳамми?

– Жаноб директор, асло иложи йўқ, деди.

– Ўзбилармонлик қилишяпти. Директор билан шахсан ўзим гаплашибимга тўғри келади, шекилли.

– Бугун шарт эмасди...

– Бекор гап. Яхшиси, машинани келтир.

Чо Хон индамай чиқиб кетди. Унинг юзидан ажабланиш ифодаси сезилиб турарди, аммо бугун ҳам устози нега қатъият билан ҳамма жойдан ўз ишларини сотиб олаётганлигини сўрай олмади.

Кун илиқ, ёқимли эди. Ко Жук шогирдининг қўлига суюниб, бадиий буюмлар сотиладиган дўконлар жойлашган мавзеда машинадан тушди. У бу ерга бир неча ойдан бери келарди.

– Э, муҳтарам Ко Жук келибдилар. Сизни койитишга мажбурмиз, ҳозирча бирор янги нарса йўқ. Мазангиз қочибди, деган овоза тарқалди, шунинг учун ҳамма асарларингизни ушлаб турибди, ҳеч ким ҳеч нарсангизни келтирмаяпти.

Ко Жук йўлида давом этди.

Ко Жукни яхши танийдиган дўкон эгалари уни ҳурмат билан қарши олардилар. Бироқ излашлари ҳозирча бесамар эди. Фақат бешинчи ёки олтинчи дўкончада унинг нигоҳи тўсатдан таниш ўрамга тушди. Яrim тез ёзув. Ко Жукнинг имзосида “ко” бўғини одатдагидек “қадимий” иероглифи билан эмас, балки худди шундай эшитиладиган “ёлғизлик” иероглифи билан ифодаланганига қараганда ўрам Ко Жук иккинчи бор Сок Тамни тарқ этган вақтга тааллукли эди.

– Бунинг учун сенга Ун Гок мўйқаламига мансуб орхидеяни бераман. Розимисан?

Дўйонча хўжайнини бундай таклифдан хурсанд бўлди. Ислмининг биринчи иероглифи “ёлғизлик” бўлган ўрамлар умуман у қадар юқори баҳоланмаслиги, мазкур ҳолатда биринчи қарашданоқ асар унчалик

муҳим аҳамиятга эга эмаслиги сезилиб турарди. Ко Жук назарда тутган Ун Гокнинг орхидеяси қандайлигини дўконча хўжайини билмасди, лекин бошқа дўкондорлар анчадан бери Ко Жук билан бундай айрибошлашлардан зарар кўрмасликларини гапириб юрадилар.

– Мухтарам Ко Жукка хизмат кўрсатишдан мамнумиз, – деди дўконча хўжайини сұхбатдошидан очиқ миннатдорчилик кутиб.

– Раҳмат. Суратни кейинроқ мана шу йигит орқали юбораман, – Ко Жук Чо Сонга имо қилди.

– Ташвишланмай қўя қолинг. Ўзим олдингизга бораман. Кечқурун борсам, сизга маъқулми?

– Ҳа.

Дўконча хўжайини ўрамни олиб, уни қутига жойламоқчи бўлди.

– Ҳожати йўқ. Қандай бўлса, шундайлигича беравер.

– Бироз дам олиб, яна йўлга тушамиз, – деди у, аслида ҳеч кимга муражаат қиласдан.

Аммо кўп ўтмасдан Ко Жук ҳаётини остин-устун қилиб юборган воқеа содир бўлди.

Ўша пайтда у ўғли Сеулдаги япон генерал губернаторлигидаги юкори лавозимни эгаллаб турган японпараст катта ер эгаси жаноб Хоникида меҳмонда эди. Хо санъетни қадрлар, рангтасвир ва хаттотликни яхши тушунар ва вақти-вақти билан уйида “мўйқалам соҳиблари”ни тўплаш билан ўзини овунтирарди. Бу даврда Ко Жукнинг ҳатто ёрма бўтқаси, соя кунжараси ҳам йўқ эди, шунинг учун сахий меҳмондорчилик ва “йўл харажатларини қоплаш” деб аталадиган чойчака меҳмонни дастурхони очиқ хўжайнинг самимий миннатдорчилигини билдиришга мажбур қиласди. Бунинг устига у япон маъмурлари билан алоқаларига қарамай японларни чорламаган эди-ку!

Лекин бир неча кундан сўнг Ко Жук олдига устози Ун Гок келди. Ко Жук хурсанд бўлди: ўзини ҳаммадан ҳам яхши тушунадиган Ун Гок Сок Тамнинг энг яқин дўсти бўлишдан ташқари, Ко Жукнинг ҳам устози бўлиб, у ўзи бир неча йил Ун Гок қўлида таҳсил олганди. Бевосита Ун Гок Ко Жукни уйлантирди. Бевосита Ун Гок Ко Жук Сок Тамни тарк этганида бошқалардан яхшироқ тушунди. Бироқ Ко Жукнинг қувончи ҳавода осилиб қолди.

– Койил! Ота-онасиз, устозсиз, оиласиз ёлғиз ғаров Ко Жук ҳакир кариияни танишни лозим топди.

Ун Гок Ко Жук исмининг иероглифлари маъноси ва у қачонлардир ёшлигига ишлатган тахаллуси – Учта Йўқли Одамни эслатиб, унга оғир зарба берди. Ун Гок қадрли меҳмонни олиб қолишига уринган жаноб Хонинг илтимосларига эътибор бермасдан ҳатто дастурхонга ҳам ўтиргади.

– Сок Там ўладиган вақт келганга ўхшайди. У сенинг қайтиб боришингга умид қиласди, ҳар ҳолда шогирдисан. Сен эса бу ерда!..

Одатда юмшоққўнгил, хайриҳоҳ Ун Гокдан бундай таъналарни эшитган Ко Жук ўзини таёқ билан тарсиллатиб солишгандек ларзага тушди.

Аслида дайди ҳаёт Ко Жукнинг жонига текканди. Бошпанасизлик ва бўшлиқ ношудларнинг тасаннолари билан ҳам, нозик дидли бойваччаларнинг садақалари билан ҳам таскин топмаётганди. Аёллар ҳам, май ҳам бу бўшлиқни тўлдирмасди. Йиллар сездирмасдан ўтиб кетаётганди: мана, қирқ ёшни ҳам уриб қўйди.

Эҳтимол, Одэ тоғига саёҳат унинг қайноқ ҳиссиётига гўё ўчиб бораёт-ган гулхандаги бир лаҳза ялт этган чўғдек туртки бергандир.

Эртасига эрталаб Ко Жук жаноб Хонинг меҳмоннавоз уйини тарк этди ва Одэ тоғига, яқинда қалин дўсти бошлиқ бўлган эрқаклар дарвешхонасига йўл олди. Ко Жук устози Сок Тамнинг олдига қайтиши кераклигини биларди. Буни орқага қолдирмаслик зарурлигини ҳам фаҳмлар, ҳаётидаги энг муҳим қарорлардан бири бўсағасида турганлигини яхши тушунарди. У қайтиб боришни истарди ва қайтиб боришдан кўркарди. Шунча нарсани бошидан ўтказган уйга яна киришдан аввал қалбини по-клаши зарурлигини ҳис этарди.

Ко Жук дарвешхонага омон-эсон етиб бориб, деярли ярим йил дарвешнинг ҳаёлотга бериувчан турмуш тарзида яшади. Бироқ Ко Жукнинг саёқ юрган йилларида қалбини қоплаган дунёвий кирнинг қалин қатлами, эски дилсиёҳликлар... буларнинг баридан халос бўлиш осон эмасди. Баҳор эшик қоқди, лекин Ко Жук ҳеч руҳан ором ололмаётганди.

Ана шундай кунларнинг бирида Ко Жук эрталабдан бери оқсочга карағай пўстлоғини шилишда ёрдам бериб, хордик чиқариш учун ибодатхона орқасида тиз чўқди. Шунда девордаги ранги ўчган безакка кўзи тушди. Даставвал у буни ўн икки ҳомий арвоҳлардан бирининг тасвирига ўхшатди. Дикқат билан разм солди: қалласи худди лочинникидек, танаси – одамнидек, қанотлари тилла тусда...

– Бу нима? – сўради у дарвешхона бошлиғидан.

– Олтин қанотли күш. Унинг бошида – “Истаклар ижроси дури”. У олов пуркайди ва аждаҳоларни ейди. У ҳамма томонидан денгизлар билан қуршалган Сумеру тоғида яшайди. Бу күш Будда қонунини кўриқладиган саккизта илохнинг бешинчисидир. уни яна Олтин күш ёки Ажойиб қанотли күш ҳам деб аташади.

Буни эшитиши билан “Олтин қанотли күш денгизни тешиб ўтмоқда” байти ёдига тушди. Шу пайтгача унинг учун Олтин қанотли күш фақат мажоз, устозининг қатъиятли, ораси катта-катта очиб ёзиладиган дастхати билан боғлиқ қандайдир куч рамзи эди. Энди мана шу ранги ўчган безакни кўрганидан кейин Олтин қанотли күш ўзи учун тирилди. Бир лаҳза унга ҳатто улуғвор күш олтин қанотларини силкитиб, юксак осмонга парвоз қилганини ва тўсатдан пастга тошдек отилиб, денгиз тўлкинларини тешиб ўтиб, типирчилаётган аждаҳони чанглаб олганини кўргандек ҳам туюлди. Ва шу онда устозининг: “Агар сен ҳеч бўлмаса бир марта мўйқаламинг остидан чиқаётган битиқда ҳаётни кўра олсанг, мақсадингга эришган бўласан”, деган сўзларини ниҳоят тушунди.

Эртасига Ко Жук лаш-лушкини йиғиштириди ва тоғдаги дарвешхонани тарк этди. Урушнинг сўнгги йили кетаётганди.

Ко Жук кечикди. Шунинг учун у ўзининг қайтиб келган кунини хотирлар экан, ҳамиша аччиқ ўкиниш ҳиссини туяди. Одатда кимсасиз бўладиган ҳовлида ҳозир марҳумнинг шогирдлари ва дўстлари тўпланганди. Ҳеч ким Ко Жукнинг қайтиб келганига хурсанд бўлмади, ҳеч ким унга бир оғиз гапирмади. Факат Ун Гоккина совуққонлик билан фижиниб ғўлдиради:

– Мёнчжондаги, мотам матосидаги ёзувни сен ёзасан. Сок Тамнинг сўнгги иродаси шундай. Марҳумнинг лавозими ва илмий даражасини ёзиш керак эмас. Оддийгина килиб: “Кимлар уруғидан бўлган олийжа-

ноб Сок Там, конфуцийчи олимнинг тобути”, деб ёзасан... – Устоз энди кўз ёшини тўхтата олмай, қўшиб қўйди: – Сен ҳеч бўлмаса энди тушун-япсанми? Агар Сок Там Мёнчжондаги ёзувни бевосита сен битишигни хоҳлаган экан, у сенинг қўлинг билан ёзилган иероглифларни ўзи билан олиб кетмоқчи бўлган. У иқтидорингни шунчалик қадрларди! Эх, ахмоқсан, ахмоқ...

Ва шунда Ко Жукнинг азоб тортиб келган қалби ағдар-тўнтар бўлди. Гўё эски озорлар унтилганди! Эҳтимол, ҳаётида биринчи марта усто-зининг кўзига тик қарагиси келди... Аммо ҳатто тобутнинг қопқоғи ҳам михланиб бўлинганди.

– У ёғига бормаймизми, устоз? – эҳтиёткорлик билан сўради Чxo Хон ёйилган ўрам устида қайгули ўйларга чўмган Ко Жукдан.

У воқеликка қайтди ва оҳиста ўридан турди.

– Йўқ, борамиз.

Улар яна бир нечта дўконларни айланиб чиқишли. Бирдан Ко Жукнинг кўз ўнги қоронгилашди, оёқлари ҳолсизланди.

– Сизга нима бўлди, устоз? – Чxo Хон шалпайган Ко Жукни аранг ушлаб қолди, устози шогирдининг қўлига ўзини ташлаб юборганди.

– Ҳеч нарса. Ҳозир йўлга тушамиз.

Қандайдир ғалати нарса худди электр токи ургандек бўлди, пешонаси-ни совуқ тер босди. Чxo Хон Ко Жукнинг ўтиришига ёрдамлашди.

– Уйга қайтсан яхши эмасми, устоз? Бугун ҳеч нарса тополмасак керак.

Лекин Ко Жук қатъият билан деди:

– Бошқа дўконларни қараб чиқ. Мен шу ерда бўламан. Бирор нарса топсанг, айтасан.

Чxo Хон устозининг ахволини билишга ҳаракат килиб, бир неча сония унинг юзига синчиклаб тикилиб турди, кейин индамасдан чиқиб кетди.

– Ҳозир ҳаммаёқдан сотиб олаётган ишларингизни нима қилмоқ-чисиз? – тулкилик билан сўради дўкон хўжайини Ко Жук нафасини ростлаб олганидан кейин. Бу савол бир неча ойлардан бери дўкондорларни қизиқтираётган эди. Бироқ Ко Жук ҳеч кимга ўз ниятини ошкор қиласди. Бугун ҳам ҳеч нарса демоқчи эмасди.

– Нима қилишни биламан.

– Демақ, тўғри экан-да? Сиз ўз музейингизни очмоқчимисиз?

“Музей? – заҳархандалик билан тиржайди Ко Жук ва унинг юраги ифодалааб бўлмайдиган маъюслик билан зирқиради. – Билишганида эди...”

– Омон бўлсак кўрамиз, – мавҳум жавоб қайтарди Ко Жук ва гапни бошқа томонга бурди. – Бу аслиятими?

Бу аслият бўлиши мумкин эмаслигини жуда яхши билгани ҳолда у бармоғи билан ўрамга – Чxу Са услубига яққол тақлид: “Рассомнинг санъати Буюк дарё сувлари кабидир. Хаттотнинг маҳорати ёлғиз қарағай кабидир” битигига ишора қилди.

– Йўғ-э, қўйсангиз-чи, муҳтарам жаноб. Бу бир таниш йигитнинг кўчирган нусхаси, уни Ун Бон деб аташади. Ўйлашимча, битикда дунё ғала-ғовуридан паришонлик ҳисси бордай, шунинг учун олдим.

– Ҳа, шундайми...

Ко Жук хаёли қочган ҳолда ўрамга боқар экан, буюк Чxу Са ҳакида ўйларди. Қачонлардир у қалбини забт этганди!

Дафндан кейин Ко Жук яна ўн йилча устозининг етим уйида тарки

дунё қилиб яшади. У устозининг қарид қолган беваси, асраб олган ўғлига ғамхўрлик қилар ва яна сабот билан ишларди. У ўзига аввалроқ “ёшини яшаб бўлган” сифатида кўринган услублар ва дастхатларни ўрганарди.

У яна Хитойнинг қадимий эпиграфикасини ўзлаштиришга киришди. Бронза уч оёклари ва тош барабанлардаги ёзувлардан, Цин ва Хан, Уч салтанатлик ва Фарбий Жин матнларидан нусха кўчиради. У яна Жанубий мактабнинг Чжун Яо, Вэй Ванъ, Ван Си-жи ва унинг ўғли Ван сян-жи, Жи Юн ва унинг шогирдлари, Шимолий мактабнинг Со Цзин, Цуй Юэ ва Яо Юан-бядодан Оуян Сюн ва Чу Суй-лянгача бўлган хаттотликларини ўрганарди. Шундай қилиб, Ко Жук етук ижодкор даражасига етганида асарларига Сок Там кўп марта тилга олган китобийлик руҳини сингдирарди. Қаерлардадир инқилобий буҳронлар гулдурарди, фуқаролик уруши аланга олаётганди, бироқ ҳеч қандай ғала-ғовурлар Ко Жукни устозининг уйини ташлаб кетишга мажбурлай олмасди.

Бевосита ана шу пайтда Ко Жук хаттотлик сирларини эгаллаб, йўлнинг туб бурилишларида неча бор бўлганидек, ўзида ҳамиша ҳақиқий завқшавқ хиссини уйғотадиган Чху Санинг ижодига яна мурожаат қилди. У марҳум устози, ўзи бу тўғрисида очиқ гапирмаган бўлса ҳам, амалда буюк ижодкорнинг ҳақиқий, эҳтимол, ягона меросхўри эканлигини тушина бошлади.

Лекин ҳатто Чху Са ҳам Ко Жук қалбини тўла забт эта олмасди. Устози вафотидан кейин Сок Там уни шогирдликка олишга иккилангани, бутун умр ундан эҳтиёт бўлиб юргани, ўзининг иродасини буқканлиги тўғрисидаги аччик хотиралари бироз юмшаган бўлса ҳам Ко Жукка вакти-вакти билан барибир азоб берарди. Бундан ташқари Ко Жук Чху Санинг қарашларини сўзсиз қабул қила олмади. Ко Жук санъатни нафосат деб тушунар ва унинг фикрича Чху Са ижодида фалсафа жуда кўп эди. Ёзувларнинг муаттар ҳиди ва китобийлик руҳи гўзалликни яратишнинг қўшимча воситалари, ҳатто гўзаллик турларидан бири бўлиши мумкин, аммо улар моҳият жихатидан гўзалликнинг унсури бўлишга кодир эмаслар. Айни чоғда Чху Санинг рангтасвиридаги ютуқлари бевосита ижодкор сифатидаги шахсий даҳолигининг оқибатидан бошқа ҳеч нарса эмас. Бундан ташқари Чху Са қарашларининг асосига қурилган Цин янги конфуцийчилиги йиллар ўтиши билан энди ниш ураётган “манбаларга қайтиш” харакати учун росмана фалокат бўлди ва тақлидгўйлар орасида бевосита Цин натура фалсафасининг таъсири ўша пайтдаги Корея санъатининг иккинчи навли Хитой намуналари маъносини тузукроқ англамасдан, улардан нусха кўчирилишига олиб келди. Шунинг учун Чху Са устози Сок Там каби хурматга ва таъзим қилишга муносиб инсон бўлса ҳам, Ко Жук санъатда унинг йўлидан бора олмасди.

Бирор соатлардан сўнг Чхо Хон қўли қуп-куруқ қайтиб келди. У қолган барча дўконларни айланиб чиқсан бўлса ҳам Ко Жукнинг ишларини топа олмаганлигини айтди.

Ко Жук Чхо Хоннинг қўлига суюниб, шаҳар қутубхонаси томон йўл олди. Унинг ўша ердаги бир нечта ўрамни қайтариб олиш умиди сўнмаган эди. Аммо бу аянчли тугади. Ко Жук бўш келмайдиган директор билан гаплашаётганда овозини кўтарди ва хушидан кетди.

Ко Жук куннинг иккинчи ярмидагина ўзига келди. У ўз хонасида ётар, атрофида одамлар тўпланганди. Ко Жук секин уларнинг юзларига бирма-

бир кўз югуртириди. Мана Чхо Хон, унинг бети ўликсира бўлиб қолганди. Ёнида иккита собиқ шогирди, йифи-сиги қилаётган Чху Су...

– Отажон, тузукмисиз? – сўради қизи.

Ко Жук жавоб ўрнига бошини қимирлатди.

Чху Су ёнида яна бир таниш башара. Бу Нан Жўн, Ко Жук ўзи адабий тахаллус кўйган биринчи шогирди. Сурбет, шилқим... Ко Жук унга совуқ, еб қўйгудай қаради.

Нан Жўн унинг кўлида ўн йил – Ко Жук Сок Там уйининг тўрт девори ичидаги камалиб олган пайтидан ўзининг шахсий хаттотлик мактабини очгунича ўқиган. Уларнинг ёшлари ўртасидаги фарқ нари борса ўн-ўн икки йилни ташкил этарди. Нан Жўн қирқ ёшга тўлай деганда хаттотликка жиддий ўқишига киришди, у барibir муносиб шогирд эди, Ко Жук унга хатто тахаллус ҳам топиб берди. Бироқ бироз вақт ўтиб Нан Жўннинг олға юриши тўхтаб қолди, бир неча йилдан кейин эса у ўзининг хаттотлик мактабини очди. Шогирди у билан тузукроқ хайрлашмасдан ҳам кетиб қолганидан Ко Жукнинг кўнгли ранжиганди, бироқ энг хунуги олдинда экан. Нан Жўн у ҳам гўёки устоз Сок Тамнинг шогирди ва Ко Жук унинг учун атиги каттароқ ўшдаги ҳамкасби эканлиги, гўёки улар ўн йил хаттотлик ва рангтасвирни Сок Тамдан ўрганликлари тўғрисидаги мишишларни тарқата бошлади. Бундан хабар топиб ғазабланган Ко Жук шу заҳотиёқ Нан Жўннинг мактабига борди.

– Кираверинг, кираверинг хурматли ҳамкасб, – дарров майин кулимсизай бошлади Нан Жўн. Унинг мунофиқлиги, биринчи навбатда, атрофга тўпланган шогирдлари учун мўлжалланган эди. Ва у бунга муваффақ ҳам бўлди. Аввалига Нан Жўн Ко Жукка биргаликда ўқиган йилларини хотирлашни таклиф этди, бироқ бу гувоҳлар олдида унинг шаъни ва қадрқимматини ҳақорат қилганлик учун судга бериш таҳдиidi билан тугади. Бу гапларга ўн йил бўлди.

– Отажон, бу жаноб сизнинг ғаров тасвири туширилган иккита рангтасвирингизни олиб келди, – шошилиб тушунтиришга тушди Чху Су Ко Жукнинг Нан Жўнга нафрат билан тикилганлигини пайқагач.

– Сиз, устоз, чизган суратларингизни тўплаётганингиздан хабар топдим... Нима бўлса, ҳаммасини олиб келдим...

Афтидан, у самимий гапираётган эди. Ўзи олтмиш ёшга яқинлашиб қолган ва улар кўришмаганларидан бери ўтган ўн йил ичидаги Нан Жўннинг юзидаги ажинлари кўпайганди. Ко Жук ковоқларини уйди. Калб жароҳатлари дарров бита қолмайди.

– Яхши. Борақол, – деди бир неча дақиқадан сўнг Ко Жук зардаси қайнаганини аранг босиб.

– Ҳозир суратни қўяман-да кетаман, – Нан Жўннинг афти қорайиб кетди, бироқ у итоаткорлик билан хонани тарқ этди.

Ўртага оғир сукунат чўмди. Уни биринчи бўлиб Чху Су бузди.

– Чэ Сик қўнғироқ қилди.

– Қачон келаркан?

– Эҳтимол, кечкурун. Юн Сикка қўнғироқ қилайми?

– Қилақол, – оҳиста жавоб худди хўрсинишдек эштилди.

Чэ Сик қонуний хотинидан бўлган катта ўғли эди. Хотини ўғил ва қиз кўрганди, лекин қизи уруш пайтида вафот этганди. Юн Сик Ко Жукнинг сўнгти жазманидан бўлган ўғли эди. Чэ Сик қирқ ёшдан ошган, Пусандада

ўз бизнеси бор эди. Кичик ўғли Юн Сик энди йигирма ёшга кирган, пойтатх университетларидан бирида ўқирди.

Ко Жук меҳрибон ота эмасди, аммо ҳар гал ўғиллари ҳақида ўйлаганида кенжаси хусусида ташвишланарди. Юн Сик ўн уч ёшга тўлмасидан онасидан ажралган, уни Чху Су тарбияларди. Бугун эса бевосита Чэ Сик тўғрисидаги фикр юрагини зирқиратди. Кўзининг олдидা ҳамиша шошиладиган, тинкаси қуриб ишлайдиган ўрта яшар эркак эмас, йўқ, балки биринчи марта дайди, деярли қашшоқ отаси билан юз кўришган ўн олти ёшли ўспириннинг чехраси гавдаланди. Ва хотинининг бир неча ўн йил эсдан чиқарган юзи тушда эмас, ўнгдагидек намоён бўлди.

Ко Жук устози Ун Гокнинг ҳомийлигида йигирма икки ёшида уйланди. Рафиқаси кёнжулик Чхве уруғидан, Ун Гокнинг жияни эди. У гўзал эмасди, лекин юмшоқ кўнгил бўлиб, Ко Жукнинг хотирасида ундан бирор марта аччиқланмаган, сира баҳлашмаган аёл сифатида қолганди. Бироқ уларнинг никоҳи Ко Жукнинг ёшлигини ютиб юборган рангтасвир ва хаттотликка ашаддий эҳтироси туфайли баҳтсиз бўлганди. Қисқагина асал ойларидан кейин Ко Жук яна ўз машғулотларига калласи билан шўнғиб кетди ва тонг саҳардан ярим тунгача устозиникида ишлар, уйида ухларди, холос. Ҳатто рўзгорни тебратиш ҳам хотинининг гарданида эди. Ко Жукнинг даромади аҳён-аҳёнда сотиладиган суратлари ва ўрамларидан тушадиган арзимас пул ҳамда Сок Там баъзан шогирдига берадиган гуручдан иборат эди.

Тўғри, Ко Жук Сок Тамнинг шогирди бўлган пайтида ҳаммаси жойида эди. Яхши-ёмон кунларда бир том остида яшардилар, фарзанд кўраётгандилар...

Ко Жук Сок Тамни тарқ этганидан кейин эса бу ҳам барҳам топди. Оиласига индамасдан, ҳатто хайрлашмасдан жўнаб қолган Ко Жук ўн йил давомида хотинини бутунлай ёддан чиқарди. Аммо у ўзини ҳечам айбдор ҳис этмасди. Ко Жук учун хотини ва фарзандлари нобоп пойабзалдек эди, оёғини сикса ҳам чидаши ва кийиб юриши керак эди.

Рафиқаси одамлардан суриштириб, бир неча бор Ко Жукни излаб топганди. Лекин у кейинчалик ўзи ҳам англай олмаган совукконлик билан аёлини олис масофада ушлаб турди. У ёлғизлиқда, мاشаққат билан болаларини катта килаётган хотинига ачиниш эмас, ўзига хос уят, гўё аёли ҳали ҳам унинг турмуш тарзига дахлдор эмасдек ғалати ғазаб хиссини туряди. Факат бир мартағина – хотини уни меҳмонхонада излаб топганида бир неча чақа ва кийиб тўзитилган оёқ кийим берганди. Унинг бу муомаласи кўпроқ юпун ва очларга одатий ачинишга ўхшаб кетарди. Онасини опичиб олган қизининг иситмаси баланд, юзи шишиган, хотинининг яланғоч оёғи эскириб кетган пойабзалидан ҳадеб чиқиб кетаётганди. Бу уларнинг сўнгги учрашишлари эди.

Ко Жук оилани тарқ этганидан кейин беш йилча ўтгач, хотини барига қўл силтаб ота-онасининг уйига қайтиб келди. Худди шу йилда Ко Жук Мэ Хян билан қўшилишган эди. Сўнг хотини акаси яшайдиган Осакага жўнаб кетди ва Кореяга қайтиб қадам босмади. Гап-сўзларга қараганда акаси уни яна унаштирган экан. Бу миш-мишлар тўғрига ўхшайди: ҳар ҳолда, у ота-онасининг уйида қолган фарзандларининг олдига бошқа келмади. Ко Жук Сок Тамнига қайтиб келганидан бир неча йил ўтгач, болаларни ўзи билан олиб кетди. Ўшанда Чэ Сик ўн олти, қизи эса ўн бир ёшда эди.

Ко Жукни виждон азоби қийнамасди. Бироқ у эри ва болаларини ташлаб кетган хотинини ҳам айбламасди. У ҳаёт тўқнаш келтирган бошка барча аёлларга ҳам ана шундай локайд муносабатда бўларди. Унинг кексая бошлаганини сездирмаётган Мэ Хян каби бир нечта кисэнлар тўғрисида гапирмаса ҳам бўларди, ҳатто санъат тўқнаш келтираётган аёллар ҳам ўзида доимий эҳтирос уйғотмаётганди.

“Ҳаётимда чинакамига севган бирор нарсам бўлганми?” – Ко Жук шундай ўй сурар экан, ҳозир фақат Чо Хоннинг бир ўзи бут каби тошқотиб ўтирган хонага шалвираб назар ташлади ва яна чексиз ғамандуҳли хотираларига шўнғиди. Ҳа, санъат бор эди, албатта. Аввал бошдан у оиласи, турмуши ҳақида ўйлашни билмасди. “Мол-мулк”, “жамғарма” каби сўзлар унинг учун бекорчи гап эди, ўзи мансаб ёки шон-шуҳрат кетидан қувмасди. Бир қараганда унинг ҳаёти сермазмун ва турфа кўриниши мумкин эди, амалда эса ниҳоятда жўн ва қатъий эди. Ўзини чулғаб олаётган жуда кўп қизиқишлар орасида у умум қабул қилган меъёрлар ва тор фикрли танқидларга парво қилмасдан биттасига, энг кучлисига содик бўлди – бу ҳаётий йўлини узил-кесил ва батамом белгилаб берди.

“Пировард натижада бу менга нима берди? – заҳархандалик билан ўзини-ўзи сўроққа тутарди Ко Жук. – Нима бериши мумкин эди?”

Ко Жук қандайдир ғалати югур-югурдан уйғониб, яна кўзини очганида қош қорайганди.

– Ҳозир бироз оғритаман, – деди кимдир адёлни сурар экан.

Бу доктор Чон эди. Игна худди аёз шамоли эсгандек танани увшитириб, терига санчилди. Хонадаги одамлар кўпайди. Ко Жук бу нимани англатишини дарҳол тушунди.

– Дада, бу мен Чэ Сикман.

Ўғли кўзи жиққа ёш ҳолда Ко Жукнинг қўлини ушлади.

Ко Жук Чэ Сикни уйига олиб келганида ўн олти ёшда эди, бироқ улар бир-бирларига бегоналардек бўлиб қолишаверди. Ко Жук йигитча биринчи бор уйидан қандай кетиб қолганлигини ёдга олди. Бу Ко Жук ўғли ҳеч бўлмаса ёзишни ўрганиб олишини хоҳлаб, унга мўйқалам ва қора сиёҳдон сотиб олган куннинг эртасига рўй берганди. Чил-чил қилиб синдирилган сиёҳдон, тилка-пора қилинган мўйқалам... Палид ўғил эса ном-нишонсиз ғойиб бўлганди. Йигитчани армияга олишмагунча Ко Жук ҳаловатини йўқотди. Ўғли баъзан уйдан отасининг сурати ёки имзо қўйилмаган ва муҳр босилмаган ўрамини, айрим пайтда пулини ҳам ўмарид кетарди. Бироқ ҳарбий хизматни ўтаб бўлгач, қуиилиб қолди, ўз бизнесини йўлга қўйгач эса қорасини кўрсатмай қўйди. Факат икки йилча муқаддам отасини йўқлай бошлади.

– Юн Сик ҳам келди, – Чху Су хўрсинаётган Юн Сикнинг қўлини олиб, Ко Жукнинг бошқа кифтига қўйди. Чху Сунинг қўзлари йифидан шишиб кетган эди.

“Ҳа, оталарингиз бир чақага киммат, – ўйларди Ко Жук, – ахир, хаммангиз турли оналардан туғилгансиз. Ҳа, майли, сизларга ҳарқалай баъзи лаш-лушлар қолади, бу бироз бўлса ҳам сизни отангизнинг камчиликлари билан муросага келтирас”.

Ко Жук меросини тақсимлаб бўлганди. Мевазор Чэ Сикка, мактаб биноси Юн Сикка, уй Чху Сига тегади. Ва у яна, яхшиямки, адабий му-

кофот таъсис этиш режасидан воз кечганлиги ҳақида ўйлади. Умрининг охирида бегоналарга бундай хушомад килишга не ҳожат?

– Тинчлансангиз-чи, ахир. Одамни сўнгги йўлга бундай кузатишмайди, – қандайдир хотин Ко Жукнинг фарзандлари йифи-сифисини тўхтатишга уринарди. У ўғиллардан Ко Жукнинг қўлларини тортиб олиб, уларни қаттиқ қисди ва сўради:

– Мени танидингизми?

Афтидан, дори таъсир қилишга улгурганди. Ко Жук аранг қовогини кўтариб, унга боқди. У Ок Кё – хаттот аёл эди. Ўз вақтида бу аёлнинг Кон Жук билан дон олишишлари тўғрисида гап-сўз юрарди. Ҳозир унинг яқин атрофда ўз хаттотлик мактаби бор эди. Таниди, албатта, таниди. Аммо Ко Жук тилга кирмасидан уни ҳорғин уйқунинг қора тўлқини қоплади.

Олтин қанотли қуш учайдиганди. У улкан қанотларини бир меъёрда силкитиб, мовий денгиз узра учарди. Лекин унда ғазабга миниш ҳам, хусумат ҳам йўқ эди. Бу шунчаки заминдагидан ёрқинроқ ва гўзалроқ дунёга талпинаётган улуғвор парвоз эди. Унинг қойилмақом пешонасида “Истаклар ижроси дури” кўзни қамаштирадиган даражада ярқиради, у оловга ўхшаш гулнинг қип-қизил япроқлари исини хидлар ва бу япроқлар денгиз устида ажойиб булутлардек ёйилганди. Қушнинг кенг орқасида эса Ко Жук ўтиради. У сирғалиб тушиб кетмаслик учун бутун кучи билан қуш патларига ёпишарди. Қуш юқорига отилди; Ко Жукни тўнтармоқчи бўлгандек, шамол ёпирилди ва у олтин патни ушлаганича осилиб қолди. Қўллари бўшашаётганди. У бақирмоқчи бўлди ва уйғонди.

Девордаги соат тонгти тўртга бонг урди. У анчайин узоқ ухлаганди. Дорининг таъсири тугаганга ўхшайди: даҳшатли оғриқ танасини зиркиратадиганди. Аммо, қанчалик ажабланарли бўлмасин, онги тиниқ эди.

Хонада факат деворга суянган ўғиллари ва китоб сандиғининг устида ўтирган Чо Хон қолганди. Ко Жук оҳистагина тўшагига ўтириб олмоқчи бўлди. Осонгина уддасидан чикқани ўзини ҳам ҳайрон қолдирди. Белдаги оғриқ сусайди. Ва шу онда ёдига тушди.

– Сан Чхол! – Ко Жук шогирдини ҳақиқий оти билан чақирди. Чо Хон сергак ухлаётганди.

– Устоз, нима керак? – дарров жавоб берди у.

– Барча суратлар ва ўрамларни олиб кел.

– Нима учун?

– Айтганимни қил. Ҳаммасини олиб келиб, бу ёкка кўй.

Чо Хон тез қайтди. Асарлар икки юзтадан кўпроқ экан, улар хонанинг бутун бурчагини тўлдириди.

– Ота, нима қилмоқчисиз? – қизиқди Чэ Сик уйқусираб кўзларини уқалар экан.

Ко Жук жавоб бермади, факат Чо Хонга ишора қилди:

– Хонани ёруғроқ қилиш керак.

– Ҳозир торшерни олиб келаман.

Чо Хон устозининг хоҳишини муҳокама қилмасдан бажаришга одатланганди. Бироз вақтдан сўнг у торшерни кўтариб келди. Хона жуда ёришиб кетди.

– Энди ўрамларни бирма-бир оч ва менга кўрсат.

Чо Хон аввалдагидек сукут сақлаган ҳолда ишга киришди. Биринчи ўрам Ко Жук томонидан эллигинчи йилларда Юй Ши-нань услубида битилганди.

– Юй услубида битдим, аммо ундан беш ҳикмат ибратини олишга муваффақ бўлмадим. Чап томонга олиб қўй.

Кейин орхидеяли ўрам турганди.

– Ўша пайтда Жен Си-соя йўлидан четга чикиб бўлгандим, бирок аксинча, Тэвогуннинг таъсиридан қутула олмадим. Натижа униси ҳам эмас, буниси ҳам. Чапга олиб қўй.

Ко Жук ўрам кетидан ўрамларга шу қўйи ҳукм чиқаради. Ҳукмлар, гўё ашаддий душманига нисбатан чиқарилаётгандек, шафқатсиз ва илтифотсиз эди.

Ко Жук ўзганинг дастхати намуна бўлган белгилардан нусха қўчиришдаги ва уйғунликларни қайд этарди. Ўзи ижод килгандарида эса шахсан бемаънилиги ва нўноқлигини айбларди. Шунинг учун ўрамлар чап томондан жой олаётганди. Суратлар билан ҳам худди шундай бўлди. Қадимий коидаларнинг бераҳмлигига ўзининг совуқ муносабати қўшилди – Ко Жукка ҳеч нарса ёқмаётганди.

Ко Жук ўз ишларини салкам тушгача кўздан ўтказди. Бунга қандай қувват топди?! Эрталаб ташриф буюрувчилар турнақатор бўлишди, бироқ ҳеч ким устознинг дарғазаб шиддатини тўхтатишга журъат эта олмади. Ко Жук эса ҳеч нарсани пайқамаётганди.

Ҳаммаси охирига етганида ўнг тарафда факат биттагина ўрам ётарди.

– Яна борми? – сўради Ко Жук титроқ овоз билан.

– Йўқ, ҳаммаси шу, – хотиржамлик билан жавоб берди Ко Хон.

Ко Жукнинг бети қорайиб кетди, боши ҳолсиз кўксига тиralди, танаси шалвираб, секин ёнбошга букила бошлиди. Ён-атрофда тўпланиб турганлар бирор даҳшатли нарса содир бўлди деган ўйга боришганди. Аммо шундай дақиқаларда ҳам Ко Жук тиник онг ила ўзи билан ўзи гаплашашётганди:

“Сира кўра олмадим. Ҳаётимда ҳеч бўлмаса бир марта кўришни орзу килгандим, ҳолбуки, ич-ичимдан умидимга, эҳтимол, ета олмаслигимни билардим. Балки шунинг учун сўнгги дақиқагача буни орқага сурдим...”

Ко Жук нимани қидираётганди? Ҳа, тонготарда тушига кирган ўша Олтин қанотли қушни.

Устози Сок Там учун Олтин қанотли қуш қудратли нафосат ва равшан онгнинг анъанавий рамзи ҳисобланарди. Лекин Ко Жук Кху Са фалсафий анъаналарининг сўнгги давомчиси бўлган Сок Тамни тарқ этганидан кейин унинг онгиди Олтин қанотли қушнинг маъноси ўзгарди. У Ко Жук учун бадиий мукаммаллик рамзига айланди.

Шунинг учун ҳам Ко Жукнинг Олтин қанотли қуши эстетика денгизида парвоз қиласи ва кўкка, мукаммал гўзалликка талпинарди. Ко Жук ўлими ҳақида ўйлай бошлаганидан бўён ана шу қушни кўришга интизор эди. Зеро, бу изланишларига маъно бахш этар ва ҳамма-ҳаммаси учун мукофот бўларди.

Бироқ у Олтин қанотли қушни кўра олмади.

Хозир бўлганлар Ко Жук энди ўзига келмаса керак, деган ўйда эдилар, бироқ беш дақиқа ҳам ўтмасдан чол кўзини очди ва яна Ко Хонни чакириди.

– Ҳаммасини ол ва ҳовлига олиб чиқ. Айвон ёнидаги гулзорга.

Чо Хон бу буйруқни қайта сўроқлаб ўтирмаса ҳам, афтидан, бироз таажжубланди.

– Бутун умрим давомида ўзимни ҳам, бошқаларни ҳам алдаб келдим. Ўзим ҳам бирор қимматли нарса қиляпман деб янглишарканман. Олқишу хурмат-эҳтиромга лойиқман деб ўйларканман.

– Устоз, нима деяпсиз?

– Кимдир, эҳтимол, буларга арзир. Аммо мен эмас. Атиги бир неча дақиқа олдин осмонга парвоз қилаётган Олтин қанотли қушни чин қалбдан, зориқиб кўришни хоҳлаган эдим. Бу умримга маъно беради деб ўйловдим. Лекин ҳозир, ҳатто, бу қушни кўрсам ҳам – нима ўзгарарди?

Чо Хон гангиган кўйи сукут сақларди.

– Энди эса айтганларимни бажар. Бу нарсаларни сақлаб қолсан, фалокат юз бериб, яна авлодларни ҳам алдаган бўламан.

Ва Чо Хон ўрамларни қучоқлаб, ҳовлига чиқди. Ҳеч ким уни тўхтатиб қолишга уринмади.

– Ёлма! – Ко Жук кимдир Чо Хон орқасидан эшикни бекитмоқчи бўлганини кўриб, уни тўхтатди. Ва шу заҳотиёқ жон таслим қилаётганинг овозига сира ўхшамайдиган баланд ва тиниқ товуш билан шогирди кетидан бакирди: – Анави жойга тахла. Ҳаммасини ўша ерга!

Гулзор хонадан кўриниб туарди. Чо Хон ўрамларни сўлий бошлаган гуллар ўртасига қўйиши биланоқ, Ко Жук баланд овоз билан буюрди:

– Ўт қўй!

Ҳамма типирчилаб қолди. Кимдир Ко Жукни аврашга тушди, бошқа бировлар Чо Хонни тўхтатиши учун чопиб кетди. Аммо бари беҳуда эди. Ко Жук ҳеч кимга эътибор бермасдан момақалдироқ овози билан бакирди:

– Кимга айтяпман, ўт қўй!

Бирдан Чо Хоннинг афти ғазабдан буришиб кетди: бир неча лаҳза у Ко Жукка синчилаб қараб турди, ўзига халақит бермоқчи бўлганинг кўполлик билан итариб ташлади ва ўт қўйди. Кейинчалик баъзан у Ко Жукни “сохта устоз” деб атасида қалбининг тубида, балки Сок Там ўқитган анъанага хурмат ва ўзни муросасиз инкор этиш сабаб бўлгандир. Кўз очиб-юмгунча олов ўрамларни ўз қаърига олди. Кимдир қичкириб юборди, кимдир йиғлашга тушди.

Айримлар учун Ко Жукнинг барча ажойиб санъати, бутун хаётининг мевалари ёниб кетди. Бошқалар учун ёрқин алантага даҳшатли ҳақиқатни ёритди. Яна баъзи бировлар учун Ко Жук умрининг ўзи кул бўлди. Яна бир тоифа одамларга, тўғри, улар кам сонли эди, бир қоп пул ёнаётганди. Деярли ярим аср ҳақли равишда шон-шуҳратга бурканган, асарларини бошқалар қатори икки президент харид қилган, ҳамма томонидан эътироф этилган моҳир рассом ва устоз, бир сафар Умумкорея кўргазмаси ҳайъатига бошчилик қилишдек фахрли таклифни назарига илмаган Ко Жук ёнарди, саноқли дақиқаларда кулга айланётганди... ва у томонидан яратилган, аслини олганда каравотда ётган қартайган бемор танасидан анча муҳим ҳамма нарса чиқиндидек тўпланиб, ўт қўйилган ва уларни олов ямлаётганди.

Ва шу онда Ко Жук кўрди. Аланганинг қоқ ўртасида бир лаҳзагина у кўкка отилган улкан қушни пайқади, тилла тусда яркираётган қанотларни ва қудратли парвозни кўра олди.

Ко Жук ўша кун кеч соат саккизга яқин, етмиш икки ёшида вафот этди.



“АРИРАН” – КОРЕЙСЧА ҚҮШИҚ

ёхуд кинорежиссёр Ким Ки-Дук икрори

2011 йил Канн халқаро кинофестивалида бадий фильмлари билан жаҳонга машҳур бўлган кореялик кинорежиссёр Ким Ки-Дук “Ариран” ҳужжатли фильмни учун бош соврин – “Ўзгача нигоҳ” номинацияси билан тақдирланди.

Ўзбек киномухлисларига “Баҳор, ёз, куз, қиш ва яна баҳор” фильмни орқали яхши таниш бўлган Ким Ки-Дук 1960 йилнинг 20 декабрида Жанубий Кореяning Кёнсан вилоятига қарашли Бонва қишлоғида таваллуд топган.

Унинг илк дебют фильми “Тимсоҳ” (1996) деб номланган эди. Кино оламида сценарий муаллифи ва режиссёр сифатида фаолият бошлаган Ким Ки-Дукнинг бирин-кетин яратилган фильмлари унинг моҳир режиссёр бўлиб етишишида маълум бир босқичларни ўтагач, биринчи халқаро муваффақият 2003 йилда “Баҳор, ёз, куз, қиш ва яна баҳор” фильмни билан келди.

2004 йилда яратилган “Самариллик қиз” фильмни ҳам Берлин халқаро кинофестивалида “Энг яхши режиссёрлик иши учун” номинацияси билан тақдирланди. Худди шу йили яратилган яна бир “Кимсасиз уй” фильмни ҳам Венеция кинофестивалида бош совринга эга бўлди.

Шу тариқа 2008 йилгача кетма-кет суратга олинган барча фильмлари Ким Ки-Дукнинг номини жаҳонга танитиб келди. Унинг “Вақт”, “Чиройли қиз”, “Орзу”, “Нафас” каби фильмлари жаҳон кино майдонида алоҳида ҳодиса сифатида юқори баҳоланди.

2009–2011 йилларда Ким Ки-Дукнинг ижоддан узоқлашгани, ижодий турғунликка юз тутгани маълум бўлиб қолди. Режиссёрнинг умуман ижоддан тўхтагани, тарки дунё қилгани тўғрисидаги миш-мишлар Жанубий Корея кинематографиясида чараклаган қўёшнинг эрта ботганидан дарак бергандек эди. Бироқ бирданига 2011 йилда Ким Ки-Дукнинг “Ариран” фильмни халқаро кинофестивалларда намойиш этила бошлади. Мазкур ҳужжатли фильм режиссёрнинг нега тарки дунё

истаб кинодан узоқлашгани, нега якка ўзи шаҳар ташқарисида, тоғлар бағрида узоқ муддат яшагани ва умуман руҳий тушкунликни бошдан кечириш ва енгиш жараёни ҳақида ҳикоя қилади.

“Ариран”

“Менинг фильмларимда фожиавий унсурлар кўп. Қаҳрамонларим азоб чекади, баҳтсизлик билан тўқнашади, ҳалок бўлиши ҳам мумкин. Агарда бирор фильмимда қаҳрамон вафот этиб қолса, бу унинг умуман ёруғ оламни тарқ этганини билдиrmайди. У шунчаки ўзини қайтадан кашф этади, холос”. Бу фикр Ким Ки-Дукнинг ўзига кўпроқ тегишли, дейиш мумкин. Чунки деярли барча фильмларида асосий ролларни ижро этадиган актёр Ким Ки-Дукнинг экрандаги ҳаракати сценарийнавис ва режиссёр Ким Ки-Дук яратган сюжет чизигида содир бўлади. Бу эса фильмлардаги қаҳрамонларнинг азоби, изтиробларини актёр Ким Ки-Дук бошдан ўтказади деганидир.

Тоғли қишлоқнинг кимсасиз бир чеккасида чайла қуриб замонавий қулайлик ва шинамлиқдан холи бўлган маконда яшаётган инсоннинг нигоҳларида яшаш учун кураш ва борига қаноат қилиш ҳисси эмас, ўз-ўзидан қониқмаслик ва руҳий азобдан қутулиш истаги акс этади. Бу нигоҳлар камерага ўйчан бокади, хотирасида нималарни дир тикламоқчилик узоқ сукут қилади. Жимжитлик ҳукм сураётган масканда инсоннинг ҳаётий эҳтиёжлари учун зарур бўлган ҳаракатигина унинг соғлом эканлигини билдиради.

Тунда сокинликни ниманингdir тиқиллагани бузади: худди эшикни бирор чертгандек. Кулба эгаси ўрнидан туриб, ташқарига чоғланади – ҳеч ким йўқ. Бу ҳол уч кун давом этади. Ниҳоят бу товуш Ким Ки-Дукни гапиришга, камера қархисида ўз-ўзини суд қилишга, ижодий фаолиятини тафтиш қилишга мажбур этади...

Муҳаббат ва қаҳрамонлик мотиви асосида яратилган ҳалқ қўшиғи “Ариран” корейс миллатининг тимсоли сифатида эътироф этилди. Ким Ки-Дук аксарият фильмларида мазкур қўшиқнинг gox оҳангидан, gox афсона сюжетидан, gox мазмунидан фойдаланишга ҳаракат қилиб келган. “Ариран” хужжатли фильмнида эса қўшиқни хиргойи қилади. Худди кўнгилда йиғилиб қолган дардлар маъюс қўшиқ оҳангидага кўз ёш билан сизиб чиққандек, Ким Ки-Дук ҳам қўшиқни йиғлаб айтади. Қизиги шундаки, унинг қиёфасида, нигоҳларида, титраган товушида биз Ким Ки-Дукни эмас, бутун бир корейс миллатининг қиёфасини кўрамиз. Шунинг учун ҳам фильмни режиссёр Ким Ки-Дукнинг икрорномаси эмас, корейсча дунёқарашнинг акси, дейиш тўғрироқ бўлади.

*Ариран, Ариран, Ариран довони,
Севгилим, сен ундан кетмоқ истадинг,
Мени ёлғиз қолдиришига қарор қилдинг.
Аммо, билки, ўн чақирим ҳам йўл босолмайсан,
Оёқларинг қақишиади менсиз...
Ариран, Ариран, ишонаман келур ўша кун,
Она юртим бўлади, албатта, эркин...*

Шоҳида ЭШОНБОБОЕВА тайёрлади.



СУНГ КИМ



Сунг Ким – дунё тасвирий санъатида сержило суратлари билан шухрат қозонган кореялик мўйқалам устаси. Унинг асарларида корейс рангтасвир санъати анъаналари ва европача услублар уйғунлашиб кетган.


Сунг Ким 1940 йили Сэулда туғилган. Унда расм чизишга бўлган қизиқиши болаликдан уйғонган, мактабдаги тасвирий санъат мусобакаларида фаол қатнашган. Мактабни тамомлаган Сунг Сеулдаги санъат коллежига ўқишига киради. Сўнг ёш рассом Европага саёҳат қилади, 1980 йилда АҚШга кўчиб келади. XXI аср бошига қадар Сунг Ким тўрт юздан зиёд асар яратди, картиналари кўплаб санъат галереяларида намойиш қилинди. Рассом болалар китоблари ва журналларида ишлаган иллюстрациялари билан ҳам шухрат қозонган.

Сунг картиналари корейсча эртакларга ўхшайди, баҳраманд бўлган томошабин суратдаги эртакнамо оламга шўнғиб кетганини билмай қолади. Мисол учун, “Маккажўхори даласи”, “Бағор ҳовлиси” картиналарида сеҳрли муҳит, жозиба ва жўшқинлик “ялт” этиб кўзга ташланади, айниқса, маҳорат билан танланган ёрқин ранглар уйғунилиги томошабин эътиборидан четда қолмайди.

Дарвоқе, ҳар қандай мусавирининг оламни англаши асарларида акс этганидек, Сунг Кимнинг дунёқарashi, гўзалликка муносабатини картиналарида кўрамиз. Шу маънода Сунг асарларида гўзалликни тарғиб қилади, дейиш мумкин. “Денгиз остонаси”, “Қаҳвахона”, “Қанот қоқаётган бургут”, “Қишлоқдаги уй”, “Антиқварлар дўкони”, “Қишлоқдаги узумзор” суратлари фикримиз далилидир.

Журналимиз муқовасини безаб турган “Боғ” сурати рассомнинг ноёб асарларидан бири. Картинада боғ манзараси бор гўзаллиги билан намоён бўлади. Азим дараҳтлару шифил гуллаган шоҳлар, йўлак бўйлаб ястанган сариқ, қизил, кўм-кўк гуллар чиройи кўзни қамаштиради. Орқа фондаги мовий кўл, қизил кўпrik ва узоқда қад кўтариб турган баланд минора ҳам боғнинг манзарасига ўзгача хусн бериб турибди. Йўлак четида ям-яшил ўтда сариқ соябонли аёл тасвирланган. Аёл ҳам боғнинг фусункор манзарасини завқ билан томоша қиляптики, суратдаги бу узвларнинг бари бир-бирини тўлдиради, бойитади.

Аброр УМАРОВ тайёрлади.



ЖАҲОННИ ЛОЛ ҚИЛДИ ЎЗБЕК ЎҒЛОНИ

“Гўрўғли” туркумидаги достонларнинг бирида султон эл руҳиятини синаш учун “Фирқўкни сотаман”, деганида халқ бунга йўл қўймайди. Одамлар сўнгги чақасигача бериб бўлса-да, отни сақлаб қолишни истайди. Чинакам алп раҳнамолигида янгитдан туғилиб, кучга кирган улус ўз тулпорининг қадрини билади, эъзозлайди. Ҳеч кимдан кам бўлмаган, маънан ва жисмонан баркамол миллатнинг ори ҳам қоядай улуғвор. Ўша халқ Ватан шарафини юксалтирадиган асл қаҳрамонларни севиб ардоклади.

Бетакрор достонимиз – “Алпомиш”да эса муҳлислик ҳисси:

*Бойчибор деб ўзбек хуррам бўлади,
Кўкдўнан деб жами қалмоқ қаради, –*

дея куйланади.

Бу айтимлар ор-номус талашиб майдонга чиқсан масъулиятнинг тажассуми, ўз вакилини оғасидай яхши кўрадиган ихлосмандлар қалбидаги муҳаббатнинг инъикоси эди, аслида.

Бугунгидай глобаллашган ахборот асрида ҳам дахлдорлик, миллатдошлиқ туйғуларининг аҳамияти заррача пасаймади, аксинча, янгича шакл ва мазмун билан бойиди.


Бразилияning Рио-де-Жанейро шаҳрида ўтказилган XXXI ёзги олимпиада ўйинлари қарийб 20 кун давомида бутун дунёни ҳаяжонда ушлаб турди. Дунёнинг 200 дан ортиқ давлатидан келган атлет ишқибозлари ўз вакилини қалбан қўллашга, кўмаклашмоқча интилди. Энг қувонарлиси, мамлакатимиз спортчилари кўнглимиздаги умид ва ишонч ҳурмати бизни уялтириб қўйишмади. 13 та соврин – 4 та олтин, 2 та кумуш, 7 та бронза медали бир-биридан мураккаб, муросасиз курашларда кўлга киритилди.

Бу ютуқлар, аввало, ўзбек спортининг, кенг маънода Ўзбекистон халқининг – юртимиз муҳлислиарининг ғалабасидир. Энди биз узоқ

вақт шу шукух, шу завқ билан яшаймиз. Бу кўтаринкилик оиласизда, фоалиятимизда, умуман, ҳаётимизда акс этади! Зотан, вакилларимиз кўксини безаган барча медаллар миллатимизни, бизники! Ахир, мусобақалар давом этаётган бир пайтда ҳақиқий ишқибоз кўнглидаги ҳаяжон аренадаги спортчининг эҳтиросларидан ортиқ бўлса бўлди, асло кам бўлмади. Айтайлик, чарм қўлқоп устаси Ҳасанбой Дўстматов туйган голиблик нашидаси, миллий ғурур сизга бегонами? Финал учрашувида Бектемир Мелиқўзиев қабул қилган зарбалар қалбингизни оғритди-ку, тўғрими? Байроғимиз баланд кўтарилиб, мадҳиямиз янграганида яна бир чемпион боксчимиз Фазлиддин Ғойибназаровга қўшилиб йиғлаганимиз ҳамрост.

Оғир атлетикачимиз Руслан Нуриддинов бу вазн тоифасида ҳали хеч ким забт этолмаган оғирлик – 237 килограмлик тошни ўзига бўйсундиргани бошқаларни қанчалик ҳайратга солган бўлса, бизни шунчалик фахрлантирди. Бу Ватанга, миллатга, унинг асл ўғлонларига бўлган муҳаббатнинг тимсоли бўлса не ажаб!

Албатта, спорт фақат ғалабалардан иборат эмас, у тинимсиз меҳнат, машаққатларга тўла сўқмоқ. Узоқ йиллар қилган заҳматингга бериладиган мукофот эса баъзан аламли мағлубият бўлишини ҳам ҳаммага тушунарли. Шул сабаб эркин курашчимиз Ихтиёр Наврўзовдан енгилган мўғилистонлик атлет ва унинг мураббийлари кўрсатган “томуша” хеч кимга эриш туюлмади. Ахир, уларнинг вакили ҳам ўз Ватани ва миллати шаъни учун гиламга чиққан, ортларида миллионлаб одамлар кўз тикиб турганларини билар эди-да.



Шундай қилиб, XXXI ёзги олимпиада ўйинлари тарих саҳифаларига битилди. Тўртта олтин, иккита кумуш ҳамда еттига бронза медалига сазовор бўлган Ўзбекистон делегацияси умумжамоа хисобида 21-уринни эгаллади. Умумжамоа хисобида ҳамюртларимиз бокс бўйича дунёда биринчи ўринга сазовор бўлди, шу вақтга қадар етакчи саналган Куба, Франция, Буюк Британия спортчиларини ҳам ортда қолдирди. Кўлга киритилган натижалар бўйича ҳамюртларимиз Марказий Осиё давлатлари орасида биринчи, МДХ давлатлари орасида иккинчи, Осиёда Хитой, Япония ва Жанубий Корея давлатларидан кейин тўртинчи ўринни эгаллашди.

Шу ўринда эслатиб ўтиш жоизки, Истиқлол йилларида олти бор ёзги олимпиада ўйинларида иштирок этган Ватанимиз вакилларининг жами кўлга киритган медаллари эндиликда 33 тани ташкил этади. Шундан 9 таси олтин, 7 таси кумуш ва 17 таси бронза медалидир.

Элбек ЭРКИН

| Медальный зачет: - Бокс | | | | | | |
|-------------------------|--|---|---|---|--------|-------|
| Страна | | 🥇 | 🥈 | 🥉 | bronze | Всего |
| 1 Узбекистан | | 3 | 2 | 2 | 7 | |
| 2 Куба | | 3 | 0 | 3 | 6 | |
| 3 Франция | | 2 | 2 | 2 | 6 | |
| 4 Казахстан | | 1 | 2 | 2 | 5 | |
| 5 Россия | | 1 | 1 | 3 | 5 | |

УЛАР ҲАМ ШУ ОЙДА ТҮФИЛГАНЛАР...

1 АВГУСТ

1819–1891 йиллар. ГЕРМАН МЕЛВИЛЛ, америкалик машхур ёзувчи. Романтизм оқими вакили. Унинг биринчи романи “Чодир” 1845 йил эълон қилинган ва муаллифга катта шуҳрат келтирган. 1851 йилда чоп этилган “Моби Дик ёхуд оқ кит” туркумида дengиз ҳаётига бағишиланган сара асарлари жамланган. “Оқ бушлат”, “Исройл Поттер”, “Редберн: биринчи дengиз сафари”, “Марди” каби роман ва қиссалари мавжуд. Мелвилл асарлари саргузашт йўналишида бўлса-да, у оддий дengизчи мисолида фалсафий, ижтимоий муаммоларга ечим излайди.

3 АВГУСТ

1924 йил. АНАТОЛИЙ АЛЕКСИН, рус ёзувчиси ва драматурги. У асосан болалар ва ўсмирларга мўлжаллаб асарлар ёзган. “Ақлсиз Евдокия”, “Хонаки маслаҳат”, “Эски уйдаги сир” каби қиссалари, “Ёш гвардия”, “Ўнинчи синф болалари”, “Мактоб ва шикоятлар китоби” сингари драматик асарлар шулар жумласидан.

5 АВГУСТ

1850–1893 йиллар. ГИ де МОПАССАН, атоқли француз ёзувчиси. Реализм йўлида ижод қилган. Адебнинг “Ҳаёт”, “Азизим” каби романларида, шунингдек, “Дўндиқ”, “Портда”, “Мерос”, “Оила даврасида” ва бошқа новеллаларида ижтимоий ҳаёт манзараси реал, шу билан бирга бадиий таъсиридан акс эттирилган.

1893–1919 йиллар. ВЕРА ХОЛОДНАЯ, атоқли рус актрисаси. Кино оламига “Анна Каренина”даги кичик роли билан кириб келган. “Сароб”, “Жим бўл, қайгу... жим бўл...”, “Сўнгги танго”, “Дунёни гўзаллик бошқарсин” каби фильмларда роллар ижро этган.

204

9 АВГУСТ

1895–1958 йиллар. МИХАИЛ ЗОШЧЕНКО, таникли рус сатирик ёзувчиси. Адеб “Тарас Шевченко”, “Ортга қайтган ёшлиқ”, “Қуёш чиқишидан олдин” каби қисса ва очерклари билан шуҳрат қозонган. Ҳикоялари Н.Аминов, С.Сиёев ва бошқалар томонидан ўзбек тилига ўтирилган.

1931 йил. ИСАЙ КАЛАШНИКОВ, атоқли бурят адаби. Илк романи – “Сўнгги чекиниш”да она юртида кечган фуқаролар уруши мавзусини қаламга олган. Ёзувчи Чингизхонга бағишиланган икки китобдан иборат “Каттол аср” тарихий романни билан танилган (Журнализмнинг жорий йил сонларида чоп этилмоқда). “Сехрли гиёҳ”, “Тергов” каби асарлари ҳам адаб қаламига мансуб.

1963–2012 йиллар. УИТНИ ХЬЮСТОН, машхур америкалик эстрада хонандаси, актриса ва продюсер. Уитни мусиқа санъатида машҳурликка эриш-

ган илк аёл хонандалардан. Унинг дастлабки “Уитни Хьюстон” ва иккинчи “Уитни” альбомлари рекорд даражасида сотилган. Хонандани 1992 йил (ўзи роль ижро этган ва соундтрекини кўйлаган) “Тансокчи” фильмни яна бир карра шуҳрат чўққисига олиб чиқкан. Унинг еттига альбоми бўлиб, охиргиси “Сенга қарайпман” 2009 йил сотувга чиқарилган.

17 АВГУСТ

1935 йил. ОЛЕГ ТАБАКОВ, рус актёри ва режиссёри. Фаолиятини Москва Бадиий театрининг ўкув студиясида бошлаган Олег Табаков хозирда шу театр раҳбари. У театр саҳнасидатурфа характерли роллар устаси сифатида шуҳрат қозонди. Ўз театр ўкув-студиясини очган. Шунингдек, актёр “Уруш ва тинчлик”, “Тиник осмон”, “Д’Артаньян ва уч мушкетёр”, “Москва кўзёшларга ишонмайди” каби юздан ортиқ фильмларда турли роллар ижро этган.

19 АВГУСТ

1937–1972 йиллар. АЛЕКСАНДР ВАМПИЛОВ, машхур рус ёзувчиси ва драматурги. Илк пьесаси “Тўнгич ўғил” 1967 йил саҳна юзини кўрган. Шундан сўнг у “Деразалари ўтлокқа қараган уй”, “Чекка қишлоқ хандалари”, “Метранпаж”, “Йигирма дақика фаришта билан”, “Ўрдак ови”, “Чулимскдаги сўнгти ёз” каби пьесалари, “Ёзмалар”, “Хат” сингари насрый асарлари билан танилган.

21 АВГУСТ

1929–2008 йиллар. ВИЯ АРТМАНЕ, латиш кино ва театр актрисаси. 1950–2003 йилларда Латвия бадиий академик театрида ижод қилган. Актриса “Пигмалион”да Элиза, “Рамео ва Жульєтта”да Жульєтта, “Гамлет”да Офелия, “Уруш ва тинчлик”да Элен, “Дон Жуан”да Донна Анна, “Телба”да Настасья Филипповна, “Чайка”да Аркадина, “Бехуда шов-шув”да Беатриче ролларини ижро этган. “Емильян Пугачёв”, “Ҳеч ким ўлишни хоҳламайди”, “Эдгар ва Кристина” каби фильмларда суратга тушган.

29 АВГУСТ

1958–2009 йиллар. МАЙКЛ ЖЕКСОН, машхур америкалик хонанда, поп мусиқаси намояндаси. У ўн беш карра “Грэмми” мукофотини кўлга киритган. Биринчи альбоми 1972 йил сотувга чиқарилган. “Бен”, “Тўхтама”, “Рок сен билан”, “Билли Жейн”, “Юрак урмоқда”, “Айт, айт, айт”, “Дунё, бу – биз” (Африкага бағишлиланган), “Сени севишдан тўхтаёлмайман”, “Кўзгудаги одам”, “Иркит Диана”, “Оқ ёки кора”, “Сен ёлғиз эмассан” каби кўшиқлари Майкл Жексоннинг номини дунёгага танитган.

31 АВГУСТ

1912–1962 йиллар. Ҳабиб АБДУЛЛАЕВ, атоқли геолог олим, давлат ва жамоат арбоби, Ўзбекистон ФА академиги, геология-минералогия фанлари доктори. 130 дан ортиқ илмий асар ёзган, тадқиқотлари қатор хорижий тилларга таржима килинган. Олим Ўрта Осиёда биринчи – “Ўзбекистон геология журнали”ни ташкил қилган ва унинг масъул муҳаррири бўлган.

Гулшона ШОДИЕВА тайёрлади.



РЕЗЮМЕ

●●● С 1945 года народ Республики Корея широко отмечает 15 августа как День независимости. В этой связи в очередном номере журнала уделено особое место южнокорейским мастерам пера. В рубрике «Поэтические меридианы» вы сможете ознакомиться с образцами творчества представителя классической корейской поэзии Чона Чхоля, а также стихотворениями таких поэтов, как Хан Ёнун, Ли Санхва, Ким Совол. Статьи, посвященные многогранной литературе и искусству Республики Корея читайте в рубрике «Глобус».

●●● Повесть одного из именитых представителей современной южнокорейской литературы Ли Мунёла «Златокрылая птица» представлена в рубрике «Проза». Данное произведение о сути творчества, которую каждый понимает по-своему. Истина не всегда находится на поверхности, видимые представления порой бывают обманчивы. Основная идея повести отражается в следующей фразе одного из героев – наставнике художника и каллиграфа Ко Жука: «Сесть в позу Будды еще не значит стать Буддой, голыми руками не поймаешь дракона. Лишь после многих попыток будет прок».

●●● Стихотворения таких известных татарских поэтов, как Дардманд, Наджиб Думавий, Зариф Бashiрий, Шейхзаде Бабич украсили рубрику «Поэтические меридианы».

●●● Народный писатель Узбекистана Уткур Хашимов, известный как автор бесценных произведений, внес весомый вклад также в область перевода. Благодаря ему обрели звучание на узбекском языке повести О. Берггольц «Дневные звезды», М. Карима «Долгое-долгое детство», рассказы В.Шукшина (сборник «Солнце, старик и девушка», подготовленный совместно с Х. Султановым). Помимо того, Уткур Хашимов мастерски перевел на узбекский язык произведения ряда других представителей мировой литературы, в том числе С.Цвейга, Э.Хемингуэй, К.Симонова, К.Паустовского, Дж.Лондона. В рубрике «Из сокровищницы мастеров перевода» вы сможете ознакомиться с переводческой деятельностью У. Хашимова и прочитать отрывок из повести Стефана Цвейга «Закат одного сердца».



- The people of Republic of Korea widely celebrate the Independence day of their motherland since 1945. So we focus our attention on works of Korean writers and poets in this issue of the magazine. You can read some poems by Korean classic author Jeong Cheol and also works by Hang Yong-un, Lee Sang-hwa, Kim Sowol in “Meridians of Poetry” rubric. Articles about many-sided literature and art of Republic of Korea are presented in “Globe” rubric.
- “The Golden Phoenix”, a narrative by well-known modern South Korean writer Yi Mun-yol is published in “Prose” rubric. This work is about essence of creation which is different to each of us. The truth doesn’t always comes to the surface, visible notions are deceptive sometimes. The main idea of the narrative is represented in these words told by one of characters – a painter and calligrapher Ko Juke’s preceptor: “Assuming Buddha’s pose doesn’t mean becoming Buddha, you can’t catch a dragon with bare hands. Only after a lot of attempts you can find a result”.
- Poems by such famous Tartar poets as Dardmand, Nadjib Dumaviy, Zarif Bashiriy, Sheyhzade Babic are published in “Meridians of Poetry” rubric.
- Uzbek People’s writer Utkir Hashimov, an author of invaluable works, also was a master of literary translation. He translated into Uzbek narratives “Daytime Stars” by O. Berggolts and “Long, Long Childhood” by M. Karim, stories by V. Shukshin (a collection of stories “The Sun, Old Man And A Girl” prepared with Kh. Sultanov). Utkir Hoshimov also translated works of such authors as S. Sveig, E. Hemingway, K. Simonov, K. Paustovski, J. London. In “Treasures of World Literature” rubric you can get acquainted with translation activity of Utkir Hashimov and read a part from ”A Fold of One Heart” narrative by Stevan Sveig.

Жаҳон АДАБИЁТИ

2016 йил август сони

Навбатчи мухаррир: С.АЛИЖОНОВА
Мусаххих: Д.АЛИЕВА
Компьютерда сахифаловчи: М.АЛИЕВА

ИНДЕКС 828, 829

2007 йилда №0252 рақами билан лицензия олинган.
Ўзбекистон Матбуот ва ахборот агентлигига рўйхатга олинган, №189.
Уч босма табоқ ҳажмгача бўлган қўлёзмалар қайтарилимайди.
“Жаҳон адабиёти” журналида эълон килинган асарларни кўчириб босиша
ва қайта нашр этишда таҳририятнинг ёзма розилиги олиниши шарт.

Таҳририят манзили:

100011, Тошкент, Навоий кўчаси, 30.
Телефонлар: (0371) 244-41-60, 244-41-61, 244-41-62.
Сайт: www.jahonadabiyoti.uz
E-mail: jahonadabiyoti@list.ru

Босишка руҳсат этилди 15.09.2016 й. Бичими 70x108 1/16. Офсет қозози.
Офсет босма. Шартли босма табоқ 18,2. Нашриёт босма табоги 20,0.

Адади 2160 нусха. 4409 рақамли буюртма. Баҳоси шартнома асосида.
“Жаҳон адабиёти” журнали компьютерида терилиб, “Sharq” НМАКда чоп этилди.

Босмахона манзили:

100000, Тошкент, Буюк Турон кўчаси, 41.

© Жаҳон адабиёти, 2016 й.